

DOCTRINÆ
IOANNIS CALVINI.
DE
ABSOLVTO REPROBA-
TIONIS DECRETO.
DEFENSIO.


Aduersus Scriptorem Anonymum.

Auctore MOSE AMYRALDO, Verbi Diuini
Ministro, & S. Theologiæ in Academia
Salmurienfi Professore.



SALMVRII.
Sumptibus DANIELIS LERPINIERII.

M. DC. XXXI.





VIRO OMNI LAVDE
PRÆSTANTISSIMO,
IOANNI MAXIMILIANO
LANGLÆO,
APVD ROTHOMAGENSES
VERBI DIVINI MINISTRO.



NON temerè accidit, VIR REVE-
RENDE, sed certissima Dei prouidentia fa-
ctum est, ut eodem ipso temporis articulo, quo
libellus de Absoluto Reprobationis Decreto
in manus meas peruenit, reddita mihi fuerint
ab egregia spei iuvene filio tuo literæ, quibus & de illius edi-
tione me monebas, & pestilentem eum atque perniciosum
appellabas, & incitabas denique me consilio tuo ad eius re-
futationem aggrediendam. Sperabas enim fore ut si pone-
rem operam in eo meam, rem gratam facerem omnibus bo-
nis, ob eas causas quas partim, quæ est tua in me beneuolen-
tia, explicabas aperte, partim etiam non obscure innuebas

EPISTOLA

per se faciles intellectu, propter ea quæ ante aliquot annos, ut tu optimè nosti, nobis contigere. Quo consilio Deus rem ita procurauerit, fidenter affirmare non ausim, & id euentus forte declarabit aliquando. At non negauerim tamen ea re nescio quo pacto additum mihi esse animum, ut nulla penè interposita mora, præter eam quæ necessaria fuit ut cum clarissimis doctissimisque viris collegis meis negotium communicarem, tibi obtemperare & operi manum admo- uere statuerem. Non quod priores illa rationes, quasi vel impenderet ab eo scripto veritati periculum aliquod, vel à me posset in eo depellendo quidquam memorabile præstari, vehementer me commouerint. Nam & tu, VIR PRÆ- STANTISSIME, & plurimi alij, cum in Belgio, in quo libellus excusus est, tum in Gallia nostra, in quam est pessimo consilio importatus, multo melius disputatoris istius Anonymi impetum reprimere potuissis. Nec quod tu mihi tribuis aliter agnosco, quàm quatenus voluntatis erga me tuæ singularis habet eximiam testificationem. Verum, ut nihil dissimulem, præter eas suscipiendi laboris istius causas, quas in Prefatione breuiter commemorauimus, non me leuiter impulit id quod à te posteriore loco significatum est. Cum enim nescio quo meo fato ea de me hominū sermonibus sparsa sint atque iactata à quibus vehementissimè & constanter semper abhorruimus, nactus mihi visus sum occasionem idoneam clariùs & fusiùs quam unquam fecerim antehac, de Electione & Reprobatione aduersus Arminij placita disputandi. In quo non tam existimationi meæ consulere volui, (quan-

DEDICATORIA.

quam famam negligere suam, præsertim in munere publico constitutum, atque adeo præpositum iuuenibus ad sacri ministerij functiones obeundas informandis, nemo laudabile duxerit) quàm studui scrupulos omnes, siqui supersunt in bonorum mentibus, eximere, & omnem Arminij discipulis gloriandi materiam eripere, si qui fortasse se se putant habere in hac Academia fautores. Neminem enim certè inter eos adeo futurum aut insulsum aut impudentem existimo, qui perlecta hac disputatione nos hîc occultum Syncretismum secum fouere prædicet aut arbitretur. Quod si Arminij assæcla nos habent, & in posterum tempus adhuc magis habituri sunt pro acerrimis aduersarijs, spes magna me tenet fore ut fratres, quibuscum idem Dei beneficio sentimus, omnem de nobis suspicionem longè à se amoliantur. Nam Calvinū quidem, cuius doctrinam & arctè tenemus, & quantum possumus, defendimus accuratè, si quis Arminio fauere dicat, perinde faciat ac si Herculem, ut est apud veterem Poëtam Græcum, ignavia insimularet. Denique, VIR REVERENDE, quærebam qua ratione in publico testari possem quanti faciā virtutes egregias quibus te Deus Opt. Max. tam liberaliter ornauit, pietatem, inquam, singularem & sine fūco, eruditionem perreconditā, sublimè eloquentiam, ingenium excelsū atque generosū, & alias optimas artes quibus tam magnum nomen tibi meruō comparasti. Quamobrem exultaui animo cū ea se se opportunitas obtulit, in qua & auctoritati consilij tui, & animo meo hac in parte unā obsequi possem. Vellem equidē ut is à

EPISTOLA DEDICATORIA.

quo omnis bona donatio est, eas dotes mihi indulisset ex quarum commendatione ad laudes tuas ornamentum aliquod accederet: vel saltem ut in hac mea tenuitate otium fecisset aliquanto commodius, quo liberiùs in ea disputatione versarer. Istud enim, quodcunque est, fudi potius quàm scripsi inter varias occupationes quibus impositi mihi muneris ratio, & vita humana conditio, & ut mihi quidem videtur, fors mea quadam peculiaris perpetuò me tenet obsessum & impeditum. Et quanquam prælum hoc loco valde lentum est, vix tamen quod semel initio festinanter exaratum fuit, per operarum intervalla relegere licuit, ac ne vix quidem tantulum expolire. Non ita tamen præproperè festinaui quin certò confidam in Domino nihil calamo excidisse quod non sit non modò cum Caluini sententia, sed etiam cum doctrina Christiana consentaneum. Quo nomine non dubito hanc meam opellam tibi gratam & acceptam esse futuram. Nam & Calvinum proculdubio magni pendis, & veritatem ipsam longè maximi. VALE, VIR REVERENDE, & me, ut facis, amare perge.

Tui Observantissimus,

AMYRALDVS.

Salmur. prid. Cal.
Septemb. Anno 1641.



ELENCHVS CAPITVM HVIVS DEFENSIONIS

Præfatio.	Pag. 1.
Cap. I.	Quæstio constituitur. pag. 4.
Cap. II.	Caluini sententiam non esse nouam. pag. 15.
Cap. III.	Caluini doctrinam defensoribus suis odium & infamiam accersere non debere. pag. 23.
Cap. IV.	Caluini doctrinam non inducere Stoicam vel Manichæam necessitatem. pag. 27.
Cap. V.	Caluini Doctrinam Sacræ Scripturæ non repugnare. pag. 40.
Cap. VI.	Caluini doctrinam naturæ diuinæ non aduersari. pag. 58.
Cap. VII.	Caluini doctrinam non repugnare misericordiæ Dei. pag. 73.
Cap. VIII.	Caluini doctrinam non pugnare cum Dei iustitia. pag. 86.
Cap. IX.	Caluini doctrinam non pugnare cum veritate & sinceritate Dei. pag. 120.
Cap. X.	Caluini doctrinam pietatis praxi non repugnare. pag. 119.
Cap. XI.	Caluini doctrinam ad desperationem non adigere. pag. 137.
Cap. XII.	Caluini doctrinam de dispensatione prædicationis Euangelicæ, niti verbo diuino. pag. 149.

ELENCHVS RVIVS DEFENSIONIS

- Cap. XIII. Caluini doctrinam de dispensatione Spiritus sancti verbo diuino. Ac primùm Spiritus sancti gratiam non fuisse ijs indultam quibus verbum reuelatum non fuit, ideoque non esse vniuersalem. pag. 175.
- Cap. XIV. Caluinum recte docuisse gratiam Spiritus non indulgeri omnibus ijs quibus Euangelium annuntiatur. pag. 209.
- Cap. XV. Caluini doctrinam in capite nono Epistolæ ad Rom. esse fundatam. pag. 127.
- Cap. XVI. Caluini doctrinam sibi non repugnare. pag. 253.



Approbatio.

HANCCE Doctrinæ Caluini de Absoluto Reprobationis Decreto Defensionem Auctor legendam exhibuit Viris Reuerendis Abeli Barberio, Ecclesiasta Pringiacensi, & Stephano Bloxo, Ecclesiasta Andegansenſi; quibus electione pro suo examinatorum munere defunctis, placuit & probata eſt. Approbationis teſtimonia ſunt penes auctorem.

IOH. CALVINI



DOCTRINÆ IOANNIS CALVINI

D E

ABSOLVTO REPROBATIONIS DECRETO DEFENSIO.

Aduersus libellum Anonymum.

PRÆFATIO.



ON ita pridem in lucem editus est Amstelodami libellus de absoluto Reprobationis decreto, ex Anglico, vti præ se fert, conuersus, incertum quo auctore. Quisquis est, si ex eo specimine coniecturam facere licet, vir doctus est, & in eis controuersijs quæ Belgium ante aliquot annos tantopere vexarunt, non inexercitatus: at qui mentem opinionibus Arminij in argumento celebri de Prædestinatione mancipauit. In ea opella, quam nescio quo consilio suscepit, id sibi negotij tantummodo dari credidit, vt quam Calvinus amplexus est, Ecclesiæ nostræ ab eo recepisse putantur, doctrinam de causis exitij hominum omni ope traderet ac suggillaret. Nouam enim esse primum, & ante Augustini tempora in Ecclesiâ inauditam, deinde odij atque infamiæ plenam, rursus Stoicam atque Manichæam, Scripturæ naturæque diuinæ injuri-

micam, pietati aduersariam, consolationis Christianæ pestem, & similibus alijs nominibus dignam non asseruit modò, sed & argumentis demonstrare conatus est. Nec in opere exiguo quidquam omisit quod ad illius infamationem pertinere videretur. In primis verò, quod istis hominibus solenne est, Calvinum & Ecclesiam Geneuensem sibi acriter vellicandam esse putauit. Quod ut primum oculis usurpare mihi licuit, visum quidem est haud satis dignum homine Christiano, attamen hoc tempore minimè mirum. Etenim ita nostro sæculo comparatum est, ut vix quisquam à quoquam in religionis negotio dissentiat, quin eius opinionem, quæcunque tandem illa sit, non tantùm studeat rationibus refellere, quod ferendum atque adeò nonnunquam laudabile est, sed quo iure quaque iniuria omni genere probrorum & calumniarum onerare. Nulli autem magis strenuè in ea palæstra se se exercuerunt, quam quibus in Belgio religionem nouare, & se in Arminij disciplinam tradere libitum est. Equidem quænto opere ab eorum erroribus animo dissideam, & testatum iam feci alijs scriptis, & hac quam aggredior disputatione patebit. Mihi sanè semper visi sunt & multum Dei gloriæ in opere salutis nostræ detrahare, & hominibus multo plus tribuere quàm per veritatem licet, & fundamenta pietatis ac consolationis fidelium vehementer labefactare. Ut fidenter pronunciare auisim vix ac ne vix quidem vim sensisse Spiritus Christi, qui novorum istorum, ut se se appellare solent, pietatis assertorum opinionem animo penitus imbibuerunt. Verùm quia labi & errare humanum est, eorum autem quos Arminiani dogmatis aura quædam affluit, plerique alijs in rebus idem nobiscum de religione sentire se profitentur, quidam etiam ea pollent eruditione quæ veritati Christianæ admodum vtilem operam præstare queat, nunquam in animum inducere potui ut eos conuictis, quod à meis moribus alienum est, insectari vellem, multo verò minus mihi temperare, quin magnopere doleret quod mentis errore quodam & disputationis æstu, extra veritatis oras longè abripi se se suerunt. Præcipuè dici non potest quàm magno retemptum velim ut eruditorum sui sæculi eximium decus Hugo Grotius admirabilem, quàm præditus est, ingenij vim infelicitibus istis partibus non addidisset. At non fato quidem, quod illi nobis exprobrare solent, sed certissima Dei providentia semper accidit, ut ex altis ac propemodum incomparabilibus mentibus, quæ supra reliquos mortales excellere videntur, nonnullæ in grauissimos errores inciderent. Ut nemo quod veritatem amplexus est, quod Christi doctrinam at-

tè tene,

At tenet, quod non patitur eam sibi vel mundi illecebris ac blandimentis, vel communis nostræ salutis inimici tentationibus, vel hominum hæreticorum artibus ac veteratorum strophis ex animo eripii, id suo potius arbitrio libero, quam summæ erga se Dei indulgentiæ adscribere sustineat. Nostrium est, quod vnum possumus, precibus atque votis ex intimo pectore ductis à benignissimo numine indefinenter contendere vt homines Christi sanguine redemptos, & à studio religionis alioqui non abhorrentes, vi Spiritus sui sancti à peruersis dogmatibus auertat, & luce veritatis penitissimè perfundat: interea si quid ad eorum emendationem conferre possumus, vt ne simus in eo negligentes. Ea re impulsus libellum istum ad examen reuocare constitui, atque pro viribus elaborare, vt citra inuidiam, odium, contumeliam, aliaque eiusmodi quibus animus humanus efferri ac perturbari solet, luce meridiana reddam clarius doctrinam de absoluto Reprobationis decreto, non modo non esse merito suo superioribus quibus impetitur criminationibus obnoxiam, sed etiam solidis & inconcussis in verbo Dei fundamentis nixam atque stabilitam. Quod propositum vbi cum bono Deo tenuero, non dubito quin homines quibuscum nobis res est, quique tanto conatu, tantoque impetu in Ecclesias nostras hætenus inuecti sunt, vel omnino ab opinione discedant, vel saltem multum remittant de illo odio cui huc vsque indulse sunt vsque adeò intemperanter. Cur autem Caluini sententiam ea de re nominatim defendere voluerim, duæ rationes inter alias fecerunt. Prior est, quod Pontificij, quique Arminiani appellantur, Ecclesiarum nostrarum doctrinam nullatenus ab ea dissentire existimant: nec Caluinus ab ijs hominibus laceffi solet, nisi vt inuidia quam celeberrimi viri nomini conflare satagunt, nos vniuersi conflagemus. Alterutra igitur vel nostra vel Caluini sententia defensâ, vtramque eadem opera in tuto collocatam esse putandum est. Posterior, quod præstantissimi viri virtutes, veritatis causa suscepti & exantlati labores planè herculei, & in Ecclesiam Domini nostri Iesu inæstimabilia superiore sæculo merita, à nobis non tam petere quàm flagitare videntur, vt eius memoriam à calumnijs aduersariorum singulari studio vindicemus. Illi certè quidem diuino præsidio & insita quam à veritate habet vi fretæ, nihil est ab hominibus metuendum. Inimicorum artes semper eluctabitur, & vsque ad Christi gloriosum aduentum, fideis cuiusdam instar, in orbe Christiano lucebit. At si quam notitia veritatis pectoribus nostris generositatis partem indidit, non committimus vt felices animæ quarum opera Deus in Ecclesia reformat.

da vsus est, de affectu in se nostro iure merito conquerantur. Præcel-
lentium igitur virorum innocentiam tueri, verè dicta recteque facta
laudare, & si quid fortè (nihil enim à se humani alienum putarunt)
ijs accidit, minus commodè scripta aut duriusculè enunciata, quan-
tum fieri potest, benignè interpretari, excusare facilè, ac si opus est
egregijs virtutibus condonare, & nostræ iuber humanitatis conscien-
tia, & Christi charitas imperat. Hæc breuiter præfati ad rem ipsam
accedamus, ac primum, quod omnino necesse est, ducamus initium
ab ipsius quæstionis constitutione.



CAPVT PRIMVM

Quæstio constituitur.



IC igitur Anonymus libellum exorsus est. *Qui absolu-
tum reprobationis decretum docent, duo statuunt. Primò, mo-
tiam causam reprobationis solam esse voluntatem diuinam,
non peccatum; sine peccatum originis, sine actuale. Secundò,
finalempenitentiam & damnationem reprobationem necessariam &
inevitabilem esse ex absoluto Dei decreto. Quæ duo quia vel inuidiosè,
vel falsè proponuntur, nobis sunt paulo diligentius excutienda. Pri-
mum igitur hic est à disputatore prætermisum, quod nec ignorari
nec silentio præteriri debuit ab eo cui seriò & sincerè disputare
esset animus: Quicquid nonnulli duriùs de obiecto prædestinationis
& reprobationis dixisse videantur, Calvinum in ea sententia fuisse vt
putaret, Dei voluntatem, de qua hic præcipuè agitur, in eo negotio
versatam esse circa massam generis humani corruptam. Sic enim lo-
quitur Instir. lib. 3. cap. 23. §. 3. Si quis nos huiusmodi verbis ag-
grediatur, cur ab initio Deus ad mortem aliquos prædestinarit, qui
cum nondum essent, mereri iudicium mortis nondum potuerunt;
nos responsionis loco vicissim eos rogemus quid Deum homini de-
bere existiment, si eum à natura sua æstimare velit. Qualiter pec-
cato viriati sumus omnes, non possumus non esse Deo odiosi: idque
non tyrannicâ sæuitia, sed æquissima iustitiæ ratione. Quod iudi-
cio mortis obnoxij sunt omnes naturali conditione quos ad
mortem Dominus prædestinat, de quâ obsecro eius iniquitate. er-
ga se*

ga se conquerantur? Veniant omnes filij Adami, cum suo creatore contendant ac disceptent quod æterna illius providentia ante suam generationem perpetuæ calamitati addicti fuerint, quid obstrepere aduersus hanc defensionem poterunt, vbi Deus illos ad sui recognitionem contra vocabit? Ex corrupta massa si desumpti sunt omnes, non mirum si damnationi subiacent. Item initio Epistolæ quæ libro de Prædestinatione præfixa est. Electio Dei gratuita est qua sibi *ex perduto damnatoque hominum genere*, quos visum est, adoptat. Item in ipso eo libro passim: Comment. in cap. 9. Epist. ad Rom. Instit. lib. 3. cap. 22. §. 1. & 7. atque alibi. Quæ loca fusiùs citare supersedeo, quia fuerunt & diligenter conquisita, & descripta fideliter à Clariss. Molinæo in calce Anatomies Arminianismi, atque aded etiam confirmata ex articulo 11. Confessionis Ecclesiarum nostrarum. Credimus Deum ex ista corruptione & maledictione generali in quam omnes homines demersi sunt, liberare eos quos in æterno suo consilio & immutabili elegit, &c. Nec non ex Synodo Dordracena. Can. VII. de Electione: & Can. XV. de Reprobatione. Certè si, quemadmodum Angelis qui lapsi sunt ab origine suâ, præcisa est omnis spes instaurationis, Deo libuisset genus humanum vniuersum eadem seueritate in exitio relinquere, nihil est quod cum eo propterea expostularem. Quo enim iure, quâ lege obstructus fuit vt homines sua ipsorum culpa perditos potius quam dæmones ab inferis reuocaret? Ex eo autem duo necessariò conficiuntur. Vnum quod si nulla facta esset vel electio vel reprobatio, (nulla autem facta esset si Deus omnem aditum ad misericordiam suam mortalium generi præcluseret) hominum damnatio eorum peccato, non autem absolutæ Dei voluntati adscribenda foret. Nemo enim dixerit malos Angelos pœnis æternis subditos esse ex absoluta Dei voluntate, seposito peccato. Alterum, quod si Deo visum esset electione facta, nonnullos ex hominibus ab exitio liberare, reliquos verò ita prætermittere vt nullam omnino salutis spem ijs ostenderet, futurum quidem fuisse vt electi causam haberent gloriandi in infinita Dei misericordia erga se non enarrabilem, præteriti tamen nullam causam haberent vel querendi de naminis inclementia, vel suum illius voluntati exitium imputandi. Quod enim electi consecuti forent nullo suo merito, id nihil in conditione reiectæ eorum immutasset. Eodem loco futuri fuerunt respectu voluntatis diuinæ, ac si nulli planè essent ex eorum numero segregati. Vt si ex magna multitudine reorum quos idem crimen, eadem pœnæ ferendæ necessitas implicuit, summus Magistratus quibusdam

clementer parcere constituat, cæteri non idè minus iustè puniri videbuntur. Atque id sanè docuit Caluinus & loco supra citato ex Institut. lib. 3. cap. 23. & alibi passim. Verùm, cùm generis humani calamitas in duobus spectari debeat; primùm, quod omnes homines æternæ maledictioni sunt obnoxij propter peccatum; deinde, quod si ex aliquo loco liberatio obtingat (non potuit autem aliunde obtingere quam ex Christi cruce) omnes ita sunt à natura comparati, vt nisi Deus ipse subueniat, oblatam nemo possit amplecti, nemo non sit ob inuictam cordis duritiem superbè aspernaturus, quæritur quid Caluinus docuerit de ratione dispensationis voluntatis diuinæ in vtroque illo malo tollendo. Et ad maledictionem quod attinet, vir maximus constanter scripsit, Deum erga genus humanum eatenus ita fuisse affectum, vt voluerit filium suum vnigenitum in mundum mittere, qui morte sua satisfactionem Patris inexorabili iustitiæ præstaret, eâ lege vt, nemine excepto, quicumque credet compos sit fructus propitiationis. Sic ex eius sententia nullus est cui non liceat ad salutem aspirare, modò Christum, vnicum redemptorem, vera fide amplectatur. Verba sunt illius in dictum seruatoris Ioan. 3. 16. *Sic Deus dilexit mundum, &c.* Sicuti non alibi quam in Christo tota salutis nostræ materia querenda est, ita videndum vnde nobis Christus fluxerit, cur nobis oblatus sit seruator. Vtrumque hîc distinctè nobis traditur, quod scilicet fides in Christum sit *omnibus* viuifica; & quod ideo vitam attulerit Christus, quia cælestis pater genus humanum quod amat, perire nolit. Et in Præfatione ad Biblia Gallica. Omnes sumus ad eam hæreditatem vocati, citra acceptionem personarum, mares, femina; paruuli, magni; serui, heri; discipuli magistrique; clerici, laici; Hebræi, Græci; Galli non secus atque Latini; *nemo* ab ea repellitur, quicumque certa fiducia recipiet quod ad eum mittitur, amplectetur quod oblatum est, vno verbo qui Iesum Christum talem agnoscet qualis à Patre donatus est. Et in Tractatu de Prædestinatione. Constat omnes promiscuè ad fidem & penitentiam vocari; vnum eundemque Mediatorem *omnibus* proponi, vt ab eo Deo Patri reconcilientur. Item; In Euangelio Deus manum porrigit indifferenter omnibus. Et sic varijs in locis. Ac ne quis putet salutis oblationem quæ promiscuè fit omnibus in Euangelio, rem esse minus seriam quàm vt per eam omnes certam de vita æterna per fidem obtinenda fiduciam concipere queant, idem multis locis asseruit Christum præ omnibus indifferenter esse mortuum. Verba diserta sunt in Comment. ad cap. 5. Epist. ad Rom. Communem omnium gratiam facit Apostolus

Apostolus, quia omnibus exposita est, non quod ad omnes exten-
 datur reipsa. Nam etsi passus est Christus pro peccatis totius mundi,
 atque omnibus indifferenter Dei benignitate offertur, non tamen
 omnes apprehendunt. Rursus in Comment. ad Ioan. 3. 14. & 16. Nota
 est historia (serpentis aënei) quæ habetur Num. 21. 9. Porro in hunc
 finem hoc loco adducitur, ut se doceat Christus Euangelij doctrina
 constituendum esse ante *omnium oculos*, ut quicumque ipsum fide in-
 tuiti fuerint, salutem percipiant. Vnde colligendum est Christum
 nobis in Euangelio clarè proponi, ne quis de obscuritate queratur,
 & patefactionem hanc omnibus esse communem. Et *universalem*
 notam apposuit, ut promiscuè omnes ad vitæ participationem inui-
 ter, tum ut præcidat excusationem incredulis. Eodem enim pertinet
mundi nomen, quò prius usus est. Tametsi enim in mundo nihil repe-
 rietur Dei favore dignum, se tamen *toti mundo* propitium ostendit,
 cum sine exceptione omnes ad Christi fidem vocat, quæ nihil aliud
 est quàm ingressus in vitam. Patet enim omnibus Christus ac expo-
 situs est. Et in libro de Prædestinatione. Caret controuersia Chri-
 stum pro omnibus mortuum esse. Item, & venisse expiandis peccatis
totius mundi. Neque aliter passim. Cui rei consentaneum est ut Cal-
 uinus non modò causam damnationis reproborum & incredulorum,
 quæ futura est extremo iudicio, non transferat in absolutam Dei vo-
 luntatem, sed etiam ut præter peccatum originale, quo omnes con-
 taminati sunt, & peccatum admissum aduersus legem moralem, à quo
 neminem immunem esse constat, causam damnationis in increduli-
 tatem & impænitentiam propriè conferat. Id autem facit exse-
 tè cum alibi, tum verò Comment. in cap. 3. Ioan. vers. 18. In illis verbis
 ira Dei manet super eo, inquit, Christus significat non aliud esse re-
 medium quo mortem quisquam hominum effugiat. Ac si diceret, om-
 nibus qui datam in Christo vitam reiiciunt, non restare nisi mortem:
 quam non alibi vira constet quàm in fide. Præteritum verbi tempus
in patris posuit, quo melius exprimeret de omnibus incredulis actum
 esse. Norandum autem Christum peculiariter de his loqui quorum
 impietas se in manifesto Euangelij contemptu prodiderit. Tametsi
 enim verum est non aliud unquam fuisse effugiendæ mortis reme-
 dium, quàm si ad Christum confugerent homines, quia tamen hic
 Christus disserit de Euangelij prædicatione, quæ spargenda erat per
 totum mundum, sermonem aduersus eos stringit, qui accensam diui-
 nitus lucem sponte ac malignè extinguunt. Et aliquanto clarius Com-
 ment. in Marcum cap. vlt. vers. 16. Secundo membro ubi condem-

nat Christus eos qui non crediderint, rebelles significat, dum obla-
 tam salutem respuunt, grauiorem sibi pœnam accersere, nec iam
 communi tantum humani generis interitu esse implicitos, sed pro-
 priæ ingratitudinis culpam sustinere. Iam autem quæ futura est causa
 damnationis vltimo die, eadem proculdubio causa fuit, cur Deus
 damnare ab æterno decreuerit. Rei euentum cum Dei consilio con-
 sentire necesse est. Nec fieri potest vt causa quæ Deū impulit ante ia-
 cta mûdi fundamenta, vt vellet magnâ hominû partē olim damnare,
 toto genere diuersa sit ab ea quæ eum impellet in mundi fine vt velit
 actu damnare magnam hominum partem. Quamobrem ista duo ex
 aduerso sibi respondent, vt quemadmodum si quis interroget quare
 Paulus Apostolus seruandus sit, nemo qui rem apud se rectâ viâ re-
 putauerit ad absolutam Dei voluntatem confugiendum esse cense-
 bit: hærebit in Apostoli fide quâ adhibuit Euangelio. Sic vbi quæret
 aliquis cur Christi proditor Iudas sit damnandus, ad absolutam Dei
 voluntatē nemo sanus transuolauerit: in Iudæ peccato & impœnitētia
 consistet. Itaque si Reprobatio Anonymo est decretum de damnan-
 dis quibuscūq; hominibus, falsū est quod asserit, Decreti absoluti defē-
 sores statuere motiuam illius causam sitam esse in vnâ voluntate diui-
 na. Nam voluntas quidem Dei hic intercedit; siquidem Deus non
 damnat nisi volens. At cur sic voluerit, causam habuit peccatum &
 obstinationem in peccato inuictam. Quod cur reprehendant Armi-
 nij sectatores non video.

Ad alterum mali genus quod spectat, docet constantissimè Cal-
 uinus id esse eiusmodi vt tolli haudquaquam possit, nisi sola Dei po-
 tentissima efficacitate, vsqueadē penitus à naturâ infedit, & peccā-
 di consuetudine inoleuit. Nam in duabus illis rebus, natura corruptâ
 & prauâ consuetudine, vim istius mali constituere solet. *Locus* ⁱⁿ
 primis illustis Comment. in Ierem. cap. 13. 23. *An mutabit Æthiops*
pellem suam &c. Videmus quid velit Propheta: nempe Iudæos lon-
 ga consuetudine ita esse corruptos, vt resipiscere nequeant: quoniam
 scilicet diabolo se mancipauerint, vt non sint compotes mentis, nul-
 lum sit amplius in illis iudicium vel discrimen boni & mali. Docti ho-
 mines nostro sæculo non satis prudenter locum hunc traxerunt in
 disputationem, cum vellent probare non esse in homine liberum ar-
 bitrium, nec homines posse suo Marte conuerti ad Deum, vel resipif-
 cere. Neque enim de natura hominis hic simpliciter agitur, sed de ha-
 bitu qui contrahitur ex longa consuetudine. Aristoteles qui fuit ma-
 gnus assertor liberi arbitrij, tamē fatetur nō esse in potestate hominis
 bene

benè agere cùm ita vitijis suis imbutus est vt iam sibi ademerit liberam electionem, 7. lib. Ethic. & hoc etiam docet experientia. Videmus ergo locum hunc perperam tractum fuisse ad probandam sententiam quæ per se vera est, & multis scripturæ locis optimè confirmatur. Ieremias ergo hic non respicit quæ sit hominum natura, vel quid afferant ex vtero: sed inuehitur aduersus Iudæos qui contraxerant talem habitum ex longo peccandi vsu. Quoniam enim obduruerant ad malè agendum, dicit non posse resipiscere, & ita hære vel infirmam esse malitiam in ipsorum cordibus, sicuti pelli Æthiopum adhæret nigredo, & maculæ similiter adhærent vel pardis vel pantheris. Interea colligitur ex hoc loco utilis doctrina; nempe sic corrumpi homines dum peccatis assuescunt, & sibi etiam indulgent, vt Diabolus ipsis adimat omne rectè agendi studium: denique vt sint prorsus incurabiles: quemadmodum etiam videmus contingere in morbis. Nam morbi chronici vt plurimum sic peruertunt quicquid sanum erat ac sincerum in corpore, vt tabes paulatim inualescat. Vbi ergo corpus sic longa tabe infectum est, nulla est spes sanitatis. Poterit quidem protrahi vita, sed non sine continuo languore. Quantum autem ad spirituales morbos pertinet, vbi putredo intimos sensus corripit, fieri non potest vt quis resipiscat. Interim tamen notandum hic non disputari de potentia Dei, sed tantum ostendi omnes eos qui obduruerunt in suis vitijis, quantum ad ipsorum ingenium spectat, esse incurabiles, & desperatos. Deus autè potest etiam ex profundissimis inferis educere qui centies sunt desperati. Quam doctrinam si rejiciant Remonstrantes, non iam eos veræ φιλοσοφίας ἀγένης (nam ad vim illà consuetudinis & similitudinē è morbis chronicis desumptā quod attinet, hausit superiora Calvinus ex Ethic. ad Nicom. lib. ab ipso citato) sed Pelagij discipulos se se aperte profiteri necesse est. Certè Apostolus districte negat hominē animalē posse ea quæ sunt Dei comprehendere: Item carnem legi Dei se se subicere posse. Et quā multa alia loca idem demonstrant. Duo sunt igitur ad morbum istum, cū natura insitutum consuetudine corroboratum, ex animo tollendum absolutè necessaria. Vnum vt externa prædicatione salus offeratur, tanquam obiectum natura sua aptum ad alliciendas hominum mentes. Alterum, vt mentes ipsæ, quia cæcæ sunt ac voluntates peccato penitus imbutæ, intrinsecus illuminentur, & afficiantur potentissimè virtute spiritus Dei, quo fiat vt obiecti excellentiam & peruidere queant, & reuera peruideant atque amplectantur. Restat ergo vt quæ fuerit hæc in parte voluntatis diuinæ, ex Caluini sententia, dispensatio, disquiramus.

1. Cor.

2. 14.

Rom.

8. 7.

Et de propositione obiecti quidem mens Caluini aperta est. Vult enim, vt iam supra vidimus, externam prædicationem esse communem; quod tamen explicat adhibita distinctione. Nimirum institutum diuinum quo ministris Euangelij suum munus demadatum est, distinguit ab arcana prouidentia qua Deus rerum euentus occultis quibusdam rationibus moderatur. Nam ex instituto diuino cunctis in vniuersum hominibus, quantum quidem id fieri potest, Seruatorem offerri debere contendit, neque quemquam à communione salutis arcendum esse putat, qui fidem Euangelio præbere vult. Sic enim loquitur Comment. ad Matth. 28. vers. 19. *Docete omnes gentes, &c.*

” Hic Christus sublato discrimine Gentes æquat Iudæis, & vtrosque promiscuè in fœderis societatem admittit. Quo etiam pertinet ex-
 ” cundi verbum. Nam Prophetis sub lege præscripti erant Iudææ limi-
 ” tes: nunc verò diruta maceria Euangelij ministros procul exire iubet
 ” Dominus ad spargendam per omnes mundi plagas salutis doctri-
 ” nam. Quamuis enim primogenituræ dignitas inter prima exordia
 ” manserit apud Iudæos, communis tamen Gentibus fuit vitæ hæredi-
 ” tas. Cuius rei rationem ipse reddit Præfatione ad Biblia, supra citata.
 ” In plenitudine temporum venit magnus ille Messias, & omnia abso-
 ” lutissimè perfecit quæ ad redemptionem & salutem nostram necessa-
 ” ria erant. Datusque fuit non Israelitis solum, sed omnibus hominibus
 ” omnium gentium atque regionum, vt natura humana per eum Deo
 ” reconciliaretur. Atque ad eam rem declarandam Dominus noster Ie-
 ” sus (qui totius negotij fundamentum est atque substantia,) Apostolos
 ” suos ordinauit, quibus hoc munus imposuit, id dedit in mandatis vt
 ” gratiam ipsius per mundum vniuersum publicarent. Quamuis autem
 ” ex illis verbis facile sit intelligere, rem agi vel maximè seriò, id tamen
 ” paulo dicit accuratiùs ac magis emphaticè ad ea in quibus Apostolus

Act 17.
30.

ait, *nunc Deum denunciate mutamur non vt respiciant.* Interea colligi-
 ” mus ex hoc loco in quem finem prædicetur Euangelium. Nempe vt
 ” Deus à prioris vitæ erroribus nos ad se colligat. Ergo quoties auribus
 ” nostris insonat vox Euangelij, sciamus Deum nos hortari ad pœniten-
 ” tiam. Notandum etiam quod Deo loquentis personam tribuit, quam-
 ” quam id faciat per homines. Neque enim plena aliter Euangelio au-
 ” ditoritas constat, quantam cœlestis veritas meretur, nisi dum illum
 ” Prophetici muneris præsidem respicit fides nostra, & ab eius ore pen-
 ” det. Nec in re perspicua opus est pluribus testimonijs. Verum etsi
 ” munus istud omnibus Euangelij ministris ita demandatum est, docet
 ” tamen idem Calvinus occulta Dei prouidentia fieri vt Euangelij præ-
 ” dicatione

dicario variè dispenseetur. Et certè vitæ lampadem non ita hæcenus
 Euangelij præcones per orbem circumtulērunt, quin sic volente
 Deo, magna pars terrarum densissimis tenebris etiamnum occupetur.
 Quod si ab eo huius rei causam requiras, non negauerit quidem mul-
 tas hæcenus ea luce priuatas fuisse nationes, quia se se cognitione
 Christi horrendis vitij indignas præbuerunt. At si instituta compa-
 ratione inter varios populos æque indignos isto beneficio quæras cur
 alios Deus alijs in eo concedendo prætulerit, rem ad liberrimam eius
 voluntatem & inscrutabile consilium referet. Et id passim fecit, nul-
 quam tamen luculentius quam Comment. ad Act. 16. 6. Quod sine
 discrimine quocunque ventum erat se ad docendum parabant Apo-
 stoli, id faciebant pro sua vocatione & ex Dei mandato. Nam sine ex-
 ceptione ad promulgandum inter Gentes Euangelium missi erant;
 sed Dominus consiliū suum in gubernando eorum cursu, quod prius
 occultum erat, in ipsis temporum articulis patefecit. Sed hic nasci-
 tur difficilis quæstio: Cur Dominus in Asia vetuerit Paulum loqui, &
 in Bithyniam venire passus non sit. Nam si responsum fuerit indi-
 gnas fuisse Gentes istas salutis doctrina, rursus excipere licebit, cur
 Macedonia dignior? Qui nimium sapere appetunt, causas huius dis-
 criminis assignant in hominibus: quod Dominus quosque dignetur
 suo Euangelio, vt ad fidei obsequium propensos vider. Sed ipse lo-
 ge aliter pronunciat: nempe se palam apparuisse his à quibus non fuit
 quæsitus, & his locutum esse qui de eo non interrogabant. Vnde e-
 nim docilitas & obsequendi animus, nisi ex eius spiritu? Certum est
 igitur alios alijs suo merito non præferri, cum natura peræque omnes
 à fide auersi sint. Ideo nihil melius quàm liberam Deo potestatem re-
 linquere, vt gratia sua dignetur aut priuet quos visum est. Neque ta-
 men Deo ipsi iusta ratio deest, cur certis quibusdam offerat suum
 Euangelium, alios autem prætereat. Sed rationem illam dico in arca-
 no eius consilio latere. Quam posteriorem Caluini sententiæ partem
 Arminius improbauit: causas improbationis postmodū expendemus.

De interna virtute Spiritus, quæ sola potest mentes ita re-
 formare vt obiectum non respuant, duo quærentur. Prius, vtrum
 discrimen eatenus aliquod inter homines Deus statuerit. Posterius, id
 si factum est, quæ causa Deo fuerit discriminis istius statuendi. Et
 de priore quidem Caluini sententia plana est. Quosdam enim ab æ-
 terno Deum selegisse vult, in quibus efficacissimam potentissimam-
 que virtutem sui Spiritus exereret, vt sic ingenerata fide, eos ad sa-
 lutis possessionem certo destinatoque perduceret. Reliquos præter-

lib. de
Prædest

missos esse contendit, quibus tantā prærogatiuā Deus indulgere noluit. De posteriore videri forsitan possit aliter atque aliter loqui. Interdum enim vt electorum segregationem misericordiæ attribuit, sic reprobationem iudicio tribuere videtur. Vt in illis verbis ex Augustino citatis: Cur non omnes docet vt veniant ad Christum, nisi quia
 ” omnes quos docet, misericordiā docet, quos autem non docet iudicio non docet? Et in illis ex eodem auctore. Quis verò tam impiè desipiat vt dicat, Deum malas hominum voluntates, quas voluerit, quando voluerit, vbi voluerit in bonum non posse conuertere? Sed quum facit, per misericordiam facit; cū non facit per iudicium non facit. Nonnunquam id videtur vni Dei voluntati imputare, citra respectum vllum ad peccatum seu quamuis aliam qualitatem in hominibus hærentem. At ista conciliare promptum est, si meminerimus illius distinctionis quam supra ex ipsius Caluini verbis attulimus, cū de Euangelij prædicatione loqueremur. Reprobi enim duobus modis hīc spectari debent, vel absolutè in se, vel instituta comparatione cum electis. Et absolutè in se quidem si considerentur, dignos fuisse asserit qui à Deo prætermitterentur. Illi enim quo malo digni non iudicabuntur, & qui sunt ab vtero deprauati, & qui sponte sua in peccatum iuere præcipites, & qui denique sunt ita comparati vt Deum acerrimo odio habeant, atque adeo non possint non habere? Itaque nihil eatenus passi sunt nisi iustissimè, nec si tales non fuissent, omnino Deus prætermisisset. Si cum electis comparentur, æque omnes indigni fuere quibus Deus tantam largiretur gratiam; æque digni quos in peccato in æternum iacere pateretur. Quando igitur sunt omnes inter se æquales, discriminis ratio aliunde petenda est quàm ab eorum vel dignitate vel indignitate. Nullam vero aliam occurrere Caluinus vbique docet, præterquam quod sic Deo libuit pro liberrimo beneplacito iuxta illud, *miserebor cuius miserebor, &c.* Id autem ex multis locis constat; producā maxime memorabiles.
 ” Deus, inquit, in vitiata hominis natura qualis in Esau & Iacob fuit,
 ” nihil potest considerare quo ad bene faciendum inducatur. Quum
 ” ergo dicit vtrumque nihil boni aut mali tunc egisse, simul addendum est quod ipse præsumit: vtrumque scilicet esse filium Adæ, natura peccatorem, nulla iustitiæ macula præditum. Porro, etsi sola vitiositas
 ” quæ diffusa est per totum humanum genus antequam emergat in actum, vt loquuntur, ad damnationem sufficiat, vnde sequitur merito reiectum fuisse Esau, quia naturaliter erat filius iræ: ne quis tamen maneat scrupulus, ac si vilius culpæ aut vitij respectu deterior eius conditio fuisset, non minus peccata quam virtutes excludi vtile fuit.

Ad
Rom.
9. 11.

Verum quidem est propinquam reprobationis causam esse quia sumus omnes in Adam maledicti: tamen ut discamus in nudo & simplici Dei beneplacito acquiescere, ab hoc quoque intuitu nos tantisper Paulus subducit. Certè merito suo reiectus fuit Esau, si in se spectetur. At compara eum cum fratre, qui id ipsum pariter cum eo meritus erat, & causam reiectionis diuersam audies. Est, inquit, testimonium sumptum ex Malachia cap. i. vbi Dominus Iudæis ingratitude exprobraturus suam prius in eos bonitatem enarrat. Dilexi vos, inquit, & subiecit, vnde eius amoris exordium? Nonne frater erat Esau Iacob? Ac si diceret, quid habuit prærogatiuæ cur fratri à me præferretur? Nihil sanè. Erat enim ius æquum, nisi quod naturæ lege hic qui minor natus erat, subijci illi debuit. Tamen ego hunc assumpsi, illum repuli. Vtique sola mea misericordia, nulla operum dignitate inductus. Deinde in ea verba, *quorum vult miseretur, quem vult indurat*. Minimè debium est Paulum è suo ipsius sensu hæc loqui, quemadmodum paulo ante admonuimus, Deum scilicet pro arbitrio suo quem visum illi fuerit misericordia dignari, in quemcunque libuerit, iudicii seueritatem stringere. Hoc enim vult efficere apud nos, ut in ea quæ apparet inter electos & reprobos diuersitate, mens nostra contenta sit, quod ita visum fuerit Deo eos illuminare in salutem, alios in mortem excæcare: neque superiorem causam eius voluntate inquirat. Insistere enim debemus in istas particulas, cuius vult, & quem vult: ultra quas procedere nobis non permittit. Eo quid dici potest clarius? Hæc tamen videntur adhuc clariora, in lib. de Prædest. Quos ænigmaticè alloquutus est Christus sine profectu, indignos maiori luce fuisse non nego: sed rogo vicissim quo merito digniores fuerit Apostoli, quos familiariter Christus admittit? Statuitur antithesis, paucis conferri gratiam, quæ omnibus ex æquo iure negari poterat. Item. Eiusdem farinae alia Pighij obiectio. Reprobos ab electis nego discerni vllò meriti proprii respectu; quia Dei gratia adoptione dignos faciat, non inueniat. Alibi nego iniuriam fieri reprobis, quia digni sunt qui pereant. Hic se expansis alis tumultuosè iactat Pighius, quod neque meipsum intelligam, neque meminerim quid à me prius dictum esset. Mihi vero in defensione multum verborum facere adeo operæ pretium non videtur, ut paucis quoque attingere pigeat. Ut alios Deus alijs præferat, ut alijs præteritis alios eligat, non ex hominum dignitate pendet discrimen. Ergo falsum est dignos æterno interitu reprobos esse. Ac si priore membro non fieret hominum comparatio inter se, & dignitas non referretur ad vitæ præmium: in secun-

do autem mēbro non æqualis omnium conditio statueretur. Quamobrem, ex sententia Calvini, Reprobatio causam, vt loquuntur, mortuam habet in vicio reprobis ipsis insito, si absolute in se spectentur. Si comparatē, impulsiva causa est in mera Dei voluntate. Atque hæc de priore placito quod Anonymus attribuit absoluti decreti defensoribus.

Alterius explicatio haud minus necessaria foret, nisi ex antedictis iam esset elucidatum. Ac primum distinguenda sunt quæ disputator confundere videtur: damnatio scilicet, & impœnitentia finalis. Et ad impœnitentiam finalem quod attinet, voluntas Dei in eo negotio de quo agitur, à Calvino consideratur duobus modis: Nempe definit quidē utrobique Deus aliquid; at in electione affirmative: constituit enim efficere vt electi credant: in reprobatione negative, statuit enim non efficere vt credant, sed eos naturæ suæ permittere decernit. Vnde sit necessario vt neque credant neque resipiscant. At necessitas illa finalis impœnitentiæ non magis ideo voluntati diuinæ imputari potest, quàm tenebræ soli attribuuntur, dum abest. Consequens quidem certè inenitabile est, Deo sustinente actionem quæ sola potest hominum mentes immutare, vt illæ magis ac magis obdurescant. Verum quod indurescunt id habent ab innato vicio tantquam à propria & adæquata causa; à Dei voluntate minimè, nisi tantquam a causa deficiente, quæ ipsa in effectum non influit; hoc vnum præstat, quod effectum ab alia causa pendentem non impedit alia actione intercedente. Vt si quis corpori graui ideoque naturæ sponte deorsum tendenti, manum non opponat, quæ naturalem impetum inhibeat. Atque ex eo alterum de damnatione sequitur. Siquidem cum impœnitentia, si certitudinem euentus respicias, sit planè inenitabilis, impœnitentiam autem damnatio necessariò sequatur, quin damnatio sit pariter inenitabilis, omnino fieri nequit. At vt impœnitentia non aliter adscribitur immutabili & absoluto Dei decreto, quàm vt causæ quæ deficit, consentaneum est vt damnatio ipsa eodem modo ad Dei voluntatem referatur. Nam vt causa causæ, inquit Anonymus alicubi, est causa causati, sic etiam non est aliter causari causa, quàm quomodo causæ ipsius causa est. Atque sic docuisse Caluinum infinitis propemodum testimonijs confirmare possum, in quibus à se longissimè remouet rancidas illas & illiberales calumnias, quasi Deum peccati causam statueret, & ostendit impœnitentiæ culpam penes vnum hominem residere, reprobationem verò respectu Dei consistere in mera negatione actionis, meraquæ præteritione nonulorum

lorum. Verba sunt viri maximi, lib. de æterna prædestinatione. Scire velim si communi naturæ relictæ forent Esau & Iacob, quid bonorum operum in secundo magis quàm in priore Deus reperisset. Perzque sane ambo lapidei cordis duritia oblatam salutem repulissent. Item, præparasse Deum vasa misericordiæ in gloriam testatur: Si hoc speciale est electis, reliquos ad interitum apratos esse constar, quia naturæ suæ RELICTI, certo iam exitio deuoti sana. Verum quid multis opus est? Titulus ipse libri quem ea de re præcipuo studio scripsit, quid senserit ponit extra omnem controuersiam, De æterna Dei prædestinatione, quâ in salutem alios ex hominibus elegit, alios suo exitio RELIQVIT. Vt igitur rem in pauca conferamus, controuersia in eo vertitur, vtrum causas ex quibus fides necessariò gignitur, in æterno de prædestinatione decreto Deus voluerit esse omnibus hominibus communes, an verò peculiare non nullis, quos sic ad salutem deducere constituerit, reliquis iusto iudicio præteritis. Rem Calvinus ipse verbis istis coneludit. Christus quem miseretur, vocat. Item, si voluisset, ex indeuotis fecisset deuotos. Sed Deus quos dignatur, vocat, & quem vult, religiosum facit. Quis totam huius quæstionis summam his paucis verbis comprehendere non videt? Quod non omnes ad Christum accedunt, vt salutem consequantur, causa est, quia Deus eorum corda efficaciter non tangit. Cõuersionem hominis ex gratuita Dei electione manare pronuntiandum est. Cur alijs reprobatis alios vocet, in solo eius arbitrio positum esse, dissimulandum non est. His tribus capitibus statum quæstionis contineri & finire, nemo mediore iudicio præditus nescit. Et sic passim. Quæstione constituta, nunc aduersarij rationes examinemus.



CAPVT II.

Caluini sententiam non esse nouam.

*Argtm. Adversarij non
primi*

PRIMVS Anonymi insuleus sic habet. *Contra hanc sententiam militare videtur monitas eius: Dicunt enim nonnulli eam ante Augustini tempora priorum saculorum Christianis in mandatum fuisse, multaque contra eam testimonia veterum scriptorum producantur. Apud Minutium Felicem obicit Paganus:*

Quidquid agimus ut alij fateri, ita vos Deo addicitis: iniquum igitur Deum fingitis, qui sortem in hominibus puniat, non voluntatem. *Cui respondet Christianus*; Deus cum vniuersam præscit materiam, pro meritis & qualitatibus singulorum etiam fata determinat. &c. *Hieronymus ad. Gal. cap. 1. 15.* Ex præscientia Dei euenit, ut quem iustum futurum scit prius diligat quam oriatur ex vtero, & quem peccatorem oderit antequam peccet. *Idem etiam cap. 1. Malach.* Dilectio & odium Dei vel ex præscientia nascitur futurorum, vel ex operibus: alioquin nouimus, quod omnia Deus diligat, nec quicquam eorum oderit, quæ creauit. *Et lib. 3. contra Pelagium.* Eligit Deus quem bonum cernit. *Fulgentius lib. 1. ad Monim.* Quos præsciuit Deus hanc vitam in peccato terminaturos, prædestinauit supplicio interminabili puniendos. *Ipsæ etiam Prosper ad obj. 3. Gall.* Non ex eo necessitatem pereundi habuerunt quia prædestinati non sunt, sed ideo prædestinati non sunt, quia tales futuri ex præuocatione præsciti sunt. *Et Paulo post,* Quia illos ruituros propria voluntate præsciuit, ob hoc à filiis perditionis nulla prædestinatione discreuit. *Et Respons. ad obi. 12.* Vires obedientiæ non ideo cuiquam subtrahit, quia eum non prædestinauit; sed quia recessurum ab ipsa obedientia ipse præsciuit, ideo eum prædestinauit. *Non ita igitur merito videtur accusari hæc doctrina.*

lib. de
Prædest

Ad accusationem de nouitate Calvinus ipse sic respondebat. Sed quia odiosè nobis ingeritur veteris Ecclesiæ auctoritas, breuiter etiam præfari operæ pretium est, quàm iniuste hac partim falsa, partim friuola inuidia prematur Christi veritas. Augustini tamen verbis potius quàm meis hoc quidquid est criminationis diluere malo. Nam & sanctum virum eodem olim probro vexabant Pelagiani: quod sibi aduersos haberet alios Ecclesiæ scriptores. Primum ergo excusat quod ante exortam Pelagij hæresin, non ita subtiliter neque exactè de Prædestinatione id quod erat tradiderunt. Quid igitur opus est, inquit, ut eorum scrutemur opuscula, qui priusquam ista hæresis oriretur, non habuerunt necessitatem in hac difficili ad soluendum quæstione versari? Quod procul dubio facerent si respondere talibus cogerentur. Prudenter certè non minus quàm ingenuè dictum. Nisi enim eum excercuissent gratiæ Dei hostes, nunquam ad excutiendam Dei electionem adeo fuisset attentus, sicuti fatetur. Nam in libro cui titulum fecit, De bono perseuerantiæ; Hæc, inquit, certa est ac manifestata prædestinatio sanctorum, quam postea diligentius & operosius, cum aduersus nouam sectam disputarem, defendera

defendere necessitas compulit. Didicimus enim singulas quasque „
hæreses intulisse Ecclesiæ proprias quæstiones, contra quas diligen- „
tius defenderetur scriptura diuina, quam si nulla talis necessitas co- „
geret. &c. Sic ille ex Augustino. Certè non omnino nouum esse
putandum est quod Augustinum habuit assertorem. Et fatetur qui-
dem alicubi Calvinus plerosque Theologos ante sancti Patris illius
tempora, ea de re ita locutus esse, vt eorum verba non admodum dif-
ficile sit in sequiorem partem interpretari. At multa sunt quæ cri-
minationem istam depellere, & à doctrinâ Calvinî nouitatis inui-
diam omnem amoliri posse putamus. Ac primum quidem illud est,
quod si sententia quam Augustinus defendit, minus cognita fuit
ante natam Pelagij hæresim, postquam ab eo in clariorem lucem
producta & argumentis è Scriptura depromptis euidenter confirma-
ta est, tam multos sectatores habuit, vt si quis ab ea fuerit alienus,
idem iudicatus sit a veritate Catholica defecisse. Ex quo facile est
intelligere doctrinam de Natura & Gratia superioribus sæculis obscu-
rè quidem & imperfectè fuisse traditam; tenuisse tamen illam ve-
teres Ecclesiæ doctores confusè; & si quid in ea perplexitatis, hæsi-
tationis dubitationisque fuit, facile præualuisse partem quæ ad veri-
tatem inclinabat. Nam simulac paulo dilucidius proposita fuit, nul-
lo negotio se se in animos verè Christianorum insinauit. Vt qui in
exigua & maligna luce fuerunt educati, siquod ex inopinato clarius
exoriatur iubar, statim agnoscunt, & admittunt, & summa cum ani-
mi voluprate contemplantur. Quod exemplo non caret cum in ve-
teribus, tum in recentioribus Ecclesiæ temporibus. Alterum est, quod
cum ante hæreses excitatas Theologi minus circumspectè de quibus-
dam Religionis capitibus locuti sint, vt est obseruatum ab Augustino,
æquum non est eorum testimonia vel præferre vel ex æquitate aucto-
ritate lucubrationibus præstantium virorum, qui ab hostibus verita-
tis lacesciti, multo diligentius in eius inquisitionem incubuerunt,
maioresque attulerunt ad explicanda verbi diuini mysteria, & medi-
tationem animi & sermonis accurationem. Nam, exempli gratia,
quis affirmare ausit in ea quæ de naturis deque persona Christi Ec-
clesiam olim exercuit, controuersia decidenda, pluris esse facienda
Origenis & aliorum scripta qui vixerunt antequam Arius virus suum
spargeret, quàm Athanasij, Hilarij & cæterorum qui tantum studij
& operæ in asserenda doctrinâ Catholica posuerunt? Aut si qua de
vi & efficacia satisfactionis Christi quæstio pacem Ecclesiæ sollicitet,
est ne aliquis qui illam potius existimet ex eorum auctoritate com-

ponendam qui scripserunt ante aliquot sæcula, quàm qui nostra memoria aduersus pestilentissimum Socinum diligentissimè laborarunt? Multa sanè sunt præclare dicta à veteribus in eam rem. At pluris æstimo vnus Amplissimi Grotij de Satisfactione disputationem, quàm quod omnes vel Tertulliani vel Lactantij de natura & virtute sacrificij Christi vnquam commentati sunt. Quidni ergo Augustinum, Prosperum & reliquos qui eandem viam contra Pelagium institerunt, præponemus cæteris doctoribus, quibus nondum satis cautè in eo argumento versantibus multa minus accuratè dicta excidisse necesse est? Tertium illud est, quod Augustinus ipse, cum Pelagij discipuli in veterum scriptis se magnificè iactarent, strenuè negauit omnes sibi esse aduersarios. Nam & Ambrosium vocauit ad partes, & nonnullos alios, vt Cyprianum Christi martyrem, & Gregorium, virum sanctum, idem cum Ambrosio sensisse disputauit. Equidem, vt supra vidimus, duo sunt in quibus ex Caluini sententia, quæstio præcipuè vertitur. Vnum vnde fiat vt Euangelium his annuncietur, illis minimè. Alterum, num destinato consilio Deus Euangelij prædicationem decreuerit in aliquibus efficacem reddere ad fidem ingenerandam, per quam, cæteris præteritis, ad salutem infallibiliter perducantur. De priore autem verba sunt Hieronymi disertissima, Epistola ad Ctesiphontem. Solet nobis obijcere contubernalis vester Porphyrius qua ratione clemens & misericors Deus ab Adam vsque ad Moysen, & à Moysè vsque ad aduentum Christi, passus sit vniuersas gentes perire ignorantia legis & mandatorum Dei. Neque enim Britannia fertilis prouincia tyrannorum, & Scoticæ gentes, omnesque vsque ad Oceanum per circuitum barbaræ nationes, Moysen Prophetasque cognouerunt. Quid necesse fuit eum in vltimo venire tempore, & non priusquam innumerabilis periret hominum multitudo? Quam quæstionem beatus Apostolus ad Romanos scribens, prudentissimè ventilat, ignorans hæc & Dei concedens sapientia. Dignare & tu ista nescire. Concede Deo potentiam sui. Nequaquam te indiget defensore. Quæ à Caluini sententia non discrepant. De posteriore ita senserunt, vt animaduersum est ab eruditissimo Vossio; initia fidei & prima regenerationis rudimenta, esse ab ea Dei gratia quæ omni modo præuenit animum, quæque eum præparat ad incrementa virtutum ab eadem Dei liberalitate consequenda, absque quo foret vt nemo Christi crucem non esset repudiaturus. Cuius rei longè maximum argumentum est, quod vbi Pelagius aliter docere cœpit, damnatus est ab vniuersis, vt qui descisceret

Mist.
Pelag.
lib. 6.
p. 546.

non à veritate Christiana duntaxat, sed etiam à sententia doctorum Catholicorum. In quo duo nobis obseruanda videntur. Vnum est, quod etsi veterum Patrum doctrina non est omnibus numeris suis absoluta, (aliquid enim dicendum fuit disertius de discrimine deque causâ discriminis quod catenus inter homines intercedit, & ulterius procedendum in explicatione cum efficacitatis gratiæ Dei, tum certissimi qui ex ea sequitur euentus in fide, perseverantia atque salute) quæ tamen ita sunt ab illis imperfectè aut obscuriusculè dicta, non pugnant cum ijs rebus quas Augustinus ad pleniorē rei elucidationem & confirmationem adiungendas esse duxit. Quocirca cum doctrina Caluini concordare necesse est, quandoquidem ab Augustini opinione, aduersarijs ipsis fatentibus, non dissentit. Non igitur idē magis nouitatis in simulari debet, quia ante Augustini cum Pelagianis disputationis plenissimè tradita non est, quam quisquam iure Philosophiam penitus incognitam fuisse dixerit ante Aristotelem, quia quæ paulo fortasse confusius atque perturbatiùs à Platone, Socrate, Hippocrate & alijs de rerum natura prodita erant, & penitus ille perspexit, & prouexit longius, & maiore industria atque accuratione tractauit. Verba sunt Augustini lectu & consideratu dignissima libro de bono Perseuerantiæ, cap. 19. Isti tales tantique doctores, (Cyprianus, scilicet, Ambrosius, Gregorius, atque alij) dicentes non esse aliquid de quo tanquam de nostro, quod nobis Deus non dedit, gloriemur: nec ipsum cor nostrum & cogitationes nostras in potestate nostra esse, & totum dantes deo, atque ab ipso nos accipere confiteres, vt permanēsi conuertamur ad eum, vt id quod bonum est nobis quoque videatur bonum, & quod velimus illud, vt honoremus Deum & recipiamus Christum, vt ex indeuotis efficiamur deuoti & religiosi, vt in ipsam Trinitatem credamus, & confitemur etiam voce quod credimus; hæc utique Dei gratiæ tribuunt, Dei munera agnoscunt; ab ipso nobis, non à nobis esse testantur. Nunquid autem quisquam eos dicturus est ita confessos istam Dei gratiam, vt auderent negare eius præscientiam, quam non solum docti sed indocti etiam confitentur? Porro si hæc ita Deum nouerant dare vt non ignorarent eum daturum se esse præscisse, & quibus daturus esset non potuisse nescire, *procul dubio nouerant prædestinationē* quam per Apostolos prædicatam contra nouos hæreticos operosius diligentiusque defendimus. Alterum ex superiore colligitur. Nempe excusari certè non possunt veteres Ecclesiæ doctores, si qui sunt, qui prædestinationis ad gloriam & electionis æternæ causam in præ-

uisione meritorum humanorum collocant. Nam quæ sunt illa merita humana? Aut quid fingi potest à religione magis alienum quam ut Deus ab homine præueniatur, adeoque benè merendo? Quia tamen fidei præscientiam causam prædestinationis ad gloriam, præuisionem incredulitatis causam decreti de damnandis reprobis statuere, non sunt ideo continuè existimandi facere cum Pelagianis aut Semipelagianis quique sint, dummodo crediderint, id quod multis supra tribuit Augustinus, fidem quam Deus præuidit, ab eo præuisam fuisse, quia donare eam ipse absolutè decreuerat; præuisam itidem fuisse incredulitatem certissimè, quia cordis duritiem non emollire absolutè constituerat. Quo enim modòcunque vel Calvinus vel Augustinus vel alius orthodoxus sententiam suam super isto negotio explicauerit, res eodem recidet. Sunt ista planè paria. Seruabo omnes qui credituri sunt. At Petrus credet; quia sum illi ad fidem indulturus gratiam efficacissimam & nulli impedimento superabilem. Ergo Petrum certissimè seruabo. Et; Volo certissimè seruare Petrū: ideoque illi volo fidem indulgere, absque qua decreui seruare neminem. Nec si Arminij discipulis posterior hæc enunciandi ratio haud satis placeret, priorem vero sententiam ex animo amplectantur, quidquam inter nos dissidij futurum iam pridem liberaliter spondit Amesius à maximo, scribens ad Greuincouium. Dixi, inquit, Prædestinationem non esse ex fide, quia est ad fidem. Hoc ille sequi negat, quia duplex est prædestinatio, alia ex fide, ad fidem alia. Itane, inquam, certarum singularium personarum (de istis enim agitur) particularem agnoscis prædestinationem ad fidem? Imò verò, ait Greuincouius, statuo atque agnosco duo & quidem particularia decreta; sicut enim in genere est, ita etiam in particulari, nulla potest huius esse electio ad salutem ex fide præuisa, nisi prior sit electio ad fidem. Honesta hæc quidem oratio, inquit Amesius, quæ sincera si esset, litteram finiret. De ordine enim decretorum horum quæ in decernente sunt vnum & idem, ego quidem non contenderem cum eo qui de re ipsa conspirat; electionem scilicet omni modo à Dei voluntate pendere, nec ulli conditioni ab homine præstandæ inniti. Hoc namque caput, hic cardo totius controuersie quæ nunc tam sedulò vertitur, non merus & nudus ordo concipiendo à nobis positus ad infirmitatem nostram subleuandam. De quo tamen solo cum inter nos agi putat Greuincouius, nonne se maledicendo deditum planè fatetur, qui tam leui de causa criminationibus maximis, hæreseos scilicet non leuis, non vnius, sed Manichæismi, Stoicismi, Libertinismi, Pelagianismi,

Referip
Pag 70.

mi, & similibus, venerandos Theologos onerare sustinet? Reuera Caluinus veterum errorem iustissime damnat, qui prædestinationem ad gloriam fundarunt in præscientia fidei quam quisquam præstaret liberi arbitrii viribus. Sic interposito præscientiæ velo, inquit, electionem non modo obscurant, sed originem aliunde habere fingunt. Neque verò hæc vulgo recepta opinio solius vulgi est. Habuit enim sæculis omnibus magnos auctores. Quibus consentanea sunt quæ Beza scripsit ad Rom. 9. 39. Est etiam hic locus diligenter obseruandus aduersus eos qui fidei vel operum præuisionem faciunt electionis causam. In quem errorem sanè turpissimum Origenes veteres plerisque tum Græcos tum Latinos adegit: donec tandem Dominus Augustinus per Pelagianos ad hunc agnoscendum & corrigendum errorem excitaret. At id quomodo intelligi debeat, explicat ipse Caluinus Augustini verbis. Neque hoc quoque ab Augustino omis- sum est, Præscientiæ nomen pro Dei consilio accipi, quo suos in salutem prædestinat. Præsciri à Deo quinam futuri sint vitæ hæredes, nemo non fatetur. Hoc modo in questione versatur, *præuideatne quid in ipsis facturus sit, an quales a seipsi sint futuri*. Item. Cæterum vt electis iustitiæ præmium rependet Christus, ita reprobos minimè inficior impietatis & scelorum suorum pœnas tunc datu- ros. Nec vero tale quicquam ex nostra doctrina elicere licet, quoniam æter- no suo consilio elegit ad vitam Deus quos visum est, alios exitio reliquit; vel nullas malis operibus constitutas esse pœnas, vel bonis nullam esse repositam mercedem. Stabimus omnes ante tribunal Christi, vt referat quisque prout in corpore suo gesserit, siue bonum, siue malum. Sed vnde pijs iustitia & sanctitas quæ tunc coronabitur, nisi quia spiritu eos suo Deus in vitæ nouitatem regénuit? Vnde porro regenerationis donum nisi ex adoptione gratuita? Perinde argumétatur Pighius ac si quis diem esse neget ex luce à Domino creata, quia Solis splendor diem facit. Quamquam similitudinem istam non omni ex parte conuenire fateor. Lux enim initio creata Deum propriè habet auctorem. At damnationis nostræ culpa sic in nobis residet, vt procul alienos ad eam obliterandam colores accersere fas non sit. Sed tantùm breuiter ostendere libuit quàm præpostere Pighius propinque causæ obiectu remotam tollat. Damnatum iri impios contendit, quia proprijs maleficijs iram Dei in se prouocarint. Ex eo colligit à Dei decreto non prouenire eorum damnationem. Ego autem eos maleficia alia alijs cumulasse dico, quia quum prauissent nihil quàm peccare potuerint. Et si autem extrinseco impulsu,

Instit.
lib. 3.
cap. 23.

lib. de
Prædest

„ sed spontaneo cordis affectu scientes ac volentes peccarint, quinta.
 „ men fons & origo malorum omnium sit naturæ corruptio & vitio.
 „ sitas, negandum non est, nisi prima pietatis rudimenta conuellere
 „ libeat. Causam si quæras cur vitium quod in electis suis Deus corri-
 git, non eodem in reprobis remedio dignetur, abscondita apud ip-
 sum later.

Iraque si Caluino dixeris decretum esse apud Deum ex præui-
 sione fidei & incredulitatis qui seruandi sint olim, qui non; non so-
 lum non repugnabit, sed vltro asseret; modò tu id illi concedas vi-
cissim, quod nonnullos credituros præuidit, reliquos minimè, id non
aliunde prouenisse quàm ex eo quod illis dare fidem constituit, his
 gratiam cuius vi solius fides gignitur, denegauit: non quod alij alijs
 ea digniores essent, sed quia sic ei libuit pro beneplacito liberrimo.
 Ex eo autem multos è veteribus Patribus Caluinus secum concilia-
 re potest. Nam se pone meriti vocabulum, quo etsi multi olim vsi sunt
 innocentius, est tamen à puritate religionis alienum, non contendet
 cum Minutio quin singulis fata determinata sint pro eorum qualita-
 tibus, quia Deus vniuersam præsciuit materiam: dummodo Minu-
 tius non neger discrimen qualitarum in materia ab ipsa materia non
 esse, & electos ab vno Deo discerni. Neque repugnabit Fulgentio
 dicenti, Deum prædestinasse supplicio interminabili puniendos,
 quos præsciuit hanc vitam in peccato terminaturos; si concedat riti-
 dem Fulgentius, præsciuisse Deum vitam in peccato terminaturos,
quibus fidei & sanctificationis gratiam noller impartiri. Et Prospe-
 ro largietur, neminem ex eo habere necessitatem pereundi quod
 prædestinatus non sit, sed ex eo quod sit peccator; & idcirco præ-
 destinatos esse ad exitium, quia peccatores ex præuicatione præ-
 sciti sunt: si modo fateatur idem quod alij peccato liberati sunt, id
 omne esse meræ, eique liberrimæ Dei misericordiæ acceptum feren-
 dum. Reliqua quæ fortasse duriora sunt quàm vt vlla tractatione
 commodè possint emolliri, non concedat certè, at non vexabit etiam
 aut exagitant odiosè, sed silentio regere conabitur. Verumenimue-
 rò, si quis illis ad veritatem oppugnandam abuti velit, non feret; ne-
 que cuiusquam mortalis respectu retinebitur quin salutis nostræ glo-
 riam vni Deo ab omni parte assertum eat. Quid multis? Quidquid
 viri magni ea de re vel senserint, vel docuerint, vt de antiquitate do-
 ctrinæ Caluini iudicemus, neque in Augustino neque in quoquam
 alio sistendum est, sed ad ipsum Apostolum Paulum deueniendum,
 vt quid de decreto reprobationis absoluto credendum sit, planè per-
 spectum

speculum habeamus. Quod enim cum Apostoli scriptis consentit, verissimum, quod verissimum, illud & antiquissimum iudicandum est.



CAPVT III.

Caluini doctrinam defensoribus suis odium & infamiam accersere non debere.

SI C pergit Anonymus. Defensoribus suis odium & infamiam accersit, & apud alienos & apud suos. Apud alienos quidem; Lutherani enim se potius Pontificiam doctrinam amplexuros profitentur quàm Sacramentariam & Predestinariam Caluinistarum pestem admissuros: ut docet eque. ille auratus doctissimus in libro Anglice scripto cui titulus, *Relatio de statu religionis in Ecclesijs Occidentalibus*. Apud suos verò: ipse enim Molinæus fateatur Anat. Arminianismi cap. 12. de Predestinatione; sapientis esse hæc prædestinationis mysteria celare, & nescire potius quàm temerè enunciare. Quia, inquit ille, enunciata iniiciunt scrupulos, & ansam præbent aduersarijs infamandi veram religionem. *Qualis verò est illa doctrina que lucem fugit?*

Iniquè sanè agitur cum veritate si æstimari debet ex eorum iudicio qui nondum eam intellexerunt, quia mentem gerunt sinistris præiudicijs occupatam. Si Caluini doctrina defensoribus suis odium & infamiam merito accersit, ideo quia Lutherani se potius Pontificiam amplexuros profitentur, quid fiet Arminij opinionibus quas Reformati testantur se tantopere auerari? Propterea ne disputator reiiciendas esse arbitrabitur, quod nos Pelagianas aut saltem Semi-pelagianas solemus appellitare? Equidem, tamen si id facimus citra iniuriam, Lutherani verò, ut mollissimè dicam, zelo quodam elati quem scientia non antecessit, Caluini doctrinam tanta verborum acerbitate criminantur, nolim tamen ut Arminij discipuli sese patiantur à sententia demoueri, perculsi terrore accusationum, & atrocitate verborum nostrorum hominum, si quid atrocius in eam pronuncianerunt. Hoc velim tantum ut sepositis affectibus, præsertim verò semoto sui amore, quo ingenium humanum naturaliter accenditur & tumet,
momenta

momenta rationum expendant, ac tandem agnita veritate, ab ea se victos esse gloriantur. Nam qui vincitur à veritate, triumphat. Tum quid hoc rei est quod Prædestinatoriam cum Sacramentaria Caluinistarum, vt loqui amat, peste coniungit? Est-ne igitur etiam idonea causa quamobrem doctrinam nostram de Sacramentis odio & infamia dignam existimemus, quod Lutherani nomine pestis eam indigetare audent? Ergo ne fides Vbiquitismi nobis erit suscipienda? Quod si cuipiam è Remonstrantibus æstro aliquo percito & nostram & Lutheranorum de re sacramentaria doctrinam famosis appellationibus dehonestare libeat, quid nobis faciendum erit vbi neque alienam sententiam amplecti, neque nostram retinere per inuidiosas criminationes licebit? Fluctuabit-ne semper animus in ambiguo, vt nihil vnquam in ista religionis parte certi constituere audeamus? At, inquit disputator, infamiam non virat, etiam apud suos. Molinæus enim ipse hæc mysteria tacenda potius esse quam enuncianda dixit. Quid Clariss. Molinæus loco citato scripserat, nescio. Ista siquidem verba in editione Anatomes quâ vtor, capite de Prædestinatione, non comparent. Hoc vnum scio illius libri capite primo reprehendere quidem virum celeberrimum eos, qui vel curiosius quam oportet in arcana Dei irrumpere conantur, vel intempestiua atque licentiosa prophetandi libertate in explicatione mysteriorum istorum acumen ingenij sui ad populum venditant. Vnde turbæ nascuntur in Ecclesia. At secundo capite haud minus sibi displicere testatur eorum importunam religionem qui Pastores iubent a doctrina de prædestinatione in totum abstinere. Nec aliter isti consilio obtemperari posse putat, quam si portio de verbo Dei recidatur, si fidei nostræ firmitudo labefiat, si conscientiarum consolatio magnopere diminuatur, si denique pietas ipsa capiat memorabile detrimentum. Vtique permirum esset pertendere, vt ille rectissime facit, doctrinam de Reprobatione diuino verbo traditam esse dilucidè satis & explicatè, verbum autem illud legendum, meditandum, nocturna versandum diurnaue manu commendare populo Christiano, & tamen in eo articulo Theologis ac Pastoribus silentium imponere. Vt vt serres habeat, Caluini doctrina lucem ita non reformidauit, quin per vniuersum orbem Christianum, & in commentarijs ad Scripturam, & in Institutione, & in libris peculiariter eâ de re conscriptis, & in concionibus denique, quæ ex ipsius ore exceptæ ac disseminatæ passim etiamnum hominum manibus teruntur, latino vernaculoque sermone vestita circumuolitaue-
re. Nam quid illa lucem fugeret quæ tota in eo est vt salutis nostræ
laudem

laudem vni Deo vindicet? Nemo tamen negauerit hic, vt in omnibus alijs, adhibendam esse prudentiam & delectum opportunitatis. Quis enim ad fidem adhortatorus, de magna hominum parte ab æterno constitutum esse prædicauerit, vt nativæ malitiæ permittantur, vnde finalis impœnitentia infallibiliter secutura est? Nemo certè sic invitationem ad pœnitentiam instituet. Non quod ea doctrina lucem extimescat, sed quod non sit ad fidem & pœnitentiã ingenerandam à Spiritu Dei comparata. At occasiones aliæ se se offerunt, in quibus non modò non est inutilis, sed est absolute necessaria. Sunt enim nonnunquam hominum mentes muniendæ adversus offensionem ex eo metuendam, quòd cum Euangelium tanta veritatis luce fulgeat, tot instrumentis hominum animos ad se alliciat, à plerisque tamen, ijsque alioqui vel præstantibus naturæ donis, vel excellentibus prærogatiuis à Deo exornatis, contemptim respicitur. Nihil enim tum proclivius est quàm vt in aliquam de Euangelij veritate dubitationem adducamur. Medetur autem isti malo doctrina de reprobatione. Quid enim mirum est illi si in Christum impingunt quorum Deus oculos nativæ cæcitate clausos & obsessos non aperuit? Sic Christus Ioannis sexto, vt in discipulorum animis minueret admirationem obmurmurationum & præfractæ contumaciæ Iudæorum, ait, neminem ad se venire posse quem pater ipse non traxerit. Sic Paulus cap. 9. Epistolæ ad Romanos, ne quem offenderet quod tanta multitudo Iudæorum (quem Deus populum supra reliquos omnes longè extulisse videbatur) Euangelium reiecerat, diligenter ostendit in eo nihil accidisse quod non fuerit primùm ita decretum, deinde oraculis prædictum, & figuris adumbratum, ac denique demonstratum exemplis illustribus, vsque ab Ecclesiæ incunabulis. Talia autem contingere quis mirabitur? Nec est accommodata minus ea doctrina ad tollendum scandalum quod objicit quorundam apostasia qui Christo nomen dedisse putabantur, nequa vere fidelis conscientia terreatur exemplo. Admonet enim Apostolus quidquid istiusmodi accideret, fundamentum Dei manere firmum tamen, neminis vt è fidelibus consolatio labascatur, quasi tale quid omnibus evenire posset. Eodemque ferè pertinet quod in afflictionum agone versantibus consolationis ac fiduciæ materiam ex eo suppeditat, quod omnia cedant in bonum ijs qui Deum amant, quique vocati sunt *καὶ αὐτοὶ ὁδοῦ* Rom. 8. Quoniam quos præcognovit, eos etiam prædestinavit, &c. Vsque adeò vt diligenter enumeratis omnibus quæ ad fidem quatefaciendam vel maximè valere creduntur, verè fidelibus luculentam, indubitatamque

victoriam polliceatur. In primis verò sensus electionis, & conscientiam
 incredibili consolatione perfundit, & animum excitat ut quod
 maximè ad infinitam Dei misericordiam grata mente recolendam, cui
 constare nequit integra illibataque sua laus, nisi quod credimus,
 quod à fide non deficiamus, quod ad salutem adspiramus certa fiducia,
 id feramus acceptum in solidum vni Deo, qui nos à reliquis ex
 omni æternitate separavit. Calvinum autem ista nec ignorasse nec
 tacuisse liquet ex infinitis propè testimonijs. Illustre est quod habetur
 libro de Prædestinatione. Porro, cum palam appareat ex multis
 „ quos externa voce Deus compellat, vix paucos credere; si maiorem
 „ partem idè incredulam manere probo, quia Deus non nisi quos vult
 „ illuminatione dignatur; simul alterum illud obrinebo, communiter
 „ offerri utrisque Dei misericordiam, ut quicumque intus non docen-
 „ tur, tantum reddantur inexcusabiles. Distinguunt quidam quod po-
 „ tentia salutare sit omnibus Euangelium, non effectus: sed nodum hoc
 „ modo minimè expediunt: quia semper eò revolvimur, æqualisne
 „ omnibus conferatur credenti facultas. At verò cur non omnes Eua-
 „ gelio obediant, rationem affert Paulus; quia Esaias dicit, Domine,
 „ quis credidit sermoni nostro? Et brachium Domini cui revelatum
 „ est? Credentium paucitate attonitus Propheta, exclamat rem indi-
 „ gnam esse quod Dei verbum omnium auribus personans, nulla ferè
 „ corda intus afficiat. Verum nequem conturber tanta mundi pravi-
 „ tas, mox subiicit non omnibus hoc esse datum. At nihil opus est
 pluribus testimonijs in re clara. Sicui otium est aut plura videndū
 cupido, legat initium libri de Prædestinatione; Commentarium in
 2. Timoth. 2. 19. & Comm. in Ioan. 6. 44. 10. &c.



CAPVT IV.

*Caluini doctrinam non inducere Stoicam vel
Manichaam necessitatem.*

CONVERTIT se Anonymus ad accusationem de Fato, & si quid est Religione Christiana fato indignius. *Hac doctrina, inquit, Stoicam & Manichaam quandam necessitatem inducere videtur. Determinatio enim finis infert determinationem mediorum ad finem. Ut si quis per decretum reprobationis ad damnationem prædeterminatus fuerit, inenitabiliter etiam peccabit. Nam sine peccato damnari non poterit. Hinc Melancthon in locis communibus hoc decretum, Fatum Stoicum appellat. Et in Epistola quadam ad Poucerum hac habet verba. Scribit ad me Lælius de Stoico Fato vsque aded litem Genevæ moueri, ut quidam in carcerem conjectus sit propterea quod à Zenone differret. O misera tempora. Hac ille. Doctrina verò eorum qui absolutum Dei decretum afferunt, si penitus excutitur, ipsa Stoicorum & Manicheorum doctrina durior videtur. Stoici enim necessitatem illam quam in actionibus humanis dominari volunt, à stellis deriuant. Manichæi a duobus principijs, uno bono bonorum, altero malo malorum omnium auctore. Præstat verò malarum actionum necessitatem & causam vel Nature cum Stoicis, vel malo cuidam principio cum Manichæis, quàm Deo summæ & infinitæ bono adscribere.*

Itaque si Anonymo credimus, vnus Caluinus Zenone irreligiosior, & furiosior Manete censendus est. Certè Manichæorum fautores Caluino attribui nihil moror. Calumnia per se clarior & pauidior est, quàm ut eam refutare necesse sit. Confitetur Anonymus inter doctrinam Caluini & Augustini sententiam de Prædestinatione nihil interesse. Quocirca si quid ille vitij ex portentosis Manichæorum erroribus traxit, Augustinus ipse culpæ participatione tenetur. Quis factum igitur ut nemo vel plura vel meliora vnquam scripserit aduersus istos hæreticos? Cur habitus est semper in Ecclesia non modò pro oppugnatore acerrimo, sed etiam pro felicissimo expugnatore Manichæismi? Qui nefanda illa mysteria & euoluit diligentissime, & mentis acie penitissimè penetravit, non potuit deprehendere tantam

quæ sibi cum illis intercedebat, affinitatem? Aut si sensit atque deprehendit, eam autem regere ac dissimulare voluit, fuitne oris tam duri, tam ferrei pectoris ut Manichæus ipse apud Manichæos Manichæorum dogmata confutaret? Eosne adeò fungos atque stipites esse censuit ut ita sibi fucum fieri paterentur? Posteritatem verò speravitne naves habituram usque adeò obefas, ut nihil illi unquam de fraude tam impudenti suboleret? Criminationem de fato Calvinus sic olim repellebat ipse. Sed dicis (alloquitur calumniatorem quendam) in vno articulo validius contra me pugnare multos quam ut eorum argumenta ex libris hæctenus à me editis refelli possint. Hunc autem esse dicis de Prædestinatione vel Fato. Vtinam vel modestè inquirere, vel saltem ingenuè disputare tibi magis fuisset propositum, quam quod ni pudore neglecto ad lucem extinguendam miscere res diuersissimas. Fatum vocarunt Stoici necessitatem ex vario & multiplici labyrintho conflata, quæ Deum ipsum quodammodo in ordinem cogeret. Prædestinationem ut Sacræ Scripturæ docent, definitio liberum esse Dei consilium, quo & humanum genus & singulas mundi partes pro immensa sua sapientia & iustitia incomprehensibili moderatur. Quæ quia, nisi fallor, modestis ac minime procacibus ingenijs satisfacere possunt, miror ab homine docto eandem crambem toties recoctam hic adhuc reponi. Ut autem, si fieri potest, quibus tanta libido est Calvinianæ doctrinæ maledictis incessere, tandem aliquando quiescant, age, rem paulo accuratius expendamus. Fatum, ex Stoicorum sententia, ut memoratur à Cicerone, Gellio, Augustino, alijsque, vel situm est in æterna quadam & naturali serie rerum ita inter se natura sua aptarum connexarumque, ut ex ea sequantur rerum euentus & Deo ipsi immutabiles, & indeclinabiles creaturis. Quomodo Homerus vim describit *ἡ ἀναγκὴ*, cuius inuictæ necessitati Iupiter ipse sit obnoxius. Nihil enim vel nasci, vel fieri, vel oriri arbitrabantur, quod non haberet certas causas antecedentes ab ipsa natura consertas colligatasque æterno quodam & immutabili vinculo. Vel pendet ex influxu atque affectione siderum, res inferiores ac sublunares tanta virtute regentium, ut nihil non sit eorum imperio subiectum inevitabiliter. Priorem illam fati rationem Chrylippus ita definiebat, referente Gellio. Est, inquit, *ἡ ἀναγκὴ φύσιν ὁρίσασθαι καὶ θεὸν εἶναι αἰτίαν ἡρώων καὶ ἐνέργειαν ἐν τοῖς ἀστέροις, καὶ μὴ ἀπὸ μὲν τῶν ἀπαραβάτων οὐκ ἔστι τῶν ἐνέργειαν συνειπνῆσθαι*. De posteriore sic Manilius,

primique per artem,

Sideribus videre vagis pendencia fata.

Ut autem duo sunt genera rerum quibus fatum dominari putabatur; alia

Cicero
lib. de
Fato.
Gellius
libro 6.
cap. 2.
August
de Ciui
tat. Dei
lib. 6. 8.

alię enim sunt rationis & voluntatis expertes, alię verò intelligentię præditę; sic fati vis, quęcunque tandem illa foret, ex Stoicorum opinione dupliciter se se in earum motione exerebat. Brutę siquidem ac sui nescię naturę extrinsecus impulsę ita mouebantur, vt nihil ipse ad motionem suam conferrent. Atque in ijs Chrysippus fati rationem satis explicatam se se tenere arbitrabatur. In reliquis, quia motus voluntarios habere videntur, æstuabat ille atque laborabat admodum, nec satis expedire poterat quo pacto necessitas cõsisteret cum ingenij humani libertate. Nihilominus eò deueniebat tandem vt diceret mentes hominũ proinde motũ persentiscere fati, vt sunt à natura benè vel malè constitutę. Rectas nempe & affectas ^{et aptas}, aut ad id quod honestum est atque laudabile commodè à natura fr̃ctas, omnem illam vim quę extrinsecus ingruit, inoffensè tractabiliterque transmittere. Distortas autem atque rudes & vitijs addictas, impelli quidem a fato, sed ita tamen vt voluntario impetu & suapte pronitate ad peccandum ruant. Atque ad eam rem adhibebat decanatam cylindri similitudinem, quem si protrudas in loca decliui, habebit quidem à te principium motionis. At quod reliquum est, suapte vi & propria volubilitate mouebitur. Sic primam quidem ad actiones inclinationem esse putabat ab impulsione fati: in progressu, arbitrij ac voluntaris ductum ac moderationem agnoscebat. Ac propterea negabat audiendos esse eorum excusationes: qui maleficiorum suorum culpam a se in fati necessitatem transmouent, aut Deos ipsos accusant tanquam peccatorum auctores: laudabatque magnopere versus Homeri in quibus Deos sic loquentes facit.

Ω νόμι, τίς τίς τοι τῶνδε θεῶν ἀνίσταται
 Ἐξ ἡμῶν ἄνθρωποι καὶ ἡμῶν, οἱ δὲ θεοὶ οὐκ
 ἐγγὺν ἀνέστασαν ὡς μέγιστα γὰρ ἔχον.

Multa quidem & Chrysippus & reliqui Stoici de Prouidentia disputarunt, nec ignotum est quid in eam rem penè admirabiliter, pro capto hominis Erhnicis, dixerit Balbus apud Ciceronem oratione illa qua omnia Naturę diuinę nutu ac procuratione regi demonstrauit. At ista nihil ad rem nostram pertinent. Primum enim per naturam diuinā nihil aliud intellexisse videnter præterquā vim mentis atque rationis quandam per cuncta rerum ita diffusam atque permeantem, vt & terra, & cælū, & in cælo sidera singula portionem illius aliquam participarent. Nec illis Deus aliud esse putabatur præter Mundum ipsum, cuius vnuerſitas rationis ac intelligentię compos. esset, qui- que in sui totius conseruationem intentus, incumbere, & in singula-

rum sui partium administratione via atque ordine progredieretur. Planè ad mentem Virgilij in illis versibus vulgo notis, *Æncidos* 6.

*Principio calum ac terras camposque liquentes,
Lucensemque globum Luna, Titaniaque astra
Spiritus intus alit: totamque infusa per artem
Mens agitat molem, & magnos corpore miscet.*

Et Thaletis atque Anaxagoræ, qui auctore Aristotele lib. 1. de anima, & libro 1. Metaphyl. purabant animam & mentem per vniuersam mundi compagem pertinentem atque posmissam, mouere omnia, causamque in se inclusam continere cur se se optimè illa haberent; vsque adeò vt *Thales omnia deorum plena esse affirmaret.* Quem errorem, vt dignus est, Caluius exagitat, ac damnat vt profanum & gloriæ numinis inimicum, Instit. lib. 1. cap. 5. §. 5. Deinde nec ista quidem, qualis qualis est, de Pronœa Stoicorum doctrina cū eorumdem de fati necessitate opinionibus consentit. Vt certe excusari non possint quin turpiter lapsi sint non in falsas modo, & absurdas atque impias, sed etiam inter se discrepantes pugnantisque sententias. Nimirum si vis illa *res ætæna* quæ naturaliter res omnes inter se conseruit, ex æternitate æquabiliter viget, quid reliquum factum est quod quoridiana Mentis diuinæ prouidentia administretur? Quando autem non virtute aliqua rationis prospicientis in futurum, sed insita rebus ipsis natura complicatio ista, ex illa hypothese, ab æterno extitisse fingitur, quam partem sibi in eo negotio Pronœa vindicat, quæ neque dedit initium rei, nec in eius æterna constitutione quidquam valet aliorum insinectere quàm quò ab omni æuo destinata est? Ideoque, vt supra commemorauimus, Iupiter ipse apud Homerum queritur se factorum vinculis veluti constructū teneri, vt dilectum suum Sarpedona non possit ad vitam reuocare. Si vero in sideribus vis omnis fati hæere statuitur, cum illa habeant motus suos ita ratos atque definitos vt ab omni æuo vnum tenorem immutabiliter conseruent, & præterea in res inferiores æquabiliter se se semper infundant, quem locum in eo Prouidentia potest obtinere? Verum quidquid *de Prouidentia* benè vel secus docuerint, de eo non queritur. Hoc vnum in disquisitionem venit, quid illi de necessitate Fati iudicauerint, & quid habeat cum illo doctrina Caluini commune. Res autem omni difficultate vacat. Nam de vi siderum quid senserit manifestum est, cū ex alijs locis tum ex elegantissimo doctissimoque libello quem scripsit aduersus Astrologiam Iudiciariam. Nec magis ipsa distant a terra cælestia illa corpora, quàm sententia

tentia præstantissimi Theologi differt ab ea fati ratione. Ad alteram
 quod attinet, quis usque adeo frontem perfricuit ut physicam istam
rerum omnium *συμπλοκή* & colligationem Caluino tribuere non
 erubescat? Quis vnquam vel sæpius vel magis luculentè docuit om-
 nia Dei voluntate gubernari, nihil esse in celo & in terra, ne minutis-
 sima quidem, aut quæ minus videntur ad vniuersi perfectionem per-
 tinere, quod non pendeat ex eius nutu atque administratione quori-
 diana? Nam & voluit multa geri a prouidentia diuina citra vllum
 interuentum causarum secundarum, ut miracula & alia pleraque.
 Et illa ipsa quæ connexè consertèque nasci videntur ex causis inferio-
 ribus, ab eadem pendere docuit, ut quæ res nulla sepe naturæ neces-
 situdine coniunctas, sapientissime composuit & ad finem prælitutum
 ordinauit. Ac denique eam & naturæ ipsi præsidere, & quæ fortui-
 tō accidere putantur, dispensare, & creaturarum quæ sua voluntate
 agunt, motus arcanis quibuldam sed sapientibus rationibus regere
 ac moderari, sexcentis locis confirmauit. Verum, illud ipsum est
 quod Anonymus culpat. Præstaret, inquit, omnia fato Stoico agi,
 quàm sic Dei prouidentia hominum animos submittere. Arminius
 ipse certè olim egerat aliquanto modestius, qui cum ingenuè fateretur
 quidquid illud est necessitatis quod Caluini doctrina in religionē
 inducit, non esse fatum Stoicum, contentus est hoc in ea reprehē-
 dere, quod aliqua necessitatem inducit, haud minus inuictam quam
 si fatalis esset. Quod quidem concoquere non potuit: putauit enim
 omnem necessitatem ab actionibus humanis esse procul amouendam.
 Non est ausus tamen doctrinam quæ libertatem cum necessitate con-
 iungit, excipere tam inclementer. Ego verò non possum non admi-
 rari ingenij humani proteruiam atque audaciam, quod nisi statueretur
 actiones suas edere liberas ex ea libertate quæ omnem necessitatem
 excludit, Deum peccati statim accusare non pertimescit. Quasi non-
 esset in Deo tanta naturæ sanctitas, tanta potentia efficacia, tanta-
 que sapientia prouidentia, ut ipse immunis à culpa creaturarum fa-
 uultates, vel peccato corruptissimas, impetio suo regere queat & sū-
 ma cernitudine moderari. Verum, perpendamus rationes disputato-
 ris, & videamus quæ sit prouidentia diuinæ vis in re de qua agimus,
 an sit in ea quidquam quod eum fato affinitatem aliquā habere possit.
 Ac primò de Electis. Finis, inquit, determinatio mediòrum deter-
 minationē infert. Est: quid tum postea? Sequetur ergo ut Deus me-
 dia ad salutem certò determinauerit. Maximè. Ergo credent neces-
 sario. Vtique. At necessitas illa fatalis est. Carneadeam subtilia-

In De.
 clar.
 sentent

tem! Primò. providentiæ diuinæ & eius efficacitati fides assignatur, non fato. Deinde vi prædestinationis fides in electorum cordibus ita generatur, vt cum necessitate futuritionis, vt ita dicam, iuncta sit summa libertas. Est enim triplicis generis necessitas. Vna, quæ est à natura bruta, cuius appetitus ita sunt ad vnum determinati, seu vis illa sit materiæ, seu formæ, seu vtriusque coniunctim, vt res semper eodem modo moueantur, nec motionis ipsæ suæ rationem cognitam habeant, neque sciant in quem finem aut in quod obiectum ferantur. Sic grauita necessariò deorsum tendunt, & leuia sursum: Sic necessariò ignisurit, & Sol lucet, & ferrum magnetem sequitur, aut attrahitur à magnete. Atque ad id genus referri debet necessitatis illa species quæ in brutis animantibus apparet, cum obiectis impelluntur, & sanè, quæ in re differunt à natura rerum quæ sensu destituuntur, & mouentur spontaneè & nonnunquam necessariò: at non tenent tamen, neque rationem obiecti, neque modum suæ ipsorum commotionis, sed rapiuntur inconsulto ac temerario impetu, citra vllam præuiam cogitationem & ratiocinationem animi. Vnde fit vt præsentibus feriantur tantum modò, futurorum nullam præensionem habeant, præteritorum verò memoriam vel nullam vel exiguam & euanidam. Altera, quæ est à principio externo, & cuius vis ita in rem patientem ingruit, vt quantumuis obnitarur atque obstitat, attramen cedere cogitur, quia quod impellit viribus plus pollet quàm quod renititur impellenti. Quam necessitatem quæ patiuntur, si sunt iudicio ac voluntate prædita, ægrè ferunt; sin minus, non ægrè ferunt quidem, nisi *κατὰ μάτην* (nemo enim propriè dixerit lapidem inuito atque iniquò ferre animo vt in sublime jaciatur) obsequuntur tamen ita vt quantum viribus possunt, contra tendant, nec tendere desistant etiam si à vi maiore superentur. Sic ventus & nauim impellit inuitam *κατὰ μάτην*; quia nisi flaret quiesceret illa naturæ sponte; & nautam itidem inuitum, si fir aduersus, sed *κατὰ μάτην*, quia cum in Orientem cursum dirigere forte percipiat, vi procellæ abripitur in Occidentem. Tertia est à conuenientia quadam atque proportionem quæ à natura intercedit inter facultates ratione ac voluntate prædittas, & obiecta cum facultatum ingenio congruentia. Sic intellectus naturæ conuenienter constitutus, verum clarè ac dilucidè proposi- tum necessariò peruidet, nec omnino potest oblatum accomodatè non petuidere. Quæso enim quis mentis compos à se impetret quin credat propositionem istam esse veram, *si ex equalibus equalia demas, reliqua futura sunt equalia*? Aut si qua ex eo principio euident & a-
perta

perta demonstratio eliciatur, qui pote ut mens benè comparata assensum ab illa inhibeat? Sic etiam voluntas necessariò fertur in summum bonum. Omnes enim summum bonum appetunt. Quæ autem semper & ubique fiunt eodem modo, causam procul dubio habent, auctore Aristotele, necessariam. At causa illa neque brutus est ac sui nescius impetus, neque vis extrinsecus irruens, quæ inuitum atque resistentem ad summi boni persecutionem adigat. Est certa quædam atque inuitabilis conuenientia, qua objectum tale, & talis facultas inter se consentiunt: id nempe quod per se & omni modo expetendum est, & vis appetendi quæ est in natura ratione prædita, quæ tali. Sic denique utraque illa facultas, quæ que pro suo ingenio, benè affecta, & de medijs ad summum bonum ducentibus rectè iudicat, & rectè dijudicata atque agnita necessariò amplectitur. Fieri enim certè nequit, quod disputator noster ultro fatebitur, ut sit appetendi finis extremi necessitas aliqua prorsus indeclinabilis, mediorum vero quæ ad eius consecutionem pertinent eligendorum omnino nulla. Siquidem ut media non expetuntur nisi propter finem, sic etiam finis non potest expeti, quin media propter eum appetantur. Itaque ex pluribus propositis medijs, quod videbitur commodius, facilius, efficacius, & magis indubitatum, præferetur haud dubiè & voluntatem ad se alliciet necessariò. Quod si multa se se offerant inter quæ sit optio & electio difficilis, quia videntur æque commoda, & vi ad rem efficiendam pari pollere, præponetur vnum tamen, neque hærebit aut pendeat diu animus in ancipiti æstimatione. Non quod fortasse alterum altero sit melius, sed quod finis non possit aliter obtineri. Fertur autem animus in finem ita ut nequeat reprimere *seu oppellere*. Quamobrem necesse est ut se se ad vnam quandam rationem inflectat, per quam eò perueniat. Si vero vnum tantum medium occurrat, cuius id ope fiat (ut est sanè fides in Christum vnica ad salutem via) pari cum fine necessitate mouebit appetitum & determinabit ad se. Illuminat ergo Deus intellectum, flectit voluntatem, facit ut velit, vsque ad eò potenter afficit ut non possit non velle. At neque suæ ipsius motionis planè nescia est, ut quæ suo pte pondere fidunt ad centrum; neque verò cogitur: nam quid voluntatem cogere potest ut velit? Vult non modò *ex vi* ut loquitur Aristoteles, sed etiam *per se*, *ex vi*, commota scilicet eo objecto quò non potest non commoueri, permota ijs argumentis, quæ etià certissimè ac maximè indubitanter persuadent, sunt tamen ad naturam intelligentiæ & voluntatis nostræ accommodatissima.

Quod si necessitas istiusmodi fatalis est, & Deum ipsum fato sanctum esse dicendū est, quia non potest non esse sanctus: & Angeli fato boni sunt, quia desciscere à bonitate non possunt: & fatum in vita futuraregnaturum est, in qua peccato locus omnino nullus esse potest: & Dominus noster Iesus fato virtutem ac sanctitatem coluit, quem nemo qui sit verè Christianus, dixerit potuisse vnquam peccare. Nam Arminij discipuli nonnulli quidem nefandam illam vocem emittere non exhorruerunt, nihil prohibere quominus dicamus eam fuisse in Christo facultatem, vt peccatum posset admittere. At neque Arminius, quantum meminisse possum, id vsquam scripsit, neque vulgo qui errores illius alioqui mordicus tenent, hanc sententiam blasphemiz proximam tueri audent. Illi quibuscum tanta est audacia, id habent ex affricu Socini, cuius impium dogma suam Christo deitatem eripit, eumque redigit ad merè hominum sortem, quos arbitrij leuitas & imaginaria illa in vtramque partem indifferentia peccato reddit obnoxios. Reliqui quos hominis impurissimi halitus non æquè vitiauit, eam laudem Christo non derogant, quin immunis fuerit non à peccato tantum, sed etiam à facultate peccandi; quæ sane facultas non est, sed summa *ad uicinia*. Fuit igitur Dominus noster ita comparatus, vt prorsus contingere nequiuert quin patri obediret in omnibus, præsertim verò quin ei obtemperaret iubenti vt vitam in cruce pro salute nostra poneret. Quamobrem si quod necessarium est atque infallibile est illico fatale, non modo Christus vt supra diximus, fataliter sanctus fuit, sed etiam fato redempti sumus.

De reprobis res non est minus perspicua. Nam finalem impænitentiam sequitur quidem damnatio infallibiliter. At infallibilitas illa ex fato non est, sed ex ordine iustitiæ. Nec ipsi Arminij discipuli negauerint induratos & qui obstinato animo in peccato permanent vsque ad vitæ finem, die nouissimo iustissimè puniendos esse. Quod autem ex ordine iustitiæ sit, quis id fato fieri affirmauerit? Nisi etiam diabolorum pœnas fato adscribere libeat, quæ illis certò ac infallibiliter impendent. At reprobationem impænitentia finalis etiam necessariò sequitur. Quidni? Idcirco, sequitur fataliter? Simili de causa malos angelos dixerimus esse fato in malo pertinaces, quia sunt prorsus inemendabiles in æternum. Quemadmodum enim Deus immutabiliter apud se constituit diabolos non modò non reuocare ad pœnitentiam, sed ne inuitare quidem, ex quo sequitur peccandi necessitas inenitabilis; sic etiam reprobos ad pœnitentiam inuitare decreuit quidem; at quia decreuit item vim illam in ijs non exercere

exercere, quæ sola efficere potest ut inuitationibus obsequantur, æque inuitabile est ut permancant in peccato. Quamobrem vel neutra vel utraque istarum rerum fatum habet. Cur autem id sic Deo libuerit nunc non quæritur. Satis est quod demonstrauius in eo negotio nihil esse fatale. Quod ut adhuc manifestius euadat, & vel cæcis ipsis appareat quàm pulchrè conueniat isti necessitati cum libertate, libertatem etiam distinguamus. Vel igitur dicimur liberi respectu actionum quæ pendent ex illis facultatibus in quas voluntas dominatur, ut est vis se se ferendi ex vno loco in alterum, & siquæ sunt alia eiusmodi, quæ nisi morbus aut vis aliqua impediatur, voluntatis imperio pareant. Vel liberi nuncupamur respectu actionum voluntatis ipsius, in quas in ipsa voluntate nullum est imperiū. Nam voluntas sanè sibi non imperat ipsi ut velit. Fingamus enim eam sibi imperare ut velit, actus ille proculdubio per quem id sibi imperabit, volitio erit aliqua. Volet igitur voluntas ut velit: quò nihil dici potest inæptius. Tum quæretur an voluntas imperium habeat necne in actum illum per quem sibi ipsi fingitur imperare ut velit. Nam si habet, imperium istud non potest aliter exercere quàm per aliquam volitionem. Volet ergo ut velit ut velit, vel imperabit sibi ut imperet ut velit. Id verò præter ineptiam atque absurditatem inauditam, hoc incommodum habebit, quod ubique fugit Aristoteles tanquam scopolum, ut res abeat in infinitum. Si non habet, erit certè aliquis actus voluntatis in quem voluntas ipsa nullum imperium obtinebit. Quid autè attinet ut eam fingamus imperare sibi posse ut velit, si non potest imperare ut imperet? Nam si volitio illa quam actio immediate sequitur, pendet ex altera quadam volitione antecedente, volitio ipsa antecedens vnde pendeat? Demonstrauius enim iam non pendere ex alia quadam tertia volitione. Aut igitur causam nullam habet; aut si habet, causa illa est alibi quàm in voluntate. Et enim dici non potest voluntatem ipsam esse suæ ipsius volitionis causam. Nam voluntas consideratur vel *in diu' actum*, & quatenus est *diu' actus*, vel quatenus est *in diu' actum*. Si consideratur posteriore hoc modo, iam actu vult. Quærimus autem causam cur actu velit. Si priore, cum id quod est *in diu' actum* tantum, semetipsum in actu non constituat, qui pote ut voluntas quæ est merè *diu' actus* se se in actum sine vlla alia causa produxerit? Omnino igitur necesse est ut sit aliquid extra voluntatem, cuius in potestate voluntas ipsa sit. Poterit ergo illa quidem imperium habere in facultates inferiores; in semetipsam verò & proprias volitiones, nullum. Quanam igitur in re consistit

que sub actionem veniunt, statim agere. *Ut si omne dulce gustandum est, hoc autem dulce, tanquam unum quid de singularibus, NECESSE est eum qui possit, quique non prohibeatur, statim cum dicto agere.* Confimilia habet libro de motu animantium cap. 3. Et Metaphysicorum lib. 9. cap. 5. atque alibi. Cum posteriore itidem. Quando enim libertas propriè sita est in *volitione*, quæcunque volitio, vel si maximè necessaria sit, nascetur ex antecedente præelectione, libera erit. Nasci autem volitionem necessariò ex præelectione, & ipsa comprobatur experientia, & Aristoteles docuit verbis supra à me citatis. Nam sanè mel nemo deliberatò gustat nisi volens. Itaque necesse est gustationem ipsam ab aliqua volitione præcedi. Gustationem autem statuit Aristoteles esse necessariam. Ergo & volitio ipsa quæ antecedit, necessaria est. Nascitur autem ex eo quod ex duabus illis propositionibus *dulce gustandum*, & *hoc dulce, vna sit*; quod nihil aliud est quam *volitio*. Quamobrem volitionem illam *volitio* necessariò generat. Aut igitur est aliqua necessitas extra fieri rationem, aut necessitas quæ est à *volitione* fatalis est. Quod nemo vel dixerit vel cogitaverit qui teneat quid sit fatum, ut est à nobis supra breviter explicatum. Nam Augustinus certè quidem testatur se non multum abhorrere à nomine Fati, si nihil aliud denotare dicatur præter sapientissimam certissimamque Dei providentiam: At illi si Arminij discipuli omnia submitterent uti par est, & mentes ac voluntates hominum ex eius nunc atque arbitrio suspenderent, de verbis nulla forte inter nos disceptatio foret. Pateremur æquo animo ut exacto è Religionis finibus vocabulo, se se fatum ipsum destruxisse gloriantur. Vt autem, quod nimis aperte faciam, voluntatem humanam Providentiæ Dei gubernationi subtrahant, sententiam illam quæ omnia altissimo Dei consilio geri statuit, per dedecus atque contumeliam fatum appellent, id verò est quod nulla lenitas, nulla indulgentia pati potest. Ut enim illud superioribus addamus, quid simile habere vis spiritus quæ nos à peccato convertit cum fari appulsa quem supra descripsimus? Hic in animos humanos vel naturæ bonitate vel studio atque exercitatione ad virtutem per se propensos incidere putatur; illa homines corruptos & inextricabili peccato inuolutos reperit. Hic iuvat tantummodo inclinationem ad bonum, ad id ut actionum secundum virtutem laus penes arbitrium humanum præcipua resideat: illa vni Deo laudem nostræ conversionis vindicant. Hic merè phisicus est, & mentes sic impellere fingitur ut manus ad cylindrum applicata, qui motionem apte suam non sentit; illa

suauiter in mentes illabitur, & luce sua ita perfundit vt pulcherrimum ac plane diuinum objectum adspiciant & agnoscant; vnde oritur motus & sui ipsius intelligens, & incredibili cum voluptate coniunctus. Reprobi verò tur conquerentur sibi à Deo impositam esse fatalem necessitatem? Chrysippus enim etsi peccatorum culpam à fato seiungere conabatur, fatebatur illa tamen esse aliquatenus ab impulsione extrinseca. Deus autem reprobos non impellit ad malum, non positiua quadam actione iudurat, sed habet eos sibi permittere, suapte natura in peccatum pronos atque præcipitantes. Tum, quando tanta benignitate erga reprobos vltus est, vt eos vocauerit ad pœnitentiam, proposita spe veniæ & beatæ immortalitatis, si modò credere ac resipiscere vellent, quæ nam illis fuit vel pereundi vel non credendi necessitas quam ipsi sibi non debeant imputare? Ad salutem obtinendam vna fuit illis necessaria fides. Ad fidem præstandam hinc crux Christi pro objecto requiritur, inde mens docilis, non refractaria, non addicta vitijs, non peruersis affectibus mancipata. Illam summa Dei clementia, non obtulit modo sed & ingessit identidem & assiduus adhortationibus inculcauit: hanc quominus ipsi præberent quid obstitit præter vnam malitiam inuictam & immedicabilem? Hocine igitur ferendum est, vt qui tanta pertinacia stititissimis inuitationibus restiterunt, vel Dei seueritatem accusent, vel malitiam suam excusatione dignam esse pertendant tanquam inuitabilem atque fatalem?

Quod Anonymus narrat Melancthonem in Locis Communibus Caluini doctrinam Stoicum fatum appellasse, nos non debet magnopere mouere. Vel de doctrina Caluini, quem non nominat, locutus non est; vel eam non intellexit; vel si intellexit, iniuriosus hac in parte fuit, qui veram sententiam & Scripturæ auctoritatem suffultam, appellatione famosâ dedecorare veritus non est. De Epistola ad Peucerum nihil statuo, quia eam videre mihi non contigit. Nec Arminius, qui primus omnium, nisi me fallit animus, illius mentionem fecit; nec Anonymus qui Arminium secutus est, vbinam exte indicarunt. Certè non comparat in operibus Melancthonis Basileæ editis s. volum. centesimus ab eo iam annus agitur: nec in opusculis adiectis ad Corpus doctrinæ Christianæ, Lipsiæ editum anno millesimo quingentesimo sexagesimo. Monebo lectorem duntaxat, Caluinum in Epistola qua librum de Prædestinatione Syndicis Senatuique Geneuensi dicauit, hæc scripsisse. Sparsum multis in locis fuit rumor, duris cum (qui quæstionem de Prædestinatione mouerat, & Ecclesiam

In De-
clar.
sent.
sue.

clesiam Geneuensem turbauerat nebulo quidam) vinculis constringi,
 quum per medium forum quotidie volitare licuerit. Quàm mali-
 gnè etiam finxerint virulenti quidam homines ad capitis supplicium
 à nobis eum exposci, vos nobis optimi estis testes. Tales calumnias
 donec euanescent contemptu & tranquilla animi magnitudine refu-
 tare, grauitatis & prudentiæ est. Vt minimè dubitandum sit quin
 Melancthon, homo ad credendum paulo fortè facilior, calumnijs
 istis in fraudem induci potuerit. Quod si eadem illa historia est quæ
 recitatur a Beza in vita Caluini, ad annum exeuntem M.D.LI. (eadem
 autem procul dubio est; nam tempora congruunt. Siquidem Epi-
 stola dedicatoria libro de Prædestinatione præfixa, data est anno
 M.D.LII. Calend. Ianuar.) vir maximus est extra omnem culpam.
 Coniectus enim certe quidem fuit in carcerem Hieronymus Bolse-
 cus, primum monachus è societate Carmelitarum, deinde puriorem
 religionem falsò ac per simulationem amplexus, ac denique desulto-
 ria & in eo genere solita leuitate ad Pontificiam reuersus. Conie-
 ctus inquam ille fuit in carcerè, & cum acerrima coërcitione dignus
 esset, contentus est Magistratus Geneuensis ex vrbe eum eijcere, gra-
 uiores pœnam interminatus, si vel Geneuæ, vel in ditione Geneuen-
 si deprehenderetur. At id factum est, non quod à Caluino dissen-
 tirer, sed quòd cum esset merè Pelagianus, se se continere non potue-
 rat quin publicè in veritatem debaccharetur, & turbas concitaret
 quieti publicæ periculosas. Nec id factum instigatione Theologo-
 rum; sed instinctu atque auctoritate Magistratus, cuius est tranquil-
 litati Reipublicæ prospicere. Neque verò vicinis inconsultis; sed
 postquam Senatus Ecclesiarum Helueticarum sententiam Magistra-
 tus percontatus esset. Infeliciter autem cecidit illa Geneuensium er-
 ga Bolsecum, hominem impurissimum, lenitas, in quem si pro meri-
 tis animaduertissent, libellum non edidisset in quo per inauditam
 audaciam & impudentiam incredibilem, genus omne calumniarum
 in Caluinum aliquot post annis euomuit.



CAPVT V.

Caluini doctrinam S. Scripturæ non repugnare.

IANDEM Anonymus ad Scripturæ testimonia venit, cui siquid à Caluino scriptum esset quod repugnaret, & scriptum ipse nollet, & nos ultro relinqueremus indefensum. Remigitur attentè ponderemus, *Isti doctrinæ*, inquit disputator, *S. Scripturæ maximè repugnare videtur*, idque varijs in locis. Vt Ezech. 33. 11. Viuo ego, dicit Dominus, nolo mortem impij, sed vt conuertatur impius à via sua & viuat. *Et ne quis dictum putet tanquam de peccatore respiciente, legatur etiam Exech. 18. 32.* Quia nolo mortem morientis, dicit Dominus. *Hoc in loco illi ignorum perditione non deletatur Deus, sunt impij, qui propter refectionem gratiæ moriuntur. Quod si ne eorum quidem morte deletatur Deus, multo minus hominum aut innocentium aut peccatum solum originis habentium.* Cupit verò Deus credi sibi, inquit Tertullianus, O beatos nos quorum causa Deus iurat! O miserimos si nec iuranti Domino credimus! *Certe si ne impiorum quidem morte deletatur Deus, fieri ne potuit vt ex mera voluntate vel absoluto aliquo decreto, siue respectu habito ad opera preuisa, tot millia hominum in peccato Ade iacentium poenarum æternarum necessitati inenitabili reseruaret?*

Opus æpreuium est audire Caluinū ipsum loca ista interpretantem, vt eius aduersarij videant de ijs quid senserit. Et quia Comment. vsque ad cap. 33. Ezech. non perduxit, eius interpretationem ex similibus locis desumamus. Sic igitur ad Ezech. 18. 31. 32. *Proiciatē vobis omnes iniquitates in quibus iniquē egistis, & facite vobis cor nouum & spiritum nouum; & quare moriemini, domus Israël? Quia non oblector morte morientis* (hoc est, inquit Caluinus, eius qui perit) *dicit Dominator Iehona: conuertimini itaque & vivite.* Iterum hortatur Ezechiel populum vt omissis querimonijs agnoscat nullum esse remedium suis
 „ malis, nisi vt se reconciliet Deo. Id autem fieri non poterat nisi res-
 „ piceret. Neque enim Deus frustra infestus erat, aut iniuste more
 „ hominum odio innoxios prosequeretur, & nihil tale meritis. Hic
 „ autem Deus suscipit personam dolentis, quare moriemini, inquit,
 domus

domus Israel : Videmus ergo ut Deus falsum illud probrum à se re-
 ipciat quo grauabant eum filij Israel cum dicerent se perire immodi-
 co eius rigore, nec reperire causam cur ita in eos seuerus esset. Pro-
 nunciat ex opposito causam mortis esse penes ipsos : deinde osten-
 dit remedium, ut vitam in melius mutant, neque id tantum externa
 specie, sed ut sinceritas cordis respondeat : & simul testatur se fore
 illis exorabilem; imò sponte occurrit ut se reconciliet, modò resipis-
 eant ipsi ex animo & non fictè. Et in vers. 23. eiusdem capituli, *An cu-*
pio capiendi mortem impij, &c. Confirmat Deum nihil magis cupere
 quam ut quicumque peribant, & ruebant in mortem, redeant in viam
 salutis. Et hac etià de causa non modo hodie Euangelium promulgatur
 in mundo, sed omnibus sæculis voluit Deus testatū esse quāpropen-
 sus sit ad misericordiam. Nam profani quāuis Lege & Prophetis ca-
 rerent, tamen semper gustu aliquo huius doctrinæ fuerunt præditi.
 Verum quidem est suffocatam fuisse multis erroribus, sed reperiemus
 semper arcano impulsu fuisse adductos ad petendam veniam, quia
 hic sensus quodammodo ingenitus illis erat, Deum esse omnibus
 qui ipsum quærunt, placibilem. Cæterum, clariùs id Deus in Lege
 & Prophetis testatur est. In Euangelio autem scimus quā familiari-
 ter nos compeller vbi promittit nobis veniam. Et hæc est scientia sa-
 lutis, amplecti misericordiam eius, quæ nobis in Christo offertur. Se-
 quitur ergo verissimum esse quod nunc dicit Propheta, Deum nolle
 mortem peccatoris, quia occurrit sponte, & non tantum paratus est
 excipere eos omnes qui ad eius misericordiam confugiunt, sed alta
 voce ipsos ad se reuocat, cum videt quasi alienatos esse ab omni spe sa-
 lutis. Atqui notandus est modus quo Deus vult omnes homines sal-
 uos fieri, nempe vbi se conuerterint à vijs suis. Deus ergo non ita
 vult omnes saluos fieri, ut discrimen omne tollat boni & mali : sed
 præcedit veniam pœnitentia, quemadmodum hîc dicitur. Quomodo
 ergo vult Deus omnes saluos fieri ? nempe quia Spiritus hodie per
 Euangelium sicut olim per Legem & Prophetas, mundum condem-
 nat de peccato iustitia & iudicio. Deus ergo patefacit hominibus
 quā miserî sint, ut ita se ad ipsum recipiant : vulnerat ut sanet : occi-
 dit ut viuificet. Tenemus itaque nunc Deum nolle mortem peccato-
 ris, quia omnes indifferenter ad pœnitentiam vocat, & promittit se
 paratum fore ad eos recipiendos, modò seriò resipiscant. Nunc si
 quis obijciat nullam igitur esse electionem Dei quā certum numerum
 ad salutem prædestinaverit, responsio in promptu est, nempe hîc
 Prophetam verba non facere de arcano Dei consilio, sed tantum re-

uocare miseros homines à desperatione, ut spe veniæ conceptâ, amplectantur salutem sibi oblatam, & ita resipiscant. Quid Calvinus crediderit de causa exitij hominum, quid de Dei proclivitate ad clementiam, satis, ni fallor, ex illis verbis liquido constat. Quomodo ista loca cum doctrina de absoluto Reprobationis decreto conciliet, postmodum fusiùs explicabitur. Hoc tantum ab Arminij discipulis impetratum volumus, ut ne amplius existiment Deum ex Calvini sententia, hominum morte per se delectari. Ut enim id est à veritate alienissimum, sic semper fuit à mente incomparabilis Theologi longissimè remotum. Certè non delectamur nisi ijs rebus quas amamus, neque quidquam amamus nisi vel quatenus finis est, ut est $\chi\rho\iota\sigma\tau\iota\varsigma$, & idè, vel quatenus est medium ad finem, ut est $\delta\ \chi\rho\iota\sigma\tau\iota\varsigma$, auctore Aristotele. Et $\tau\ \rho\iota\sigma\iota\varsigma$ quidem amamus $\kappa\alpha\iota\ \delta\ \alpha\upsilon\tau\iota$; media verò $\pi\acute{o}\tau\epsilon\rho\ \tau\ \tau\epsilon\lambda\epsilon\upsilon\sigma\iota$. Iam autem mors peccatoris quatenus est mors, neque est $\alpha\gamma\alpha\theta\iota\varsigma$ seu $\kappa\alpha\lambda\iota\upsilon\pi$, neque verò $\pi\acute{o}\tau\epsilon\rho$. Non $\kappa\alpha\lambda\iota\upsilon\pi$: nam non habet rationem boni moralis. Non $\pi\acute{o}\tau\epsilon\rho$. Quam enim voluptatem Deus ex hominum morte capere potest: Illi soli ex aliena morte voluptatem capiunt quos ira efferauit, & supra modum perturbavit cupiditate vindictæ. At in Deum nulla perturbatio, nulla iræ impotentia cadit. Itaque si Deus vult mortem peccatoris, vult tanquam medium ad finem duntaxat, & sic eâ non delectatur nisi $\kappa\alpha\tau\grave{\alpha}\ \sigma\upsilon\mu\phi\epsilon\rho\kappa\iota\varsigma$; quatenus nempe per eam satisfacit legi diuinæ hominum peccato violatæ. Hic autem meminisse oportet eius rei quam supra diximus, aliud esse damnationem, aliud verò reprobationem. Damnatio enim est actus Dei Iudicis, pronunciantis hominem esse dignum pœna propter incredulitatem & impœnitentiam; quam pronunciationem pœnæ ipsius irrogatio sequitur. Reprobatio non est actus Dei propriè ut est Iudex, sed ut est summus rerum Dominus, qui dona sua vel largitur vel negat pro liberrimo arbitrio. Ita ut donum fidei reprobis denegauerit quidem iustè. Nihil enim in ea re iniustè fecit; digni scilicet erant qui prætermitterentur. Non denegauerit tamen in pœnam incredulitatis & impœnitentiæ; quæ sequi reprobationem, non autem antecedere tanquam impulsiva causa, concipitur. Incredulitatem & impœnitentiâ Deus non potest non punire, illâsa iustitia. Quod quia Socinus ipse concessit, Arminij discipuli non negauerint. At reprobos non repudiare potuit sine iustitiæ detrimento, quando nulla causa fuit cur eos potius quàm electos reijceret, præter vnum ipsius beneplacitum. Rectè enim dictum est à doctissimo Grotio alicubi, nonnulla fieri iustè quæ tamen non iniustè omitti queunt. Qui reum punit, iustè id facit.

Incidunt

Eth ad
Nicom
lib. 8.
cap. 2.

Incidunt tamen aliquando res & tempora, quibus reo parci potest clementer & non iniuste. Qui debitum reposcit, iuste agit. Id tamen liberaliter remittere potest si libet, citra iniustitiam. Et qui dat eleemosynam negare forte iuste potuit, cum tamen eam dare etiam potuerit misericorditer, *quod ad idem*. His ita explicatis manifestum est Deum in reprobatione non modò delectatum non esse morte peccatoris per se, sed ne quidem per accidens. Non enim in reprobatione agitur de morte irroganda, sed de fide denegandâ. Quamobrem Anonymus frustra veluti admirabundus interrogat, si ne potuerit ut deus ex mera voluntate vel absoluto aliquo decreto, sine respectu ad opera præiusta, tot millia hominû in peccato Adæ iacentium, pœnam æternarum necessitati inevitabili reservaret. Ea partim falso partim invidiosè in Calvinum dicuntur. Falsò, quia nusquam reservationem illam ad exitium æternum retulit ad meram Dei voluntatē, respectu ad peccatum seposito. Invidiosè, quia peccatum illud Adæ, in quo iacent qui dānantur, non explicat Anonymus quem loquum habeat in decreto damnationis, ex Caluini sententia. Id autem infra diligentius examinabimus. Pergit autem ille sic.

Luc 19. 10. Venit filius hominis quærere & saluum facere quod perierat. *Venit ergo ad omnes homines servandos, quia omnes homines perierant. Quod cum absolute illo multos reprobandi decreto consistere non potest.*

Nisi Caluini sententiam defendere mihi vnicè propositum esset, possem respondere Christum non dicere venisse filium hominis saluum facere *id omne quod perierat*. Absque quibus verbis Anonymi ratiocinatio claudicat. Nam si vnum tantum modò hominē Christus redemisset, obsecro nonne saluum fecisset id quod perierat? Verum Calvinus aliter se se tuetur. Nam in hunc locum quidem commentatus est paucissimis his verbis. Ne superior vita Zachæi (qui princeps erat Publicanorum) ianuam salutis ei videatur clausisse, ab officio suo ratiocinatur, nihil in hac mutatione esse quod quenquam offendere debeat: qui missus à Patre fuerit ad servandos qui perditum sunt. At facile est ex alio loco supplere quod respondisset si rem fusius explicare voluisset. Sic igitur loquitur lib. de Prædestinatione. Cum speciali electione congruere non videtur quod Christus totius mundi Redemptor omnibus promissæ Evangelium prædicari iussit. Atqui Evangelium legatio est patris quæ reconciliator mundus Deo, ut Paulus docuit de eodem Gal. 1. annuntiatur ut qui a divinitus salvi sunt. Respondendo breviter Christum sit toti mundo or-

ordinatum esse in salutem, ut eos seruet qui à Patre illi dati sunt; eorum sit vita quorum est caput; eos in bonorum suorum societatem recipiat quos sibi Deus gratuito beneplacito hæredes adoptauit. Non ergo sanè Caluinus negauerit Christum ad omnes homines seruandos venisse, modo credant: negauerit tantum inde sequi nullam fuisse quibusdam hominibus prærogatiuam iudultam, quæ reliquis concessa non est, nempe ut seuera credant.

Anonymus sic progreditur. Ioann. 15. 22. si non venissem, & locutus fuisset eis, peccatum non haberent; nunc autem excusationem non habent de peccato suo. *At verò si vera esset illa sententia de absoluto decreto, excusationem habere viderentur satis validam; nempe impotentiam suam inuincibilem, ex eo quod Christus pro ipsis non uenerit, quod Deus in ipsis efficaciter operatus non fuerit, quod absoluto Dei decreto ad mortem æternam prædeterminati fuerint.*

In tribus igitur Anonymus reproborum excusationem constituit. In eo quod absoluto decreto Deus ad mortem eos prædeterminauerit. In eo quod Christus pro ipsis non uenerit. In eo quod in ipsis Deus efficaciter operatus non fuerit: Vnde fit ut in illis sit ad credendum impotentia quædam inuincibilis. De primo iam respondimus nusquam à Caluino scriptum esse, prædeterminationem ad mortem æternam, quæ propriè damnatio est, factam fuisse absolute, si absolute significat negationem respectus ad peccatum, ac præsertim ad incredulitatem, tanquam ad causam meritoriam. Id autem disertè confirmatur ex Commentario Caluini ad hunc locum. Sic enim ille ad ista verba, *Peccatum non habent.* Videtur Christus innuere his verbis solam incredulitatem peccatum esse: & sunt quibus ita videtur. ²⁰ Augustinus quidem magis sobriè, sed tamen ad eundem sensum accedit. ²¹ Nam quia fides remittit & delet omnia peccata, dicit unum esse ²² incredulitatis peccatum quod damnat. Verè hoc dicitur: quandoquidem non modò obstat incredulitas ne eximantur homines à mortis ²³ reatu; sed fons & causa est malorum omnium. Cæterum tota illa disputatio nihil ad presentem locum facit, &c. Itaque & punitur incredulitas, & si illa abesset, teste Caluino, nulla alia peccata punirentur. Ergo Deus incredulitatem punire ab æterno decreuit. Nam ab omni tempore cognita sunt illi opera sua. De secundo respondeat idem Caluinus. Argutè se ratiocinari putat Georgius cum dicit, Christus propitiatio est pro peccatis totius mundi. Controuersia caret Christum expiandis totius mundi peccatis venisse. Sed confestim occurrit ²⁴ illa solutio: ut quisquis credit in eum non pereat, sed habeat vitam ²⁵ æternam. Item. Quamuis per Euangelium offeratur omnibus recon-

ciliatio, peculiare tamen est electis beneficium, ut in vitæ societatem colligantur. Est igitur eatenus reprobis excusatio præcisa. Patet illis per Christum ad Dei misericordiam aditus, modò credant. De tertio denique Caluiniū adhuc audiamus. *Si non venissem.* Quod Iudæos dixerat odio prosequi Euangelium quia Deum non cognoscerent; ne quis hoc valere putaret ad leuandam eorum culpam, subiicit eos malignè cæcutire, quemadmodum si quis claudat oculos ne lucem adspicere cogatur. Nam alioqui obiectum fuisset Christo, si Patrem tuum ignorant, qui sit ut eorum errori non succurras? cur non saltem tentasti an prorsus essent indociles nec-ne? Respondet se boni ac fidei doctoris officio perfunctum esse, sed sine profectu: quia eos malitia ad sanam mentem redire passa non fuerit. Videt. ne Arminij discipulas impotentiam illam quam inuincibilem appellat, inuincibilem quidem esse, sed tamen voluntariam? Hocne igitur æquum est ut idèd se se excusent increduli, quod fuerint aded nequam, ut non modo sponte mentis oculos clauderent, sed etiam ut contingere planè nequisorit quin eos clauderèt obstinatissimè? Verum Deus non est in ijs operatus efficaciter. Sanè. Id si fecisset, in illis tanta malitia, tantaque pertinacia futura non fuisset. Ad hoc autem mihi vicissim respondeat Anonymus. Certum est magnam hominum partem non credere. In ijs igitur qui non credunt, est. ne Deus, etiam ex Arminij hypothesi, operatus efficaciter? Non videtur. Nam si id fecisset, credidissent. Potest. ne istud animo comprehendi, ut Deus in hominibus efficaciter eum in finem operetur, ut fidem in eorum cordibus ingeneret, fides autem in eorum cordibus non ingeneretur tamen? Quenam est illa operatio efficax, quæ nihil dat effectum? Neque verò ed confugiat ut dicat, Deum in omnibus illuminauisse mentem efficaciter, at restituisse voluntatem, ac noluisse id quod per intellectus illuminationem offerebatur, admittere. Multis enim modis per fugium istud interclusum est. Primum, absurdum est illuminationem esse mentem efficaciter quæ voluntatem non trahit. Scilicet illuminatio vel est actio Dei pellentis ignorantiam ex intellectu, & Christi cognitionem inducentis. Vel est ipsa Christi cognitio per actionem Dei illuminantis in mentem inducta. Itaque mens efficaciter illuminata cognoscit Christum esse Redemptorem, absque quo vno esset, exitium ineuitabiliter nos maneret. Quod si mens illud cognoscit, voluntas verò contemnit, contemnitur summum bonum cognitum, summum malum itidem cognitum appetitur à voluntate. Quod nemo dixerit qui veram philosophiam à limine saluauerit. Deinde

fac mentem efficaciter illuminari intacta atque immota voluntate, quandoquidem Arminij discipuli fidem constituunt non in mentis illuminatione, sed in determinatione voluntatis, efficaciter quidem Deus egerit in intellectu, dum illi per Spiritum Evangelicum affulsit, at in voluntate non egerit efficaciter. Quid autem attinebat ut efficacitatem illam suam exereret in ea nostri parte cuius vel præstantissima constitutio ad salutem est ipsa inefficax, nihil autem in altera præstaret, ex cuius vel bona vel mala constitutione dependet salus aut exitium æternum? Nonne & hic queri possunt increduli se esse a Deo desertos? Non exultationem illam obtendere, Deum in ipsis non esse efficaciter operatum? Fac etiam, quod illi, quamquam peccati absurde, volunt, Deum eò usque in eorum voluntatibus efficaciam suam exeruisse ut illas in æquilibrio constitueret, adeò ut possint in hanc vel in illam partem pro arbitrio semet ipsas inclinare si velint, inclinationem non dedit tamen, ex eorū hypothesi. Id autem quantum momenti sit, partim ex ipsa re, partim ex experientia manifestum est. Ex ipsa re primum. Nam indifferentia illa quam somniant, malum est. Qui enim pendet incertus utrum credat in Christum per Evangelium oblatum, an verò Christum rejiciat, ille nondum credit. Qui autem nondum credit, ille tenetur peccato impeditus. Qui fiet igitur ut cuius voluntas peccati vinculis adhuc implicita est, ille minus suæ voluntatis nutu ad fidem propendeat? Qui pote ut eas ipsam peccati vinculis exolvat quibus retrahitur à credendo? Ex experientia etiam. Nimirum ex admodum multis vocatis credunt oppido pauci. Quod, etsi verum esset quod statuunt, omnium mentes efficaciter & sufficienter illuminari, magnum argumentum esset tamen, ingentem esse vim illius peccati quo voluntas in imaginario æquilibrio constituta etiamnum detinetur; quandoquidem in tam multis hominibus operationem divinam quantum vis efficacem, reddit inutillem. Itaque & hic queri possunt Deum nondum satis efficaciter egerisse, & obtendere rem esse vel plane impossibilem, vel miraculo proximam siquis ex eo statu se se promoveat usque ad Christi fidem; clamabunt vix ac ne vix quidem quærent posse ut voluntas peccato gravata, suspecta librataque diu inter Christum & mundum pendeat, quin statim feratur in eam partem in quam vitium, quo affecta est, naturaliter propendet. Quocirca quidquid Deus salutis nostræ causa fecerit, manere semper vel impotentiam credendi inuincibilem, vel aliquid quod ad inuincibilem impotentiam, tam prope accedit, ut nihil rarius accidat quam ut vincatur. Debuisset ergo Deum agere multo

multo efficacius ut ne frustra salutis spem nobis fecisse videretur. Sic nullus erit finis querimoniarum. Denique fac, quod falsissimum & prorsus *ἀνολύσι* est, in differentiam illam vitio vacare, quæso quid facit ut ex infinita multitudine hominum quos illuminatio vindicavit à credendi impotentia, tam pauci credant, tam multi Deum trahentem repellant & aspernentur? Nam ut quæ semper eodem modo fiunt, causam habent necessariam & determinatam, sic quæ prope modum semper eodem pacto eueniunt, causam habent quæ ad vim necessitatis proximè accedit. Quid igitur illud est? Sanè non est ipsa *ἀνολύσι*. Nam *ἀνολύσι* per se neque in hanc neque in illam partem impellit, alioquin non esset indifferentia. Tum si dare posset ipsa inclinationem ad morum, consentaneum esset, quandoquidem est indifferentia, ut tam sæpe ad fidem quam ad Evangelij cōtemptum incliparet. Nunc autem contra est. Quamobrem omnino necesse est ut sit aliquid voluntariæ naturæ insitum & ab efficacia operationis diuinæ minime sublatum, quod voluntatem hominum potius quam istorum inflectat. Quod si ita scire habet, ut se habere procul dubio necesse est, etiamsi verum esset id omne quod illi falsissimè statuunt, quid opus est istis ambagibus? Deus efficaciter intellectum illuminat, ac in voluntate nihil prorsus operatur. Aut si operatur aliquid, statuit eam in æquilibrio duntaxat, ut possit credere vel non credere si velit. Cæterum neque dat ut velit neque verò tollit illud quidquid est, insitum, quo fit ut vix ac ne vix quidem contingere queat id ut velit. Unde est ut mortalium longè maxima pars, aut necessariò non credat, aut viam ad fidem nullam habeat nisi rotæ difficultatibus obstructam atque impeditam, ut ne mille finis quisque quidem hominum eam ingrediatur. Notine facilius erat recta & sine circūtione eo descendere quod Calvinus ex mente ipsius Christi defendit, vocari quidem omnes externa prædicatione indifferenter, venire vero tantum eos quos Pater ipse trahit, tractionem autem eam in eo sitam esse quod qui veniunt, intus à Spiritu Dei docentur? Nam quod illi præcipuum ac velocius palmarium in doctrina esse putant, ut exitij hominum culpa penes eos non resideat, quia credere poterunt si voluissent, Calvinus sententia perinde habet. Potuerunt, ex ea, credere, si voluissent; est enim illis Christi crux oblata quam amplexerentur. Cur neque voluerint, neque vero velle potuerint, obstitit yna malitia, quam decreti absoluti defensores non esse sublata viro confitentur, Arminij discipuli, ut supra vidimus, confiteri coguntur: neutri autem dixerint incredulis in malitia legitimam mercedem deditur.

Ioan. 6.
44. 45.

dulitatis suæ excusationem esse paratam. Aut si illi quod impedimentum volūtatī à natura infidet, vitio carere dicūt, (quod dicere nequeūt nisi absurdi ac ridiculi videri velint: quæso enim potestne vlla incredulitatis esse vera & proxima causa quæ vitio careat?) in eo Calvinis sententia longè potior est, quæ statuit vnam malitiam in causa fuisse quominus reprobis crederent. Malitiæ enim culpa est in vno homine: cum alterum illud quidquid est, si vitium morale non est, & culpa vacat, à Deo sit haud dubiè. Istud denique, quod verè palmarium est, Calvinis sententia obtinet, cum ex Arminij opinionibus efficiatur necessariò, vt quod vbi reliqui Euangelio renituntur, nonnulli credunt: (quæ laus est longè maxima, & ex qua salus ipsa dependet) id ipsorum arbitrio libero, non Dei gratiæ, imputandum sit. Calvinus contra cum fidei rum salutis nostræ Deum inceptorem, promotorem, perfectorem, & consummatorem vnum agnoscit.

Sequitur apud Anonymum, Rom. 11. 32. Conclufit Deus omnia in incredulitate vt omnium misereatur. *In quo versu satis patet ista duo, omnia, & omnium, opposita, esse æqualis latitudinis & extensionis.*

Respondet Calvinus absque vllius ope. Nimis crassè, inquit, in Commentarijs ad hunc locum, delirant qui hinc colligunt omnes fore saluos. Paulus enim simpliciter intelligit tam Iudæos quàm Gentes, non aliunde quàm ex Dei misericordia salutem consequi; necui conquesendi materiam relinquat. Certum quidem est omnibus indifferenter expositam esse hanc misericordiam, sed qui eam fide quæsierint. Reuera, quid sibi volunt Arminij discipuli? Nam illud, vt, vel finem Dei denotat, vel rei euentum. Si euentum, omnes ne ergo salutem consecuti sunt? Omniumne Deus tandem aliquando miserturus est? Nullius damnabuntur? Si finem; quandoquidem certum est non omnes saluos fore, Deus quod voluit non fuerit affecturus. Fine suo excidit. Quod præstantes illi Theologi scilicet, & qui se Farum aboleuisse gloriantur, sepe dicere audent. Verùm id offendit aures verè Christianas, Deum certò quodam atque definito consilio & voluntate determinatà voluisse, quod perficere nequiverit. Voluit ergo Deus omnium miseri, sed carenus vt omnes misericordiam illam fide requirant. Vnde autem fiat vt alij requirant, alij verò oblatam contumaciter repellant, aliud pertinet. Hic autem referre inuat auream Bezzæ notam in illa Lucæ verba: *οὐδεὶς τῶν θεοῦ ἐκλεκτῶν ἀπολείπεται*. Nempe, inquit, quod ad ipsius rei exitum attritus, quo euasit ipsis exitij instrumentum, id quod eos ad resipiscentiā & salutem vocabat. Alibi, restatur Paulus verbum

bum Dñi non posse excidere : & absit vt de Deo minus diuine
 sentiamus quàm de suo Ioue Homerus, quum sic eum loquentem
 inducit, οὐ γὰρ αὖτις παλαιά γράβει, οὐδ' ἀπατηλὸν, οὐδ' ἀτελεύτητον γ' ἔπ' ἀνέκαφε-
 λ' ἔχεται. Itaque quamuis soli homines in culpa sint, quoties nul-
 lum beneficentiæ Dei locum relinquunt, tamen consilium Dei rescin-
 di posse nego, cùm ipsorum contumacia sit iusti iudicii Dei aduersus
 eos executio. Nempe, consilium illud quod in verbo declaratum est,
 Deum eos velle saluos, modo credant, abrogant. Arcanum, quo
 decreuerat illis non indulgere fidem, ipsi contumacia sua prodide-
 runt & prorulerunt in apertum. At disputator Apostoli mentem eo
 loco non intellexit. Si Iudæi credidissent, nihil procluius fuit, quæ
 est hominum inscitia atque suberbia, quàm vt aliquis existimaret id
 esse tribuendum eorum arbitrio libero, quia vitam, si spectetur in o-
 peribus externis, multo minus contaminatam quam Gentiles con-
 suessent, agere videbantur. Sic facilè creditum esset, Iudæorum na-
 turam quàm. Gentilium minus esse corruptam. Deus igitur ea rem
 sapientia dispensauit, vt permiserit Iudæos in Christum impingere pro-
 pteruè ac pertinaciter, Gentilibus interim ad vitam meliorem redu-
 ctis: vt cùm Iudæos ad veritatis notiam conuertere libuerit, nemo
 sit qui non agnoscat id eos ipsius puræ putæ misericordiæ, non arbi-
 trij sui libertati debere. Suam enim natiuam corruptionem suam-
 que in malo pertinaciam tum non minus eos testatam fecisse consta-
 bit, quàm perditissimum ac profligatissimum quemque Gentilium.
 Istud ergo, vt misereretur, significat, vt manifestum fiat eum misereri
 omnium, quotquot salutem consequuntur; quod vterque populus
 credidit, id vni Dei misericordiæ acceptum esse ferendum. Nam vt
 multa tum demum esse dicantur, quum in lucem prodeunt, in Scri-
 ptura tralatitium est. Atque id vidit Calvinus, & disertis verbis ex-
 pressit, tum in Commentario ad hunc locum, tum in libro de Præ-
 destinatione, in quo similes obiectiones confutauit.

Filium disputationis sic continuat Anonymus. Ioan. 3. 16. Sic
 Deus dilexit mundum &c. vt omnis qui credit in eum non pereat, sed
 habeat vitam æternam. *Neque est quod dicat aliquis Mundum hic
 intelligi pro numero electorum. Qualis enim verborum sensus esset si ita
 legatur. Sic Deus dilexit electos vt quicumque credit in eum non pereat,
 &c. Vnde plane sequeretur, (quo nihil absurdius) electos esse duplicis ge-
 neris, alios qui credunt & salutem consecuturi sunt, alios qui non credunt
 & damnandi sunt.*

Ista nihil planè aduersus se facere Calvinus fidenter pronuncia-

verit. Eius Commentarium in hunc locum iam supra citauimus.
 » Hæc itidem illius verba sunt in versum sequentem. *Non enim misit*
 » *Deus &c.* Confirmatio est proximæ sententiæ : quia non frustra
 » Deus huc ad nos suum filium misit. Atqui non venit vt perdat ; se-
 » quitur ergo proprium esse Christi officium vt salutem per eum con-
 » sequantur quicunque crediderint. Iam non est quod dubitet quis.
 » quam vel anxie laboret quomodo mortem possit effugere, quando
 » tenemus hoc esse Dei consilium, vt nos ab ea Christus eripiat. Re-
 » petitur iterum mundi nomen, nequis omnino arceri se putet, si modò
 » fidei viam teneat. At continuò addet vir præstantissimus quod illi
 » solenne est, his verbis indicari quidem quid futurum sit omnibus ho-
 » minibus si credant, non autem vnde fiat vt nonnulli credant.

Quæ sequuntur apud disputatorem sic se habent. 1. Tim. 2. 5.
 Qui omnes homines vult saluos fieri & ad agnitionem veritatis ve-
 nire. Quod verò aliqui hoc in loco per omnes, intelligunt tantum omnia
 genera hominum, alienum videtur à sensu Apostoli. Constat enim hic
 singula indiuidua, non genera tantum significari. In primo enim huius ca-
 pituli versu præcipitur, vt preces fiant pro omnibus, id est singulis : & in his
 verbis ratio additur, quia Deus vult omnes, id est singulos, saluos fieri.
 Neque minus à scopo aberrare videtur altera illa interpretatio, nempe
 quòd voluntate reuelata Deus omnes seruatos vellet, non autem voluntate
 secretâ. Vnde sequeretur verbum Dei quod est voluntas eius reuelata ab
 animo eius & mente vel voluntate occulta dissentire, adeoque verba eius
 veritate etiam carere. Oratio enim quæ mentis significatio non est, quid
 aliud quàm mendacium est ? Sequeretur etiam duæ in Deo voluntates
 esse contrarias ; occultam unam, vt multi damnentur, reuelatam alte-
 ram vt omnes seruentur. Sequeretur denique alteram ex his duabus vo-
 luntatibus malam esse. Contrariarum enim si unum bonum, alterum
 malum est.

Caluinus est in eorum numero qui locum istum non de omni-
 nibus & singulis hominibus, sed de hominum omnibus ordinibus in-
 tellexere. Id patet ex eius Commentarijs, Institutione, & libro de
 Prædestinatione. Verum ad eam interpretationem non idèd ani-
 mum adiecit quod existimaret ab altera, quæ singulos complectitur,
 doctrinam de absoluto reprobationis decreto conuelli. Etenim in
 locis similibus, vt supra demonstrauimus, nihil istiusmodi reformida-
 uit. Quin existimauit id adèd esse liberum vt solennibus precatio-
 num formulis quibus etiam num Ecclesiæ nostræ in publico Dei cul-
 tu vtuntur, hanc clausulam inseruerit. Insuper tibi preces nostras
 offerimus,

offerimus, Deus clementissime & Pater summe misericors, pro omnibus in vniuersum hominibus, vt quemadmodum totius humani generis agnosci vis Seruaret, per redemptionem à Iesu Christo filio tuo præstitam, ita ij qui adhuc ab illius notitia sunt alieni, tenebrisque immerfi, ad rectam salutis viam reducantur. Quæ precatio singulos homines proculdubio spectat. Et quamuis distinctionem de hominum ordinibus in explicatione verborum istorum arctè tenuisse videatur, sic tamen loquitur in libro de Prædestinatione. Nec verò ratione caret trita illa distinctio, non singulos generum, sed genera singulorum notari. Quod tamen non alia sit Dei voluntas intelligenda, quàm quæ patet externa Euangelij prædicatione, ex contextu euincitur: vt Deum significet Paulus omnium velle salutem, quos benignè ad Christum inuitat. Singulos autem inuitat certè. Itaque ad familiarem suam responsionem confugiet, in ijs locis agi non de arcano Dei consilio, sed de voluntate in verbo reuelata. Est autem illa distinctio quam tribus incommodis se se vehementer premere putat Anonymus. Ait enim primùm absurdum esse Dei voluntatem reuelatam ab arcana dissentire. Omnino. At quibus fidiculis exprimeret à Caluino vt fateatur hîc esse veram pugnam inter vtramque illam, si ita loqui fas est, Dei voluntatem? Nempe voluntate reuelata hoc Deus significauit duntaxat, velle se vt omnes homines salui fiant, modò credant. Quod sanè cum eius animo consentit. Id enim vult, & vult maximè seriò, adeò vt si quis eorum qui reprobî nuncupantur, verè crederet, salutis esset compos: quis id neget? Synodus ipsa Dordrechtana quam Remonstrantes rigidi decreti rigidam defensoricem esse quiritantur, nonne doctrinam istam in Ecclesia Dei ianxit, *Quos quot per Euangelium vocantur seriò vocari? Seriò enim & verissimè ostendit Deus verbo suo, quid sibi gratum sit, nimirum vt vocati ad se veniant: Seriò etiam omnibus ad se venientibus & credentibus requiem animarum & vitam eternam promittit.* Et quid hoc aliud est, Deum velle omnes homines saluos fieri, præter quàm quòd ipsi gratum id sit futurum, nisi per multorum inuictam impœnitentiam & malitiam prorsus immedicabilem staret? Ideò viri præstantes voluntatem istam *ἐὐαγγελίου* appellarunt. Ijs enim *ἐὐαγγελίου* dicimur, quæ nobis placent, quæ grata sunt atque accepta, vno verbo quibus factis delectamur, quæ non facta ferimus ægrè, & dolemus & indignamur. Sic, Apostolo teste, Deus *ἐὐαπορεύεται* humanitate ac beneficentia; rebus cum ipsius ingenio ac natura congruentibus. At ea voluntate non significauit se velle omnibus hominibus dare fidem, vim

Heb. 13
16.

efficacissimam Spiritus sui in eorum cordibus exerendo. Pertinet illud ad voluntatem quam τὴν ἐκδοχὴν appellant, quia posita est in certa quadam atque immota ~~voluntate~~, cuius nullam rationem reddere potes præter vnum Dei liberrimum arbitrium. Εὐδοκία enim duo illa comprehendere solet; ὁ ἀπομνημονεύων τὰς ἐκδοχὰς τῆς ἀλίας τῆς βουλῆς. Atque ut id clarius euadat, de voluntate Dei paulo accuratius disputandum est.

Est igitur illa quidem certè vna res, eaque longè simplicissima, sed quæ pro modulo concipiendi nostro duobus modis considerari debet. Versatur enim vel in præscriptione officij creaturæ; quod sit Legis promulgatione seu per naturam rerum, seu per Verbi reuelationem; & patefactione misericordiæ atque inuitatione ad pœnitentiam; ideoque à nonnullis eatenus vocatur *præcipiens*. Vel versatur in determinatione eius quod futurum est in euentu: quocirca *decernens* appellatur. Illà, quæ reuelata dici solet, Deus testatur apud se paratam esse veniam & remunerationem omnibus qui officium facere non detrectauerint; atque ad eam rem accommodat doctrinam, per quam homines ad officium faciendum inuitantur. Itaque constituit veluti palmam in medio, quæ omnes ad cursum inuitet, & adhortationibus incitat. & promissionibus allicit, & acuit atque excitat pœnarum denunciationibus; ut excipiator nemo, omnes erigantur promiscuè in spem, omnibus iisdem conditionibus vita offeratur, nihil quicquam residui fiat quod pertineat ad fiduciam ingenerandam. Vnde illa Caluini verba. Certè si consideramus quorsum
 » tendat cælestis doctrina, reperiemus vocari omnes promiscuè ad salutem. Lex enim via fuit vitæ, ut testis est Moyses. Hæc est via, ambulante in ea. Item, quisquis fecerit ea viuere in ipsis. Item, hæc est vita vera. Deinde ultro etiam Deus se obtulit veteri populo misericordem. Denique cælestis doctrina omnibus debet esse viuifica. Quid autem
 » Evangelium? Est potentia Dei ad salutem omni credenti, inquit Paulus. Quod autem Deus se testatur esse, procul dubio est, neque miseros mortales inani misericordiæ larua ludificatur. Huius verò, quæ arcana etiam dici solet, duo sunt actus, ut iam dixi; alter qui certò & affirmatiuè determinat dare quibusdam ut officium faciant; alter qui negat se id daturum alijs. Non quòd nolit omnino eos quibus se daturum negat, respicere. Id enim illis præcipit, & si præcepto obtemperarent, foret gratissimum. Sed quia idoneas rationes habet cur nolit ipse in ijs præstare quod præcipit, & quo præstito tamen, si ad id creatura animum appelleret, impensè delectaretur. Ex quo, nō sal-

Com.
in Ezech
18. 32.

lor, abundè refellitur primum illud obiectamentum, quasi Dei verbum cum eius animo non consenseret. Neque difficilius alterum diluitur, duas sic statui pugnantes inter se in deo voluntates. Nam prior actus voluntatis arcanæ seu decernentis ita non pugnat cum voluntate præcipiente seu reuelata, vt sibi mutuas veluti eradant operas, ad id effectum dandum quod à Deo constitutum est. Hæc proponit obiectum, additis minis atque promissionibus, & hortationibus insuper, quæ sunt aptæ natæ ingenio humano expergefaciendo, quod natura sua mirum in modum torpet. Illa mentem intus liberat natiua caligine quâ circumfusa est, & voluntatem expedit atque exoluit peruersis affectibus quibus præpedita tenebatur. Sic ex obiecti eo modo comparati, ad facultatem ita constitutam impulsu, necessariò oritur quod à Deo decretum est, nempe fides. Posterior actus non præstat quidem operam volûtati reuelatæ ad rem efficiendam: at rei effectum nullatenus impedit, quando quidem situs est in mera actionis negatione. Neque Deus idèd secum ipse pugnare dici potest, si non facit ipse quod creaturam facere iubet: neque minus verè vel seriò iubere putandus est, si non ipse efficit vt mandato pareatur: neque postremò minus fideliter iubendo promittere; si eò vsque non procedit vt decernat ipse facere ne promissio respuatur & inutiliter cadat. Tertium quod obijciatur leuius est quàm vt nos remorari debeat ad alia properantes. Quenam enim est inter ista duo contrarietas, Deus vult omnes homines saluos fieri modò credant; at non vult dare omnibus hominibus vt credant? Sunt neciam inter se contraria duo ista? Titio, inueni dissoluto, centum aureos do lego, modò reuertatur ad meliorem frugem: atque hanc meam erga se beneuolentiam ipsi restatam esse volo, quo acrius ad virtutis studium instigetur. Cæterum rem eius arbitrio & amicorum suasionibus permitto, nihil quidquam ultra præstiturus. Sunt ne denique ista pugnantia inter se? Semproniam vxorem ducere constitui, eamque facere thori mei meæq; fortunæ participem, adeo vt illi concedam in throno mecum sedere, ea lege si me turpibus ac importunis à quibus ambitur, quibusque adeò dedita est, præcis anreponat: idque illi volo significari à præconibus meis, nequa in eius animo de re tanta dubitatio suboriat. Nihil tamè præterea faciam, nec aliter volo quàm suasionibus eius mentem sollicitari. Cerrè neque Iuris quisquam peritus, neque sensu hominum communi præditus ista sibi repugnare contendet. Nam quod Arminij discipuli hîc clamitant, ista omnia necessariò esse irrita, quia reprobi

conditionem accipere non possunt, & iam supra refutatum est, & infra adhuc diligentius refelletur. Hic sat habemus demonstrare diuerfos illos voluntatis diuinæ actus pulcherrimè inter se conuenire.

Causæ præsidium quærit disputator in his verbis. 2. Pet. 3. 9. Nolens aliquos perire sed omnes ad pœnitentiam reuerti. Et addit. *Qui verò hic dicunt electos solos intelligi, multum falli videntur: de quibus enim hic loquitur Apostolus nisi de illis quibuscum patienter agit Dominus? Quinam vero illi? Num electi soli? Annon etiam illi qui in peccatis moriuntur, quorum conuersionem diu & patienter expellat Deus? ut patet Rom. 9. 22. Sustinuit in multa patientia vasa iræ aptata ad interitum. Vel si hic locus minus clarus sit, vide Rom. 11. 4. 5. An diuitias bonitatis eius & longanimitatis contemnitis? Ignorans quod benignitas Dei te ad pœnitentiam adducat? Secundum autem duritiam tuam & impœnitens cor, thesaurizas tibi iram in diem iræ. Reprobi etiam ergo sunt in numero illorum erga quos Deus patientiam & longanimitatem exercet. In versu autem citato B. Petrus loquitur de illis in quos patientiam exercet Deus, è quorum numero reprobi non possunt excludi.*

Tanta vero Caluino fuit causæ suæ fiducia, tantusque in interpretanda S. Scriptura candor, ut locum illum Petri sic explicauerit.

” Tardus is dicitur qui occasionem pigritia effluere sinat: In Deo nihil simile, qui temporum rationem ad salutem nostram optimè at-

” temperat. Atque omnino de totius mundi duratione idem quod de

” cuiusque hominis vita sentiendum est. Deus enim tempus singulis

” prorogando, sustinet eos quoad resipiscant. Similiter finem mundi ideo non accelerat, ut det omnibus resipiscendi spatium. *Nolens*

” *illos perire.* Mirus hic erga humanum genus amor, quod omnes

” vult esse saluos, & ultro peruntes in salutem colligere paratus est.

” Notandus autem hic ordo, quod paratus est Deus omnes ad pœnitentiam recipere, nequis pereat. Addit autem, nequis eum Arminij

” discipulus de Prædestinatione hic non cogitasse putet. Sed hic quæ-

” ri potest, si neminem Deus perire velit, cur tam multi pereunt? Res-

” pondeo, non de arcano Dei consilio hic fieri mentionem, quo des-

” tinati sunt reprobi in suum exitium: sed tantum de voluntate quæ

” nobis in Euangelio patet. Omnibus enim promiscuè manum illic

” porrigit Deus, sed eos tantum apprehendit ut ad se ducat quos ante

” mundum conditum elegit. Nempe voluit omnes homines saluos esse modò credant. Ideoque per voluntatē reuelatam manum promiscuè

miscuē omnibus porrexit: at arcano consilio decreuit horum manum apprehendere atque ad se trahere efficaciter; illorum verò noluit, unde incubuit pereundi necessitas. Nimirum manui illi tam benignē porrexta nemo dextram implicuit, quo ab exitio reuocaretur.

Urget autem præcipuē disputator locum ex Rom. ii. 4. 5. atque in eo tria dicit esse animaduertenda, *qua contra absolutum reprobandi decretum mirum quantum facere videntur. I. enim, inquit, ibi patet quid sibi velit & quid intendat Deus, diu expectando peccatores: nempe ut eos ad resipiscētiā & salutē adducat. II. Quales sint quibus hoc bonum intendat Deus. Illi nempe qui contemnunt diuitias bonitatis eius, & qui duro & impenitenti sunt corde. III. Quid consequatur contemptum istum diuina patientia, nempe ut thesaurizent sibi iram, &c. Ex quibus simul iunctis hoc colligitur, Deum parcendo impijs & reprobis qui duro corde sunt, salutē eorum velle & intendere: ipsos verò patientia diuina abusu iram sibi thesaurizare. Quod quomodo cum absoluto illo decreto consistere possit non video. Secundum enim illud decretum, Deus non salutē eorum sed damnationem intenderet.*

Quid si Calvinus tria illa concedat ultro, ex ijs verò quod elicitur ab Aduersario, strenuē neget? Non-ne videbitur ipse sibi operam quam posuit in excutiendis Apostoli verbis infelicitē collocasse? Audiat ergo. *An dimittas &c.* Non mihi videtur hūc esse dilem-
ma, quod nonnulli putant, sed prolepsis. Quoniam enim hypocritæ
ferē prospero rerum successu inflantur, ac si Domini clementiam suis
benefactis promeriti essent, atque ita magis in Dei contemptum ob-
durescunt, occurrere eorum arrogantiae Apostolus, atque argumento
à contraria causa sumpto, demonstrat non esse cur Deum sibi pro-
pitium ab externa prosperitate reputent, quando illi longē diuersum
est benefaciendi consilium, quo scilicet peccatores ad se conuertat.
Ergo ubi non regnat Dei timor, securitas in rebus prosperis est con-
temptus atque ludibrium imitensae eius bonitatis. Vnde sequitur
grauiores poenas iure daturos quibus in hac vita Deus pepercerit,
quia ad reliquam prauitatem accessit quod paternam Dei inuitatio-
nem respuerunt. Item. Transgressores legis dum eadem excipit indul-
gentia, sua benignitate vult quidem emollire ipsorum contumaciam:
non tamen se illis propitium iam esse testatur, quin potius eos ad resi-
piscētiā vocat. Videtne disputator nihil esse à se obseruatum in
eo loco quod Calvinus tanto ante non animaduertit? At quid in-
de sequitur? Neminem in decreto de donanda fide prætermisissimū esse?
Siccine concludunt? Utitur Deus erga contumaces & refractarios

summa lenitate, patientia, ac benignitate; (idque ea de causa Apostolus *ἀνδρ* appellat) eoque animo utitur ut resipiscant, atque adeo si resipiscant, ut salutis fiant compotes denique. Sic affectus est, sic comparatus à natura, quæ est nûminis eius bonitas & *φιλανθρωπία* inenarrabilis. At non usque eò misericordia procedit ut virtutem efficacissimam adhibeat, quæ sola præstare potest ut tantam benignitatem minime contemnant. Ideo ne suum ipsi exitiû imputare possunt? At Calvinus certè cùm Commentarium istum scriberet, non egit oscitanter; non ignoravit illam locum ab arbitrij liberi patronis ad errorum suporum confirmationem non tam duci quàm torqueri solere. Addit
 » enim: Si quis autem iniiciat Dominum surdis canere, quandiu intus
 » corda non afficit, respondendum nihil hîc posse accusari nisi nostram
 » prauitatem. Verum ista responsio pertinet ad loca sequentia. Nos ad alia pergamus.

Sic igitur procedit Anonymus, *His testimonijs addi possunt & alia.* Heb. 2. 10. Ut pro omnibus gustaret mortem, & 2. Cor 5. 15. Pro omnibus mortuus est Christus. Et 1. Paralip. 28. 9. Si quæsieris eum, inuenies: si autem dereliqueris eum projiciet te in æternum. Et Heb. 10. 38. Iustus ex fide viuet: Quod si subtraxerit se, non placebit anima mea. Genes. 4. 7. Nonne si bene egeris recipies; sin autem male, statim in foribus peccatorum aderit. Ex quibus satis constat, Deum neminem deserere nisi deseratur. Quid vero est deserere ex parte Dei, nisi media ad salutem sufficientia non subministrare? Quos verò decreto absoluto reprobauit Deus, non suppeditat eis sufficientem gratiam, quia non ita intus operatur in ijs, ut gratiam suam efficacem reddat, sine qua interna operatione, sine per illuminationem intellectus, sine per inclinationem & calefactionem cordis, gratia Dei, etiam secundum absoluti decreti patronos, efficax non est nec esse potest, ne si ad sint quidem alia quæcunque. Quod si Deus neminem reijcit nisi reijcientem, tum proculdubio neminem æternò decreto reiecit, nisi eum à quo se reiectum iri prauidit. Cùm igitur opinio illa de absoluto decreto tot S. Scriptura testimonijs aperte repugnet, vera esse non potest: etiam si nonnulla obscurius dicta in sacris Scripturis ei quodammodo patrocinari videantur. Egregia enim est illa regula à B. Augustino tradita. Nunquid ideo negandum quod apertum est, quia comprehendi non potest, quod occultum est? Optime etiam Tertullianus. Secundum plura, pauciora sunt intelligenda, & ne vnus sermo subuertat alios, secundum omnes porius quàm aduersus omnes intelligendus erit. Vnde sequitur pauca illa obscure dicta que Reprobationi speciatim fauere videntur, non aliam interpretatio-

nem accipere debere, quàm qua cum multis clarioribus locis convenire possit.

Non est profectò nobis multum in responsione sudandum. Hoc primum concesserit Calvinus, Christum pro omnibus mortuum esse, modò credant: nam id centies affirmavit. Deinde, si quis Deum serio quæsiverit, fore ut eum reperiat: nam id ubique inculcavit. Terriò, iustum ex fide vivere, atque adeò ut si omnes crederent, omnes etiam essent & iustificationis & vitæ participes. Nam quis id negaverit? Aut quis unquã, saltem qui Christi nomen nosceret, putavit propositionem istam hypotheticam esse falsam; Si omnes omnino homines ad Deum sincerè converterentur, & Christum Evangelij prædicatione oblatum reciperent, omnes Deus ad misericordiæ suæ fruitionem per eundem Christum admitteret? Denique neque repugnauit eum qui benè agat, recepturum; qui male, itidem malè. Quis inficiabitur quod Scriptura sexcentis locis asserit? At ex eo constare Deum neminem deserere nisi deseratur ipse prius, non facile concesserit nisi adhibita interpretatione. Hoc primum igitur constitutum esse debet, hominem sponte lapsum sua culpa in exitium iuisse. Deseruit ergo Deum priusquam à Deo desereretur. Ut si nullam ei spem veniæ Dominus fecisset, deseruisse tamen dicendus non esset, nisi prius ab homine desertus. Tum & illud à nobis constitutum est, duo esse ad salutem consequendam absolutè necessaria media: vnum ut aliquis pro nobis iustitiæ diuinæ satisfaciatur; alterum ut satisfactionem à sponso præstitam amplectamur. Satisfactionem autem præstari Deus ipse procuravit. Quamvis igitur eatenus hominem deserere potuerit, non deseruit tamen, quæ fuit eius infinita misericordia, *sed mundum tantopere dilexit ut filium suum miserit* &c. Generis humani amore adductus, inquit Calvinus, quod perire nolit. Denique & hoc à nobis est explicatum, Deum Apostolis & reliquis Evangelij præconibus id dedisse in mandatis, ut proposita spe redemptionis, omnes ad fidem & pœnitentiam vocarent. Qua in re igitur reprobi se desertos esse conqueruntur? Nimirum in eo quod interna operatio, siue illa sita sit in intellectu illuminatione, siue in inclinatione voluntatis & calefactione cordis, est medium ad fidem, ideoque & ad salutem obtinendam, absolutè necessarium. Sanè necessarium est: at illa necessitas est explicanda. Necessarium medium non est vnius generis. Vnum est quod per te præstare nulla ratione potes, etiamsi id vehementissimè velis. Alterum, quod si non præstes, neminem possis præter te vnum incusare. Ut si velis, non desit.

Si neque vis, neque verò potes velle, id tibi soli debes imputare, & insuperabili pertinaciæ animi tui. Satisfactio medium fuit priore modo necessarium. Tametsi enim id vehementissimè voluissimus, molitique essemus omni opere, non potuissimus tamen in locum nostrū sufficere qui iustitiæ diuinæ pro nobis satisfaceret. Illuminatio interna fuit necessària posteriore modo. Nempe cū eò tantum pertineat vt reddat mentes nostras capaces obiecti extrinsecus oblari, & debuimus ipsi mentes nostras ita comparare vt obiecti capaces essent, & quod debuimus, præstare potuimus, nisi insita à natura & inueterata consuetudine malitia obstitisset. Idcirco igitur Deus nos deseruisse dicendus est, quia non efficit quod ipsi præstare & debuimus & potuimus, nisi ipsum inexpiabili odio prosequeremur? Quod ergo disputator adiicit, quæ in Scriptura absoluto reprobationis decreto fauere videntur, aliorum esse trahenda tamen, ne sit inter varia Scripturæ loca conflictus, pro nihilo putandum est. Et Augustini regulam, & Tertulliani dictum libenter admittimus. Cū nulla vera pugna sit inter ea quæ Dei benignitatem erga genus humanum infabilem magnificè prædicant, & quæ doctrinæ de Reprobatione fidem necessariò adstruunt, non est cur hæc ad illa interpretatione commoda reuocare laboremus. Commoda illa interpretatio si sententiæ Caluini, vt est à nobis explicata, quidquam detraheret, haud dubiè distorta esset, & ipsi Scripturæ contraria. Ad alia nunc progrediamur.



CAPVT VI.

Caluini doctrinam naturæ diuinæ non aduersari. Ac primū non esse sanctitati Dei inimicam

DOCTRINA illa de absoluto Dei decreto, inquit Anonymus, nonnullis Dei attributis, adeoque ipsi naturæ diuinæ aduersari videtur. Voluntas vero Dei semper sequitur naturam suam. Ratio est, quia, vt inquit Apostolus 2. Tim. 11. 13. Deus negare seipsum non potest. Illa verò de absoluto decreto sententia, Dei sanctitati, misericordia, iustitia, sine veritati repugnare dicitur.

dicitur. Videamus quo iure. I. Quod sanctitati Dei aduersetur, patet, quia inde sequitur peccatorum in reprobis auctorem esse. Dicunt enim primò, Deum ex beneplacito vel absoluta sua voluntate homines in eum statum adegisse in quo peccatum vitare non possint. Secundo, Eum reprobos in eo statu reliquisse. Quod ad primum attinet, nempe quod Deus homines in eum statum perduxerit, in quo peccatum vitare non possint, nempe in statum peccati originalis, quod & reatum Adami & corruptionem naturæ includit. In hunc statum homines perductos aiunt non vi naturalis generationis, siue ex eo quod naturam nostram ab Adamo tanquam à primo principio deriuamus, sed ex mera voluntate & imputatione tantum. Sic enim Caluinus Instit. lib. 3. cap. 23. num. 7. Non enim factum est naturaliter vt à salute exciderent omnes homines vnius parentis culpa. Et, cunctos mortales in vnius hominis persona morti æternæ mancipatos fuisse Scriptura clamat. Hoc cum naturæ nequeat adscribi, ab admirabili Dei consilio profectum esse minimè obscurum est. Rursus. Quomodo factum est vt tot gentes vnà cum liberis eorum infantibus, æternæ morti inuolueret lapsus Adæ absque remedio, nisi quia Deo ita visum est? Hoc etiam Truissus noster non ignobilis Caluinianæ doctrinæ assertor agnoscit vind. Gratia libro 1. Parte 1. Digress. 4. capite 3. Originalis peccati reatus, inquit ille, nonnisi imputatione, lues nonnisi propagatione ad nos deriuatur, quarum vtraque nonnisi à libera Dei constitutione proficiscitur. Et paulo ante. Etenim naturæ vitium non est cuique suum voluntate contractum, sed sola imputatione aut propagatione deriuatur; quantum vtraque fit voluntate Dei: Deus enim nulla necessitate, sed pro mera sua voluntate nobis imputat peccatum Adæ. Quod verò hac de re dixerunt Caluinus & Truissus noster, omnino rationi consonum est. Si enim ideo reatum peccati Adæ & naturæ depranationem naturaliter contraximus ob hanc solam rationem quia in lumbis eius eramus, sequeretur nos etiam reos esse peccatorum illorum quæ Adamus etiam multo post primam illam prauaricationem commisit. Tam enim post quàm ante lapsum in lumbis eius eramus: Scriptura verò nos primi tantum peccati Adami reos peragit, Rom. 5. 15. 16. 17. Sequeretur etiam liberos peccatorum omnium proauorum suorum reos esse, quia in lumbis eorum fuerunt. Rem verò secus se habere docet Scriptura Ezech. 18. 14. vsque ad 21. Quanta verò moles peccatorum nobis in hisce nonissimis diebus incumberet, si etiam peccatorum quæ à proavis nostris commissa sunt, rei essemus? Non mirum est igitur quod dicant decreti absoluti assertores Deum ex mera sua voluntate, homines in eum statum redegis- se in quo pec-

catum vitare non possint. Quod ad secundum attinet, nempe quod Deus, homines in eo statu reliquerit, affirmant Deum decreto suo immutabili benè magnam humani generis partem in hoc misero statu & conditione reliquisse, atque ijs ita relictis sufficientes vires non suppeditare ut ex hac misera conditione ad meliorem transeant, hominesque ita relictos ad æternas penas damnaſſe. Vnde peccandi necessitas & inevitabilitas ipsis incumbit. Theologi Geneuens. Aët. Synod. Suffrag. Genen. de Reprobatione. Easdem personas, inquiunt illi, in tempore ex eodem beneplacito voluntatis vel non vocat, vel vocatos in Ecclesiam, spiritu regenerationis non renouat penitissimè, non inserit Christo mysticè, non iustificat, &c. Hac verò non solum dicunt nonnulli, sed & hac ratione confirmant, nimirum quia si Deus in reprobandis hominibus peccatum tantum respexisset, omnes homines hac ratione reprobati fuissent. Ex sola ergo voluntate diuina, secundum illos, reprobi reprobati sunt. Ex his vero quæ iam posita fuerunt, nempe quod Deus reprobos in statum peccati coniecerit, ibique reliquerit, sequi videtur quod Deus peccatorum eorum auctor sit. Causa enim cause est causa causati. Quanam verò est causa peccatorum in reprobis nisi impotentia & defectus supernaturalis gratiæ? Quid verò diuinæ bonitatis magis repugnat, quàm ut ipse peccati auctor & causa audiatur?

Hactenus Anonymus. Tendit igitur hæc disputatio eò ut demonstret Caluini doctrinam facere Deum peccatorum auctorem. Quæ si accusatio vera est, sanè est Caluini sententia deferenda. Sin minus, quid restat quàm ut ista criminatio pro illiberali calumnia habeatur? Certè Calvinus eam pro tali semper habuit. Egone, inquit, in responsione ad calumniatorem, qui tam reuerenter vbique prædico, quoties peccati fit mentio, procul remouendum esse Dei nomen, vsquam dixerim maleficia non tantum eo volente, sed etiam auctore perpetrari? Vt quiduis contra tam prodigiosam blasphemiam dicatur, libenter pariar, modò ne admisceatur nomen meum. Itaque si quid tale ex eius doctrina sequitur, id non vidit: si vidisset, doctrinam suam odio & execratione dignam esse iudicasset. Enimuero duo illa quæ à disputatore proponuntur, expendamus. Et ad prius quod attinet, peccandi necessitas, quæcunque tandem illa sit, considerari debet, vel in peccatis, ut loqui solemus actualibus, quæ quotidie ab adultis admittuntur: vel in peccato originali, ex quo actualia manant: vel in Adami ipsius peccato, unde originale profluxit. Et de peccatis actualibus quidem, cum passim alibi tum in commentario ad Iacob. 1. 13. sic locutus est vir magnus quem fœda ista labe adsperserentur.

conantur. De tentationibus internis hîc tractat, quæ nihil aliqd sunt
 quàm inordinati appetitus qui nos ad peccandum incitant. Illorum
 auctorem merito Deum esse negat Apostolus, quoniam ex carnis no-
 stræ corruptione manant. Hæc admonitio valdè necessaria est, quia
 nihil hominibus est magis vſitatum quàm malorum quæ quisque per-
 petrat, culpam aliò transcribere : tunc autem maximè videntur sibi
 liberari, si eam in Deum ipsum deriuent. Hoc tergiuersandi artifi-
 cium à primò homine traditum sedulò imitatur. Hac de causa Iaco-
 bus nos ad proprii reatus confessionem vocat, ne Deum substitua-
 mus loco nostro, ac si nos ipse ad peccandum impelleret. Item. Sequi-
 tur ergo neque peccati originem esse in Deo, neque illi culpam im-
 putari posse quasi ex malis voluptatem capiat. Summa est, frustra
 tergiuersari hominem qui vitiorum suorum culpam reijcere in Deum
 conatur : quia non ex alio fonte proueniat quidquid est malorum,
 quàm ex peruersa hominis concupiscentia. Atque ita sanè res habet,
 non aliundè nos impelli, sed cuique prauum affectum esse ducem ac
 impulsorem, &c. Hac in parte Calvinus procul est ab omni culpa.
 Nam sciungamus sanè aliquantisper cogitationem ab originali pec-
 cato, ponamus autem necessitatem peccandi in reprobis aliunde non
 esse quàm à praua & inueterata malè agendi consuetudine, quæ men-
 tem vitiosis habitibus penitus obligauit, & necessariò sic malè age-
 rent, & necessitas illis tamen, ipso teste Aristotele, vitio verteretur.
 Necessariò, inquam, malè agerent. Nam qui semel iniustitiæ aut cu-
 iusvis alius vitij habitum contraxit, & in eo inueterauit, non potest
 non esse iniustus, ne si velit quidem. Habitus enim ita mentem & vo-
 luntatem eius occupauit, vt aut omnino nolit eam excutere, aut si
 quando contingit id vt velit, actus ille voluntatis languidior est quam
 vt eam expedire queat ex vinculis habitus vitiosi. Conabitur for-
 tasse, ex Aristotelis sententia, mouere se se in contrariam partem.
 At id languidè conabitur tantùm, nihil verò promouebit, non magis,
 inquit ille, quàm si æger tædium moliri tentet, quæ
 pondere suo atque imbecillitate resistunt, & ad momentum fortè tu-
 blata statim relabuntur. Vitio tamen id illis vertitur, quia necessita-
 tem illam ipsi in se accersuerunt. Potuerunt initio, ait Philosophus,
 ab ijs actionibus abstinere quibus habitus acquisitus est, & aliter con-
 suetudinem facere animum. Vt abstinere potuit à vino qui se se inebriauit,
 quique per temulentiam, & necessariò, & quod agit, agit
 inconditè atque inconsideratè. Vterque enim mentem suam ipse
 corripit ; hic ad breue tempus, ille verò in longinquum. In altero

in altero *ἐκ τοῦ ἑκ* genuit illam *ἀγνιστὴν* quæ animum *ἀπορρίπτει* & prohibet quominus illi possint *ἐκ τῆς* Neuter tamen quemquam præter semetipsum accusare debet. Verum ad rem nostram redeamus. Præter vim consuetudinis, nos Christiani qui melius edocui sumus, vitium à natura inlitum & labem originale agnoscimus. In ea autem duo sunt; lues ipsa, quæ generatione propagatur; & reatus. Ut igitur à lue ordiamur, nemo inficias iuerit, nisi velit esse apertè Pelagianus, Adami transgressione factum esse ut peccatum originale genus humanum vniuersum inuaserit. Nam David se dicit esse conceptum in peccato; & Paulus nos natura filios iræ prædicat, & mors quæ etiam in infantes peruagata est, constituit extra controuersiam homines esse peccatores ab ortu. Stipendium enim peccati, mors. Deinde faciebitur omnis qui rem apud se recto iudicio perpenderit, peccati originalis eam esse vim, ut nisi gratia Dei succurrat, reddat omnibus peccatum actuale ineuitabile. Nam quod natum est ex carne, caro est: caro autem legi diuinæ neque se subijcit, neque verò, teste Paulo, se subijcere potest. Et extra Christum nihil possumus facere. Nascimur autem omnes extra Christum. Et qui non est natus ex Deo necessariò peccat: nemo autem ex Deo nascitur nisi per Spiritum eius, quem nemo *ὄντα* habet; est gratuitum Dei donum extra ambitum naturæ. Et nemo vnquam cui Deus Spiritum sanctificationis non impertiuerit, se se ex peccati seruitute assenuit in libertatem. Quæ autem, ut sæpe iam dixi, semper & ubique fiunt eodem modo, causam habent quandam necessariam quæ non potest aliter atque aliter se habere. Denique cordis humani cogitationes feruntur ad malum omni tempore: quod aliunde provenire non potest quàm ex aliquo principio cuius vis tanta est & tam alte insedit ut omnes animæ partes penitissimè peruasit. Incumbit ergo omnibus hominibus à natura peccandi necessitas. At illam, quæcunque est, non posse reprobationi tanquam propriæ causæ imputari, demonstrauimus ex ipsius Caluini verbis. Quando enim reprobationem in mera derelictione seu præteritione constituit, præteritio autem nullam actionem infert, sed negationem actionis tantummodò, quæ posset actionis mera negatio esse causa propriè dicta actionum humanarum? Id autem cum alibi tum præsertim hoc loco Caluinus edocuit. Damnatum iri impios contendit Pighius „ quia proprijs maleficijs iram Dei in se prouocarint. Ex eo colligit à „ Dei decreto non provenire eorum damnationem. Ego autem eos „ maleficia alia alijs cumulasse dico, quia cum prauis essent, nihil quàm peccare

Psal. 51.

7.

Eph. 2.

1. 1.

Rom. 6

23

Ioan.

3. 6.

Rom.

8. 7.

Ioan.

15. 5.

Gen. 6.

5.

peccare potuerunt. Etsi autem non extraneo impulsu sed spontaneo „
 cordis affectu scientes ac volentes peccarint: quin tamen fons & ori- „
 go malorum omnium sit naturæ corruptio & vitiositas negandum „
 non est, nisi prima pietatis rudimenta conuellere libeat. En cau- „
 sam peccati, non in extrinseco impulsu, sed in spontaneo cordis af- „
 fectu, atque libero quamuis corrupto mentis arbitrio. En item cau- „
 sam necessariæ determinationis ad malum in vitio insito & prauitate „
 naturali. Hactenus igitur, ex Caluini sententia, naturæ diuinæ san- „
 ctitas est à peccato illibata. Nunc vltius progrediendum est. Vi- „
 tium illud insitum, necessario & inuitabiliter omnibus hominibus „
 inherere certum est. Ad quid igitur, auctore Caluino, necessitatem „
 illam referemus? Sanè ad duo; peccatum ipsius Adami, & Dei pro- „
 uidentiam; vtrumque suo modo. Et de peccato Adami quidem „
 duo dicit. Vnum, quod labem illam infudit in omnes homines per „
 generationem naturalem; vt quia peccatorem semetipsum consti- „
 tuit, reliquos item constituerit & generauerit peccatores. Hæc e- „
 nim ille, Instit. lib. 2. cap. 1. §. 7. Proinde à radice putrefacta rami „
 putridi prodierunt, qui suam putredinem transmiserunt ad alios ex „
 se nascentes furculos. Sic enim vitiiati sunt filij in parente, vt nepo- „
 tibus essent tabifici; hoc est ita corruptionis exordium in Adam fuit, „
 vt perpetuo deflexu à prioribus in posteros transfundatur. Quod „
 autem cauillantur Pelagiani verisimile non esse à parentibus pijs cor- „
 ruptionem ducere liberos, quum magis eorum puritate sanctificari „
 debeant, facile refutatur. Non enim ex eorum regeneratione spiri- „
 tuali descendunt, sed generatione carnali. Et commentario in Psal. „
 51. vers 7. postquam ter dixit peccatum originale nobis *naturaliter* „
 inherere, sic concludit. Sufficiat tenere Adam post suam defectio- „
 nem spoliatum fuisse donis omnibus quibus ornatus fuerat: ita cum „
 extincta esset quæ prius in eo fulgebat ratio (recta scilicet) & volun- „
 tas quæ prius in Dei obsequium formata erat, contumax facta esset; „
 tam mente quam corde fuisse corruptum, & deinde genuisse filios si- „
 bi similes. Alterum illud est, quod primum peccatum, quod Adam „
 cum vniuersa posteritate in exitum traxit, ab ipso sponte admissum „
 fuit, non Dei instinctu. Verba sunt immortalitate digna in libro de „
 Prædestinatione. Quum agitur de Prædestinatione moneo Christia- „
 nos eos semper meminisse debere, omnes qui mortui sunt atque dam- „
 nati in Adamo, iuste relinqui in sua damnatione: eos qui natura sunt „
 filij iræ, perire iure merito. Sic nullam cuiquam superesse causam ex- „
 postulandi cum Deo, quasi nimia seueritate vteretur, quandoqui- „

dem omnes in se gerunt culpam damnationemque suam. Admoneo
 „ item, si conscendere libeat usque ad primum hominem, fore ut repe-
 „ riamus eum lapsum esse sponte suâ, quum purus atque integer crea-
 „ tus esset: atque inde euenisse ut se cum suis omnibus in exitium im-
 „ mergeret. Et si enim non cecidit quin id Deus & præiudicet & decre-
 „ creuerit; id tamen eum neque culpa liberat, neque Deum ipsius pec-
 „ cato implicat. Hoc enim semper ob oculos habere nos oportet, homi-
 „ nem sponte suâ se priuasse ea integritate atque rectitudine qua do-
 „ natus erat à Deo, eum se voluntariè seruituti Satanæ mancipasse, vno
 „ verbo eius voluntate factum esse ut periret.

Duo igitur dixit quæ non sunt silentio prætereunda. Vnum est,
 quod Deus certo præiudicet futurum esse ut Adamus peccaret. Alte-
 rum, id non modo præiudicet, sed etiam decretum fuisse certissima
 voluntate: ita tamen ut neque præiudicet euentus, peccati causa dici
 possit, neque certa determinatio vllam culpæ partem in Deum trans-
 cribere queat. Absurdum videri non debet, inquit, quod dico Deum
 „ non modo primi hominis casum, in eo & posterorum ruinam præiui-
 „ disse, sed arbitrio quoque suo dispensasse. Ut enim ad eius sapien-
 „ tiam pertinet omnium quæ futura sunt esse præscium, sic ad poten-
 „ tiam omnia manu sua regere ac moderari. Item. Solent sic eum excu-
 „ sare, vitari ab eo non potuisse quod à Deo decretum erat. At quum
 „ transgressio voluntaria fuerit, istud plus satis est ad eum reum pera-
 „ gendum. Nam si propriè loqui velimus, vera & naturalis causa pecca-
 „ cati non est arcanum Dei consilium, sed voluntas hominis quæ in eo
 negotio manifesta est. Et de præscientia quidem, si consideretnr tan-
 tum quatenus est præscientia, res clara est, & apud ipsos Aduersarios
 in confesso. Nam Arminij schola, quæ longissimè vult abesse ab ea
 blasphemiam quæ Deum peccati auctorem facit, nisi Deo futurorum
 præuisionem adimat, negare non potest quin Deus ex æternitate pro-
 spexerit hominem esse peccaturum. Decretum ab ea vellicatur. Quo
 iure quæue iniuria, breuiter est explicandum.

In prouidentia Dei circa malum, quale fuit primum primi ho-
 minis peccatum, duo sunt præcipui actus: quorum alter *permisissimus*
 appellari potest, quia consistit in negatione actionis quæ pecca-
 tum impedire potuit; alter vero *effectivus*, quia consistit in efficientia
 aliqua, quæcunque tandem illa sit. Nam Deus in perpetratione mali
 quæ fit à creaturis, non otiaur aut cessat omnino, sed adhibet actio-
 nem aliquam, quæ versatur, non in animo hominis ad peccatum effi-
 caciter impellendo; id enim à natura diuina procul abesse uti certissi-
 mum est,

num est, sic etiam est à Caluino semper agnitum; sed in administrandis ijs quæ circa peccatum sunt; ut est suspectio virium physicarum ad agendum, oblatio obiectioni ad mentem permouendam & pri nati, & observatio seu rerum seu peristaseon quæ peccati vitiositatem circumstant, quæque nunc accuratius explicare non est animus. Calvinum autem negasse Dei providentiam in Adami peccato se se gestisse merè permissuè, & aliquam efficacitatem in eo agnôuisse certum est. Id constat ex multis locis, præsertim verò ex Instit. libro 3. cap. 23. §. 8. Quod reprehendere nemo potest nisi velit Deum veluti complicatis brachijs & oculis conuiuentibus, in re longè maximi momenti, quæque ad salutem & exitium totius vniuersi pertinebat, planè negligenter esse versatum. Efficientia verò quænam illa fuerit non video à Caluino fuisse vsquam definitum. Quia in re modestiam eius si quis vituperauerit, & Scripturam Sacram vituperaturus est. Illa enim accuratè admodum & emphaticè de providentia diuina in peccatis paulo memorabilioribus loqui & admonere solet. Spiritu sancto auctore, neque Iosephus tam malè habitus, proditus, venditus, que fuit à fratribus absque Deo: neque David numeravit populum nisi Deo quodammodo impellente: neque tot flagitia in se admisit, tot nefaria facinora aduersus Patrem Absalomus perpetravit, nisi iusta Dei providentia sic procurante: neque filij Heli mentem aduersus parentis sui admonitiones obfirmarunt, nisi quia eos perdere Deo decretum erat; neque Iudæi in expiabili peccato Christum in crucem egerunt, nisi quia manus consilium quæ diuinum sic prædeterminauerat. At in historia lapsus primi hominis, de consilio diuino altum silentium. Quasi Scriptura docere nos voluisset hoc vnum ex illis esse arcanis in quæ nemini sit temerè irrumpendum. At qualiscunque fuerit voluntatis diuinæ in ea re effectio, id semper Calvinus arctissimè retinuit, horrendi lapsus culpam penes vnum hominem hære, ab ea Deum fuisse quam longissimè semotum. Cuius rei hanc rationem omni exceptione maiorem ut suprà vidimus, inculcat, Adamum suapte voluntate, nulla vi externa adactum, nulla interna sollicitatione, quæ à Deo esset, impulsu peccauisse. Ut ne conscientia ipsius quidem iudice sit absolendus. Enimvero quid opus est ut hic scrutari atque eruere tentemus quæ Deus voluit esse apud se recondita, cum historia lapsus Adami Deum non à participatione culpæ modo, sed etiam ab omni suspitione planissimè liberet? Creauit arborem, certum est, & eam fructu qui specie sua mouere posset, oneravit. At eam statim indicauit homini, ne imprudens

Gen. 45

5. 7.

2. Sam.

24. 1.

3. Sam.

12. 11.

1. Sam.

2. 25.

Act. 4.

28.

attingeret, & sedulo monuit & seuerè interdixit illius fructu ne vesceretur; mortem præterea eamque horrendam interminatus, ne interditi violationem impune sibi fore putaret. Quid potuit aut debuit esse ad deterrendum efficacius? Passus est eum à Diabolo tentari. Hoc certum est idem. At quid prohibuit quominus & oculos ab intuitu fructus auerteret, & Diaboli tentationem repelleret, & argumenta quibus eum sollicitabat hoc vno verbo confutaret, Deus vetuit, ideoque nobis attingere nefas? Deceptus est Diaboli artibus & in fraudem inductus veteratoris vasferri calliditate. Hoc certum est denique; nam Apostolus primum hominis peccatum constituit in deceptione & errore. Verùm quænam fuerunt illæ artes quibus resistere nequiuert si sic animum induxisset? Aggressus est eum tentator ijs argumentis quæ & appetitum sensitiuum excitare, & sciendi libidinem incendere apta nata sunt. Quidni igitur mentem habuit in vno Dei mandato defixam, & animi cogitationem intendit, quo appetitus illos cogeret in ordinem & in obsequio rectæ rationis contineret? Nam sane illi excusatione digni sunt vel quibus vis adhibetur quam superare nequeunt, vel qui ijs rebus circumueniuntur in quibus fraus ita latet vt à mente humana quamlibet attentata atque excitata, deprehendi non possit. At quid in ea tentatione facilius fuit, nisi mentem paulatim sibi corrumpi sioisset, quàm vt Adam Deum crederet esse veracem? Id enim si semel animo conceptum atque comprehensum arcte tenuisset, omnes molitiones, omnia illa Diaboli machinamenta nullo negotio depulisset ac dissipasset,

Illis fructus rupes vt vasta refundit.

Quando igitur, quæcunque fuerit tentationis efficacia, & fructus suauitate affectus, & nimia sciendi cupiditate incitatus, & elatus atque inflammatus spe conditionis suæ ad sublimius aliquod dignitatis fastigium euehendæ, mentem primò labefactari suam, deinde voluntatem ad veritam actionem impelli passus est, sponte sua peccauit, atque deliberatò, quæcunque tandem illa fuerit Dei prouidentia quæ tantæ ruinæ motus causasque gubernauit. Nec sanè perspicid quid Arminius in eo reprehendere queat. Quid enim amplius requirere potest quàm vt homo libero suo arbitrio peccarit? Et cur tantas turbas eius discipuli in doctrina de lapsu primi hominis excitant, nisi vt hoc obtrinerent, hominem esse sua sponte lapsum, nemine præter vnum Diabolum, cui resistere & debuit, & vero, si voluisset, potuit, impellente? Id ergo concedente Caluino, nemine nostrum repugnante, habeant; dicam minimè scribant quod existimarit sum-

mus

1. Tim.

2. 14.

summus Theologus, nosque adeo iisdem rationibus adducti sentiamus, euentus certitudinem, quod illi concoquere non possunt, vnâ cum libertate peccantis optimè constituisse. Verius esse duxit, nos sapientiæ Dei conuenientius esse putamus, vt certissimè prospexerit, sapientissimèque disposuerit id quod futurum erat in te tantâ, quâ consilium de mittendo filio in terras, deque redimendo genere humano aliquatenus nitebatur, quàm vt pendulus hæserit inter rerum ancipites euentus. Nec sanè facere possum quin mirer isti homines quid sibi velint. Nam Deus Adami peccatum multo antequàm accideret, vel præuiderat, vel non. Si non præuiderat, cur sibi sumit in Scriptura futurorum præscientiam? Cur eo præcipuè à fictitijs numinibus se se discernit? Et cum de mittendo in terras Domino nostro consilium fuerit apud Deum ab æterno certissimè definitum, ita vt res aliter se habere nullo modo potuerit, quid id Deus quiuit apud se immutabili proposito statuere, si peccatum Adami futurum esset necne, non habuit compertum & exploratum? Si præuiderat; certo præuiderat. Quæ ratione igitur id certo præuidit, si certò futurum non fuit itidem? Quod enim nonnulli dicunt Deum infinitudine mentis suæ res omnes futuras ita complecti, vt quæ non modò in se, sed etiam respectu decreti diuini contingentia sunt atque incerta in vtramque partem, tanquam certa atque necessaria videat, somnium est. Veritas visionis seu cognitionis (quid enim est in Deo videre nisi cognoscere) consistit in conuenientia notitiæ ipsius cum rei natura. Vt si res sit omni modo contingens, non possit aliter verè cognosci quàm vt contingens est. Quamobrem si certo id Deus præuidit, omnino necessarium fuit. Quod enim cognoscitur vt futurum, si non cognoscitur vt contingens ac pendulum inter duas dubias & incertas futurationes, cognosci vt necessarium determinatumque palam est. Necessarium ergo fuit vt homo laboretur. Itaque vel Adamus non peccauit sponte atque liberè, vel si liberè peccauit, non pugnat libertas cum omni necessitate. Neque audiendi sunt Scholastici qui pro sua quiduis fingendi libidine & audacia, commenti sunt nescio quam rerum futurarum præsentialitatem, vt loquuntur, quares in se nondum existentes, Deo tamen existunt. Præsentialitas enim illa, vel est ipsa Dei notitia, quæ prospicit in futurum, vel est aliquid à Dei notitia diuersum. Posterius si locum habet quid illud est? Est-ne ens creatum an increatum? Nam si increatum quid est, est natura similis æternis illis rerum ideis quæ Platoni tribui solent, quasque Aristoteles vbique solidissimè confutauit.

Neque par est vt figmenta illa, & portenta opinionum in religionem Christianam introducantur. Creatum autem esse quidquam certè nullo modo potest. Cum enim omnia Deo sint ex æternitate præsentia, necesse esset vt Deus ab æterno alterum quendam mundum condidisset, in quo præsentia videret ea omnia quæ nondum in se actu ^{um}, futura erant in tempore vi creationis & conseruationis huius vniuersi, in quo tandem vnaquæque res existentiam suam actualem est consecuta. Id autem vix incideret in phrenitici mentem. Quamobrem non differt ista præsentia ab ipsa Dei cognitione, cui omnia ab æterno præsentia & *παρουσία* esse dicuntur, quia multo certius eas inuenitur futuras, quam nos præsentia & iam actu oculis nostris obuersantes contemplamur. Non autem certo inueniretur, vt iam diximus, nisi certo etiam futuræ essent: non essent certo futura, nisi futuras immutabili proposito decreuisset. Aut igitur nihil quidquam ab vlla creatura liberè fit, aut nihil prohibet vt liberè fiant, quæ tamen certa quadam & immota Dei voluntate geruntur. Equidem non puto vllum esse in Remonstrantium numerum præfractum ac pertinacem, vt negare audeat quod supra attigi, certissimè à Deo decretum esse fore vt Christus pro nobis moreretur: cum & id res ipsa doceat, & Scriptura Sacra non tam dicat quàm vociferetur. Necesse ergo fuit ab ea necessitate quæ in euentus infallibilitate consistit, vt Christus moreretur. Ideo ne ergo vel minus liberè se se Christus ipse morti obtulit, vel qui eum affixere cruci, minus liberè tantum scelus in semetipsos admiserunt?

Iam de imputatione istius peccati, quam disputator tam odiosè exagitat, aliquid dicamus. Dixi in peccato originali duo esse; lumen ipsam & reatum. Quaritur ergo vtra res ex Caluini sententia, alteram præcesserit. Et video multos à Caluino hac in parte, vehementer dissidere, quod putant ab eo statui reatus, imputationem, ex ordine voluntatis diuinæ Adami peccatum vlsciscantis, vitij ipsius propagationem antecessisse. Quod & noster disputator hic illi videtur imputare. Quia autem sic Adami posteritatem Deus innocentem puniuisse videtur, quo nihil dici potest iustitiæ sanctitæque diuinæ magis aduersarium, eo nomine apud multos pessime audit vir pietatis & rerum diuinarum cognitione summus. Sanè id si docuisset, nihil dixisset tamen à quo vel ipsi Arminij discipuli debeant magnopere abhorreere. Quod enim Euangelij prædicatio multis nationibus huc vsque negata fuit, eius rei causam in peccata auctorum & proauctorum atque adco vltra multa secula rejicere solent. Id autem siquis eo

argumento

argumento refellere studeat quod verisimile non sit, liberos pœnas dare pro peccatis parentum, præsertim quos à maioribus tanta temporum intercapedo disiunxit, quum Deus ipse apud Ezechielem aperte declarauerit nolle se filium plectere peccati paterni causa, clamentant nostros sic ire Socino gratificatum, qui pœnarum translationem ex vno in alium per quamlibet imputationem, damnauit vt iniustam & à natura pœnarum alienam. Sic antem vir eximius Hugo Grotius libro de satisfactione cap. 4. scribit aduersus hominem pestilentissimum. Ad alteram partem transgrediens affirmo, non esse simpliciter iniustum aut contra naturam pœnæ vt quis puniatur ob peccata aliena. Iniustum cum dico, manifestum est me loqui de iniustitia quæ ex rebus oriatur, non quæ ex iure positio, vt quo nequeat immuni diuina libertas. Dictum probo. Exod 20. 5. & 34. 7. *Deus visitat parentum iniquitates in filios nepotes & ab nepotes, Patres nostri peccauerunt, & nos pœnas eorum ferimus.* Thren. 5. 7. Ob factum Chami execrationi subijcitur Canaan Genes. 9. 25. Ob factum Saulis suspensi sunt filij eius & nepotes, Deo approbante. 2. Sam. 21. 8. 14. Ob factum Davidis pereunt 70. millia, & exclamat David. *Ego peccavi & inique feci; hæc oues quid fecerunt* 2. Sam. 24. 15. 17. Sic ob factum Achanis filij puniuntur. Ios. 7. 24. Et ob factum Ieroboami posteritas eius, 2. Reg. 14. Atque ad eam rem citat Chrysostomum. Homil. 29. in Genes. & Tertullianum aduersus Marcionem. Debetne igitur in Caluino esse odiosum quod in alijs non fertur modò, sed etiam laudatur? At tantum abest vt Caluinus id in doctrina de peccato originali tradiderit, vt refutauerit data opera eorum opinionem qui tale quidquam imaginantur. Testem ipsum profero sic disputantem in illa Pauli verba, *Peccatum introiit in mundum & per peccatum mors.* Obserua quem hic ponat ordinem: peccatum enim præcessisse dicit, ex eo secutam esse mortem. Sunt enim qui contendunt nos ita peccato Adæ esse perditos, ac si nulla nostra culpa periremus, idè tantum quasi ille nobis peccasset. Atqui diserte affirmat Paulus in omnes propagatum esse peccatum, qui eius pœnas luunt. Atque id deinde propius vrget cum rationem assignat paulopost, cur omnis Adæ posteritas subiaceat mortis imperio. Nempe, inquit, quoniam omnes peccauimus. Porro istud peccare est, corruptos esse & vitiosos. Et quæ ibi sequuntur. Quo iure igitur scriptores illi Caluino doctrinam attribuunt à qua fuit alienissimus? Cur sibi monstra fingunt quæ debellent? Cur virum sanctum & de omnibus bonis optimè meritum falsis istis criminibus exosum red-

Arnold
contra
Mol.

Rom.
5. 12.

dere student? Reatus Adami, ex Caluini sententia, nobis eodem modo communicatus fuit quo peccatum ipsum. Peccatum Adami nostrum factum est, quia vitium quod peccando contraxit, in nos transfudit naturali propagatione. Eiusdem reatu sumus impliciti, quia quemadmodum peccando reatum sibi conciliauit, sic natium nostrum vitium naturalis reatus necessarîo sequitur. Verum enim vero, inquit disputator, Calvinus dixit non esse factum naturaliter, ut à salute exciderent omnes vnius parentis culpa. Dixit quidem. Et in eo Arminij discipuli saltem obseruare debuerunt, omnes homines ad salutem à Deo fuisse conditos, & vitæ compotes futuros si ea non excidissent, docente Caluino. Alioqui quâ fieri potuit eâ ut exciderent si nihil planè ex Dei consilio ad eos attinebat? Quod etiam alibi docuit disertius, ut in libro de Prædestinatione. Quod ob-

„tendit Pighius, inquit, inter duas sententias dissidium, prorsus nul-

„lum est. Dicimus hominem hac conditione fuisse creatum ut con-

„queri de suo opifice nequeat. Præuidit Deus Adæ lapsum, nec cer-

„te nisi volens ruere passus est: Quid hic tergiversari attinet? Negat

„tamen Pighius: quia consilium ante de seruandis omnibus concep-

„tum, stabile maneat. Quasi verò non sit in promptu solutio: non a-

„liter omnibus destinatum fuisse salutem, quàm si in prima origine

„perstarent. Neque enim simplex & præcisum fuisse Dei decretum

„quisquam sanus concedet, ut omnes ad salutem peruenirent. Et pa-

„riter alijs in locis. Id autem quàm longè abest ab eo quod præstan-

„tissimo Theologo solent exprobrare, ex eius opinione sequi, Deum

homines vno eo consilio creauisse ut eorum multo maximam partem, nullo habito respectu ad peccatum, æternis cruciatibus traderet excarnificandam? Si quid igitur ab eo dictum est alibi vel durius vel obscurius, quid facilius fuit aut quid magis dignum hominibus Christianis quàm ut id benigna interpretatione explicarent & emollirent? Nihil autem hic est vel durum, vel obscurum nisi velimas esse iniqui & morosi nimis, &, quod dici solet, nodum in scirpo quærere, Cum enim tres rerum vniuersales causæ ab hominibus statui soleant: Casus seu Fortuna, Natura & Providentia; neque casum, quem nullum agnoscit seclusa Dei providentia, neque Naturam in primi peccati admissione ac propagatione regnasse contendit; rem totam Providentiæ procuracione administratam esse docet. Quod nemo culpare poterit qui volet suam Deo gloriam constare illibatam. Providentiâ autem istam vnâ cum Caluino ab omni communicatione peccati seiunximus. Ostendimus ergo nullam Dei culpam

culpam homines ad peccandi necessitatem adegisse.

De altero quod Anonymus probare instituit, pauca nobis dicenda sunt. Quid respondendum sit satis patet ex superioribus. Primum enim demonstrauius futurum non fuisse cur homines Deo velleuissime succenserent, si eos vnâ cum dæmonibus ab omni spe salutis arcuisset. Summæ ergo misericordiæ fuit quod Christum mediatorem dederit, à quo neminem repellere voluit, qui modò accederet cum fide & pœnitentia. Deinde palam fecimus in dispensatione fidei liberum Deo fuisse quos vellet eo beneficio dignari, cæteris præteritis. Tertio docuimus ex Caluini sententia reprobos in eo negotio dupliciter considerari debere, absolute in se, & comparatè cum electis. Addidimus autem absolute in se consideratos dignos fuisse qui præterirentur, vtpote peccato contaminatos. In comparatione, rem ad vnum Dei liberum arbitrium referendam esse diximus, quando quidem in hominum conditione pari nullam discriminis causam reperire est. Denique sufficienter demonstrauius peccandi necessitatem indeclinabilem, quæ derelictionem seu præteritionem sequitur, voluntati diuinæ attribui neque posse neque debere, vt eam idè peccati causam esse credamus. Siquidem Dei voluntas in eo versatur merè negatiuè, nec quidquid aliud gessit nisi quod malitiam hominum animis innatam & altis consuetudinis radicibus hærentem vi potentissima Spiritus sui non sustulit. Alioqui peccatorum quæ à Diabolis quotidie committuntur, causa Deus censendus esset, vt qui eos decreuerit nunquam ad meliorem vitam reuocare. Nec diffiteri possunt Arminij sectatores plerosque mortalium à Deo sic in peccato relinqui vt in eo perpetuò maneat. Nempe si vellet omnes proculdubio conuerteret, & indifferentem illam *irresponsam* quam in voluntate humana comminiscuntur, ad bonum inflecteret eâ efficacitate quæ omnem repugnantiam omnemque contumaciam peruinceret ac superaret. Nam, obsecro, quodnam esse potest in animo humano tantum impedimentum quod Dei potentia non facile pertumpat, ei si libeat non pro viribus contendere atque conitari, sed nutu solo voluntatem suam declarare? quod ergo illi dicunt Deum facere ductum reuerentia aliqua arbitrij humani. Caluinus ad vnum illius liberrimum quamuis sapientissimum consilium referendum esse purat. Non quod ipsi dispensationis suæ ratio non constet, sed quod eam nobis noluit reuelare. Id autem quanto sapientius? Nam ad illam arbitrij liberi reuerentiam quod spectat, quid attinebat tantum esse apud Deum libertatis nostræ respectum, vt mal-

let nos perire liberè, quam quomodocunque voluntatem nostram ad salutem consequendam determinare? Cum præsertim egregia illa ac ipsi Deo, qui ea caret, inuidenda libertas, & ipsa sit, vt supra vidimus, fœdissima seruitus, & miserrimæ conditioni mancipet in æternum: vis illa verò quam sibi homines acuti fieri metuunt, nos vindiceret à seruitute peccati & Satanz, & liberali manu asserat in filiorum Dei libertatem? At de ea re fortasse pluribus aliàs. Nunc mihi temperare non possum quin cum Caluino mirer hominum vel præposteram diligentiam, vel profanum aduersus Deum animum. Li enim certè exitij sui causâ in se proculdubio sentiūt. Quem enim nostrum conscientia infinitorū malefactorum non arguit? Quem nativæ corruptionis sensus reum æternæ mortis centies non peragit? Recurrunt tamen ad causas propagati peccati, de imputatione lapsus Adami, iusta sit nec-ne, acriter ac penè gladiatorio animo disputant, subuolant in celum ipsum, & quæ sunt in Dei secreto abstrusa curiosissimè rimantur, vt ne quid eorum lateat quæ ductu prouidentiz gesta sunt atque administrata in peccato primorum nostrorum parentum, nec vsquam conquiescunt, donec vel ipsum Deum in societatem peccati sui traxerint, vel asserta ingenio humano imaginaria quadam superbaque libertate, summi numinis regimini atque imperio se se subduxerint. Quidquid sit de voluntate diuina, quæ recessus habet mentibus nostris prorsus imperuios & impenetrabiles, & cuius auctoritas apud creaturas summa semper & æuomutabilis esse debet, hæret in nobis peccati nostri culpa, peccato exitij causa insidet, frustrâ confugimus ad causas remotas, quarum nonnullæ ne causæ quidem sunt propriè dictæ, prætermisissis veris, proximis, & se se sponte sua in sensus nostros ingerentibus causis. Lapsus est, inquit Caluinus, primus homo, quia Dominus ita expedire censuerat. Cur censuerit nos later. Certum tamen est non aliter censuisse, nisi quia videbat nominis suæ gloriam inde merito illustrari. Vbi mentionem gloriæ Dei audis, ibi iustitiam cogita. Iustum enim esse oportet quod laudem meretur. Cadit igitur homo Dei prouidentia sic ordinante, sed suo vitio cadit. Propria ergo malitia, quam acceperat à Domino puram naturam corruptit, sua ruina totam posteritatem in exitium attraxit. Quare in corrupta potius humani generis natura euidentem damnationis causam quæ nobis propinquior est, contemplemur, quàm absconditam ac penitus incomprehensibilem inquiramus in Dei prædestinatione. Alibi autem, qui exitij sui causas tam longè repetunt ab æterna Dei prouidentia, eos æque stultè facere dicit cum Medæ nutrice anicula quæ

Inst. lib.
3. cap. 3.
§. 8.

la que sic in Tragœdia intempestiuę quinta: ur,

Vtinam ne in nemore Pelio

Casa cecidisset abiegnā ad terram trabes, &c.



CAPVT VII.

Caluini doctrinam non repugnare misericordiæ Dei.

CV M omnia sunt in Anonymi libello admodum acerbata, tum nihil atrocius quam quod dicit de Caluini doctrina, vbi eam cum misericordia Dei comparare instituit. Sic enim disputat. *Diuina etiam misericordiæ aduersari videtur doctrina ista. Quippe si ista sententia de absoluto decreto vera esset, nonne Deus potius pater crudelitatum quam misericordiarum dici posset? Quomodo etiam charitas Dei charitatem paternam & maternam superaret? Equis enim pater tam crudelis, qui ideo filios aliquos generaret & educaret, ut haberet quos pro mera sua voluntate, vel pro delicto aliquo quod ne ab ipsis quidem commissum est, tormentis inenarrabilibus addiceret? Quis unquam vel fando audierit crudelitatem talem? Quisquis vero diligenter hæc quatuor secum perpenderit. I. Peccatum Adæ peccatum esse naturæ humanæ, non personale filiorum Adami sed Adami solius vitio contractum. II. Nos reos esse peccati istius, non ex naturali generatione, sed ex mera Dei voluntate, quod aiunt illi. III. Deum hoc peccatum remisisse Adamo qui voluntariè & sponte illud commiserat. IV. Christum in mundum venisse ut tolleretur peccatum mundi, Deumque ex morte eius satisfactionem pro vniuerso humano genere vel accepisse, vel accipere saltem potuisse; Quisquis, inquam, hæc quatuor rectè secum perpenderit, concedet vel absolutum reprobationis decretum nullum, vel misericordiam Dei exiguam esse, minusque benignum se exhibere erga homines quam erga bruta animalia ipsosque diabolos. Quanto enim satius fuisse non omnino fuisse quam tam miseram perituri conditionem in lucem editum esse? Quem non taderet immortalitatis suæ, quis non mallet se extinguipotius quam ad supplicia reparari? Quis sitam miseram sortem se natum esse sciret, non se bufonem potius, aut colubrum esse quam hominem optaret? Imo si decretum reprobationis absolutum esset, seuerius certe*

videretur Deus cum hominibus quàm cum ipsis demonibus acturus. Hi enim non aliena culpa, sed suo proprio vitio in tam miseram conditionem inciderunt. Homines non item. Deinde diaboli non vana spe salutis laticantur, ut reprobis, qui promissionibus salutis auditis, se etiam in numero esse salvandorum falso credere poterunt. Diaboli denique non inbentur credere, neque poena eorum incredulitate sua augetur; quod aliter se habet in reprobis.

3 Quantum etiam aduersatur diuine misericordia tantis & tam eximjis donis tam naturalibus quàm spiritualibus homines ornare, tantaque in eos dona conferre, ut illis abutendo grauiores sibi poenas accersant? Illuminationem enim spirituale, & agnitionem veritatis atque alia quædam dona, etiam reprobi consequuntur, Heb. 6. 4 & 10. 26. Quotum verò his donis instruuntur? Num ut abutendo grauius peccent, eo-que grauius puniantur? Grauius enim punit abutentes gratia sua. Abuti verò diuina gratia, quid, nisi salutem inde non operari? Ipsi verò abutantur necesse est, si decreto aliquo absoluto ad damnationem prædeterminati fuerint. Quod cum bonitate diuina nimis pugnat. Quàm male igitur Calvinus Instit. lib. 3. cap. 24. num. 13. Ecce vocem ad eos dirigit ut magis obsurdefcant: lucem accendit, sed ut reddantur cæciores, remedium adhibet, sed ne sanentur. Et Beza Præf. in cap. 9. ad Rom. Absurdum videri non debet Deum reprobis quibusdam qui in Ecclesia versantur gratiam in verbo suo, siue etiam per Sacramenta sua offerre, non eum in finem ut per eum seruentur, sed contra ut minus habeant excusationis quàm reliqui, & tandem grauius puniantur. Et Masconius Disput. 14. Pulsat Christum ad ostium reproborum, quos nouit nec posse, nec velle aperire: non ut intret, sed partim ut exprobet impotentiam sua ipsorum culpa contractam, partim ut condemnationem in illis augeat, & Christum dicit ideo locutum esse ijs, ut ex contemptu odioque filij vnigeniti grauior condemnatio esset. *Apoge doctrinam diabolicam, quæ tamen ex absoluto decreto necessario sequi videtur. Quidni igitur Prosperi verbis concludam, sentent. super 8. c. Gall.* Qui dicit quod non omnes homines Deus vult saluos fieri, sed certum numerum Prædestinatorum, durius loquitur quàm loquendum est de altitudine inscrutabilis gratiæ Dei.

Tria hic demonstrare nititur Anonymus. I. Deum non posse dei misericordem, sed crudelem potius, siquos absolute reprobasse statuatur. II. Minus benignè egisse cum hominibus quàm cum diabolis ipsis, adeò ut nemo sit è reproborum numero quem naturæ humanæ tædere non debeat. III. Et alia quadam ratione fieri ut satius fuerit esse diabolum, quam hominem ex numero reprobatorum: quia.

quia diaboli non iubentur credere, iubentur reprobi, qui sic pœnas suas adaugent. In reliquis disputator ingenio & eloquentiæ indulget. Est igitur in illis tribus præse congruendum. Et ad primum quod attinet, hoc argumento horrenda assertio nititur, quod Deus homines numero plurimos tanquam filios generarit & educarit, ut haberet quos pro mera sua voluntate, vel pro delicto aliquo, quod ne ab ipsis quidem commissum est, tormentis inenarrabilibus addiceret. At quis id Calvino tribuere potest citra contumeliam & calumniam impudentem ac minimè ferendam? Non existimauit ille quidem, neque verò existimare debuit, Deum ea necessitudine cum hominibus esse coniunctum quæ inter parentes & liberos intercedit. In parentibus atque liberis est vna eademque natura, at natura numinis supra nostram excellit infinitè. Liberi ita generantur à parentibus, ut sint parentum suorum veluti pars quædam: at nihil tale nobis cum Deo commune est. Parentes nostri nos ita genuerunt ut alia partem ortus nostri sibi vindicent; nam & sol suo modo generat hominem, & anima, nostri longè potissima pars, creatur atque infunditur immediatè à Deo. At quod primus homo in rerum natura extitit, id vni Deo debetur, & quod ab illa radice succreuimus, efficacitati providentiæ Dei adscribendum est. Quocirca quæ tanto intervallo inter se distant, eodem iure contineri non possunt. Ut planè sit alienum à ratione quod isti homines efficere nituntur, ut Deus eodem modo cum genere hominum se se gerere debeat, quo parentes cum ijs quos de se procreant. Attamen Calvinus, ut iam supra vidimus, Dei consilium de creandis hominibus, ijs omnibus salutare futurum fuisse dicit, nisi proprio vitio beatitudine excidissent. Verba sunt quæ calumniæ ipsi ruborem suffundere queant, Instit. lib. II. cap. 1. § 3. Non vult nos obliuisci Deus primæ nobilitatis quam, Adæ patri nostro contulerat, nempe quæ nos ad iusticiæ bonitatisque studium merito expergefacerere debeat. Non enim possumus aut primam nostram originem, aut quorsum conditi sumus cogitare, quin ad meditandam immortalitatem expetendumque Dei regnum pungamur. Et Comment. in Psal. 8. 6. Equidem non dubio quin, hîc Propheta præclaras dotes commendat quæ declarant homines ad imaginem Dei formatos esse, & creatos ad spem beatæ vitæ & immortalis. Nam quod ratione præditi sunt, quâ discernant inter bonum & malum, quod illis inditum est religionis semen, quod mutua est inter eos communicatio sacris quibusdam vinculis adstricta, quod inter eos viget honesti respectus & pudor, & legum modera-

tio, hæc non obscura sunt summa & cælestis sapientiæ signa. Quod
 si homo ex sublimi illo spei & gloriæ fastigio sponte sua se præcipitem
 de lit, quid Deus peccauit qui id sapienti consilio passus est? aut quid
 Calvinus commertus est, qui tantam Dei bonitatem & agnouit &
 summo studio prædicauit? quænam est illa causa quam ad eum obiur-
 gandum sese putant esse nactos tam vehementem? Si Deus non aliter
 ut iam sæpe diximus, hominibus in peccatum lapsis opitulatus esset,
 quàm Diabolis, quos ab initio deiecit ab omni spe redintegrationis,
 ideone, horresco referens disputatoris verba, appellandus esset pa-
 ter crudelitatum? At neque id fecit, neque verò fecisse Calvinus vs-
 quam docuit. Audiatur ille Comment. in Psalmum 89. vers. 47. Vt
 summam teneamus satius erit ab hoc membro incipere, *cur frustra*
creasses omnes filios hominum? Nam ex vero fonte sententiam hanc pe-
 tunt fideles, quod Deus homines ideo condiderit, & locauerit in
 mundo, ut se illis exhibeat patrem. Si hic finis est creationis nostræ,
 præstaret nunquam nasci, quàm sub continuis doloribus tabescere.
 Huc accedit breue vitæ curriculum: quia nisi maturè acceleret Deus
 gustanda nobis præbere sua beneficia, in isto euanido transitu non
 erit oportunitas tempus. Nunc tenemus quid velit Propheta in hoc
 versu. Primò expendit in hunc finem conditos esse mortales, ut fru-
 antur Dei beneficentia in mundo. Vnde colligit frustra nasci, nisi se
 illis Deus Patrem demonstret. At quomodo Patrem? Ut habeat quos
 cruciet in æternum? Audi illum in Rom. 3. 29. Interrogat non simpli-
 citer vel præcisè an sit Gentium conditor Deus, quod extra contro-
 uersiam notum erat. Sed annon illis quoque se velit seruatorem de-
 clarare. Postquàm enim æquauit totum hominum genus, ac sub ean-
 dem conditionem redegit; si quid sit discriminis inter eos ex Deo est;
 non ex ipsis qui habent omnia inter se paria. Quod si verum est Deum
 suæ misericordiæ velle participes facere omnes populos terræ; salus,
 & quæ ad salutem necessaria est iustitia, ad omnes extenditur. Quare
 in Dei nomine hic est notatio mutuæ relationis, quæ sæpe in Scrip-
 tura occurrit, ego vobis ero in Deum, & vos eritis mihi in populum.
 Nam quod Deus sibi peculiarem ad tempus populum elegit, illud
 naturæ principium non tollit, omnes ad imaginem Dei esse forma-
 tos, & educati in mundo in spem beatæ æternitatis. Ista quàm longè
 superiorem criminationem à Caluino propulsant atque propellunt.
 Satis ne igitur Arminij discipulis iam purgatus est? Quod si quis vr-
 geat Deum non modo lapsum hominis non inhibuisse, sed etiam de-
 creuisse futurum certo consilio, ille continuò reponet. Quicumque

piè & reuerenter de potentia Dei sentiunt, non nisi eius permisso ag-
noscunt hoc factum esse. Nam istud primo concedere necesse est,
non latuisse Deum qualis futurus esset euentus: deinde potuisse ob-
stare si ita visum foret. Cæterum de permisso quum loquor, intelligo
illi fuisse constitutum quidnam fieri vellet. Hic quidem exoritur à
multis dissensio. Qui Adam ita permillum arbitrio suo imaginantur,
vt Deus eius lapsum noluerit, sumunt pro confesso quod illis fateor,
nihil minus esse probabile quàm Deum peccati censi causam, quod
tot atrocibus pœnis vltus est. Sed cum dico non sine Dei ordinatio-
ne & nullo lapsum fuisse Adam, non ita accipio quasi peccatum illi
vnuquam placuerit, aut simpliciter voluerit præceptum quod dederat,
violari. Et quæ sequuntur. Quæ vel apud iniquissimos iudices
Caluino absoluendo sufficere possunt. Ad secundum veniamus.

Ex quatuor illis quæ disputator nos vult nobiscum diligenter
perpendere, Caluinus negabit primum se vnuquam vel scripsisse, vel
dixisse, vel cogitasse. Est ita peccatum Adæ naturæ humanæ pecca-
tum, vt vniuscuiusque liberorum Adami propagatione factum sit.
Labes originalis genus humanum vniuersum perualit. Id supra ex
eius verbis vidimus. Secundum non negabit forte à se dictum qui-
dem, si verba tantum spectes, quamquam videntur à disputatore non
nihil immutata. At conqueretur sanè torqueri in eum sensum quem
nunquam approbavit. Nos vt intelligi debeat, supra paucis expli-
cauimus. Tertium concedet vtique libentissimè, neque enim Adamo
salutem inuidebit cuius ipse particeps est. Quartum a se centies pro-
nuntiandum esse profitebitur. At quod ex ijs deducitur & colligitur à
disputatore, vel absolutum reprobationis decretum esse nullum, vel
misericordiam Dei exiguum esse, Deumque se se minus benignum
exhibuisse erga homines quàm erga diabolos, id verò vti falsissimum
est, ita sequi minimè concedet, & mirabitur quemquam fuisse cui sic
videri potuerit. Nam ad diabolos quod attinet, Deus illis spem om-
nem instaurationis atque veniæ, vt iam sæpe dixi, semel ademit, nec
vlla misericordiæ suæ declaratione dignatus est eorum subleuare mi-
seriam. At erga genus humanum se se gessit multo aliter. In il-
la, inquit Caluinus, serpentis maledictione, habita fuit hominum ra-
tio; tum vt maiori peccati horrore tangerentur, videntes quanto pe-
re Deo displiceat; tum vt inde miseræ suæ solatium caperent, quia
sentirent Deum sibi adhuc esse propitium. Diabolos statim admissò
peccato seuerissimè puniuit, nulla interposita mœra, nulla interiecta
dilatione suppliciorum, quâ ad poenitentiam reuocarentur. Erga

Com.
in Gen.
3. 3.

Com.
in Gen.
3. 15.

homines vsus est summa lenitate ac patientiâ, quo, si fieri posset, ad meliorem frugem reducerentur. Et quod rei caput est, diaboliste demptorem denegauit: hominibus contra obrulit admirabili clementia inductus, & in eius cruce placabilitatem suam collocauit in aperta luce, si modo illam minimè reiicerent. Huic enim causâ Christi missionem in terras Calvinus attribuit, vt supra vidimus, quod Deus Opt. Max. noluerit genus humanum perire. At fidem non omnibus indulgit. Quid tum postea? Eripuitne etiam illis intellectum ac voluntatem, facultates à se in creatione concessas, quibus si homines rectè vterentur, salutis essent compotes? Quod ergo obstinatis animis aduersus Euangelium obdurerunt, effecitne vt tanta misericordia non esset amplius misericordia, sed crudelitas? Profectò, quemadmodum Apostolus ait hominum incredulitatem Dei fidem non abrogare, sic dicere Caluino licitum est, ferream illam hominum duritiem, ingratumque supra id quod mente concipi potest, animum, non facere quominus ingentem misericordiam Deus in eo ostenderit, quod per Christum aditum ad vitam aperuit, si modo ingredi homines non superbè dedignarentur. Verum enimvero satius fuerit homines nasci bufones & colubros, quàm vt ijs Deus fidem non largiatur. Respondeat Calvinus suis verbis: audiuit enim tales obiectiones, nec flocci putauit esse faciendas. Dum reputant homines, inquit, quot & quibus obnoxij sint malis, continere se nequeunt quin fremant & obmurmurent Deo cui perperam imputant iustas

” peccati pœnas. Notæ sunt querimonix, clementius egisse Deum cum

” porcis & canibus. Vnde hoc nisi quia miserum hunc & perditum

” statum, sub quo tabescimus, non referunt acceptum Adæ peccato si-

” cuti par erat? Sed hoc longè deterius, quod interiora animi vitia

” qualia sunt horribilis cæcitas, contumacia in Deum, prauæ cupiditates, violenti ad malum impetus, in Deum reiiciunt. Quid quod Dominus noster Iesus de Iudæ satius illi futurum fuisse dixit, si nunquam natus esset? Præstat autem esse colubrum quàm nihil. Idcirco Deus Iudæ fecit iniuriam, qui eum in rerum naturam produxit? Fingant ergo illi quantum volent, Iudæ mentem vi Spiritus sancti fuisse collustratam, voluntatem eius in æquilibrio suspensam potuisse in vitamlibet partem flexere se se atque determinare, ac denique ita constitutum fuisse in biuio vt hinc vitam inde mortem propositam ob oculos, æquè distinctè cognouerit, præoptauerit autem partem longe deteriorem, quia tamen non potuit absterri ab inexpiabili delicto, Deo perpetuo succensabit, & accusabit eius benignitatem, quod

Com.
in Gen.
3.

quod noluerit eum in sinu nihili delitescere in æternum. Nam quod illi perterunt non habere ludam causam cur Deo sit iratus, quia quod patitur, iuste illi irrogatum est, peccauisse enim volentem, nulla vi coactum, nulla adactum necessitate, iam sæpe refutatum est. Quid enim clarius arque manifestius esse potest, quàm reprobos sponte peccare, ex hypothese Calviniana? Quis illis vim adhibet quæ inuitos peccare cogat? Et si sponte volentesque peccant, quidni æquè cum Christi proditore iuste puniri iudicabuntur? Aut ideone minus iuste punientur quia eos præter rationem non imaginamur paribus hinc inde examinatos ponderibus aliquandiu pendendis, donec voluntariè ad peccandum se se mouerent, statuimus vsquæ adèd perditos ac profligatos fuisse, vt ne spatium quidem vllum caperent ad deliberandum, quin sibi Christum superbè reijciendum esse putarent? Vt interim taceamus etsi à reliquis mortalibus per commentitiam illam à *deu. Populo* seclusa esset omnis peccandi necessitas, contingere tamen non potuisse quin Iudas peccaret, quando quidem de eo prædictum erat fore vt & Christum proderet, & horrendis conscientie formidinibus ad desperationem adigeretur. Verum quid multis opus est? Ea est incredibilis hominum perversitas, ea intolerabilis audacia, vt postquàm à Deo conditi, tam præstantibus animarum dotibus supra res omnes alias adspectabiles ornati, tam suauiter inuitati ad fidem & pœnitentiam, tot egregijs promissionibus allekti, tot indulgentiæ demonstrationibus & argumentis assiduè sollicitati, omnia illa ingratiſſimè aspernati sunt, de Deo conquerantur quod eos bufones vel colubros non creauerit. Distædet eos suæ immortalitatis, quam cum beatorum Angelorum conditioni consimilem redere per Dei insignem benignitatem possent, nisi obstitisset dirus in animo rigor, maluerunt miserè corrumpere, & se cum demonibus consociare.

Tertium non difficiliori negotio dissoluitur. Quod disputator diabolorum sortem hominum à Deo repudiatorum conditioni præfert, eo quod illi suo pte vitio, hi aliena culpa perierunt, id in Calvinii sententiam non verè dicitur. Quum enim homines duplici peccato laborent, originali, scilicet, & actuali, originale Calvinus ita alienum esse duxit, vt cuiusque tamen proprium dicendum arbitretur. Alienum est si species originem, quæ ab Adamo trahitur. Proprium verò cuiusque, si rationem, vt loquantur, peccati formalem intuearis, quæ sola in iudicio consideratur. Non enim quærit Legissator vnde peccatum profluxerit; quærit tantummodo an hæreat in eo

de quo iudicium ferendū est. *Haerere autem in unoquoque homine peccatum originale, nemo negauerit præter vnum Pelagium, & eos qui cum Pelagio apertè faciunt. Aequalis verò culpam in eo refidere à quo committitur, si quis negauerit, non amplius Pelagianum sed insanum esse oportebit. Multo verò minus verè diceretur in Caluinum, diabolorum in eo conditionem optabiliorem esse, quod non vana spe salutis lactantur vt reprobi, qui promissionibus salutis auditis se in numero esse saluandorum falso credere poterunt. Vbi enim vnquam Caluinus scripsit reprobos vana spe salutis produci ac deliniri? Aut vbinam quidquam dixit ex quo id iure colligi possit? Reuera Christus in mundum venit: reuera peccatorū propitiationē fecit: reuera prædicatione Euangelij omnibus oblatus est: si omnes eum amplecterentur, redderentur etiam reuera salutis participes: vbinam est igitur illa inanis lactatio, illa simulata salutis ostentatio, illa Deo indigna ludificatio miserorum? Si qui pereunt, habent quod sibi imputent; iuxta illud, *Perditio tua ex te o Israël*: hoc est, vt Caluinus interpretatur, *Tu causa est tui exitij*: tua culpa peris: Si non obstitisset malitia & ingratitude, Deus haud dubiè fuisset semper sui similis, & fluxisset continuo tenore & æquabili eius bonitas erga te. Non est igitur cur hic litiges, quasi Deus frustretur tuam expectationem, & contemnat vota tua & clamores. Ego certè nunquam tibi dessem, si posses ferre: sed tu mihi occludis ianuam, & repellis tua malitia gratiam meam, ne ad te vsque perueniat. Sequitur ergo te nunc perire propria culpa. Docet autem hic locus frustra obstrepere Deo homines in suis miserijs, quia nisi reiicerent oblatam sibi gratiam, ipse semper paratus esset ad eos iuuandos. Neque enim fatigatur in sua beneficentia, neque etiam potest exhausti eius largitas. Ergo culpa in nobis residet. &c. Possunt ergo reprobi persuasum habere se esse è numero seruandorum, si credant. Possent etiam credere, nisi mentem peruersis habitibus penitus imbutam haberent. At quia sunt natura perditissimi & desperatissimi nequam, non possunt. Verum, inquit, disputator, incredulitate pœnam suam augent, quod non faciunt diaboli. Quod quidem positum est extra omne dubium. At Dominus noster etiam ait grauioribus pœnis esse plectendum eum qui voluntatem heri sui non ignorat. Ideone igitur herus iniustus aut immanis qui voluntatem suam seruo suo reuelauit? Aut ideone herus ius amisit imperandi, quia certo scinit seruum suum imperium esse detrectaturum? Idem Christus pronunciauit cum vibus Corasin & Betsaida longè peius & seuerius actum iri extremo iudicio*

Com.
in Hof.
13. 9.

adicio, quam cum Tyro atque Sidone. Debit-ne ergo propterea Christus abstinere ab Evangelij prædicatione in medio illarum, & sibi imperare ut ne vlla miracula in earum conspectu patraret? Sole illo lucido atque vitali qui quotidie terris exoritur, aëre quem spiritum ducimus, fructibus quos terra supernè fecundata tam liberaliter fundit, omnium denique rerum affluentia quas benigna Dei manus hominibus ex cælo suppeditat, penè omnes abutuntur ad compotationes, ad comestationes, ad libidines omnis generis exercendas, & sic sibi inter ipsos accumulunt iram in diem iræ, ut loquitur Paulus. Eane igitur idonea causa est quamobrem solem extinguendum, & naturæ ordinem funditus evertendum esse putemus? Vno verbo, negare ne possunt Arminiani, multo gravio rem omnibus incredulis maledictionem impendere post reuelatam in Christi cruce salutem, quam si omnino mortales latuisset? Id si negant quid sibi vult Christus in hisce verbis, *Si non venissem peccatum non haberent*? Si fateantur; aut fateantur itidem id à quo eos abhorreere arbitror, inclementem ac truculentum Deum fuisse qui gratiæ prædicatione peccatorum reatum auxit, aut Calvini doctrinam hac in parte reprehendere desistant. Quid enim ad eam rem dicent quod ille pariter dicere non possit? *Id evenire per accidens*? Et id Calvinus centies dixit, ut infra videbimus. Incredulos sponte aduersus Christum obduruit? Et id Calvinus sæpius, disertius atque vehementius affirmavit. Non sterisse per Dei misericordiam quominus illi seruantur? Et Calvinus istud ipsum impedimentum doctrinæ suæ remouit. *Suppeditata illis fuisse omnia media necessaria ad salutem obtinendam*. Et illis obiectum Calvinus offerri vult, ut ne desit quod amplectantur. Vna malitia restat, quam Calvinus non esse sublatam docet, quam Arminiani ipsi, ut jam diximus, est verò identidem inculcandum, agnoscere debent non esse sublatam in incredulis, quandoquidem non crediderunt. Nam quid eos inquam prohibere potuit quominus crederent, præter malitiam? Quæro enim num sit voluntas in omnibus adultis cum natura, tum praua consuetudine peruersis ac vitiosis habitibus præpedita antequam Christi gratia ijs offeratur? Certè id dissiteri non possunt, si sunt Christiani. Tum, & illud quæro, ut voluntas deducatur ad statum illum *in quo* volunt omnes homines constitui, ut in quamlibet partem pro arbitrio propendere possint si velint, num necesse sit ut à peruersis illis affectibus abducatur, quibus tenetur impedita. Nam si id necesse non est, quæ, malum, est illa voluntatis *inopia*, in qua vitiosis est habiti-

bus irretita, præpedita cupiditatibus & vitio immedicabili funditus occupata? Istud si est esse *ἰρροποιος*, quid est iam esse ad malum determinatum? Si necesse est, quandoquidem liberatio à peruersis habitibus sanctificatio est, qui autem in eo tantum est ut à peccato tendat ad *ἰσὺσπορτία*, atque adeò qui *ἰρροποιος* est, nondum credidit, boni isti Theologi volunt omnes homines esse sanctificatos antequam in Christum credant. Quod mirarer à quoquam dici posse qui non insanat. Huc accedit quod illa liberatio à vitiosis habitibus, quæ ex gratia Spiritus Evangelici obrigit, vel facta est per determinationem aliquam voluntatis, vel non. Si non, quomodo fieri potuit ut citra voluntatis aliquam determinationem, voluntas ipsa liberaretur à peccato? Potuit-ne liberari à peccato quin id vellet. Et quando determinatio voluntatis ipsa volitio est, potuit-ne, velle quin eadem opera determinaretur? Si determinata fuit ut liberaretur à peccato, vel ipsa se determinauit, vel à Spiritu Dei determinata fuit. A se autem quidem certè nequiuisset determinari. Nam ad bonum se se determinare non potuit antequam liberata esset à peccato. Hic autem ponimus liberationem illam factam esse per voluntatis ad bonum determinationem. Iam verò effectus non potest causam suam præcedere, neque causa effectum sequi. Quamobrem à Spiritu Dei determinatam esse necesse est. Quod si Dei Spiritus potuit illam à libertate voluntatem in eo actu determinare per quem liberata est atque expectata à peruersis suis habitibus, quid cause est cur eam determinare nequeat in eo actu per quem creditur in Euangelium, quin beatam illam quam gaudet à natura scilicet, libertatem ouertat, & hominem spoliet sua humanitate? Et quando Spiritus Dei non dubitauit efficacitatem suam eo usque exerere in hominis voluntate, in eo actu qui fidem antecessit, quum ad id ventum est ut Euangelio credendum esset, quæ noua religio incessit ne eam tum inficeret, sed maiestatem liberi arbitrii in illa tam comiter reuereretur? Nihil nunc facilius esset quam insulso isti dogmati insultare, & eius defensores exagitare verbis sesquipedalibus. At Caluinum defendere sat habemus. Nolumus extra propositum euagari, nec libet disputatorem imitari sic paratragediantem.

Verum, inquit Anonymus, quidquid Caluinus aut dixerit aut senserit, certum est emisisse istud effatum horribile, *Ecce vocem ad eos dirigit ut magis absurdescant, &c.* Cui consentanea scripserunt & Beza & Maccouius. Maccouius ipse pro se respondebit. Beza quid scripserit, hic non quaeritur: de Caluini sententia disputatur. Ille igitur ap-

primè distinguendum esse censuit inter finem proprium Euangelicæ prædicationis, & id quod ex Euangelica prædicatione euenit per accidens. Per se Euangelium pertinere ad hominum salutem; per accidens euenire vt incredulitate reiectum, magis ac magis pœnas incredulorum intendat, constantissime docuit. Hoc primum. Deinde haud minus censuit diligenter esse distinguendum inter finem quem ex misericordia sibi Deus proponit in eo negotio, & eum quem sibi constituit ex iustitia. Prior ille consentaneus est cum naturali & proprio Euangelij fine: vult enim Deus obiectum proponi aptum ad fidem ingenerandam, quo quisque salutem adipiscatur, nisi rem oblatam contemnat. Posteriorem non respicit nisi ex hypothefi. Quia pauca certissime fore vt reprobi per incredulitatem salutem oblatam aspernentur, conuertit misericordiam in iram, vt quod natura sua est odor vitæ, quodque primum corauerat offerendum vitæ conferendæ causa, fiat mortiferum incredulis. Primò ergo & per se vocem ad incredulos dirigit vt audiant; per accidens & secundariò vt obfurdescant. Primò lucem accendit vt videant; ex euenfu, vt redantur cæciores. Primò & per se remedium adhibet vt conualecant; ex euenfu vero ne sanentur. Ac ne quis id nos ariolari ac diuinare & Caluino affingere putet, ipsum audiamus. Neque reperemus id quod supra citauimus ex Commentario in caput 18. Ezechielis. *Deus patescit hominibus quàm miseri sint, vt ita se ad ipsum recipiant: vulnerat vt sanat; occidit vt viuificet*; rem ex alijs locis reddemus. sole clario- rem cum meridie lucet. Nusquam enim disertius aut in eandem sententiam frequentius locutus est. Tanta est vis Euangelij in vtram- que partem, inquit, vt non gustu solum, sed olfactu solo aut viuificet aut interficiat. Quidquid sit, nunquam frustra prædicatur, quin va- leat aut in vitam aut in mortem. Sed quæritur quid conueniat hoc cum natura Euangelij, quod paulo post vocabit ministerium vitæ? Responsio facilis est, quod Euangelium prædicatur in salutem, id est se illius proprium: sed huius salutis participes esse solos fideles: interea incredulis esse damnationis occasionem, quod ab eorum vitio contingit. Ita Christus non venit in mūdum vt condemnaret. Quid enim opus erat, cum simus extra ipsum omnes damnati? Lux est mundi, sed infideles exæcat: Petra est fundamentalis, sed multis etiā lapis offendiculi. Semper ergo distinguendum est proprium Euangelij officium ab accidentali, vt ita loquar, quod hominum prauitati imputandum est, quo fit vt vita illis vertatur in mortem. Item. Nihil ergo aliud in Christo considerandum quàm quod Deus pro

Com.

in 2.

Cor. 2.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

15.

Com.
in 10ā.
3. 17.

„ immensa sua bonitate opitulari nobis voluit, ut perditos seruaret.
 „ Et quoties nos peccata nostra urgent, quoties Satan ad desperatio-
 „ nem sollicitat, obijciendus est hic clypeus, Deum nos æterno exitio
 „ nolle opprimi, quia filium suum salutem mundi ordinauit. Quod au-
 „ tem alibi docet Christus se in iudicium venisse, quod vocatur Petra
 „ scandali, quod dicitur positus in multorum ruinam, id accidentale
 „ est, vel, ut iradicam, aduentitium. Qui enim oblatam in eo gratiam
 „ respuunt, digni sunt qui iudicem experiantur, ac tam indigni fœdi-
 „ que contemptus ultorem. Cuius rei in Euangelio luculentum spe-
 „ cimen apparet, Nam cum propriè sit Dei potentia omni credenti,
 „ facit multorum ingratitudo ut illis in mortem cedat. Et quæ sequ-
 „ untur planè similia. Item. Docet hic locus Deum non semper homi-
 „ nibus conferre salutem, quoties verbum illis suum destinat: sed re-
 „ probis interdum velle annunciari, quos fore obstinatos nouit, ut sit
 „ illis odor mortis in mortem, Est quidem verbum Dei per se & sua
 „ natura salutare, omnesque promiscuè ad spem vitæ æternæ inuitat;
 „ sed quia non omnes intus trahuntur, neque omnibus aures Deus
 „ perforat, quicumque verbum Dei respuunt, sua incredulitate exitiale
 „ sibi reddunt ac mortiferum. Id futurum esse cum præciat Deus, ut
 „ reprobos in grauiorem damnationem præcipiter, consultò Prophetas
 „ illis suos mittit. Et quia res est maximi momenti, quæque præcipuè
 „ in inuidiam trahitur, illustrissimum locum, quamuis paulo prolixio-
 „ rem, describere non pigebit. Habetur Comment. in Esaiam, cap. 6.
 „ v. 9. Est quidem hoc dictum asperum, diuinitus prophetam mitti qui
 „ aures obturer, oculos oblinat, & cor populi obstinet: quia videntur
 „ hæc minimè competere in Dei naturam, ideoque aliena esse ab eius-
 „ verbo. Sed absurdum videri non debet si Deus populi malitiam vl-
 „ tima excæcatione vliscitur. Interea paulo ante ostendit Propheta
 „ culpam huius cæcitatæ subsistere in populo. Nam audire eos iubens,
 „ testatur idoneam sibi esse doctrinam populo instituendo, si docilem
 „ se præbere vellet, offerri lucem ad ipsum dirigendum, si quidem o-
 „ culos aperiret. Tota ergo mali causa in populum transfertur, quod
 „ insignem Dei beneficentiam respuat. Vnde melius liquefcit eius loci
 „ quem nunc attigimus, solutio. Videtur quidem prima specie absur-
 „ dum à prophetis obstinatiores reddi hominum animos. Verbum e-
 „ nim Domini in ore gerunt, quo tanquam lucerna decebat gressus ho-
 „ minum dirigi, hoc enim elogio scimus insigniri à Dauide. Non est
 „ igitur Prophetarum officium perstringere oculos, sed potius aperi-
 „ re. Deinde vocatur perfecta sapientia: Qui ergo homines dementat:

& stu-

Auidos reddit? Eo emolliri animos par est, qui prius ærei vel ferrei
 erant: qui igitur fieri potest vt ipso indurentur? Talis excæcatio at-
 que induratio non proficiscitur ex natura verbi, sed accidentalis est,
 solique hominum prauitati tribuenda. Quemadmodum enim lus-
 ciosi solem accusare non possunt, quod eorum oculos suo fulgore
 perstringat; nec cui delicatæ sunt aures, sonoram & canoram vocem
 quam vitio aurium ferre non possit: nec denique imbecilli ingenij
 vir, rem arduam quam percipere nequeat; sic neque verbum accusa-
 ri potest ab impijs, quod eo audito deteriores reddantur. Omnis
 enim in ipsis residet culpa, quodd aditum ipsi omnino præcludant.
 Nec mirum si quod salutare ipsis esse debuerat, exitiale sit. Sic enim
 perfidiam hominum atque incredulitatem puniri æquum est, vt mor-
 tem inde sentiant vnde poterant vitam percipere; tenebras vnde lu-
 cem; denique toridem exitia, quantus beneficiorum cumulus erat in
 salutem. Quod diligenter notandum est, quia nihil magis vñitatum
 est hominibus quàm donis Dei abuti: ac tunc non modò se fingere
 innoxios, sed etiam superbire alienis plumis. Bis tamè scelerati sunt,
 quod non modò in verum vñum non accommodant quæ Deus apud
 ipsos deposuerat, sed perperam etiam corrumpunt ac profanant. Lo-
 eum hunc adducit Ioannes, vt peruicaciam Iudæorum apertius de-
 monstrat. Hoc quidem vaticinium incredulitatis eorum causa non
 fuit, sed ideo prædixit Dominus quia tales fore præviderat. Habet
 in ijs verbis Anonymus multo clariùs & explicatiùs Caluini ea de re
 sententiam. Quod Deus verbi sui prædicationem destinat ad excæ-
candum, id non facit nisi vt misericordiæ contemptum vñiscatur.
Quod misericordiæ contemptum vñiscitur vsque adeò acriter, id
non facit nisi iustè. Quod iustitiam suam horribili isto modo exerit,
id facit admodù sapienter. Sic enim omnem incredulis excusationem
eripit, vt si ipsi pro tribunali se deant, non possint quin se se pronun-
ciant dignos suo exitio, vt qui tantam gratiam, tam sæpe oblatam tan-
ta pertinacia reiecerunt. Vt interim taceamus adamantinios illos ho-
mines, quos nihil inflectere, nihil emollire valet, postquàm eos Deus
cetò præuidit magis ac magis induratum iri, sapienti, eodemque ius-
to consilio ad res nonnullas adhiberi, ex quibus cum Ecclesiæ bo-
num aliquod emergit, tum Dei ipsius gloria multo splendidiùs elu-
cescit. Exemplum est illustre in Pharaone, quem Deus ipse in eum fi-
 nem à se excitatum esse ait, vt in eo ostenderet præpotentem suam
 virtutem, & præberet omnibus occasionem sui nominis magnifican-
 di. Apagè ergo diabolicas calumnias quæ Caluino tribuunt ad de-

quo ne per somnium quidem vnquam quidquam cogitauit.



CAPVT VIII.

Caluini doctrinam non pugnare cum Dei iustitia.

PERGIT Anonymus Caluini doctrinam de absoluto Re-
probationis decreto sic refutare. *Iustitia etiam diuina re-
pugnare videtur doctrina de absoluto decreto. Si enim vera
esset illa sententia, sequeretur Deum iustos punire cum iniu-
stis, quod longissimè à Deo abesse affirmat Abrahamus. Nonnulli vero ex
illis qui absolutum Dei decretum asserunt, dicunt Deum multos homines
non considerato prorsus peccato, adeoque adhuc iustos ad mortem aeternam
destinasse. Alij vero neminem Deum damnandum decreuisse nisi respec-
tu habito ad Adam peccatum, cuius omnes homines reos esse voluit; quod
plane eodem recidit. Verique enim Deum hominibus necessitatem nascen-
di in originali peccato imposuisse fatentur, Deumque maximam partem
humani generis ob peccatum illud pœnis aeternis addixisse, nulla habita con-
sideratione peccatorum actualium. San Caluinus Deum sine considerato
sine non considerato peccato homines æquè damnare posse affirmat, Instit lib.
3. cap. 7. Idem etiā docet Turvissus noster Vind. Gr. lib. 2. Dig. 1. Nimirū
eodem res recidit sine quis pœnam innocenti infligat, sine quis ad peccandi
necessitatem adigat, ut eo iustus puniri possit. Quid verò hoc aliud quam
iustos cum iniustis damnare? Hoc vero Dei iustitia omnino repugnat. Ve-
rum enim est quod dicit Augustinus lib. 3. contra Iulianum, cap. 8. Bo-
nus est Deus, iustus est Deus; potest aliquis sine bonis meritis libera-
re, quia bonus est, non potest quemquam sine malis meritis damna-
re, quia iustus est. Præterea iniustum Deum faciunt, quia secundum
eos Deus fidem exigit ab ijs quibus fidem denegauit. Quod enim ipsi etiam
reprobi ad credendum obligentur probant ex Ioan. 16. 9. Arguet mundum
de peccato, quia non crediderunt in me. Ut vero ipsi qui non possunt
credere ad credendum obligentur, hoc repugnare videtur iustitia di-
uina, tribus de causis. I. Quia iure nemo obligatur ad impossibilia.
Ergo cum secundum illos impossibile sit ut reprobi fide saluifica credant,
non potest ab illis iure exigere ut credant, non magis quàm ab homine ut
instar*

instar animi volaret. II. Quia reuera non vult Deus ut credant reprobi, immo potius secundum illius videtur velle ut non crederent, siquidem eos necessarijs ad credendum viribus instruere non vult. Qui enim vult causam vult effectum ex ista causa procedentem; si vero vult Deus ut reprobi non credant, non potest ab illis iure exigere ut credant. III. Quia secundum hanc doctrinam credere iubet Deus & fidei nullum obiectum ponit. Christus non mortuus est pro demonibus, ideoque illi non inveniuntur credere; reprobi tamen qui secundum eos nullam partem in Christo habent, & pro quibus Christus mortuus non est, credere inveniuntur ipsum pro illis mortuum esse, & eo grauius puniuntur quod non crediderint. Quo quid cogitari potest iniustus? Quam iniustus esset Dominus iste qui seruum iuberet ut manducaret, interim tamen efficeret ut nihil quod manducaret, haberet, & tamen eo quod non manducaret, puniret? Qualis tandem esset hac iniustitia? Ita verò secundum eorum sententiam se rem habere in reprobis quis non videt? Ex his quae dicta sunt colligitur absolutum illud decretum iniustitia diuina repugnare. Quod vero obijciunt absoluti decreti assertores constare ex Scripturis, decretum eiusmodi diuinam voluntatem esse, ideoque iniustum esse non posse; Respondetur, meram esse petitionem principij, neque posse voluntatem diuinam ita se habere, quia nulla veritas parit absurda, nec recta rationi contraria esse potest. Quod verò dicunt non obligari ut hominibus vires restituant, quas vitio suo amiserint; respondetur Deum etsi sit agens liberrimum, & simpliciter & absolute nemini obligetur, conditionaliter tamen obligari posse, idque tribus modis. I. decernendo; nisi enim ipse ad sua decreta quodammodo obligatus esset, mutabilis esset. Quidquid igitur hominibus dare decreuit, ex virtute decreti sui propter immutabilem suam naturam tenetur prestare. II. Promittendo; Ipsa Iustitia Dei postulat, ut reddat Deus quod promissit. III. Legem ferendo hominibus quam sine gratia supernaturali non magis obseruare possunt quam volare. Istiusmodi legislatione se obligat Deus creaturae, ut de ei vires ad legis istius obseruationem sufficientes, quod nisi faceret iure in illum dici possit, quod seruus ille dixit, Scio quia durus homo es, metis ubi non seminasti, & congregas ubi non sparsisti. Frustra creaturis dictum fuisset, crescite & multiplicamini, nisi Deus ipsis virtutem multiplicatiuam indidisset. Frustra paralytico dixisset Christus, Tolle grabatum tuum & ambula, nisi vires ei restituisset. Frustra etiam Deus ut crederemus iuberet nisi impotentiam credendi tolleret. Quid verò cum in fœdere nouo, quod cum omnibus iniure dignatur est, obedientiam ab omnibus exigat, & vitam aeternam obedientibus promiserit, mortemque non obedientibus minatus fuerit, puta-

bimane eius iustitiam pati ut vires aliquibus ad obediendum sufficientes pro mera sua voluntate denegat? Quod si faceret non magis iuste posset non obediētes punire, quā potest magistratus aliquis nocentem quem ob facinus aliquod primavit oculis, postea inbere ut librum legat, eumque quia non legit, mortis supplicio afficere.

Tria hic disputator facere tendit. I. Vult ostendere Deum esse iniustum si damnet homines innocentes cum nocentibus, aut nullo habito respectu ad peccatum, aut saltem solo Adami peccato, cuius omnes homines reos esse voluit, considerato. II. Deum esse iniustum si fidem cuiquam denegat, à quo postea fidem exigere velit, ut à reprobis. III. Per proleptin quandam nititur demonstrare Deum obligatum esse fidei donum omnibus hominibus indulgere. Et ad primum quod attinet, quinam illi sint qui docent Deum damnare homines innocentes cum nocentibus, aut nullo habito respectu ad peccatum, fateor me ignorare. Hactenus neminem qui nomen aliquod inter Christianos obtineret, portenta illa opinionum in Theologiam inuexisse comperi. Neque vnquam quisquam fuit usque adeo rigidus in asserenda doctrina de prædestinatione, qui non agnouerit veram, propriam, & unicam causam damnationis in solo peccato sitam esse. Nam Beza quidem, vir cætera maximus, sed in cuius methodum in eare explicanda nemo nostrum sibi iurandum esse putauit, statuit Deum vsque ab vltima æternitate homines seposuisse quosdam quos amaret, alios verò à prioribus istis iusto quidem, sed cuius nos ratio fugit, consilio secretos suo odio destinasse. At actu neminem odisse docet nisi propter peccatum, neminem vero damnare nisi quos actu iam oderit. Itaque segregationis illius ad odiū nullam causam assignat, præter vnā Dei voluntatem, quā opime dicit iniustam esse non posse. Odiū autem peccatum causam facit, & damnationem odiū effectum proximum, & ut loquuntur, immediatum. Vnde sunt ista illius verba lib. de æterna Dei prædestinatione aduersus Castalionem. Quamuis inscrutabilis sit eius decreti causa quod
 » Deus ab æterno nonnullos condere constituit in quorum iusto exitio
 » iustitiæ suæ gloriā patefaciat, ob eamque causam omnes exitio destinati non possint non suo tempore perire, Deum tamen, quia non
 » nisi corruptos & reos damnat, idcirco extra omnem damnationis
 » culpam est, ut qui ea etiam quæ homines iniuste faciunt, iuste tamen
 » decernat, ideoque & iuste puniat. Verum ad Calvinum reuertamur. Ajo igitur, id quidquid est quod Anonymus damnat, ad eius doctrinam neutiquam pertinere. Primum enim centies dixit neminem à

Deo puniri vel damnari nisi propter peccatum, & eorum, siqui sunt, qui contra sentiunt, opinionem à se amouit quàm longissimè. Verba sunt inter alia notatu digna in Commentario ad locum quem disputator ex Genesi citauit, *An index vniuersa terra non faciet iudicium?* Gen. 18
Non admonet officij sui Deum, sed à natura Dei ratiocinatur Abrahamus, impossibile esse vt quicquam iniquè designet. Item. Inter iudices terrenos non semper valeret hæc ratio, quos subinde vel errore falli, vel gratia flecti, vel rædio accendi, vel corrumpi muneribus, vel alijs modis ad iniustitiam traduci contingit. Sed quia nihil istorum in Deum cadit, cui naturaliter competit mundum iudicare, sequitur nihilo magis deduci ab æquitate Deum posse, quam abnegare seipsum ne sit Deus. Hæc ille. Deinde, quod peccatum originale sufficientem causam damnationis esse statuit, id ira facit vt labem illam consideret in se & quatenus hæret in vniuscuiusque persona, non quatenus Adami peccatum cuiquam imputatur tantum modò. Iam autem labem illam, vndecunque fluxerit, mereri mortem siquis neget, Deum accuset iniustitiæ necesse est, qui tot infantes, nullius alius peccati reos, morte plectit. Apostolus itidem insignis inscitix atque imprudentiæ insimulandus erit, qui mortem non aliò quàm ad peccatum tanquam ad causam suam meritoriam referendam esse putauit. Tertiò, quod adulti damnantur, id non soli peccato originali tanquam causæ meritoriæ adscribendum esse docuit, sed peccatis æqualibus, quæ reatus obligationem longè adhuc arctius adstrinxerunt; neque id modò, sed & impœnitentiæ atque incredulitati, quæ si abesset, reliquorum omnium peccatorum reatum abolitum iri certo prædicat. Quod autem hîc dicitur, Calvinum lib. 3. Instit. cap. 23. n. 7. scripsisse, Deum, etiam non considerato peccato, homines damnare posse, neque loco citato extat, neque si extaret, responsione careret. Scilicet summæ potestatis, qualis est diuina, duplex est ius. Vnum positum in *arbitrio*, vt quicquid agat, neque in ius vocari possit à quocquam, neque verò debeat. Alterum est iustitia ac reliquis virtutibus moralibus veluti temperatum. Non igitur, procul dubio Calvinus dixerit, Deum posse creaturam, nullo habito respectu ad peccatum damnare. Implicat enim contradictionem vt index damnet non considerato peccato, quandoquidem damnatio nihil aliud est præterquàm vel declaratio reatus, vel irrogatio pœnæ propter peccatum. At nihil prohibet quominus dixerit Deum posse creaturam infontem addicere cruciatibus æternis, habita ratione summi iuris *de re æternæ boni* constituti. Nimirum hoc sibi voluerit, id si Deus faceret, tantam

me edidit, doctrinam meam in eo argumento nefandæ cuiusdam hæreseos infimulauit. Verùm, quia hic necesse esset longius digredi, nolo autem filium huius disputationis interrumpere, peculiare ea de re dissertationem ad calcem operis reijcere melius est. Nunc reliqua exequamur.

Venimus ergo ad secundum. Iacit Anonymus pro fundamento, quod verissimum est: reprobos ex eorum sententia qui decretum absolutorum defendunt, ad credendum obligari. Id autem repugnare ait iustitiæ diuinæ tribus de causis. Ad primam quod attinet, miror virum doctum, quisquis est, impotentiam credendi quæ est in reprobis, statuere eiusdem esse generis cum impotentia volandi in ijs quibus alæ non sunt à natura concessæ. Ep quidem pacto Pontificij doctrinam nostram non tam refellere quam calumniari solent, quasi existimaremus vel legem Dei implere, vel in Christum credere pariter esse hominibus adiutis, ac si aliquis tentaret aut cæli sistere motum, aut terram de sede dimouere. Vnde illa nuperi scriptoris aduersus immensæ eruditionis virum Salmasium. *Si quis ideo damnari hominem dicat, quod volucris instar aëra non peruolet: aut quod Alpes ac Pyrenæos humeris impositos aliò non transferat: non-ne idem significet, nullam in isto cur damnetur causam fuisse, adeoque iniquissimo esse iudicio damnatum?* Quod in eo hominum genere mirum non est, qui vel nostrorum scripta non legunt, vel si legunt non intelligunt, vel si intelligunt, vt est temporum iniquitas & calumniandi libido, data opera deprauant & omnibus exosâ reddere studiosè conantur. At Arminij discipulos religionem reformatam professos, vel magis ingenuos vel doctrinæ nostræ intelligentiores esse oportuit. Qui non habet alas, etiamsi volare velit vehementissimè, non potest tamen. Nec sicui Alpium aut Pyrenæorum onus imponderetur, quidquam proficeret vel virum nisus contra tendētium, vel voluntatis impetus summa ope reluctantis. At si reprobi vehementissimè vellent fidem Euangelio adhibere, vtique id possent. Quin eo ipso quod adhibere vehementissimè vellent, iam se adhibuisse testarentur. Nulla enim alia re voluntas eò compelli potuerit, nisi quod iam mens incomparabilem ab omni parte Euangelij præstantiam agnouerit atque suspexerit: quod nihil aliud est quàm credere. Quocirca non posse volare in ijs quibus alas natura negauit, est à defectu facultatum naturalium & inopia eorum instrumentorum sine quibus res perfici nequit. At non posse credere in reprobis, neutiquam est à consimili causa, sed ab eo quod facultatibus à natura concessis ad eam rem vtī nolunt. Vti au-

tem nolūt quia mali sunt, atque adeo ita mali vt contingere omnino nequeat quin semper id nolint. Audiamus Caluinum, ad Ezech. cap. 12. vers. 2. Hoc, inquit, diligenter notandum est, quia vt plurimum hypocritæ vbi sunt conuicti, captant hanc latebram se errore fuisse lapsos vel inscitia. Deus autem ex opposito hîc pronunciat Israelitas fuisse cæcos & surdos, sed ostendit voluntariam fuisse eorum cecitatem. Cùm ergo increduli prætexent se non fuisse illuminatos à Domino, concedi quidem illis poterit, fuisse cæcos & surdos, sæpe tamen ultra transcendere oportet, quia fons cecitatis & surditatis est eorum perniciacia, ac Deus ipsos excæcat, quia nolunt lucem admittere sibi oblatam, aures etiam suas obturant. Rem cuius constituit ob oculos ipse Christus, cùm postquàm pulcherrima parabola misericordiam Patris in se & à se in Euangelij prædicatione oblatam, nuptiali conuiuium comparauit, eas causas assignat cur inuitati venire recusauerint. Villam emi, inquit ille, quam videre necesse habeo. Alter, eni iuga bouum, quæ mihi sunt exploranda. Tertius, vxorem duxi. Alij denique furore in seruos conuiuatoris exarserunt. In quæ operæpretium est Caluinum audire commentantem. Postquam enim principio difficultatem illam proposuit, quomodo Iudæi, quos tanquam familiares amicos præ alijs Deus elegerat, dici possint ad conuiuium inuitati, cùm eorum tam multos ante Christi aduentum mors absterlerit, eamque dissoluit his verbis: Scimus communem omnibus salutem fuisse propositam, quæ eos priuauit sua ingratitude & malitia, nam ab initio Dei inuitationem populus ille impiè contempsit; rem sic explicat vberius. Quamquam iam olim scitum fuerat in prophetas, quia tamen tempore creuit furor, qui tandem in Christum & Apostolos toto impetu effusus est, veterem populum contemptos & superbiz tantum accusat. Vltimos autem seruos qui sub horam cænæ missi fuerant contumelijs affectos vel occisos fuisse dicit. Ita ad extremum scelerum prorupit ille populus, cùm superbam gratiæ reiectionem accessit veiana crudelitas. Neque tamen in omnes pariter crimen hoc confert, quia etiam in vltima vocatione quæ per Euangelium facta est, partim a securis contemptoribus derisa fuit Dei gratia, partim furiosè repulsa ab hypocritis. Atque ita fieri solet vt eo magis ebulliant impij contra Deum, quo magis eos ad salutem sollicitat. His autem verbis significat Christus ira mundo & rebus terrenis detritos fuisse Iudæos, vt nemini vacaret ad Deum accedere, sicuti dum nos mundi curæ tenent implicitos, totidem sunt auocamenta quibus à regno Dei abstrahimur. Turpe quidem ac pudendum est, quod homines.

Mat.
23. 14,

homines ad cælestem vitam creati, belluino stupore toti ad res caducas feruntur : sed hic morbus passim grassatur : Ita vix centesimus quisque regnum Dei caducis diuitijs vel alijs commodis præferat. Quamquam autem non eodem omnes laborant morbo, quisque tamen sua cupiditate in diuersum rapitur : ita fit vt omnes huc vel illuc disfluant. Quibus planè similia sequuntur. Atque id experientia quotidiana comprobatur. Quam enim Euangelium tanta veritatis euidencia vndique colluceat : cùm tam luculenta boni atque honesti species in eo appareat : cùm tantam tamque incomparabilem vtilitatem offerat, omnino mentes hominum densissimis tenebris occupatas, peruersissimis affectibus irretitas, corruptissimis cupiditatibus illigatas esse oportet, quæ non modò salutem oblatam non admittunt, sed in Christum ipsum vsque adeo impotenti rabie inflammantur. Non possunt ergo quia nolunt. At enim neque velle possunt. Certum est. Verùm cùm intellectu atque voluntate præditi sint, quid impedire potest quominus velle possint præter vnā malitiam ? Quod si nihil præter vnā malitiam obstat, sibi sanè imputent quod non habent fidem ; per eos vnus stetit scilicet. Quamobrem impotentia quam parit inopia facultatum naturalium, præbet excusationem legitimam, & quanto maior est, tanto magis legitimam. At in impotentia quæ à vitio morali profecta est, planè contrā se habet. Quanto maior illa est tanto magis reddit hominem inexcusabilem. Quanto enim quisque magis nequam est, tanto excusatione est indignior. Et quāto magis est ab ea impotentia impotens, tanto necesse est esse nequiores. Habitus vitiosi in nobis non sunt vnus generis. Alij sunt ab ipso ortu insiti, qui ideo originales appellantur, alij verò consuetudine comparati. Qui consuetudine comparati sunt, postquā semel inoleuere, vt iam supra diximus, facultates ipsas ita afficiunt, vt eas reddant penitus insanabiles. Quod & vera Philosophia docuit, & experientia comprobatur. Insanabiles, inquam, non Deo quidem, si virtutem suā infinitam adhibere velit : sed causis illis vsuratis atque ordinarijs quæ solent mentem & voluntatem humanam in hanc aut in illam partem inflectere. Naturales, seu insiti ab ortu, haud minus, atque adeo etiam aliquanto magis. Nam vt egregiè Philosophus obseruauit, si consuetudo firmissima censetur quæ proximè ad naturam accedit, naturam ipsam aliquanto firmiorem esse omnino necesse est. Ex vtroque illo genere conflata est impotentia de qua agitur : quæ eatenus & est & dici potest naturalis quatenus eam à parentibus nostris duximus. At naturalis non est, seu physica, eo

quod neque constituta est, neque vero dependet ex ijs rebus quæ boni vel mali moralis naturam non obtinent. Aliud enim est physicum seu naturale, vt opponitur ascititio per imitationem & consuetudinem, aliud vero vt opponitur virtuti vel vitio morali. Quando igitur alterutra illa pars impotentiae nostræ seorsim sumpta ipsa per se inuicta & inemendabilis est, quod ex vtraque ortum & conflatum est, omnino, vt loquitur Anonymus, inuincibile esse constat. Quod & obseruatum & pro indubitato habitum esse à Caluino testatur locus quem supra produximus ex Commentario in Ieremiam. At neque genus istorum habituum, si vitiosi sunt, excusatione dignum esse palam est. Non naturalium, nisi velimus peccatum originale rem esse leuiorem quàm quæ à Deo puniri debeat, & sic in Pelagij castra apertè transire. Non acquisitorum. Nam si quod est naturale in eo genere excusabile non est, multo minus excusabile erit quod est consuetudinis comparatum. Hoc enim quàm illud magis videtur initio fuisse in nostra potestate.

Secundæ rationis telum in Caluinum torqueri nequit. Nusquam enim dixit Deum nolle vt reprobis credant: centies dixit cum Ezechiele & Petro, velle Deum vt resipiscant, & cum Paulo, vt ad veritatis cognitionem veniant, & sic ad salutem adducantur. Nam hic sane voluntas quæ præscribit officium, confundenda non est cum voluntate quæ decernit quod est futurum in euentu. Illa, vt iam diximus, & præscribit officium creaturæ, & testatur rem fore Deo longè gratissimā, si præstetur officium ex præscripto. *Θείας* enim græcè, γὰρ hebraicè id denotat. Sic est Deus à natura sua affectus, vt si creatura officium faciat, facto magnopere delectatur. Tum quia creaturam amat, quæ creatura est: tum etiam quia officium positum est in re quæ cum natura Dei consentit & refert eius imaginem. Hæc vero idoneis sapientibusque de causis, quæ vt plurimum nos latent, statuit non facere in quibusdam vt officium præstetur. Ista autem non pugnant, vt iam supra docui. Si rem efficacitate aliqua impediret, viderentur pugnare quidē. At ex voluntate illa nihil per se oritur præter meram negationem actionis, quæ vt ipsa nihil mouet, sic non impedit quominus officium præstetur, vndeunque id fiat, magnopere placeat. Tertia ratio Caluinum minimè tangit. Nam qui docet Christum pro omnibus esse mortuum, quique Christum, pro omnibus mortuum, promiscuè omnibus ac indifferenter offerri debere contendit, ille ne dici potest remouere ab oculis reproborum obiectum necessarium ad fidem ingenerandam? Si vesci noluerunt, si vocati ad conuiuium

coninium venire renuerunt, idcircone Deus eos delusisse & inania
fercula suis mensis intulisse dicendus est?

Nunc Prolepsin, in qua tertio loco probare instituit Deum obligatione quadam obstrictum fuisse omnibus ex æquo fidem indulgere, breuiter excutiamus. Res est facilis & quæ prolixam operam non requirit. Ait ergo à defensoribus absoluti decreti dici solere, Deum non obligari hominibus vires restituere quas vitio suo amiserint. Cui rei respondet, Deum etsi est agens liberrimum & simpliciter ac absolute nemini obligetur, conditionaliter obligari tamen posse, idque tribus modis. Decernendo: Promittendo: Legem ferendo. Nolumus hic disputare de Iure Dei, deque obligatione quæ ex ipsis vel decreto, vel promissione, vel legislatione nasci potest. Anonymo quod petit lubentes concedimus. Quid ex eo sequetur? Primus enim ille modus ad rem nostram non pertinet. Siquidem Deus non decreuit omnibus dare fidem. Id arctè tenemus & Dei beneficio defendimus accurate. Neque magis secundus. Nusquam enim Deus promisit se fidem omnibus daturum. Id quod est apud Ieremiam. *Inscribam leges meas in eorum cordibus, &c.* Ostendit quidem longè maximum interesse discrimen inter fœdus legale & Euangelicum, quod illud à nemine impletum est; hoc futurum fuit ut in pluribus impleretur: illud in lapideis tabulis exhibitum est, nulla virtute spiritus regenerantis comitante: hoc vim spiritus comitem habuit in pluribus, & inscriptum est tabulis carnis cordis eorum quos Deus efficaciter vocauit, ne, ut præcedens, frustra sancitum esset. Verùm id ad omnes omnino homines extendi protrahique debere nemo dixerit qui sit istarum rerum intelligens. Quam pauci enim sunt præ alijs, qui mentem gerant legibus diuinis vel leuiter exarata. Id autem referre ad eam gratiam quam Arminij discipuli volunt esse omnibus communem quàm absurdum esset! Quando enim à multo maxima parte rejicitur, hocine est inserere legem suam hominum cordibus, hocine mandata sua præcordijs ipsis & visceribus inscribere, si leui quadam & euania suatione mentem & voluntatem illiciat, dubio & ut plurimum irritò successu? Siccine igitur datur effectum quod hoc loco prædicatur, Non docebit ultra quisquam proximum suum, aut vir fratrem suum dicens, cognoscite Dominum; sed omnes me agnoscant à minimo eorum usque ad maximum? Ad tertium quod est de legislatione, iam respondimus. Vires illæ (nam eadem argumenta sæpe repetita nos ipsidem responsionibus uti cogunt.) Vires, inquam, illæ quarum defectu sit ut reprobi credere nequeant, non sunt eiusdem naturæ cum vi-

ribus volandi, aut procreandi sibi simile, aut grabatum suum ferendi, quæ omnino physica sunt, hoc est à ratione & natura boni vel mali moralis longissimè seiunctæ. Egestas illa virium sita est in malitia & obstinata contumacia, & ignorantia affectata; quam si Deus in reprobis tollere teneretur, tenebatur utique tollere in diabolis, & teneretur itidem tollere in induratis ac pertinaciter impenitentibus, quibus tamen Arminij discipuli non tribuunt tantum iuris in creatorem, ut illi litem intendere possint, quod indurationem neque impedirent neque verò sustulerit iam inductam & acquisitam. Ad id enim illi quid excipiant? Nullam esse positam diabolis credendi legem? At lex illa ab ipsa natura lata quâ creaturæ creatoris gloriæ in omnibus ex animo studere tenentur, viget in æternum. Et lex illa credendi, quæ hominibus lata est, tam eos adstringit postquam semel Dei iudicio indurati sunt, quàm antequam, ex Arminianorum hypothese, indurarentur. Diabolos initio in eo statu fuisse constitutos, ut non peccare possent, si vellent, induratos, antequam indurarentur, in eo ut si vellent, credere possent? Quid ergo? Ex Calvini sententia nonne sunt reprobi in eum statum adducti ut quominus credant, sterper vnam eorum peruersam voluntatem? Absterruitne eos Deus à credendo, annon omni modò ad fidem inuitauit? At enim nihil illis prodest si posse credere, si velint, nisi etiam velle possint. Perinde ergo cum illis actum est ac si omnino non possint, id etiam si velint. Sic solent quidem subtiles illi homines aduersus nos argumentari. Mirum enim est quantas turbas in ea re dederit alter Anonymus (Concellius sit necne, non habeo pro comperto) qui contra me fusiùs se disputaturum esse promisit. Acumen verò eos sic ratiocinantes valde fefellit. Primum enim id si possent, etiam si vehementissimè vellent, si non præstarent, excusatione digni iudicarentur. Non possent enim vel quia deesset obiectum, vel quia obiecti apprehensio penderet ab aliqua facultate ab ipsa mente ac voluntate diuersa, quâ vel inuitissimi carerent. Nunc autem & obiectum illis offertur, & sunt ijs facultatibus à natura instructi quæ sunt aptæ ad obiectum apprehendendum, si vellent. Quamobrem est illis omnis excusatio legitima præcisa. Tum & illud *posse velle* distinguendum est. Nam si *posse* significat tantummodo facultatem ab ipso actu volendi distinctam, ut *posse intelligere* res est ab ipso intelligendi actu diuersa ut facultas, reprobi certe possunt velle. Nam qui voluntatem habet quidni velle posset, quandoquidem posse velle, & facultatem volendi habere, & voluntate præditum esse denique, verbis quidem nonnihil discrepant, re om-

nino nihil? Quod ergo dicunt nihil reprobis profuisse potuisse credere si *vellent*, nisi etiam datum esset *posse velle*, vnum est ac si dicerent nihil profuisse potuisse credere, nisi etiam facti essent homines. Quæ sane querimonia inepta foret & præter rem. Nonne enim sunt homines? Quisquam ne nostrum peccatum illis suam humanitatem abstulisse putauit? Si vero *posse* denotat euentus contingentiam, *ut posse velle sit*, contingere posse ut sic velint, certe non possunt. Et cum istud *ut* ordiatur *ad* illud *ut* *ut* *ut*, aliunde non proueniat quam ex eo quod voluntas est à *preceptis* determinata ad *ut* sic *nolle*, nihil quidem illis profuit *posse* credere si *vellent*, non concessio ut sic *nolle* non esset *ut* *ut* *ut*. At vicissim obsecro mihi respondeant. *Fingamus*, quod mera est hallucinatio, at *fingamus* tamen ut *velle* aut non *velle* in incredulorum negotio factum sit à Deo *ut* *ut* *ut*. Quandoquidem non crediderunt, quid illis profuit potuisse *velle* credere? Nam certe id demum profuisse dicitur non quod ad usum conferre potuimus, sed quod ad usum reuera & actu contulimus. Illi autem qui neque crediderunt, neque credere voluerunt, potentiam vel credendi, vel volendi ad usum non contulerunt. Quamobrem neque potuisse *velle* illis quidquam profuit. Quod si respondeant, per incredulos stetit quominus prodesset, nonne & nos id pari iure respondere possumus, per eos vnos stetit quominus prodesset *posse* credere si *vellent*, etiam si imaginarium illud *posse velle* non acceperint? Denique si sapimus omnes, nulla debet esse inter nos controuersia, profuerit incredulis atque reprobis nec ne voluntatis diuinæ dispensatio in ijs quæ ad eorum salutem pertinebant. Quid enim clarius est quam id nihil illis profuisse? Addam aliquid amplius, quid certius est quam id illis vehementer obfuisse, quodcunque est, si euentum species? Nam sanè præter reatum quem peccatum originale peperit, & alterum illum qui ex transgressionem legis moralis ortus est, obstrinxerunt se se crimine incredulitatis & contemptus federis Evangelici. Quod dici non potest quantum exitij molem auxerit. Nota sunt Apostoli verba. Si is qui per angelos dictus fuerat sermo, fuit firmus, & omnis transgressio & inobedientia iustam præmij retributionem accepit: quomodo nos effugiemus si tantam neglexerimus salutem? &c. Quæritur tantum quid Deus in salutis negotio fecerit, & quo animo fecerit. Item quomodo increduli se in eo gesserint, ad eorum nos salutis non impetrata culpa referenda sit. Et de priore quidem res clara est. Filium Deus in mundum misit dilectissimum, innocentissimum, infinita maiestate præditum, vno verbo, Deum. Talem tantumque ad mor-

tem adegit cruentissimam, ignominiosissimam, horrendam cuiusdam
 maledictionis plenam, ut sic eos à morte maledicta vindicaret. Vo-
 luit satisfactionem illam omnibus constitui quò oculos, neminem ab
 ea repelli, neminem non invitari. Idque eo fecit animo ut si credere
 non recusarent, tanta salute fruerentur. Id pollicitus est bona fide,
 optima præstiturus nisi credere recusassent, incredibili quadam ac
 planè suspicienda *quasi de gentia* adductus, miro quodam generis huma-
 ni amore. Iuxta illud Christi, *omnes qui crediderint in me non peribunt in æternam mortem, sed habebunt vitam æternam*. &c. De po-
 steriore haud minus. Increduli enim cùm intellectu ac voluntate præ-
 diti essent, facultatibus, nisi peccato penitus imbutæ forent, ad obie-
 ctum illud percipiendum & amplectendum à natura comparatis,
 omnes animarum suarum aditus data opera ocluserunt, quia pecca-
 to indulgebant usque adeò suaviter, ut nulla ratione inde abduci at-
 que abstrahi potuerint. Quid ergo sibi volunt Arminiani? Quid qua-
 runt? Quid Deo crudelitatem exprobant? Quid undique colores
 accersunt quos allinant isti hominum pertinaciæ tantæ? Non potest
 ijs iudicibus Dei cum reprobis litigantis causa esse satis exploratè
 vincibilis; nisi reginam illam ac propemodum Deam hominum vo-
 luntatè in throno quodam collocaverint, quæ suarum ipsa actionum
 domina & hinc inde suspensa librataque pariter, apud se consulat
 scilicet, & cui tamen neque consilij neque ratiocinationis vlla copia
 est) intellectus suasiones admittat nec ne, Spiritum sanctum trahen-
 tem sequatur amon. Christum denique tantum non demissè sup-
 plicentem, ut sibi liceat apud eam in aliqua parte amicitia hære-
 recipiat, an excludat & superbe aspernetur: donec tandem sa-
 piens illa consultatrix, expensis utrinque rationum momentis, non
 dicat quidem quod Medea olim, *video meliora proboque*, (nam quid
 illa videret quæ non habet oculos?) sed *facisse Christe, neque scilicet
 citare causam. Causa nulla est. Sic volo, sic iubeo, sic pro ratione poter-
 ram*. Addit tamen disputator noster, frustra Deam iubere ut reprobi
 credant, nisi impotentiam credendi tollat. Quod ambigè dicitur.
 Nam si frustra illi significat eventum proprium non esse conse-
 cuturum, quam ratiocinationem Aristoteles esse dixit, verum
 est. Non crediderunt. At non inde confici potest Deum ab ijs fidem
 exigere non debuisse. Si vero intelligit id esse factum à Deo neque
 misericorditer, neque iuste, neque sapienter, id vero est quod stre-
 nuè negamus. Neque hactenus quidquam ab eo prolatum est quod
 nos à sententiâ deducere possit. De viribus ad obediendum sufficien-
 tibus, quod ait, caret omni difficultate. Sufficiens duobus modis di-

dicatur

dicuntur: Nimirum vel denotatur id quod actu rem dat effectum: vel id quod effectum dare potest si velis. & nisi sit per tuam ipsius voluntatem, quomocunque tandem affecta sit. Priore modo Deus vires sufficientes dare non tenebatur. Neque id Arminij discipuli affirmare possunt, qui nolunt Dei gratiam in vocatione esse usqueadeo efficacem ut eam euentus necessarii consequatur, euentum volunt ex arbitrio voluntatis humane pendere. Posteriore modo dedit sane sufficientes, quandoquidem & extrinsecus obiectum obtulit, & mentem atque voluntatem, quatenus sunt *quoniam diuinus*, conseruauit, adeo ut, quod iam centies dixi, si non crediderunt, vnam suae voluntatis rigidam & inflexibilem pertinaciam vituperare queant. Rem omnem significantissimis verbis Calvinus expressit in Esa. cap. 5. vers. 3. *Iudicate inter me & vineam meam.* Simplicior erit sensus, quum omnibus officij partibus defunctus fuerim, ac superauerim omnium vota in vinea mea cultus, qui sit ut tam iniquam mihi mercedem rependar, & pro fructu sperato meram proferat amaritudinem? Siquis obijciat remedium fuisse in manu Dei, si corda populi flexisset, frustra est, quoad ipsos homines tergiuersatio: quia eos constringit sua conscientia, ne culpam transferendo elabi queant. Et si enim efficiens non penetret Deus Spiritus sui virtute in corda hominum, ut eos sibi morigeros reddat, frustra tamen obstrepent hoc sibi defuisse, quando omnino ignorantiae praetextum satis superque tollit externa vocatio. Denique exemplum de Magistratu non quadrat. Primum enim caecum, quantumvis iuste id fecerit, caecum effecit ipse, eum cum oculis priuauit. Deus impotentiam quae in reprobis inest, non indidit: illam ipsi in se sponte sua & proprio vitio accersuerunt. Deinde caecitas quae est ab oculorum effossione, est priuatio facultatis physicae, quae actioni visionis opponit impedimentum prorsus insuperabile, tamen si caecus id superare maxime velit. At impotentia de qua disputamus, naturalis quidem est, quia est ab ipso vtero ducta: ac moralis tamen, ideoque non insuperabilis si velis. Quod si usqueadeo penitus insedit ut contingere nequeat id velis, iam istud ostendimus ad excusationem non valere.

CAPVT IX.

Caluini doctrinam non pugnare cum veritate & sinceritate Dei.

ET sinceritati ac veritati Dei doctrinam de absoluto reprobationis decreto repugnare, Deumque planè falsitatis & hypocritæ in simulare contendit, siue illius præcepta, siue promissiones, conditiones, vota, exhortationes ac denique commiserationes spectentur. De mandatis autem sic habet: Si mandata eius spectemus secundum eius doctrinam assertores, Deus illis præceptis ut resipiscant & credant, quibus occultè non permittit ut credant. Sic enim Piscator libro contra Schasum. Et si reprobis mandat Deus ut Euangelio credant, non vult tamen ut credant. Quos verò iubet Deus credere, hos exterius manifesta sua voluntate vult credere. Præcepta enim eius voluntatis eius signa sunt, & his voluntate interna idem etiam vult, simulacrum agere. Ita vero Piscator in eodem libro. Non vult Deus reprobos credere, licet lingua profiteatur se velle. An non hoc est fraude & dolo malo cum hominibus agere? Verba sanè si veritate caruerint, & mentis signa non fuerint, simulationes & fraudes merito appellari possunt.

Grande profecto facinus, & cui pro merito exagitando nulla verborum acerbitas sufficere queat, si quis vel intendat in Deum actionem de dolo malo, vel ea doceat quæ actionis de dolo in Deum intendendæ legitimam occasionem præbeant. Ac neque Calvinus id fecit, neque cuiquam cur id faceret ista causam suppeditauit. Mandat Deus reprobis ut credant. Verum est. At occultè non permittit ijs ut credant. Quid illud est occultè permittere? Permissio enim duplicis est generis: Vna est quæ potestatem facit & ius concedit aliquid faciendi, ut cum Deus permisit Noacho & illius posteris ut carnibus animalium vescerentur. Permissio autem ista legislatione fit: leges autem non occultè, sed publicè feruntur, nequem lateant. Altera est quæ actum ipsum efficacitate aliqua non reprimat. Vt cum Deus peccatum permittit, quod lege lata vetuit acceptimè, at non reprimat.

reprimat efficientia Spiritus aut providentia suae in multis. Priore modo Deus non modo incredulis permisit ut credant, sed etiam imperavit, nec illis tantum licita res est, sed pro imperio debita, & à qua abstinere non possant citra culpam. Obiectum enim illis Deus obtulit vna cum imperio, ne desit quod fide amplexentur. Posteriore verò, quis vnquam fuit è nostris hominibus, in cuius mentem hoc scelus incidit, ut putaret Deum occultis quadam efficacitate, intus operante coercuisse atque repressisse reproborum imperiū, ne, in Christum crederent? Et quid opus est talem in ijs imperum cohibere qui nullus est? *ne àxw*, inquit Sophocles, *πάσις τινος*; Nam illi sanè iacent in peccato demortui. Mortuum autem nihil opus est prohibere quemquam ne resurgat: Satis illud prohibebit ipsa mors. At enim non vult Deus eos credere: Sic enim Piscator scribere ausus est. Piscator defensorem fortasse reperiet: de Caluino agimus. Sic igitur distinguet. Non vult, hoc est non foret illi gratum si crederent, negatur. Nam id illi longè foret acceptissimum si praearent. Non vult, hoc est, non deceuit ipse facere in ijs quod imperat. Conceditur. At quæ labes inde aspergitur Dei sinceritati veritatisque? Sciat ergo Anonymus ex Caluini sententia, atque aded etiam ex rei veritate, duplicem esse Dei *voluntatem* in hoc negotio: Vnam Legislatoris, alteram verò Patris. Sub *voluntate* Patris non modo imperat, electis ut credant, sed vim spiritus sufficit per quam sunt imperio certissime obtemperaturi. Eos enim elegit, eos adoptare, decreuit in Filio. Vnde igitur propositū assequatur, subministrat vim spiritus efficacissimam & ad eam rem absolūtè necessariam. Sub *voluntate* Legislatoris imperat vel maximè sermō. Ac intra hanc relationem consistit, Legislatoris enim, quæ talis, non est suppeditare vires quibus à se constitutis legibus pareatur. Ut sermō imperet, & sine suāp ac fallacijs, sufficit, ut imperet ea quæ ius habet imperandi. Et, quod consentaneum est, ut non imperet quidquam quod subditi prestare non possunt, id modo velint, velle autem debeant, si frangi sint. Item, ut si quod imperat, prestat, vltro accipiat, id quæ valeat cum ad justificationem illius qui paruit, sequitur ab eo vltæ rationis ratio: tum ad impetrationem premij, si quod officio facto premium, lege constitutum est. Denique veni prestat officium, inobedientiam, in istis precis vindicantur velle. Quæ omnia in ea Dei *voluntate* reperiuntur. Adscribam Caluini verba, in quibus distinctionem istam explicauit, & eadem oportet putidissimas obiectiones refellit. Promissiones (idem de mandatis planè statueretur est), quæ omnes ad salutem inuolant, non

„ simpliciter nec præcisè quid in arcano suo consilio statuerit Deus;
 „ sed quid omnibus ad fidem & poenitentiam adductis, facere paratus
 „ sit, demonstrat. Atqui hoc modo duplex affingitur Deo voluntas,
 „ qui adeò varius non est, ut neminima quidem in eum cadat obum-
 „ bratio. Quid hoc, inquit Pighius, aliud esset, quam hominibus illu-
 „ dere, si Deus quod non vult, velle se profiteatur? Coniunctim ut par-
 „ est, legantur hæc duo, volo ut conuersus peccator viuatur, nullo nego-
 „ tio calumnia illa diluitur. Conversionem à nobis exigit Deus; eam
 „ ubique inuenit promissio vitæ præmio non frustratur. Vitam er-
 „ go velle dicitur Deus qualiter & poenitentiam. Hanc autem vult
 „ quia verbo suo omnes ad eam inuitat. Cæterum id cum arcano ip-
 „ sius consilio non pugnat, quo nonnisi suos electos conuertere decre-
 „ uit. Neque propterea varium censei fas est, quia tanquam legisla-
 „ tor omnes externa vitæ doctrina illuminat: ad vitam omnes priore
 „ modo vocet: hoc autem altero quos vult adducat, tanquam Pater
 „ regenerans spiritu filios duntaxat suos. Non ignoro similitudinem
 „ istam à nonneminè fuisse vellicatam, ac si sædus Euangelicum in le-
 „ gem Moïsi transformeret. Quasi verò proclive non sit intelligere
 „ aliter Deum legislatoris x^{rii} indui cum lex opponitur Euangelio,
 „ aliter verò cum Euangelium absolutè consideratur & in oppositione
 „ partium ipsius inter se. Legi oppositum, Euangelium est, non lex. Nam
 „ in lege Deus pro imperio statuit atque promulgat quid iustum & æ-
 „ quum sit: vim spiritus regenerantis non indulget, quâ homines in
 „ obsequium flectantur. In Euangelio & fidem exigit, & Spiritum mi-
 „ sericorditer largitur, qui fidem creat. Quod certe propius ad Patris
 „ quam ad legislatoris x^{rii} & ingeniu accedit. At cum fides ab omnibus
 „ exigatur, spiritus autem indulgeatur nonnullis tantummodò, in illa
 „ comparatione disparium, quid dici potuit, ut est in rebus diuinis ca-
 „ ptus hominum, conuenientius, quam illorum respectu Deum egisse
 „ ut Legislatores solent, horum verò ut parentes agerent si quis id illis
 „ tribueret ut possent liberos suos à vitio depellere. & ad omne genus
 „ virtutum fingere ac informare? Hic autem necesse non habemus, ea
 „ repetere quæ supra à nobis dicta sunt. Deum quidem sic esse aucto-
 „ rem fidei in fidelibus, in incredulis autem incredulitatis non esse cau-
 „ sam. Nam in fidelibus efficit, in incredulis deficit tantum. Deficit,
 „ inquam, non ut causa quæ non præstat id quod præstare tenetur, quæ
 „ deficiendi ratio in culpa est. Deficit tantum non efficiendo id quod
 „ nullo iure, nulla lege efficere debuit. Quæ cessatio seu efficientiæ ne-
 „ gatio non modo vitio non vertitur propter culpam, sed & laudi duci
 „ potest

potest propter sapientiam.

De promissionibus sic ait, Anonymus. Quod etiam ad promissiones attinet, omnibus etiam perennatibus proponuntur. Inuitati sunt ad nuptias etiam qui non venerunt. Quibus preceptum isdem etiam promissio proponitur. Act. II. 38. Pœnitentiam agite, & baptizetur unusquisque vestrum, &c. Vobis enim est promissio & filijs vestris, & omnibus qui longè sunt, quoscumque vocauerit Dominus. In quibus verbis præceptum & promissio eiusdem extensionis sunt. Promissione enim tanquam firmissimo argumento eos ad præceptum amplectendum allexit Apostolus. Nihil verò momenti habuisset argumentum illud, nisi ad omnes, ad quos præceptum pertinebat, promissio etiam pertinisset. At secundum hanc de decreto absoluto sententiam Deus multis offert gratiam & gloriam quibus veniam dare decrevit. Sic Piscator libro de predestinatione contra Schæsmannum: Gratia non offertur à Deo singulis, licet vocatis, animo communicandi eam, sed solis electis. Quid? num ita nobiscum agit Deus, ut Di olim egisse finguntur cum Tantalos ita prorsus, secundum illorum sententiam. Essi enim Deus gratiam ac gloriam omnibus offerat, gratiam tamen oblatam, secundum istos, ab eis retrahit, vel primam, ut non omnino possint credere, vel saltem illam quâ ad finem usque perseuerare possint. Quid hoc aliud est quàm misellos homines vana spe salutis lactare & ludere? Hocque Zanchius parum sui memor fatetur libro 5. de natura Dei cap. II. Dicit enim, omnem hominem vocatum debere se electum esse credere, & nisi ita fecerit, magnam Deo iniuriam inferre, Deumque perstringere mendacij, qui illi in verbo dicit, se velle salutem eius & in hunc finem ad Christum vocasse. Et Bucerus cap. 8. ad Rom. Primum, quod Deo debes, est ut credas esse te ab eo prædestinatum. Nam id nō credas, facis eum tibi, cum te ad salutem vocat per Evangelium, illudere. Si certum esset creditori alicui nihil unquam de ara suo remittere, & tamen debitori novas tabulas, siue remissionem conditionibus aliquibus præstitis offerret, & hac omnia iureiurando sanctè confirmaret, nonne debitorem plane luderet? Qualia verò tandem sunt iuramenta Dei, quales promissiones eius de peccatorum remissione, sub conditione credendi & resipiscendi, si nihil unquam remittere degenierit?

Frustra se se fatigat Anonymus in ratiocinatione quâ hinc disputationem de promissionibus diuinis inchoat. Non modò Calvinus non negat salutis promissionem unâ cum præcepto credendi, æquè latè patere, sed id dilucius & significantius affirmat quàm quisquam facere possit Arminij discipulus. Sic enim ille Comment. in Iepudum locum quem Anonymus citauit. Ad vos enim pertinet promissio. Hoc no-

„ minatim addi oportuit ut certò statuerent Iudæi sibi communem esse
 „ cum Apostolis Christi gratiam. Inde autem probat Petrus, quia illis
 „ destinata sit Dei promissio. Nam huc semper coniiciendi sunt oculi
 „ quia non aliter nobis nota esse potest Dei voluntas, quàm per ver-
 „ bum. Sed non satis est habere verbum generale, nisi sciamus nobis
 „ destinari. Dicit ergo Petrus Iudæis, quæ in se & collegis cernunt Dei
 „ beneficia olim promissa esse: quia hoc ad fidei certitudinem neces-
 „ sariò requiritur, ut singuli animo infixum habeant, se comprehendi
 „ in eorum numero quos alloquitur Deus. Denique hæc vere creden-
 „ di est regula, quum ita persuasus sum, meam esse salutem, quia ad me
 „ pertinet promissio quæ illam offert. Vult ergo Calvinus & promif-
 „ sionem vnà cum mandato ad omnes diffundi, & certam spem salutis
 „ cā omnibus ostendi, & salutem illam ad se pertinere singulis esse de-
 „ bere quàm persuasissimum. Quid ab eo amplius requiri potest? At
 „ inquirunt, secundum hanc de decreto absoluto sententiam, Deus mul-
 „ tis offert, & commissorum impunitatem, & cælestem hæreditatem,
 „ quibus neutram dare decreuit. Vbinam Calvinus id dixit? Vbinam
 „ contraria non docuit, si quando locus id & occasio postulauit? Pro-
 „ misit Deus bona fide se omnibus daturū salutem æternam, si credant,
 „ & si credant, quod promisit bona fide ac ipsa se est executurus. Ve-
 „ rum quia præuidit certo fore ut non crederent, ex eo decreuit salutis
 „ non fore comites, quàm contumaciter essent aspernaturi. Ac ne
 „ quis Calvinum sic credidisse dubiter, loquitur in hunc modum ad
 „ illa verba Psal. 81. *O si populus meus audisset &c.* Quia dictio *h* apud
 „ Hebræos non est conditionalis, sed optatiua, non dubito quin Deus
 „ instat gementis exclamet miserum esse hunc populum, qui salutis suæ
 „ optimè consulis sponte recusauerit. Est autem hic tacita exprobratio,
 „ ut sciant Iudæi non nisi per suam malitiā fuisse quominus optimè
 „ haberent. Si quis obijciat frustra & sine ratione Deum conqueri
 „ quando in ejus arbitrio fuit flectere duras populi ceruices; nunc quā-
 „ do facere non libuit, non esse cur se homini dolenti comparer. Res-
 „ pondeo, iussu id fieri nostræ causæ, ne infelicitatis nostræ culpam, ali-
 „ bi quàm in nobis queramus. Sed hic cauendum ne res diuersas mis-
 „ ceamus, & quæ non minus inter se distant quàm cælum à terra. Deus
 „ enim ad nos descendens per verbum suum, & sine exceptione inui-
 „ tans omnes, neminem frustratur. Quicumque enim veniunt, admissi,
 „ sentiunt non ab re fuisse vocatos. Interim ex fonte arcanæ electionis
 „ manat hoc discrimen ut in paucorum corda verbum penetrat, alio-
 „ rum aures verberet duntaxat. Congruenter cum ijs quæ supra retu-
 „ limus

limus, Deum cum omnes ad salutem inuitat, demonstrare quid facere paratus sit omnibus ad fidem & penitentiam adductis. Frustrà igitur Caluini doctrina hic sollicitatur. Ex eius sententia Deus & promissit, & quod promissit, dare constituit: at eodem modo constituit, quo promissit, nempe si credamus: nisi credamus, neque promissum esse vult, neque verò constitutum. Sic enim loquitur Inst. lib. 3. cap. 24. §. 15. Videntur fortius vrgere obiecto Perri loco, Deum neminè velle perire, sed omnes recipere ad penitentiam. Verum nodi solutio iam mox in secundo verbo occurrit: quia voluntas recipiendi ad penitentiam non alia intelligi potest, nisi quæ passim traditur. Verum quidem est nisi recipere paratus esset qui eius misericordiam implorant, concidere illam sententiam, conuertimini ad me, & conuertar ad vos. Sed dico neminem mortalium ad Deum accedere nisi qui diuinitus præuenitur. Sed enim, inquires, si ita est, parum fidei erit promissionibus Euangelicis, quæ cum de voluntate Dei testantur, eum velle asserunt quod inuolabili eius decreto aduersetur. Minimè verò. Quamlibet enim vniuersales sint salutis promissiones, nihil tamen à reproborum prædestinatione discrepant, modò in earum effectum mentem dirigamus. Efficaces demum tum esse nobis promissiones scimus, vbi eas fide recipimus: vbi contra exinanita est fides, simul abolita est promissio. Ea si est natura ipsarum, videamus iam nunquid hæc inter se dissideant, quod dicitur ab æterno Deus ordinasse quos amore complecti, in quos iram exercere velit: & quod salutem omnibus indiscriminatim denunciat. Equidem dico optimè conuenire. Sic enim promittendo nihil aliud vult quàm omnibus expositam esse suam misericordiam, qui modò eam expetunt, atque implorant: quod non alij faciunt nisi quos illuminauit, porro illuminat quos prædestinauit ad salutem. His, inquam, certa constat & inconcussa promissionum veritas, vt dici nequeat aliquid esse dissensionis inter æternam Dei electionem, & quod fidelibus offert gratiæ suæ testimonium. Sed cur omnes nominat? Nempe quo tutius piorum conscientia acquiescant, dum intelligunt nullam esse peccatorum differentiam modò adsit fides: impij autem non causentur sibi deesse asylum, quo se à peccati seruitute recipiant, dum oblatum sibi ingratitude suæ respuunt. Ergo cum vtriusque Dei misericordia per Euangelium offeratur, fides est, hoc est Dei illuminatio quæ inter pios & impios distinguit, vt Euangelij efficaciam illi sentiant, hi verò nullum inde fructum consequantur. Quid melius aut clariùs dici possit, ego quidem certè non video. Vt demirer Anonymum tam inconsidera-

tē scripſiſſe, ex Caluini ſententia nobiſcum agere Deum vt dii olim cum Tantaloe egiſſe ſinguntur. Tantalus enim, ſi Homero fides, cum ſiti propemodum eneſſus apud inferos, aquas quibus circumfunde-
batur nullo ſucceſſu miſerrimè captaret, quoties inclinabat ſe ſe ca-
pite demiſſo.

μὲν μακρὸν.

Τὰ δ' ἄλλα ὅσα ἀπολαύει ἀταβύχῃ

Et cum admodum famelico fructus omnis generis perpetuò impen-
derent,

Τὸ δὲ τὸ ἴδιον ὁ γίγνεται χρεὶ μάταιον

Τὰ δ' ἄλλα ὅσα πικρὰ τοῖς νέρει σκιδνύται.

Volebat ergo ille aſſequi, & quantum poterat nitebatur; at ira Deo-
rum ſtudio eius cupiditatemque fruſtrabat. Hic contra planè ſe res-
habet. Chriſtus aquam ſaluberrimam omnibus offert ad reſtinguen-
dam animæ ſitim. Reprobi refugiunt ac veluti ὑδροφύων Fructum
vitæ vnā cum arbore plantata in medio Paradīſi veſcendum beni-
gniffimè porrigit, illi vel fame tabeſcere, vel quiſquilis aut acribus
venenis ſe ſe paſcere præoptant. Quid igitur eſt in eo ſimile? Quid
eſt quod non diſconueniat omni modo? Et in exemplo creditoris
error planè geminuſeſt. Deus enim nouas tabulas ac remiſſionem
nobis debitoribus offert eo animo, vt, quod ait diſputator, præſtita
conditione fidei ac pœnitentiæ ab ipſo poſita, nomina noſtra indu-
cat bona fide. Nec vnquam quiſquam fuit, aut eſt, aut futurus eſt
mortalium qui, ſi verè credidit, queri poſſit ſe non eſſe obligatione
liberatum. Deludit ergo nos qui nos ex Caluini ſententia à Deo de-
ludi, tam importunè quiritatur.

Vbi de conditionibus agendum eſt redit Anonymus ad impoſ-
ſibilitatem euentus & credendi impotentiam. *Quales etiam, inquit,
ſecundum illam de abſoluto decreto ſententiam, ſunt illa conditiones quas
nobis Deus proponit ad promiſſiones obſinendas, niſi merè illuſoria, & ſpe-
cioſa licet videantur, planè nulle? Conditio enim ſi vera & ſincera ſit, ni-
hil aliud eſt, quam oblata potestas aliquid eligendi: ubi potestas eligen-
di non datur, ibi vera conditio non offertur. Nihil omnino promittere, &
ſub conditione impoſſibili promittere, eodem recidunt. Contractus, in-
quunt Iuriſconſulti, ſub conditione impræſtabili nullus æſtimatur, & vt
inquiunt Logici, conditionalis propoſitio que habet annexam conditionem
impoſſibilem, æquipollet ſimpliciter neganti. Perinde eſt cæco perenti elec-
toſynam denegare, ac ei aureum offerre hac conditione, vt oculos aperiat,
dicat que cuius imagine nummus ſignatus ſit. Ino hac repulſa videtur eo
grauior quia cum irriſione coniuncta eſt. Ita ſanè parum candid: ac ſincere*

cum hominibus ageret Deus; si vitam illis offerret sub conditione impræstabilis. Omnino verò impræstabilis est illis conditio credendi & respiciendi, quos absoluto decreto reprobavit Deus.

Miror virum doctum toties tam pueriliter hallucinari. Conditio, ni fallor, à Iurisconsultis definitur, *modus vel causa qua suspendit id quod agitur, quoad ex post facto confirmetur.* Vel, *lex addita negotio, quæ, donec præstetur, euentum suspendit.* Paulus autem lege 60. D. de condit. & demonstr. conditionum partitionem sic instituit. In factis consistentes, inquit, conditiones varietatem habent, & quasi tripartitam recipiunt diuisionem, ut quid detur, ut quid fiat, ut quid obtingat: vel retro, ne detur, ne fiat, ne obtingat. Et addit, Ex his conditiones dandi faciendique in personas collocantur, aut ipsorum quibus quid relinquitur, aut aliorum; tertia species in euentu ponitur. Vnde communis illa distinctio conditionum, alias esse *potestatiuas*, quales sunt de quibus primo loco Paulus loquitur; alias *casuales*, ut si fulserit cras, si non uerit, si naus ex Asia uenerit; alias uero *mixtas*, seu *communes*; ut si Titio ab hostibus reuerso X dederit; si Titio consule Capitolium ascenderit; si denique Titius consul factus fuerit. Quamobrem definitio conditionis à disputatione allata non competit uerè nisi in potestatiuas, quæ collocantur in personam vel hæredis vel legatarij cui optio datur eligendi, vel ut id faciat atque præstet, istud uerò habeat quod testamento relinquitur: vel si minus facere aut præstare uelit quod requiritur, abstineat ab eo quod testamento relictum est. Et quod hic dicitur de testamentis, locum habet in omnibus contractibus qui conditione nituntur. Optimè enim Iurisperitissimus Grotius. Defectu conditionis non uerè liberatur promissor, sed euentus ostendit nullam esse obligationem, ut quæ non nisi sub conditione contracta erat. Et huc referendus casus, si prior alter non impleat quod ex sua parte implere tenebatur. Nam vnus eiuſdemque contractus capita singula alia alijs inesse uidentur per modum conditionis, quasi expressum esset, hæc ita faciam, si & alter faciat quæ promissit. Adde & quæ tenetur facere etiam si non promissit. Tum & *potestatiuæ* conditiones admittunt diuisionem. Aliæ enim sunt in mero arbitrio atque potestate positæ, ut quæ sunt earum rerum quæ absolute dependent ex eorum voluntate à quibus exiguntur. Aliæ uero tales ut etiam si ex voluntate pendeant, intercurrere tamen potest aliquid quod non est in voluntate situm, & tamen rei præstationem impedit. Vnde fit ut potestatiuæ conditiones interprete Cuiacio, promiscuæ nuncupentur, lege XI. ff. de Condit.

Cujac.

De iure
B. ac P.
libro 3o
cap 19.Obs. lib
14. cap.
2.

& demonstr. quia nulla ferè sit potestatiua, quæ non possit esse non potestatiua: vt, auctore Vlpiano lege 4. ff. de hæredibus instituendis, potest hæc, si *Alexandriam peruenierit*, non esse in arbitrio per hęc. mis conditionem: potest & esse, si ei qui à primo milliario Alexandriæ agit, fuit imposita. Potest illa, si decem Titio dederit, esse in facili, si vna Titius & legatarius habitent: potest esse in difficili, si Titius peregrinetur longinquo itinere. De illis autem quæ sunt in difficili, magna cautio est ad iudicandum adhibenda, sed quæ ad rem nostram non pertinet. Condicio enim illa quam promissioni salutis Deus annexuit, est ex earum genere quæ merè potestatiuæ sunt, hoc est, sunt in eorum potestate constitutæ quibus imponuntur. Porro vt supra diximus, duplex est potestas. Vna consistit in præsentia facultatum quæ sunt à natura concessæ vt aliquid à nobis præstari possit. Altera in usu facultatum ipsarum qui minimè naturalis est, vt sunt ipsæ facultates, sed *in usus & ex occupationibus*, vt loqui solet Aristoteles. *Reuocans* autem talis est quales sunt *us* quibus facultates ipsæ sunt penitus imbutæ: mala, si *us* vitiosæ sunt; bona si *us* sunt *et* à perito. Et potestas illa prior si abest, res legata sub ea conditione, cuius præstatio ab ijs facultatibus pender, absolute impossibilis est, ideoque illusoria, vt loquuntur. Vt si Titius Mevio centum aureos legauerit ea conditione si mare Adriaticum saltu transmiserit, aut si cælum digito tetigerit. Habetur illa conditio à Iurisconsultis pro planè impossibili, ideoque nulla. In posteriore res aliter habet. Diligenter enim attendendū est per quem steterit quominus conditio impleteretur. Quoties per eum steterit cuius interest impleri conditionem (is est qui conditionem exigit) habetur pro impleta. Sic enim esse legendam legem 161. ff. de regulis iuris, & Iurisconsulti obseruant, & ratio ipsa euincit. Arsi per eum steterit cui conditio imposita est, habetur haud dubiè pro non impleta, ex quo fit vt negotium sit irritum. Vt si legatum sit sub ea conditione, si uxorem duxerit, noluerit autem uxorem ducere cum id posset, quandoquidem optio illi facta erat, conditione spreta, rem testamento relictam spreuisse dicendus est. Et certè quænam sit conditio impossibilis, ex conditione difficili constare potest. Difficilis ergo conditionis exemplum, interprete Cufacio, extat leg. 4. §. 1. ff. de Statulib. Si setuo testamento ita data sit libertas: *liber esto si hæredi millies dederit*: Millies autem efficiunt myri. myriadum, siue decem millia myriadum, hoc est, centum milliones. Quæ summa proculdubio serui facultatem excedit, nec eius solutio pender ex illius voluntate. Quod si talis conditio Iurisconsultis difficilis est, quænam

erit

erit impossibilis, nisi quæ vel naturam ipsam excedit, vt cæli motum si-
 stere: vel negatoria est, vt si *Fulvia filia mea vinet*, testator autem nun-
 quam filiam habuerit: vel ira perplexa est vt contradictionem impli-
 cet, vt si Titius heres erit, Seius heres esto: & si Seius heres erit, Ti-
 tius heres esto: vel quæ sit cōtra bonos mores, vt si parentibus alimenta
 non præstiterit: vel quæ sunt contra edicta Imperatorum, aut con-
 tra leges, aut quæ legis vicem obtinent: vel vno verbo quas aut ne-
 mo præstare potest, etsi vehementissimè cupiat, aut omnino nulla re
 adduci debet, vt præstare velit? Nam vt nonnulla sunt impossibilia
 physicè, sic etiam moraliter quæ sunt contrarius & fas impossibilia si-
 bi quomodo iudicare oportet? Quomodo Apostolus dicit impossibi-
 le esse vt Deus mentiatur aut fallat fidem obstrictam iureiurando. Vt
 igitur ad rem nostram redeamus, nemo non videt conditionem Euā-
 gelio appositam non esse in eo genere impossibilem. Quamobrem si
 minus præstata sit, quia per vnā reproborum voluntatem quomi-
 nus præstaretur, stetit, re quæ Euangelio promittitur indigni in-
 creduli ture merito iudicantur. Inde patet absurditas exempli de cæ-
 co eleemosynam petente, cui aureus offertor hac conditione vt oculo
 aperiat, atque indicet cuius sit nummus signatus imagine. Nam
 vt oculos aperiat in ipso situm non est. Id enim forte percipit, ac
 non potest. Increduli autem, vt iam tam sæpe dictum est, non pos-
 sunt, quia nolunt. Est igitur fidei conditio impræstabilis non per se.
 Nam per se sane Apostolus eam longè facillimam agnoscit. *Quæ ex* Rom.
fide est iustitia; inquit, ea sic loquitur. Ne dixeris in corde tuo, quis as- 10 6.
cendit in calum? hoc est Christum ex alto deducere. Aut quis descender
in abyssum? hoc est Christum ex mortuis reducere. Sed quid dicit? Pro-
pe te verbum est in ore tuo, & corde tuo, &c. Sed est impræstabilis *quia* n.
 quia reprobi præ inuicta pertinacia & diro cordis rigore ad eius præ-
 stationem animum applicare nolunt.

Dereliquis Anonymus sic loqui pergit. *Quod denique ad vota,*
& expostulationes, & commiserationes attinet, quibus Deus salutem
etiam pereuntium optasse videtur, nonne etiam illusoria sunt? secundum
rigidam istam de absoluto decreto sententiam? Esa. 48. 18. Utinam at-
tendisses ad mandata mea. Et Esa. 5. 3. 4. Iudicate inter me & vineam
meam; quid est quod debui ultra facere vineæ meæ & non feci ei?
& Ezech. 33. 2. Conuertimini conuertimini à vijs vestris pessimis,
& quare moriemini domus Israël? & Luca 13. 34. Hierusalem, Hieru-
salem, quæ occidis Prophetas, &c. quoties volui congregare filios
tuos sicut auis, &c. & noluiti. Quam verè dolose hac omnia, si Deus

eos quorum salutem omnibus votis expetere, & perditionem deplorare videtur, pro mera voluntate sua, non ex prauis illis operibus eorum, damnationis aeternae deuouisset. Quorsum spectant tot exhortationes & tantum non precēs, ut homines oblatam gratiam acciperent? quorsum tot vota & sympathias signa? quorsum ita deplorat stultitiam eorum qui gratiae resistunt? quorsum tot speciosa beniuolentiae argumenta, si Deus ab aeterno mortem tot hominum decreuerit, ideo tantum quia voluit?

Doli suspicionem à Deo ex Caluini sententia iam remouimus, „ prolato loco ex Commentario ad Psal 81. Videamus an in reliquis locis secum ipse consentiat. Esa. 48. 18. Cum populus, inquit, conqueri posset quod in exilium duceretur, Propheta murmuribus occurrete volens causam norat; quod scilicet doctrinæ salutari non dedit locum, nec vllum ex ea fructum percipere sustinuerit. Dubium verò non est quin alludat ad Canticum Moïsi, vbi eadem ferè loquendi forma habetur. O si saperent atque intelligerent! & optantis est, O si, vel vtrinam. Non tantum expostulat Dominus cum Iudæis, quod neglexerint vtilitatem quæ ipsis offerebatur: sed ut Pater filiorum miseriam deplorat. Nec enim voluptatem capit ex malis nostris, neque seuerus est nisi cum malitia nostra ipsum cogimus. Est igitur hic *ap-tropopathia*, quâ Deus commiseratur exitium eorum qui sponte perire quàm salui esse maluerunt. Nam paratus erat ad beneficia omnis generis præstanda, nisi nostra contumacia ipsum repelleremus. Interim velle ad arcanum eius consilium penetrare, & sciscitari cur non addiderit verbo externo spiritus efficacia, præposterum esset: quando hæc non de eius potentia agitur, sed tantum arguitur hominum durities ut reddantur inexcusabiles. Certè quoties nos ad se Deus inuitat, in eius verbo constat plena felicitas, quæ malignè à nobis repudiatur. Verba Commentarij in cap. 5. vers. 3. superius relata sunt. De Ezechiele iam etiam vidimus. At in Luc 13. 34. sic loquitur. Iam notanda est sermonis vehementia. Si simpliciter repudiata fuisset Dei gratia Hierosolymæ, iam minimè excusabilis fuisset ingratitudo. Quum verò comiter & blandè ad se allicere Deus tentauerit Iudæos, ac nihil profecerit, tanta benignitate, longè atrocius fuit tam superbæ contumeliæ crimen. Accessit etiam indomita obstinatio: quia non semel atque iterum ipsos Deus colligere voluit, sed per continuos successionis gradus alios atque alios submisit Prophetas, qui omnes ferè à maiori parte repulsi sunt. Nunc tenemus cur se Christus in Dei persona gallinæ compareret, nempe quo plus ignominie huic scelestæ genti irroget, quæ suauis & plusquam maternas eius inuitationes respuerat.

respuerat. Mirum hoc certè & incomparabile amoris documentum
 fuit, quod se ad blanditias vsque demittere grauatus non est, quo ci-
 coraret in suum obsequium rebelles. Et sic in sequentibus. Item
 Comment. in Ioan. 12. 46. 47. *Ego lux in mundum veni ut quicumque*
credit in me, in tenebris non maneat. Vniuersalis particula consultò ad-
 dita esse videtur, partim vt cunctis fidelibus sine exceptione bonum
 hoc commune faceret, partim vt incredulos ostenderet ideo perire
 in tenebris quia sponte lucem fugiunt. Postquam autem de gratia sua
 disseruit, in his, *si quis audierit verba mea*, pungere incipit rebelles.
 Quamquam hic quoque seueritatem mitigat, qua digna est eorum
 impietas qui veluti ex animi proposito Deum reiiciunt. Iudicium e-
 nim de his ferre superfedet, quia potius venerit in hominum salutem.
 Primo loco tenendum est hic de non quibuscumque incredulis loqui,
 sed qui scientes & volentes doctrinam Euangelij sibi monstratam re-
 iiciunt. Cur ergo damnare eos Christus non vult? Nempe hic de po-
 sita ad tempus iudicis persona, quo plus animi omnes habeant ad
 resipiscendum, salutem promiscuè omnibus offert, & brachia sua ad
 omnes amplectendos extendit. Quamquam interea crimen non leui
 circumstantia amplificat, sitam benignam & suauem inuitationem
 repudient. Perinde enim est ac si dixisset, Ecce ego adsto ad omnes
 vocandos, & oblitus personæ iudicis hoc vnum habeo propositum vt
 alliciam omnes, & qui iam bis perditii videntur ab interitu eripiam.
 Nemo igitur ob Euangelij contemptum damnatur nisi qui amabile
 salutis nuncium aspernatus, vltro sibi exitium accersere voluit. Et
 in vers. 48. *Qui reiecit me &c.* Ne sibi indulgeant impij horrendam
 denunciationem addit. Sensus est igitur. Ego quidem ingenti salutis
 vestræ desiderio flagrans iure meo abstineo à vobis damnandis, &
 totus ad seruandum iucumbo quod periit: sed non propterea pute-
 tis vos è manu Dei elapsos. Et similiter pluribus locis quos transcri-
 bere longum esset. Satis est si videat Anonymus, quod certè videre
 debet, Calvinum duo perseverantissimè tenuisse. Primum, Deum
 non modo serio sed etiam cum memorabili quodam affectu & salu-
 tem omnium voluisse, & quantum quidem id externa prædicatione
 fieri potest, procurasse sine dolo. Deinde, affectum illum quicumque
 est, non pugnare cum arcana dispensatione voluntatis diuinæ quā
 Deus vim sui Spiritus nonnullis non indulgere decreuit. Quibus ad-
 dendum est denique tertium, nimirum vehementes illas expositula-
 tiones, commiserationes, vota & alia eiusmodi, quæ affectum quen-
dam cum dolore coniunctum præ se ferunt, esse vsitatas in Scriptura

ἀποκατάστασι quibus Deus ad caput nostrum se se accommodat, & admirabili ὕμνω ad nos veluti descendit. Sunt autem in omni ἀποκατάστασι duo. Vnum, quod res non est inanis atque lo-
dicra, sed maxime seria & quæ repræsentat aliquid quod in Deo est
analogum atque consentiens cum facultatibus & permutationibus ani-
morum nostrorum, illibata tamen naturæ diuinæ infinita præstantia;
Alterum, quod id, qualecunque est, ἀποκατάστασι repræsentat ratio-
ne quadam magis ad facultates & perturbationes animi humani,
quàm ad Dei ipsius ingenium accommodata. Itaque certum quidem
est neque dolorem ac tristitiam neque morum ullum animi in eum
vnquam cecidisse. At certum est itidem Deum quod se velle testa-
tur ἀποκατάστασι, velle re ipsa, & quod tam sæpe dictum est, serio, ne-
que miserorum hominum mentes inanibus verbis & fallaci miseri-
cordiæ ostentatione ludificari. Quod igitur disputator noster addi-
dit, Quorsum spectant tot exhortationes &c. frustra est. Nam eò qui-
dem spectant proprie ac primariò, vt homines conuertantur, quæ est
ad salutem certissima via ac minimè dubitabilis. Secundariò ac per
accidens, vt si minus conuertantur, (conuertuntur autem illi soli
quos Deus Spiritu suo illuminat) neminem alium præter semetipsos
accusent. Nam certè non damnarentur nisi tantam Dei benignita-
tem incredibili perniciacia contempsissent.

Atque hic finem facerem disputandi de sinceritate Dei, & ad alia
pergerem, nisi me alter ille Anonymus properantem remoreretur.
Etenim illo virulento libello cuius mentio à me iam facta est, hoc
præcipuè argumento demonstrare conatur Caluini doctrinam quam
defendimus ἀνύστασι docere, quod qui finem appetit, illum etiam me-
dia appetere necesse est. Velle autem est appetere. Quamobrem si
Deus voluit omnium hominum salutem, necesse esse vt media etiam
voluerit. Voluit ergo omnes habere fidem, vnicum per nos salutis
obtinendæ medium. Porro vt fides respectu salutis medium est, sic
respectu eorum quæ sunt ad fidem ipsam obtinendam necessaria &
comparata, est finis. Quamobrem consequens & consentaneum est vt
Deus voluerit ea omnia concedere quæ sunt ad fidem habendam ne-
cessaria. Sunt autem illa duo: externa scilicet prædicatio verbi, & in-
terna Spiritus illuminantis efficacia. Aut igitur Deus non vult omni-
um salutem; velle tamen Calvinus ultro concedit: aut non vult sa-
lutem omnium serio sed simulatè; quod ab ingenio Dei abhorret:
aut vim illam internam Spiritus omnibus indulsit: quod ipsissima est
Armanianæ scholæ doctrina. Atque hoc argumentum tanti esse putat

ut in eo sibi triumphare certissimè videatur. Equidem quod illi statuunt cum qui finem seriò cupit, seriò etiam cupere media, vellem ab ijs seriò & sincere dici, non autem simulatè. Cùm enim, ut supra vidimus, summum bonum finis sit quem omnes & seriò & necessariò appetere certum est, Euangelij autem susceptio sit medium unicū ad finem illum assequendum, proculdubio faterentur, ab omnibus ijs quibus summum bonum Euangelio patefactum & per illuminationem spiritus penitus cognitum est, Euangelium necessariò suscipi: Et sic controuersia illa de vi spiritus, ut loquuntur, resistibili vel irresistibili, in qua tanquam in cardine controuersia de Prædestinatione vertitur, composita ac definita foret. Nunc autem ubi volunt omnium mentes per Spiritum illuminari, à paucis autem Euangelium fide suscipi, vel docent summum bonum in Euangelio non esse patefactum, quod falsum est, atque adeò impium; vel statuunt patefactum quidem esse, at non ab ijs quibus mens est à Spiritu Dei illuminata agnitum, quod absurdum est & à ratione prorsus alienum; vel agnitum quidem esse sed non expeti, quod pugnat cum vera Philosophia atque adeo cum sensu hominum communi; vel expeti quidem illud, at negligitamen unicū quod ad finem illum consequendum comparatum est medium, quod est planè *avertari* cum eo quod ab Anonymo isto iam positum est, & vim illius argumenti labefactat, appeti continuò media ab eo qui finem verè & seriò vult. Tum & in eo ipsi sibi repugnant quod statuunt Deum salutem omnium admodum seriò cupere, nolunt tamen fidem non omnibus duntaxat, sed nemini quidem actu donari. Scilicet illud *posse credere si velis*, quod omnibus concedi pertendunt, cùm in multo maxima hominum parte non succedat ita *ut reuera credant*, arguit eorum salutem non fuisse à Deo vehementer & admodum seriò concupitam. Alioqui non modo posse credere si vellent, sed etiam *actu velle*, hoc est, ipsum credere largitus esset: quandoquidem non poterat aliter ad finem suum pervenire. Quin in ijs ipsis qui reuera credunt, non vterius esse progressam spiritus efficacitatem quàm ut voluntatem constitueret in æquilibrio, magnum argumentum est eorum salutem à Deo non fuisse vehementer expetitam. Quum enim æquilibriū illud hoc vnum præster ex ipsius Arminij sententia, ut reddat salutem hominum rem contingentem & pariter libratam in ancipiti, isne rem tantam impensè affectasse dicendus est, qui vult esse collocatam in loco tam lubrico ac veluti tenui filo pendentem, adeò ut vel leuissimo momento impellatur ad perniciem? Et ut eorum simili utar, pa-

ter qui filiolum vnicè amat. & eum vehementer exorat esse super-
 stitem, hocine à se impetraret vt pateretur eius vitam ex ipsius leui
 sententia & imprudenti consilio pendere, aut perpetuò confictari
 cum ancipitibus periculis, eam si posset constituere in tuto, & ab om-
 ni discrimine vindicare? Posset ne esse in eo tâta arbitrij filioli sui reue-
 rentia vt mallet eum versari inter scopulos, quam id ipse regere atque
insistere ad id quod est conducibilius, atque adeo etiam, si res aliter
 obtineri non posset, vim illius voluntati aliquam adhibere? Quod si
 illis licet ita respondere vt dicant in eo Deum satis ostendisse quam-
 serio omnium salutem vellet, quod ijs omnia suppeditauit quibus si
 rectè vterentur, vti autem possent si vellent, vitam æternam asseque-
 rentur; quidni pari iure nobis respondere liceat Deum in eo satis
 ostendisse se non fuisse animo à salute reprobatorum alieno, quod no-
 luit illis aditum ad misericordiam esse præclusum, modò accedere
 non dedignentur? Neque id tantum, sed & demonstrasse illam esse
 sibi cordi eo quod ipsos tam suauiter, tam benignè, tam perseueran-
 ter ad fidem & pœnitentiam inuitarit? Sciant ergo subriles disputato-
 res, quæcunque Deus vult, velle quidem eum omnia liberè, ac non
 vno modo tamen. Nonnulla enim vult ita liberè vt etiam necessa-
 riò velit, quæ habent illius respectu summi & extremi finis rationem.
 Sic semetipsum amat. Nam extremum sanè finem habere nullum
 potest extra se: Sic amat & sanctitatem & felicitatem suam: quod
 nihil aliud est quàm semetipsum amare. Est enim per essentiam suam
 sanctus, & ipse suis ita potter opibus vt nullius præter se rei indigeat
 ad summam beatitudinem in æuo immortalis perfruendam. Non-
 nulla verò vult liberè, sed vt ita loquar, pro arbitratu: vt modum po-
 nat suæ voluntatis sui que appetitus vehementiæ, prout, quæ est eius
 infinita sapientia, ipsi libet & iudicat expedire. Voluntatis autem, seu
potius volitionis, duo sunt veluti momenta. Vnum, vt iam supra di-
 ximus, intra eos fines consistit, vt ab obiecto seu termino suo non
 modo non abhorreat, sed eò inclinet atque propendeat, vt si existat
 alicunde, non modo non agrè feratur aut displiceat, sed & ad lubef-
 cat, & oblectet, & grata quadam afficiat voluptate. At illud quid-
 quid est voluntatem non vsque eò intendit, vt qui sic vult, apud se de-
 cernat pro viribus conueniri vt quocunque tandem modo res illa eue-
 niat ad quam tendit inclinatione animi & aliqua voluntatis proci-
 nitate. Alterum vsque eo progreditur vt volentem impellat ad a-
 gendum, & nitendum, & elaborandum vt omni modo id quod vult
 tandem aliquando perficiat & consequatur. Quæ res non amplius con-

consistit in lubentia quadam animi, sed in sententia decreto aliquo destinata. Sanè qui posteriore hoc modo vult, vult pariter media, nec quidquam eorum omittit quæ ad finem obtinendum necessaria videntur. Atque huius character volitionis est nîsus, & conatus, & impetûs, & rerum omnium illarum morio atque molitio quæ ad id assequendum quod animo concupisti, momentum aliquod habere indicantur. Qui priore modo vult, illum parem curam paremque molitionem ad finem obtinendum adhibere vsque adeò necesse non est, vt nemo vnquam sic volens tantam machinationem instruendam, tantam ad opus perficiendum virium contentionem sibi admo- uendam esse putarit. Vterque sanè, si res succedat, gaudet: sin mi- nus, dolet itidem. At ille qui vult intentius, vehementer: hic verò qui remissius, mallet quidem rem aliter euenisse, & ei sic non euenisse, graue est: vt cunq̃ue tamen ceciderit, fert multo placidius, neque patitur eam ob rem animi sui tranquillitatē admodum perturbari. Vt igitur ista ad rem nostram accomodemus, Deus electorum suorum salutem voluit absoluta illa ac veluti decretoria voluntate. Ideoque ad eam perficiendam omnia quæ necesse erat adhibuit. Et quia poten- tissimus est, accidere aliter non potuit quin ad metam beatæ immor- talitatis deducerentur. Reliquorum salutem voluit quidem, at ea- tenus tantum, quoad si minus seruarentur, conqueri non possint sibi non esse ianuam apertam ad vitam immortalem. Vnde est vt de e- uento sollicitus quidem non sit: quī enim caderet in eum vlla sollici- tudo sed vt ^{et ad perueniendū} sollicitudinem illam ostendat quam supe- riùs vnā cum Caluino in prophetarum verbis agnouimus. Vt procul quidem à nobis abesse debeat illa mens, quasi Deus vel sine suo ex- ciderit, vel animi aliquam ægritudinem atque perturbationem sense- rit ideo quia res non successit ē sententia: at non dubitemus tamen quin studium illud salutis hominum quod præ se tulit, valde serium fuerit & ab omni fūco atque simulatione alienum. Quod si quis mi- retur in Deo talem esse volitionem vllam, quæ leuiter tantum mo- ueat, non autem permoueat ita vt vim eam adhibere velit qua pollet infinita ad id præstādū, quod & si facere non decreuerit, factō tamen admodum delectaretur, quandoquidem infinitæ potentie nihil dif- ficile est, nil quod non sit longè facillimum, & quod solo nutu confi- ci possit, ille triplex hoc habeat responsum. Primum est, quod quo- cunq̃ue se vertant Arminij discipuli, id argumentum in eos retorque- ri potest. Nam quid factū fuit facilius quam vt Deus omnium illumi- nata mente voluntatem etiam ad credendum inclinaret? Qui, in-

quam, intellectum illustravit luce quadam quam non admittere non poruit, illibatâ nostra humanitate, nonne potuit voluntatem inflectere virtute cui non posset resistere, citra humanitatis perniciem? Cùm præsertim homines & simus & dicamur ab ea parte in qua vis intelligendi non autem volendi potestas insidet? Alterum verò illud est quod etsi naturæ divinæ præstantia nostram infinitè supereminet, nec æquum est illius incomprehensibilem seu agendi, seu volendi rationem ad exemplum nostræ infirmitatis æstimare, quando tamen Deus ipse eò usque se se demittit ut ex ijs quæ in nobis vitio vacant similitudines ducat quibus utcūque suas actiones adūbret, nos non debet magnoperè perturbare si quid statuatur in Deo proportionē consentiens cum ijs rebus quas nemo unquam in motibus animorum nostrorum vituperandas esse putavit. Non ut eum cogitemus nostri esse similem. Absit à mentibus nostris tam importuna cogitatio. Sed ut quod in animis nostris aut vitio non verritur, aut laudi ducitur etiam, id in Deo statuere modo quodam ipsius naturæ convenienti, si Scriptura nos eò ducat, non admodum reformidemus. Iam autem quid potest esse manifestius quàm voluntatem humanam ab obiectis ita diversimodè affici ut alia velimus vehementissimè, alia verò mediocriter tantum? In illis assequendis quidquid in nobis est studij, industriæ, virium atque facultatum consumere parati sumus, in his contra inhibeamus animi impetum, contenti voluntatis nostræ provisionem certis quidem at leuibus quibusdam significationibus ostendisse? Illuc ruamus toti & rapiamur, nihil quidquam præterea pensi habentes, dummodo cupito poriamur; huc lentè feramur ac pedetentim, cupiditati certis quibusdam rationibus moderantes? Vno verbo, illic potito gaudeamus impensissimè & regnemus, & triumphemus, hic lætemur quidem, at moderatè; illic si spes fefellerit, angamur animi supra modum, & præ ægritudine tabescamus, hic displiceat quidem rem accidisse præter votum, idque cum aliquo sensu doloris, at quem mens ipsa facile discutiat, ne descendat alius aut mordeat diutius & inualecat? Remoue ergo à natura nūmquam quidquid in illis varijs animorum nostrorum moribus eam dedecet, & imbecillitatem quæ facit ut sæpe cupitis ac speratis exidamus, & dolorem atque ægrimoniam, & lætitiā cum aliqua perturbatione coniunctā, retine vnā illam volendi vel remissius vel intentius varietatem, quid est quod offendere debeat, cū præsertim de ijs rebus agatur in quibus Deo licuit non amorī modum statuere duntaxat, sed etiam ab amando in totum abstinere? Denique mentes nostras

noſtras iſta cogitatio perpetuò ſubire debet, Deum eſſe Deum, hoc eſt, mentem quandam immenſam, cuius ſapientia eſt πῶλυτος & inexhauſta, & voluntas inſcrutabilis, & maietas cum ſumma animi demiffione atque admiratione veneranda. Vt quæ nobis ſunt ab ipſo reuelata, ſuſcipiamus, amplectamur, & ad pietatis ac ſanctimoniz praxim ſummo ſtudio redigamus: quæ autem latere nos voluit, (qualia autem; per ipſummet Deum immenſam & immortalem, illa ſunt & quanta!) in ea ne curioſius inquiramus. Ad quamcunque ſententiam in ijs rebus animos noſtros appulerimus, ſupererit ſemper tamen abyſſus multa, cuius πῆλὸς ἔς ἡμῶς, ὃ βῆδος ἔς ὕψος intelligentiam noſtram longè ſuperabit: nec nos miſeros homunciones aliquid ignorare potèſt debet. ὁπποῦ γὰρ ἔς τὰ ἄβυσσους ὁ ἀπὸ τοῦ οὐρανοῦ ὁ φῶς ἔχει ὁ μὴ ἰκάνει, ἀλλὰ ὃ τὰς ἰμετέρας ψυχὰς ὁ ὕψος οὐρανοῦ τὴν φῶς φανεραίνετε πᾶσι τοῖς Meminerit tantùm vir doctus qui nomen ſuum hîc voluit eſſe celatum, eius quod ſupra ex Auguſtino citauit, non ideo negandum eſſe quod apertum eſt, quia quod occultum eſt non poteſt comprehendi.

Aristot.
Metaph.
2 cap.



CAPVT X.

Caluini doctrinam pietatis praxi non repugnare.

Hec de absoluto Dei decreto sententia, inquit Anonymus, pietatis etiam praxi repugnare videtur. Ex sua enim natura tollit ex mundo spem & timorem quibus tanquam principis fulcris ac columnis praxis pietatis niti solet. Spes enim premij est, quæ homines ad obedientiam tam ætternam quam passimam excitat. Timor verò multum ad operationem salutis confert, Philip. 2. 12. Cum metu & tremore salutem vestram operemini. Obiectum verò spei est bonum possibile haberi, obiectum metus est malum possibile vitari. Metus enim est fuga mali. Nemo verò fugiet quod novit se vitare non posse, sed potius se ad patiendum cōparabit, quod fecit Cæsar in Senatu, cum percussorū furorē se vitare non potuisse intelligeret. At secundum decretum illud absolutū, obiecta spes & timoris nō amplius possibilia sunt, sed planè necessaria. Cæli enim infallibiliter consecuturi sunt electi & in inferna æternitabiliter precipitandi sunt reprobī. Omnes ex hoc decreto certā determinati sunt vel ad vitam vel ad damnationē æternam. Stat fati lex inclinata.

bilis. *Qua enim ita fixa sunt, refigi non possunt.* Quis verò voluntati eius restiterit? *Ad Rom. 9.* *Aequè vili conatu impediret homo solis ortum, vel fluminis cursum, & totius naturæ ordinem intervertere studeret, ac decreta Dei mutatum ire.* Spem igitur tollis illa doctrina & timorem. *Fine enim certo & necessario prædeterminato frustra fuerint actiones humana.* Diaboli, quorum damnatio fixa & obsignata est, frustra decretum illud lachrymis aut precibus suis mutatum vellent. *Frustra verò operam locant homines ut vitam consequantur & infernum vitent, si ipsis liberum non sit, vitam aut mortem eligere: etsi decreto divino ad hanc vel illam ordinati fuerint.* Quid enim omni labore proficiunt, si damnatio eorum decretata sit? Quid inuat legendo, audiendo, orando, elemosynam dando, olèum & operam perdere, cum iam prædeterminati ad mortem salutem inde operari non possint? Quod si ad salutem absolute ordinati fuerint, nec vlla neglecta bona opera, nec quavis ignorantia, nec mundi amor, nec libido carnis, nec quilibet aliud salutem eorum impedire poterit.

Frustra tandem concionatur pastor, frustra populus audit: nam non unam quidem animam inferno designatam, omni conatu & labore suo è faucibus inferni eripuerit. Sanè si plene hominum animis hæc insedisset persuasio, omnia in celo fixa esse eo modo quo volunt absolute decreti assertores, non pauci admodum reperirentur, qui pietati inuili operam darent; plurimique tales euaderent, quales Poëta ille formare voluit,

Soluite mortales animos curisque leuate,

Torque superuacuis animum deplete querelis.

Fata regunt orbem, certa stant omnia lege.

Nonne hinc satis constat, doctrinam illam pietatis praxi nimis repugnare? Accedat his & ipsa Calvinii confessio Inst. lib. 3. cap. 23. n. 14. Si quis, inquit, ita plebem compellet, Si non creditis, ideo fit, quia iam diuinitus exitio prædestinati estis, is non modo ignauiam fouet, sed etiam indulget malitiæ. Quod perinde est ac si diceret: Si quis doctrinam meam de reprobatione coram populo ad vinum depingeret, hoc factò ad ementem nequitiam & impietatem fenestram aperiret. Ita verò se rem habere exemplo est Landgravius ille apud Heisherbachium lib. 1. de memor. hist. cap. 27. qui cum ab amicis monitus esset, ut vitam mutaret, & respiceret, Si, inquit, prædestinatus sum, nulla peccata mihi poterunt regnum cælorum auferre. Si reprobatus, nulla opera valebunt conferre.

Quod verò obieitur, multos huius doctrinæ assertores, multosque eorum sequaces, viros esse probos & pietate præstantes: Respondetur eodem modo Epicureos etiam sententia sua patrocinari potuisse. Multos enim ex

eorum

eorum numero viros bonos esse dixerunt. Hocque ipsis facile concedit Cicero, qui nihilominus doctrinam eorum reprobavit. Sic enim ille lib. 11. de finib. bonorum & malorum, de Epicuro loquens. At multis se probavit: & iure fortasse. Ac mihi quidem quod & ipse bonus vir fuit, & multi Epicurei fuerunt, & hodie sunt, & in amicitijs fideles, & in omni vita constantes &c. hoc videtur maior vis honestatis & minor voluptatis: Ita enim vivunt quidam ut eorum vita probetur, refellatur oratio, atque ut ceteri existimantur dicere melius quam facere, sic hi mihi videntur facere melius quàm dicere. Ita concedamus licet multis, qui sententiam de absoluto Dei decreto mordicus tenent, viros probos & pios esse, hoc tamen doctrina sua nullatenus acceptum ferunt. Si enim illi in vita usuque communi doctrinam istam ad praxin vellent reducere, & secundum eam mores suos formare, eos sanè longè alios evasuros quis non videt? Acute verò hoc observavit Tilenus in libro cui Titulus, La doctrine des Synodes de Dordrecht & d'Alex, mise à l'esprenue de la pratique.

Nèque plus valet quod aiunt istius doctrina patroni, se non docere quænam electi, & quinam reprobi sint: electorumque esse bonis operibus electionis sue cognitionem comparare, unde pietas foveri potius quàm extingui possit. At quis non facilius hinc libertus vivendi ansam arripiat? cum possit secum ratiocinari sibi vel absolute electo, vel absolute reprobo, tan-
 69: Hinc Tiberius ille, ut ait Suetonius cap. Circa Deos & religiones negligentior erat. quippe addictus mathematicæ persuasionisque plenus omnia fato agi. Deinde cum ad aliquam electionis nostræ cognitionem consequendam secundum illos, nuntius remittendus sit omnibus illis vitijs quæ homines plerosque dulcedine sua tenent, cognitioque hæc non nisi incerta admodum & obscura esse possit, & quæ facile amittatur, nisi pietatis exercitio conservetur; cumque cognitio illa, sine ad vitam, sine ad mortem, prædeterminati fuerimus, conditionem nostram mutare non possit, quàm pauci, si hæc paulò penitius considerarent, invenirentur, qui non mallet, omisso inutilissima cognitionis pruritu, voluptatibus indulgere quàm tanti emere non profuturam scientiam, seque infructuoso labore cruciare?

Nec denique validius est, quod dicunt absoluti decreti defensores, se omnes ad bona opera hortari, hocque inculcare auditoribus suis, salutem non posse obtinere illum, qui pie nolit vivere. Sane & ipse Epicurus negavit quonquam iucunde vivere posse, qui non idem & honestè vixerit. Quod verò de illo dixit Cicero, optime in rigidos illos absoluti decreti defensores quadrare videtur. Quali, inquit, ego carem, quid ille aiat aut, neges, illud quæro, quid ei, qui in voluptate suum bonum

putat, consentaneum sit dicere. Sic ille *Offic. 3.* Ita quidem non malum refert, quid præterea doceant absoluti decreti defensores, sed quid ipsos docere consentaneum sit, si modo sibi per omnia constare velint.

Hic Anonymus duo facere intendit. Primum enim pugnam inter Caluini doctrinam & pietatis praxim suo iudicio intercedentem, argumentis quantum potest ostendere nititur. Deinde ~~etiam~~ diluit aduersariorum obiectiones. Vtrumque rectene an secus nunc examinandum. Et ad prius quod attinet, causæ firmamentum in eo ponit, quod cum spes atque timor præcipua fulcra sint quibus praxis pietatis niti solet, doctrina Caluini vtrumque labefactat. Postea vero quia statutum est atque decretum de vnoquoque homine quid futurum sit, ait frustra quemque pietati studere, quæ Dei decretum semel fixum refigere nequit. Frustra etiam à pastoribus hortationes adhiberi, quæ nihil in eodem consilio mutare valent. Huius enim disputationis vniuersa vis ad hæc reducitur: in reliquis aduersarius ~~intelligitur~~ voluisse videtur. Vt igitur ab illo ordiamur, si nullum aliud ad pietatem incitamentum aduersarius agnosceret præter vnam spem vniuersumque timorem, ne efficeret homines mercenarios, & vim ipsius pietatis infringeret. Species ~~etiam~~ in amore virtutis, vel Ethnicis ipsis iudiciis, mentes nostras ita debet admirabilitate sua afficere, ut etiam spe timoreque seiunctis, virtutem per semetipsam expetendam esse iudicemus. Siqui sunt quorum pietas in duabus istis solis columnis collocata sit, tantum abest ut pro verè Christianis haberi debeant, ut ne viri boni quidem inter philosophos existimari possint. Notum est illud Horatii,

Oderunt peccare boni virtutis amore, &c.

Notæ Stoicorum de virtute scholæ, quibus eam & per se colendam, & ad benè beatèque viuendum seipsa contentam esse, & omnes fortunæ casus omnesque adeo cruciatus despiciere ac pro nihilo ducere disputarunt. Equidem si pietas omnis spe ac timore continetur, utroque illo sublato pietas ipsa funditus illico perierit. Vnde sequitur pietatem nudum esse atque inane nomen, Deum non esse propter semetipsum amandum. Quid ergo opus fuit ut cum neque in se amandus sit, neque ex pietate nostra emolumentum vllum accipiat, tam seueras leges de pietate sanciret minarum denuntiatione terribili? Nonne pati potuit nos esse liberos ab illo iugo? Verum id non vult Anonymus. Spem & timorem non vnica pietatis fulcra nominat, sed præcipua tantum. At ne sic quidem satisfacit. Nolumus hic exagitate quod ad eam rem locum ex Phil. 2. perperam citat, quasi illud

illud *intimorē & tremorē*, metum cum significaret de quo loquitur. Cum humilitatem & animi demissionem denoter, vt 1. Cor. 2. 3. Eph. 6. 3. Psal. 2. 11. Hoc tantum dicimus. Cum in negotio pietatis duo regnare videantur, amor Dei, & amor nostri ipsorum, ille Deum per se respicit, hic non per se Deum intuetur & *amā*, sed *x̄m*, & qua virtutis remunerator est, vel peccati, vindex. Porro vt Deus non prohibet quominus in ea re nostri ipsorum amore aliquo duamur, qui amor in spe ac timore se se prodit, sic numinis sui amorem precipuum in religionē locum obtinere vult. Est enim summum bonum, ideoque summopere amandus, & *x̄m* autē, Nos neque summum bonum superius, neque ad eius præstantiam accedimus, nisi interiecto infinito intervallo. Denique quod Caluini sententiā spem ac timorem tollere dicit, falsum est. Nempe duo sunt quæ spem timoremque faciunt: Propositio obiecti, quod boni vel mali futuri rationem habet; & veritas enuntiationis qua illud promittitur sub conditione, hoc itidem sub conditione denuntiat. Proponi autem obiectum etiam reprobis, & Caluinus docet & experientia comprobatur. Omnibus enim promiscue ista Christi verba prædicantur, *Qui credit, non veniet in iudicium: qui non credit, ira Dei manet super eo*. Verè autem vtrumque dici, ita vt, conditione præstitā, euentus sit necessariò consecutus. Caluinus vbique affirmavit. Certè verum esse vtroque constat. Nam reprobi quia non crediderunt, pereunt. Electi quia crediderunt, seruantur. Et quemadmodum nouissimo die Christus condemnationem sic pronuntiaturus est, *quia neque credidisti, neque peccata te poenituit*; non autē *quia reprobus es*, addideris poenis æternis: sic absolutionē ac iustificationē est ita declaraturus, *quia credidisti & fidem operibus ostendisti*, non, *quia electus es*, seruari. Id enim ipse Christus docuit Math. 25. cui vniuersa Scriptura Sacra concinit. Quando ergo vera propriaque ratio salutis conferendæ posita est in fide per quam Christum redemptorem amplexi sumus; contrā, exitij vera & propria causa, in incredulitate; supponamus (quod autē esse nequit, supponi tamen potest, quia non implicat contradictionem, docendi causa), electum non credidisse, credidisse reprobum, reprobis compos esset salutis illius quā talis electus excideret. Quod Apostolus capite 8. Epist. ad Romanos docuit disertissimis verbis. Si, inquit, *secundum carnem vixeritis, moriemini: at si per spiritum acta corporis mortificetis, uiuetis*. Etenim si electos alloquitur mortēis denunciat, si uiuant carni conuenienter. Si reprobos, vitam promittit, dummodo dent ex animo operam carnis mortificationi.

Si omnes indiscriminatim nulla habita ratione vel electionis vel reprobationis; docet vniuersalem illā propositionē esse verā, quicumque, etiam citra respectū ad discriminē quod arcana Dei voluntate inter homines constitutum est, pietati studebit ex animo in Christo, viuet: contra, quicumque carni indulgebis, morietur. Quod si propositio illa vniuersalis vera est, ad omnes & singulos homines illibata veritate potest applicari. Quando ergo arcana Dei voluntas quæ homines inter se discriminat, non aliter patet quam per ipsum euentum, adedō vt ij electos esse se sentiant, qui reapse credunt, reprobos verō quos incredulitatis & inuictæ impoenitentiae conscientia arguit, quid obstat quominus quisque & speret & mereat? Quid, inquam, eō quemquam adigere potest vt vel spem abiciat vel deponat metum, quando Deus ipse in verbo suo testatur, nullo se discrimine habiturum *Tros Rutulusue fuat*, qui fidei pietatique operam volest vel non est ex animo nauaturus? Utamur sanē simili quod ad eam rē adhibuit egregius Dei seruus VVolfgāgus Musculus. Venit in *maxe doctor* medicus, & tanta artis peritiā præditus vt nemini sanitatem non restituat, qui modō se se præscriptionibus præbeat obsequentem: & pariter sapientia vsque adeo præstans, vt ipsum in tanto ægrotum numero nemo lateat, quin certē sciat utrū præscriptionibus sit obtemperatus, an non. Nouit ergo alios futuros peruicaces atque proteruos, qui medicum habituri sunt pro aliquo impudenti & imperito circulatore, atque adeo nonnullos ita insanituros vt pro venefico contumelijs insectentur: alios verō præuidet se se præbituros magis morigeros & dociliores. Supprimat autem ille apud se suam istam admirabilem diuinandi scientiam: neque de quoquam pronuntiat, iste docilis ille indocilis & immorigerus futurus est: Satis habet omnibus indiscriminatim suam in arte peritiā modeste quidem, sed fidenter tamen ostentare, spem facere bonæ valetudinis indubitatam, mortem interimari pertinacibus, hortari, admonere, inuitare, nihil earum rerum omittere quæ pertinent ad hominum animos perimendos, si quā ratione possent omnes ab obstinatione deduci, obsecrō, nonne illis omnibus ex æquo spem & metum posuit ante oculos? Quod certo præuidis quid futurum esset in euentu, effecitne quidquam quominus illi vel spē allici, vel metu deterreri aut potuerint aut debuerint? Planē hic ita se res habet: nisi quod Deus non solum præuidit electos credituros, sed etiam decreuit id se in illis efficacissime præstiturum; quod si facere decreuisset, futurum sanē non præuidisset. At decretum de nonnullorum cordibus singulari beneficio emolliendis nihil omnino vel adiecit vel detrahit isti dispensationi respectu re-

proborum. Non ideo minus erigi in spem eos oportuit, aut verò metu percelli. Nec aliter sanè Caluinus. Sic enim ille Commen. ad Deut. 30. 15. *Proposui tibi hodie vitam & mortem.* Dicit se posuisse ante eorum oculos vitam, & quidem coniunctam cum vera & plena felicitate: similiter mortem cum suis appendicibus. Nemo verò est qui natura duce vitam non appetat, qui mortem non refugiat. Exprobat itaque Moses plusquam amentes fore, si ultro se in omnes misérias conijciant. Interea significat se non iactare nudas & inanes voces, sed doctrinam suam armatam esse Dei potentia, ut quisquis eam amplexus fuerit salutem in ea reperiatur: nemo verò spernat impune. Itaque non temerè promissiones & minas vocauit legis sanctiones, quia ut eius auctoritas apud nos firma sit, tam obedientiæ mercedem, quam pœnam transgressionis in medium proponi necesse est. Quàm iniusta igitur & importuna est ista doctrinæ Caluini criminatio, fidem & pœnitentiam nihil ad salutem profuturam, incredulitatem, & impœnitentiam nullum saluti periculum creare? Annon è contrario docet fidem esse vnicam ad salutem viam, aditum ad eandem salutem vna incredulitate præcludi? Annon quod nonnulli seruantur, id inde proxime prouenisse quòd credidère, quòd alij pereunt, causam eius rei esse in vna eorum incredulitate, vbique non tam dicit quam vociferatur? Hos quidem, auctore Caluino, Deus insito naturæ vitio permisit, vnde necessariò euenit ut obdurarent se se. Illos efficaciter vocauit, ex quo fides itidem necessariò secuta est. At id neutiquam pugnat cum iusta misericordique dispensatione quæ in verbo patefacta est. Et quia occultum illud Dei decretum non aliter, ut dixi, manifestum sit quàm per euentum, quemadmodum apud electos nullum momentum addidit ad vim hortationum & admonitionum, quarum opera initio conuersi sunt, sic apud reprobos nihil de pondere promissionum & denuntiationum detrahere debuit. Scilicet ut in conuiuio nemo cogitat apud se decretumne fuerit in arcano Dei consilio vtrum sit manducaturus annon; si sapit, stomachum consulit, an famelicus, cibos intuetur, an grati sint, blandas conuiuatoris adhortationes audit, & consultat sibine sit illis respondendum ex aduerso atque morigerandum: ijsque demum meditatatis secum atque perpensis, facit tandem quod ex usu videtur. Sic in Euangelij prædicatione & fide Christi suscipienda vel reiicienda, nemo de arcana Dei voluntate sollicitus est; ultro quisque in eam partem agitur, ad quam vel rapit salutis ac iustitiæ fames, vel anima prauis veluti humoribus imbuta nauscabunda detorquer.

Instit.
lib. 1. c.
16. §. 8.

Eodem modo refellitur quod addit Anonymus de pastorum concionibus, quasi nullo planè fructu à populo audirentur. Et primum quidem calumniam de fato supra reiecimus. Eius certè Calvinus & rem & nomen censuit è religione Christiana eliminandum. Sic enim præter ea quæ supra citauimus de re ipsa loquitur. Dogma ipsum Stoicorum falsò nobis ac malitiosè obijcitur. Non enim cum Stoicis necessitatem comminiscimur ex perpetuo causarum nexu, & implicita quadam serie quæ in natura contineatur: sed Deum constituimus arbitrum ac moderatorem omnium, qui pro sua sapientia ab ultima æternitate decreuit quod facturum esset, & nunc sua potentia quod decreuit exequatur. Vnde eius prouidentia non cælum modo ac terram & creaturas inanimatas, sed hominum etiam consilia ac voluntates, gubernari sic asserimus, vt ad destinatum ab ea scopum deducantur. Quam doctrinam mirum est homines Christianos veluti coniuratione facta arrodere voluisse. De verbo autem sic locutus est. Calumniantur esse Stoicorum dogma de Fato, qui huic doctrinæ inuidiam facere volunt: quod & exprobatum Augustino aliquando fuit. Nos etsi de verbis inuiti litigamus, Fati tamen vocabulum non recipimus, tum quia est ex eorum genere quorum profanas nouitates refugere nos Paulus docet, tum quia eius odio conantur gratiæ Dei veritatem. Nos ad ea quæ supra de Fato disputauimus nihil nunc addendum esse putamus. Istud tantum habeat Anonymus. Quod in cælo ex Caluini sententia fixum esse dicit, id vel ad salutem ipsam & exitium pertinet; vel ad fidem aut indulgentiam aut denegandam, quæ in re electionem ac reprobationem positam esse docuimus. Si prius illud intellexit, (vt intellexisse videtur; id enim ista verba innuunt, *ne unam quidem animam inferno designatam, omni suo conatu & labore è faucibus inferni pastor eripere potest.*) repetere piger quod toties inculcauimus, nullius neque salutem neque perditionem esse fixam in Cælo, nisi ex ea hypothese, quia crediturus est, quia minimè crediturus. Adhibeamus tamen, dilucidioris explicationis gratia, distinctionem aliquam, & rem primum in se spectemus, deinde eam cum respectu ad certissimam Dei præscientiam intueamur. Ex eo enim ad quætionem quam agitamus hand exigua lux accedere potest. Itaque si in rem ipsam intendamus oculos, nihil est in ea ita determinatum quin facile mutari possot, si reprobatorum ingenium immutaretur. Fac eos credere & statim videbis ex orci faucibus erptos. Depelle eos ab animi pertinacia; suasionibus, precibus, hortationibus, minis per pelle eos tandem vt Christum ex animo amplectantur

stantur, & videbis cælo assertos & in spem indubitaram vindictos immortalitatis. Est enim non fato quidem sed certissima atque immotissima Dei voluntate constitutum, ut quicumque credit, mortem effugiat & vitam æternam consequatur. At si in Deum ipsum animi cogitationem conuertamus, quia futurorum nihil eum latet, fixum quidem est atque immutabile quod de vnoquoque homine futurum est: at fixum est ex eadem illa hypothesi, hic, quia crediturus est, servabitur; ille peribit in æternum, quia nihil certius est quam certum est fore ut gratiam meam contumaciter aspernetur. Quod autem ita decretum est ex hypothesi, nullam incredulis obdurandi se se necessitatem iniicit. Non enim id ita certo futurum est, aspernatos esse reprobos Dei gratiam, quia Deus fore prævidit; sed ideo fore prævidit quia certo futurum erat. Vti periti medici ^{οπισθεν} morbum lethalem non efficit: sed quia per se lethalis est, talem esse ex arte ^{οφθαλμοις}. Quod si ideo fatale dici debet, quia res aliter evenire non potest, (siquidem præscientia Dei haudquaquam fallitur), quidquid Arminij discipuli in eo argumento statuunt, fatum in religionem Christianam introducent. Nam negare non possunt futurum, fuisse ut multi non crederent, quando id euincit experientia ipsa. Neque vero si Christiani sunt, possunt negare Deum ab æterno certissime prævidisse quod futurum erat. Neque insiciabuntur Dei præscientiam hallucinationi non esse obnoxiam. Aut ergo ex eorum ipsorum sententia multis fato constitutum est ab æterno ut pereant, aut est aliquid certissime ac planè infallibiliter futurum quod tamen non est aut Stoicum, aut Manichæum, aut quocunque alio modo fatale nominandum. Si posterius intellexit, successus prædicationis quid habet cum fato commune? Quemadmodum non evenit fataliter, sed naturæ convenienter ut oculus sanus ac benè constitutus, apertus, & in obiectum intentus, id videat, si perinde convenienter offeratur; sic non fato sed sapientiæ diuinæ convenientissime evenit ut mens à Spiritu sancto illuminata, Euangelij veritatem, præstantiam, utilitatem incomparabilem in prædicatione accommodatè propositam perspiciat & amplectatur. Et quemadmodum qui destinatò claudit oculos ne lucem sponte sua incurrentem usurpet, id fato nunquam imputauerit, sed sibi: sic qui deliberata malitia Christi crucem irrident & salutem in ea oblatam repudiant, incredulitatem suam sibi imputare debent, fato nequaquam. Aut si eorum incredulitas ideo fatalis dicenda est quia est inevitabilis, quia inevitabilitatis illius ipsi causa sunt, ne conquerantur sanè, nam ipsi sibi sua fata fixerunt.

Quod attinet ad verba Caluini quæ ex Instit. lib. 3. cap. 23. producuntur, aliorum quàm debent à disputatore torquentur. Non fatetur ille doctrinam suam de reprobatione, siquis eam coram populo ad viuum depingat, ad impietatem & nequitiam fenestram aperire. Isti sunt Arminianæ rhetoricæ flosculi quibus viros sanctos, & siqui vnquã post memoriã Apostolorum, de Ecclesia Dei optimè meritos, homines, vt nihil grauius dicam, nimium sibi placentes, adspargere non verecundantur. Admonet tantummodo, idque ipsius Augustini verbis, doctrinam de electione & reprobatione non esse temerè & sine delectu effutiendam. Postquam enim sententiam suam multis » Augustini testimonijs comprobauit, sic ait. Et tamen vt singulare studium » edificacionis sancto viro fuit, sic docendi veri rationem temperat » perat vt prudenter caueatur, quoad licet, offensio. Nam quæ verè » dicuntur, congruenter simul posse dici admonet. Si quis ira plebem » compellet, si non creditis, ideo fit quia iam diuinitus exitio destinati » estis, is non modo ignauiam fouet, sed etiam indulget malitiæ. Siquis » in futurum quoque tempus sententiam extendat, quod non sint credituri qui audiunt, quia reprobatii sunt, imprecatio erit magis quàm » doctrina. Quo quid dici potuit sapientius? Cùm fides ingeneranda est in mentibus hominum, quid præposterius esse potest quàm ad eam rem adhibere doctrinam quæ præcipuè pertinet ad minuendum scandalum ortum ex multorum incredulitate? At de eo supra fusiùs disputatum est. De Landgrauio nescio quo quod Anonymus narrat, leue est. Potest esse confictum ab hominibus qui quoniam nobis immeritò sane malè volunt, cupiunt etiam esse ab omnibus maledictum. At pone verum esse, quid frequentius in religione vsuuenit quàm vt ingenia perditæ optima doctrina, sed perperam intellecta, ad perniciem suam abutantur? Nonne id iam olim suo tempore factum Petrus Apostolus memorat? Nonne Paulus ex eo quod hominum iustificationem in vna peccatorum remissione positam esse docuit, admonet Iudæos & eiusmodi alias læuas mentes occasionem arripuisse vel calumniandi Evangelium, vel habenas ad omne genus scelerum libidinisque laxandi? Itaque ad ~~oblatum~~ accedamus.

Hoc igitur sibi primum disputator obijcit, decreti absoluti assertores, multosque eorum sequaces viros esse probos. Cui respondet id ipsum illis accidere quod Epicuro & nonnullis Epicureis accidisse Cicero dixit, vt eorum vita cum dogmate non consentiret. Verùm exemplum disconuenit vt quod maximè. Primum enim iam ostendimus doctrinam Caluini nullo modo pietatis studio nocere. At si quid est

est in animo humano generosi, id omne Epicuri dogmare infringier, que mollescere, si qui sunt, vt loquitur Cicero, igniculi virtutis à natura inditi, philosophiam illam quæ tota est ad voluptates corporeas conquirendas & perfruendas comparata eos funditus extinguere, palam est. Deinde quos ille viros bonos & pietate præstantes appellat, ij non modo doctrinam Calvinianam firmiter retinent, verum etiam ad actiones ipsas renocant & eâ se se ad pietatem vel præcipuè incitari & sentiunt & profitentur. Vt si illis hanc persuasionem eripias, quod credunt id se debere non gratiæ cuiuspiam vniuersali atque communi omnibus, sed peculiari prærogatiuæ: quod discrimen tanti momenti inter se & reliquos mortales vident atque persentiscunt, id prouenisse non ex arbitrio suo libero, sed ex singulari quadam efficacitate gratiæ Dei erga se: quod certissimam salutis obtinendæ spem animo conceptam habent vnâ cum incredibili voluptate, id esse *deus* & electionis æternæ signaculum indubitatum; mirum quaurum detractum putent de pondere argumentorum quibus ad veram pietatem & sanctimoniam inclinantur. Vt interim taceamus illos arbitrari de consolatione sua actum esse si sibi meti ipsis & arbitrio suo permittantur, neque spem perseuerantiæ suæ habeant in immoto Dei proposito fundatam. Consolationis autem labes sanctimoniam ruinam hand dubiè secum trahere videtur. Quod igitur Epicurus modeste vixit, immodeste vero philosophatus est, mirum videri non debet. Doctrinam ipse suam in vitæ consilium non adhibebat. At eorum quibus veræ pietatis laudem non denegat Anonymus, si doctrina ducit ad pietatis contemptum, omnem admirationem superat, quâdoquidem ex eadem ipsa doctrina desumunt eas argumentorum & cogitationum faeces quibus ad religionis studium & virtutis amorem cum primis incenduntur. De Tilenò, deque famoso eius libello, verbum non addam. Nouit Christianus orbis qui vir esset, & quæ mentis ac linguæ intemperantia quamcunque rem cepisset exagitantam, nec meum est cum lauis luctari. Reperit dum viueret qui eius impotentem animum & aduersus doctrinam Ecclesiarum nostrarum de Gratia spiritus efficacitate in electorum vocatione penè bacchantem, reprimeret ita & contunderet, vt rationum vi ac pondere obrutus atque debilitatus, cum cedere veritati nesciret, respondere autem non posset, ringeret tantum ac propemodum *rumperetur*.

Obijcit sibi secundo loco Anonymus, patronos istius doctrinæ profiteri se non docere quinam electi aut quinam reprobi sint sele-

etiam esse bonis operibus electionis suae cognitionem compara-
 re, unde pietas foveri potius quam extingui possit. Obiectioni vero
 sic respondet. Primum autem neminem esse qui non ex eo potius oc-
 casionem viuendi liberius attripiat. Deinde affirmat inquisitionem
 illam electionis & coniecturam ex bonis operibus captam, ne-
 que rectam & exploratam cognitionem gignere, neque quidquam
 in absoluto decreto de omnium hominum exitu immutare valere.
 At prius illud iam refutatum est. Quis enim ex Caluini doctrina, vt
 est a nobis superius explicata, sic apud se ratiocinabitur, sibi vel abso-
 lute electo, vel absolute reprobato pietatis studio opus non esse?
 Visquam ne docuit ille quemquam vel ita electum & praedestinatum
 esse ad vitam aeternam, vt ei fidem & poenitentiam omittere liceat;
 vel reprobatum ita vt neque fides neque poenitentia quidquam ad
 salutem illi prodesse possit? Istud contra voluit, omnes omnino
 mortales quibus Euangelium annuntiatur apud se certo statuere de-
 bere, tantam esse in Deo misericordiam, tantam in Christi cruce pro-
 pitiationis faciendae vim, vt nemo qui eo confugiat id frustra tentet
 aut repulsam patiat. Hoc omnium auribus millies inculcauit, adeo
 rigidam esse atque inflexibilem in Deo iustitiam, vt mortalium nemo
 quicumque tandem ille sit, poenas aeternas sit effugiturus, qui Chri-
 stum vera fide non sit amplexus, quique veritatem ac sinceritatem
 fidei suae in odio peccati non ostenderit. Quam sententiam qui pie-
 tati aduersariam esse dicunt, vel odio perturbati vident quod nos-
 est, vel dedita opera satagunt inuidiam veritati conciliare. Posterius
 haud magis vrget. Decreti absoluti assertores, inquit, vnanimi con-
 sensu tradunt non aliunde cuiquam electionem suam innotescere
 posse quam ex eius effectis, quae praesertim in animi sanctitate consi-
 stunt. Haecenus non male. Nam qui sanctimoniam animi inter ele-
 ctionis effecta praecipuo loco ponit, fidem non excludit ideo, neque
 pacem & consolationem, aut reliquas virtutes Christianas. At enim
 cognitio illa non nisi obscura, admodum & incerta esse potest, quae
 que facile amittitur. Equidem qui sit istius libelli auctor, nescio:
 nec si sciam quidquam velim de eo sinistrè iudicare. Verum tamen
 cum electionis notas in fide & sanctitate collocemus, satis mirari
 non possum ab eo pronuntiatum esse, cognitionem ex inspectione
 characterum istorum ortam, non esse nisi obscuram admodum & in-
 certam. Nam si negat ex eo quod alij credunt & bonis operibus dari
 operari ex animo, alij vero à peccato minimè reuocantur, demon-
 strari posse vllum esse absolutum electionis & reprobationis decre-
 tum

tum, præposere agit. Putamus enim certe quidem in tanta conditionis & corruptionis omnium hominum paritate, satis manifestum esset tantum discrimen ex cuiusquam arbitrio libero proficisci non potuisse, multo vero minus extitisse forte fortuna. Ex quo facile intelligitur causam discriminis esse in vno Deo. Vnde illa Apostoli verba, quæ homines ad sensum conscientiaæ prouocant, *Quis se discernit?* At in illis tamen quæ nobis attribuit Anonymus doctrinae nostræ de absoluto decreto probationem & demonstrationem non instituiamus. Respondemus tantum, & refellimus argumenta quibus illius similes nos aggredi consueuerunt. Si hoc sibi voluit, neminem suæ fidei suæque sanctimoniae certam notitiam habere posse, potuitne vox illa emitti ab eo qui sciat quid sit esse Christianum? Pontificij nonnulli sic disputare solent vt asserant nulli fidem suam perspectam esse posse. Quod minus mirum in ijs videri debet, inter quos religio Christiana penè sepulta est. Illos verò qui se se profitentur religionem reformatam amplexos esse, quique adeo credi volunt puriorem quandam & defæcатиorem doctrinam in Ecclesiam inuexisse & pietatem ab errore vindicasse singularem in modum, quis talia fati putaret? Non ergo qui Euangelij veritatem agnoscit & admiratur, non qui ad Dei misericordiam confugit cum fiducia & Christum ardet, non qui mundo valedixit & cum peccati reliquijs assidue beligeratur, non qui redemptoris sanguine irrigatus & sensu remissionis peccatorum perfusus conscientiam antea diris vexatam formidinis pacem habet, certo scire potest se in Christum credidisse. Cur autem Apostolus tam sæpe nos iuberet in nosmetipsos descendere atque scrutari & explorare diligenter an simus in fide, si putaret incassum omnem istiusmodi suscipi laborem? Siquis igitur examen illud conscientiaæ suæ instituat ex Apostoli præscripto, ille vel in se reperiet ingentem & memorabilem fidem cum pari vitæ sanctimoniam coniunctam; vel fidem mediocrem, & quod consentaneum est, sanctitatem proportionem respondentem; vel omnino nequius vlla virtutis istius vestigia. Ingens si fides occurrit examinanti, habebit ille in ea haud dubie electionis suæ argumentum pariter magnum. At obsecro, hocne fieri posset vt cognita in se magna fide occasionem inde arripere vivendi licentius? Aliter sanè Apostolus iudicauit, qui se 1. Cor. Christi charitate constringi proficitur, eo quod sciat Christum pro se esse mortuum; quique negat vllius rei tantam esse posse vim vt ipsam à dilectione Christi separet & abducatur, eo quod persuasum habet se esse à Deo præcognitum ab æterno atque prædestinatum. Rom 8. 27-28

to clarior Christum in cruce primum pendentem deinde resurgentem & sepulchro videmus, quanto certius scimus id nos videre, tanto vehementius nos afficit immensa illa & incomprehensibilis charitas cuius indugtu se se pro nobis obrulit tam horribiliter puniendum. Pariter quanto pluribus & euidentioribus argumentis cognoscimus Deum esse nostri singulari ratione misertum, cum ipsi libuerit magnam hominum partem præterire atque indurare, tanto acrius sensus istius incredibilis beneuolentiæ nos ad pietatem extimulat & ad virtutem accendit. Quid si mediocrem tantum in se fidem quisque reperiatur? quid futurum est postea? Certè fateamur quo leuiores sunt in nobis signa fidei nostræ, eo consolationem itidem esse tenuiorem. Hæc enim ex illa prodit atque procreatur. At nonne eum insanum esse oporteret qui in eo statu constitutus, ex Caluini doctrina rationes suas ita subduceret ad viuendum? Nondum fides mea longè prosecta est, nondum se in meum pectus ex animi sententia penitus infixit, nondum peccatum in me plagas accepit aut lethales aut maxime memorabiles. Caterum Deus gratiæ suæ contemptoribus, & iis qui peccato suauiter indormiscunt atque indulgent, horribilem quandam vindictam denunciavit. Contra vero spondit se fore misericordem, si quem tædeat propriæ imbecillitatis, & quæ est eius infinita placabilitas & clementia, negauit se confracturum calamum iam quassatum, aut extincturum flammam exiguam ac tenuiter fumigantem: vltro dicit se se occursum in eorum amplexus qui pœnitentia ducti ad meliorem vitam se conuertere nituntur. Ergo mihi satius est laxare fibulam ad nequitiam, & omnem numinis reuerentiam, omnem recti atque honesti studium ex animo penitus expellere. Censeat talem hominem, tam peruerse ratiocinantem, argumentis, an fustibus, an helleboro ad meliorem mentem esse reducendum? Aliter Calvinus doctrinam suam acceptum ita sperauit. Sic enim loquitur Comment. ad Matth. 11. 28. *Venite ad me omnes qui laboratis.* Notanda est generalis particula: ideo enim sine exceptione comprehensus est Christus, quicumque laborant & onerati sunt, nequis praua dubitatione viam sibi præcludat. Et Matth. 12. 20. *Non correndet.* Si bi quisque nostrum fragilitatis suæ conscius est, hinc reputare conuenit quanto pere omnibus expedit indulgenter à Christo foreti Non loquor de incredulis qui omnis spiritus gratiæ prorsus adhuc vacui sunt: qui iam vocati sunt à Domino, donec plenius in illis lumen accendat, & solidum robur suppeditet. Annon omnes semifractæ arundini & ellychnio fumiganti similes sunt? Quod ergo ita se Christus


noſtræ infirmitati attemperat immenſam eius bonitatem exoſculari, diſcamus. Interea tamen nemo ſibi in alijs blandiatur : ſed pro ſe, quiſque in melius proficere ſtudeat. &c. ſic, Matth. 7. 3. & alibi paſſim. Quod ſi denique nullam in ſe fidem reperiat qui peccatus ſuum excuſat, (quamquam qui planè nullam vim Spiritu Chriſti ſenſit, vix ac ne vix quidem induxerit in animum vt exploret an crediderit) de eo iam ſupra diſputauimus & res per ſe clara eſt. Nam quod attinet ad Tiberium, & artes Mathematicas, & perſuaſionem illam omnia fato agi, iſtud à me iam ſæpius refutatum eſt, quam vt expendi nunc aut reſelli mereatur. Obijcit denique ſibi tertio diſputator, abſoluti decreti deſenſores dicere ſe omnes ad bona opera hortari &c. Cui rei idem reſpòdet quod antea de Epicuro. Nos verò eorum quibus cauillatiunculam illam reieciſimus, putamus leſtorem eſſe memorem. Hoc vnum addimus, eoſdem illos quorum ſententiam Anonymus impugnât, hanc etiam doctrinam omni ope defendere ac penitus animis imbibiſſe, Deum pro ſumma ſua ſapientia non in religionis negotio tantùm, ſed in cunctis alijs & præuiſſe certò & ſapientiſſimè diſpenſaſſe rerum humanarum euentus, quos omnes arcane ſuæ voluntati ſubiacere voluit. Veruntamen quia ſciunt eum eſſe in rebus ordinem conſtitutum, vt alimenta ad vitam ſuſtinendam, medicamenta ad morbos depellendos, prudentia ad pericula declinanda, labor & induſtria ad ſcientias & diuitias legitime comparandas vim & efficacitatem habeant, ſi quid iſtiusmodi faciendum ſe ſe offerat, horum nihil planè quidquam negligunt, de eo quod in occulto ſuo conſilio Deus ab æterno decreuerit hætenus non admodum ſolliciti. Non quod ſuum dogma ſuum de prouidentia Dei obliuiſcantur; quod Epicurum facere oportuit ſiquando ei libuit ſeriò & ad virtutem verè philoſophari. Id enim ſemel animo complexi nunquam à ſe amittunt; ac tum cum maximè in opere verſantur certiffime ſciunt nihil prorfus euenturum eſſe quod non ſit à Deo ex omni æternitate conſtitutum. Sed quicquid Deus in ſanctiori conſilio ſecretò definiuerit, id non arbitrantur eò pertinere vt ad eius normam actiones humane componantur. Si incepta ex animi ſententia ſuccedunt, tum Deo cum actione gratiarum attribunt quod hanc vel illam mentem indiderit, quòd eo impulerit inde reuocauerit, quod hæc & illa ad cogitata perficienda ſuppeditauerit, quod rei totius euentum ſua ſecundauerit benedictione denique, ad eius gloriam, vti par eſt, quidquid in eo benè & laudabiliter geſtum eſt atque ſuſceptum, grata mente conferentes. Sin minus, ſat habent, vt conqueres poſt

officium præstitum accidit, in voluntate Dei submissè acquiescere, atque eo se se consolantur & dolorem mitigant infelicitis eventus, quod non temerè, non absurdè, non inconsultò & inconsideratè, sed via atque ratione processerint. Nec vllus eorum vsque adhuc inuentus est, quem persuasio de providentia Dei à rebus prudenter agendis & administrandis auocaret. Quod ergo non faciunt in reliquis vitæ partibus, cur id in religione designarent? Cùm præsertim id perfectum habeant, quamlibet magnam industriam, vigilantiam, & acurationem adferas in administratione rerum humanarum, sæpe accidere tamen vt spes nos fallant, Dei providentia rerum eventus interuertente. At in religione neque vnquam factum est, neque vero fieri potest, vt qui in Christum credit salute excidat, & vt loquitur Apostolus, à spe sua confundatur. Quod vt multo certiore spem facit, sic etiam vehementius atque conatius ad insistendam salutis viam animos inclinât & appellit.

Non ignoramus esse nonnullos in quorum mentes hæc nonnunquam cogitatio incidit. Quid si Deus nolit mihi indulgere fidem? Quid si ab æterno constituerit eam mihi denegare gratiam quæ solâ potest voluntatem meam inflectere ad credendum? Quid mihi proderit illud velle & conari, quandoquidem situra non est in mea potestate? Aut quomodo id volam & conabor, quandoquidem ipsum velle atque conari non potest esse nisi à Dei Spiritu? Quæ res vt est sapientibus ingenijs indigna, sic etiam multimodis facillimè resolvitur. Primum enim nulla potest esse in eo argumento sententia quæ eodem incommodo non prematur, si incommodum illud est. Finge, quod voluit Arminius, per illuminationem intellectus omnium voluntates semel aliquando constitui in æquilibrio, postquam tamen aliquis gratiæ illi pertinaciter resistit, atque idcirco à Deo planè desertus atque induratus est, (sic enim explicauit ille quid sit indurari) non amplius illuminatur. Quippe meritis est vt ab eo Deus vim Spiritus sui, qualiscunque sit, retraheret. In eo autem in quo cessauit illuminatio, voluntas non est amplius in æquilibrio, sed determinata ad incredulitatem. Fac ergo induratum ad credendum & respiscendum inuitari, quod quotidie accidit: (nam sanè prædicatio dirigunt indiscriminatim ad omnes, nec discernit inter induratos & non induratos) quidni ille sic etiam apud se cogitabit? Quid iste prædicatore alloquitur, quandoquidem Deus me non vult amplius illuminare? Aut quid ille conatur voluntatem meam emollire quam ipse Deus indurauit? Quid mihi proderit eniti atque contendere? Quid quod

cenſeo Theologum adhibendum eſſe qui rationibus agat, ſed torro-
 rem & carnificem qui acrioribus remedijs, mentem vique ad pro-
 teruam redigat ad meliora. Si cupiunt illi credere, aut, vt à me ſupra
 obſeruatum eſt, iam crediderunt, aut in eo ſunt vt ſtatim credant, &
 iam ſenſerunt vim ſpiritus de qua ſenſuri ne eſſent illam antea dubi-
 tabant. Sic igitur negotium ipſi ſibi faciſſunt inutiliter, & vt in ijs ini-
 tium ac veluti gratiæ rudimentum peculiaris cuiuſdam Dei amoris
 argumentum eſt, ſic ad pleniorẽ fidem obtinendam incitamentum
 eſſe debet. Summa igitur diſputationis huc redit, duplicis illius mo-
 di conſiderandæ voluntatis diuinæ, vt hic præcipiat officium, illic de-
 cernat ac moderetur quod eſt futurum in euentu, vſum eſſe varium
 in negotio pietatis. Nam voluntas quæ præcipit, impellit ad agendum
 vt obiectum; altera impellit quidem, ſed vt id quod emendat aut
 potius funditus immutat facultatem, ad obiectum aliqui cæcutien-
 tem planè atque ſtupentem. Obiecti autem ea eſt ratio vt facultatem
 moueat & eliciat ad agendum, argumentis ductis ab honeſto, & vti-
 li, & iucundo, & ſi quid eſt iſtiusmodi quod aliquam ſpeciem tibi præſe-
 ferat. Eius verò quod facultatem corrigit actio longè diuer-
 ſa eſt, quippe quæ modo quodam neque morali, nam non adhibet ſic
 per ſe conſideratum argumenta, neque Phyſico, nam ſpiritus eſt extra
 omnem Naturæ ambitum; ſed prorsus incomprehenſio eſt potentif-
 ſimo atque efficacifſimo, mentem liberat ab illis impedimentis quæ
 prohibebant quominus obiectum in facultatem admitteretur. Facul-
 tatis igitur, hoc eſt, mentis ipſius duplex eſt operatio. Vna directa
 quæ tendit in obiectum; altera, vt ita dicam reflexa, quæ ſe ſe in vim
 illam retorquet, qua factum eſt vt obiectum apprehendere poſſet.
 Quæ duæ operationes vt ſunt natura diuerſæ, ſic habent varia exer-
 cendi ſe ſe tempora atque momenta. Et in priorẽ illa quidem quem-
 admodum in obiecti propoſitione nulla virtutis illius quæ faculta-
 tem præparat, mentio eſt, ſic de ea nulla tum cogitatio ſuſcipi debet.
 Vt, inquam, nemo ſic ad fidem inuitat, Crede, Deus enim decreuit
 ab æterno vtrum crediturus eſſes necne, ſed, Crede in Chriſtum, quia
 ſeruator eſt generis humani: Sic, cum facultas in eo verſatur vt obie-
 ctum apprehendat, omnino cogitare non debet an decretum ſit ab æ-
 terno necne fore vt credat in redemptorem. In vnum Chriſtum eſt
 intuendum, in eum omnes animi vires ſunt intendendæ, obiectum il-
 lud quod proponitur ad credendum, ab omni parte circumpicien-
 dum eſt, quam verum ſit, quam vtile, quam neceſſarium, quantæ vo-
 luptatis quàm incredibilis lætitiæ & mirabilitatis plenum, quam vn-
 dequaque

de quaque diuinum denique, vt immensam illam vim misericordiae quæ in eo patefacta est, agnoscas & complectaris. Nec te absterere debet impotentiae tuæ cogitatio. Nam si te hortaretur quidem concionator vt vel fluminis cursum auerteres, vel maris æstum sisteres, vel ventorum tumultuantium impetum retineres ac refrænares, liceret istud causari, non possum: quid connitar? quid rem planè impossibilem ridiculè tentabo? At cum nihil aliud à tè petat quàm vt mentem ad Euangelium adhibeas, quàm vt assensum accommodes ad rem & per se longè verissimam, & certissimis atque euidentissimis argumentis nitentem, denique, vt liberationem ab æterna morte, & spem immortalis beatitudinis non contemnas, potest ne impotentiam tuam obtendere quin pariter malitiam & furorẽ animi incredibilem obtendas? At postquam in Christum credidisti, tum mentis acies in semetipsam reflectenda est, tum demum de virtute diuina deque æterno Dei consilio cogitandum, vt & agnoscas Deum vnum esse qui animum tuum ab omni bono auersum ad Christum applicare poterit, & inde sumas indubitatum argumentum æternæ tuæ electionis, quando nihil in tempore sit à Deo quod non sit ab eo ex omni æternitate constitutum. Planè vt in omnibus alijs rebus haud inquis aut exploras vtrum Deus ad eas incipiendas sit tibi vires suppediaturus; necne, consultas tantum quid ex usu sit, ac demum re confecta Deo gratias agis qui ad eam conficiendam vires animumque suffecerit.



CAPVT XI.

Caluini doctrinam ad desperationem non adigere.

HIC est extremus isque immoderatissimus disputatoris impetus, hicius quem doctrinæ Calvinianæ fore fatalem existimauit. Doctrina illa, inquit, homines ad desperationem adigere videtur. I. enim in tentationes grauissimas homines mittit; et enim qui absolutum Dei decretum credit, nimis facile persuaderi poterit Diabolus se in numero reproborum esse: quia multiplices sunt reprobi quàm electi, secundum illos. Nulla tentatione, inquit Calvinus, vel grauius, vel periculosius fideles percellit Satanas.

est, inquit ille, cuius animus non interdum hac cogitatione feriarur. Vnde tibi salus, nisi ex Dei electione? Electionis autem quæ tibi reuelatio: quæ si apud quenquam semel inualuit, aut diris tormentis miserum perpetuò excruciat, aut reddit penitus attonitum. Et paulo post, Ergo si naufragium timemus, sollicitè cauendum est ab eo scopulo, in quem nunquam sine exitio impingitur.

Quam vero periculosa sit hac tentatio, exemplo sit quidā Petrus Slossanus in Hungaria, qui cum se suspensurus esset, in musæo suo scriptum reliquit, se idem cum Caluino de reprobatione sensisse, nempe non agi cum hominibus secundum bona aut mala opera, sed esse occultiores quasdam causas conditionum humanarum, seque vas esse formatū in ignominiam, ideoque etiamsi non ita nequiter vixisset, tamen seruari non potuisse; istaque terribiles iræ diuinæ apprehensiones cum sustinere amplius non posset, suspendio voluntario vitam suam finiuisse. Discedo igitur, inquit ille ut scribit Georgius Major in 11. Timoth. 11.) ad lacus infernales æternum dedecus patitiæ meæ. Deo vos commendo cuius misericordia mihi negata est. Constat igitur hanc doctrinam homines in tentatione periculosas inducere posse.

I I. Quos in tentationem inducit, in tentatione etiam relinquit. Tentatum enim incapacem reddit consolationis accipienda, & consolatorum incapacem reddit consolationis ministranda. Quod facile apparebit, si doctrina hac ad praxin reuocetur. Fundamentum enim, ut docet Tilenus in libro prius laudato, omnis solide consolationis hoc est, quod Christus morte sua iustitia diuina pro toto genere humano satisfecerit, ex cuius satisfactionis virtute effectum est, ut omnis qui credit in Christum non pereat, sed habeat vitam æternam. Quem vero locum habere potest hac consolatio in illo qui absoluto Dei decreto maximam hominum partem reiectam putet? Quidni enim obieciat tentatus, Vnde sciam me in numero paucorum illorum esse qui saluandi sunt? Consolatori verò querenti, nunquamne aliquam in se fidei operationem senserit, dicentique fidem illam adhuc in eo vigere & inesse, etsi forte abesse videatur, quia fides nunquam amitti potest; si iam responderit tentatus à Caluino doctus in suis lib. 3. cap. 11. num. 10. Tales non dubitamus quodam gustu affectos ipsum avidè arripere, & diuinam eius virtutem perferentia; Vt fallaci fidei simulatione non hominum modo oculis imponant, sed suis ipsorum animis. Tot vanitatis recessus habet, tot mendacij latebris scaret cor humanum, tam fraudulenta hypocrisis obtectum est, ut se ipsum sæpe fallat. Quid iam consolator habeat, quod obiectioni hominis tentati opponat, non video. Quantò melius adflito & tentato de salute sua

sua desperanti, consulis, qui vniuersalem ei gratia promissionem & satisfactionem Christi & longe lateque vsque ad omnes patientem amorem Dei inculcas? In hoc tentationis agone, hac arx sola ad quam tuò confugiamus, hac vera & sola tentationis expugnanda ratio est. Illa verò de absoluto decreto sententia hac consolandi ratione hominem omnino spoliât, hac ei arma, hac ei lorica extorquet, nudumque planè afflictum hominem, diuinis armis exutum & spoliatum diabolo exponit. Quæ tandem afflictos in Caluini hac de Dei decreto sententia innutritos, consolandi rationes suppetunt consolatori hanc de absoluto decreto doctrinam profitenti? Quæ inquam alia ei restat, nisi misera illa consolatio vt afflictus nempe exploret se ipsum, an peccatorum suorum sensu afficiatur, & onere prematur, desiderioque liberationis per Christum teneatur? Quod si innuerit, se electum esse cerò confidat scilicet. Misera vero hac est consolatio; nec audet consolator, qui doctrinam illam rigidam proficitur, si forte iuramentum ab eo afflictus exegerit, non audet, inquam, iuratus dicere istum sensum peccati, & desiderium liberationis certum & indubitatum electionis argumentum esse, cum & illa etiam reprobis competere posse non ignoret. Doctrina igitur illa non consolationi afflictorum fauere, sed potius desperationi inferuire videtur.

Cum igitur doctrina illa de absoluto reprobationis decreto antiquitati repugnet, & infamiam & odium defensoribus suis accersat, & fatalem quandam necessitatem Stoicâ & Manichæâ illa grauiorem inducat, & Scriptura diuina testimonijs, & nature diuina attributis, Dei nempe sanctitati, misericordia, iustitia, & veritati repugnet, & à pietatis christiana praxi omnino aliena sit, & desperationem in adflctis facile pariat, meritò ille qui fidem suam & intellectum Syuodo Dordrechtana non plene mancipauerit, de veritate eius dubitare possit.

Age ergo, videamus an ingens ille conatus in vanum recidat. Et ad prius illud quod attinet, vndecunque Caluini verba desumpta sint, (locum enim disputator non notauit) verum dicunt. Nam & interdum Satanas fidelium mentes hac tentatione aggreditur, & sic in eorum animos acerrimas & periculosissimas formidines inijcit. Nec id nobis negandum est, quod exemplis non admodum infrequentibus confirmatur. At quæritur vndenam id propriè accidat, vtrum ab ipso doctrinæ ingenio, an verò ab infirmitate carnis & Diaboli vafritie. Siquidem idem ille Caluinus Comment. in hac Apostoli verba, *Quid ergo dicemus! Manebimusne in peccato &c.* ita loquitur. Ultra progreditur Apostolus obijciens tunc videri gratiæ dari locum, si homines in peccato defixi iaceant. Scimus enim nihil ma-

„gis esse proclive quam ut sibi caro quouis prætextu indulgeat: de-
 „inde calumnias omnes excogitat Satān, quibus gratiæ doctrinam in-
 „famet: quod ei non ita difficile est. Nam cum humano sensui
 „*Eximium* sit quidquid de Christo prædicatur, nihil novum videri de-
 „bet si audita fidei iustificatione, caro toties tanquam ad diuersos
 „scopulos impingit. Si quando igitur, quod non ita rarò vsuuenit,
 „doctrina de Gratia diabolus abutitur, ut animos nostros ad pec-
 „candum incitet, ideone statim illa vituperanda erit? Equidem mi-
 „rum nunquam esse iudicabo Satanam, callidissimum veteratorem,
 „doctrinam de electione quæ ad consolationem animarum vel præci-
 „pue comparata est, niti conuertere in desperationis materiam, quan-
 „do cum non pudet doctrinam de gratia Christi, quæ sola nos vindi-
 „cat à peccato, ad peccati regnum constabiliendum adhibere. Id au-
 „tem ab ingenio doctrinæ ipsius proficisci, neque Calvinus concessit,
 „neque veritas ipsa patietur. Et de Caluino quidem res est clara,
 „qui solet haud exiguum consolationis nostræ firmamentum in do-
 „ctrina de electione collocare. Nec id vsquam fecit disertius aut lu-
 „culentius quam in Commentario ad diuinissimum Apostoli locum
 „qui habetur extremo capite 8. ad Romanos. De rei ipsius veritate
 „disputator ita habeto. Eiusmodi tentatione non solet diabolus eo-
 „rum vexare conscientias qui nullam adhuc gratiæ Christi viam, nullam
 „Spiritus ipsius efficacitatem senserunt. Hoc te lo adoritur quos scit
 „gratiæ Dei non esse penitus expertes. Illi igitur dum in eo agone ver-
 „santur, vel conjiciunt oculos in voluntatem Dei reuelatam, per quam
 „misericordia Dei in Christi cruce patefacta est: vel se se conuertunt
 „ad arcanum quod de se factum esse purant decretum contemplan-
 „dum. Facigitur eos in Christi crucem oculos intendere, quid in ea vi-
 „dent quod ex Caluini sententia terreat? Quid æstuant? Quid sunt an-
 „xij? Purantne sibi pertimescendū esse ne Christi mors expiandis pec-
 „catis sufficiat? At filius ille est Dei vnigenitus, cuius sanguis non vnus
 „mundi modò, sed plurium reatum penitus abolere valeret. Dubi-
 „tantne propitiationem istam ad se pertinere? Omnibus, inquit Calui-
 „nus, exposita est; neminem ad se accedentem clementissimus Deus &
 „summe misericors vel repulit vel repellere vnquam. Verum expedit
 „eum audire loquentem. Sic igitur ait in Ioan. 7. 37. *Stetit Iesus &*
 „*clamauit dicens, Si quis sitit &c.* Nobis tamen hoc ipsum valde utile
 „est, quod Euangelista Christum pleno ore clamantem inducit, ut ad
 „se veniant quicunque sitiant. Nam hinc colligimus non vnum aut
 „alterum tenui & obscuro susurro inuitari, sed ita omnibus promul-
 „gari

gari hanc doctrinam vt neminem lateat, nisi qui vltro aures obturans, altum & sonorum clamorem non admittit. Hortatur autem ad bonorum suorum participationem, modò propriæ inopiæ sibi cōsēij iuari cupiant. Enimvero doceretne Calvinus quemquam eorum qui peccatisensu premuntur, & in Deo sibi quærunt solatium expectatione sua frustratum iri, qui tam sæpe dixit rebelles ipsos atque contumaces quotidianis inuitationibus ad pœnitentiam ab ipso prouocari? Sic enim loquitur in Esaïæ cap. 65. vers. 2. *Expandi quotidie manus meas ad populum rebellem.* Accusat Iudæos atque de ipsorum ingratitudine & contumacia queritur, atque exprobrat quod frustra expanderit manus suas vt eos adduceret sibi que adiungeret. Nam per expansionem manuum significat quotidianam inuitationem. Variè autem extendit ad nos manus Dominus. Nam aut re aut verbo nos ad se allicit. Hoc loco præcipuè ad verbum referri debet. Nunquam loquitur nobiscum Dominus quin simul manum porrigat, vt nos sibi coniungat eumque vicissim nobis propinquum esse sentiamus. Imo nos amplectitur, paternamque sollicitudinem ostendit, vt nostræ tantummodo culpæ imputandum sit, nisi inuitanti pareamus. Crimen etiam non parum exaggerat assiduitas ipsa, quod Deus longa ætatum serie non destiterit prophetas alios alijs submittere: imò, vt a libi dicit, manè surrexerit, & persecutus sit eandem curam vsque ad vespertum. Testatur ergo Dominus per se non stetisse quominus populum retineret, solitoque fauore prosequeretur. Quibus gemina sunt, nisi quod paulo magis diserta quæ scripsit in Rom. 10. 21. vbi eadem illa Prophetæ verba ab Apostolo memorantur. Dicit se ad Israelem manus expandere, quem & verbo assiduè ad se inuitabat, & omni benignitatis genere allicere non cessabat. His enim duobus modis vtitur ad homines vocandos: quandoquidem sic beneuolentiam illis suam demonstrat. Præcipuè tamen de contemptu doctrinæ conquestus est, qui eo magis detestabilis est, quo insignius paternam sollicitudinem egerit Deus verbo ad se homines inuitans. Ac valde emphatica locutio est, eum manus expandere, quia salutem nostram per verbi sui ministros procurans, non secus manus nobis porrigit quam si pater filium gremio blandè excipere paratus, brachia etiam extenderet. *Quotidie* autem dicit, ne cui mirum videatur, si defatigatus sit illis beneficiendo, quum ipsa assiduitate nihil proficeret. Legi possunt planè similia. Comment. ad Ierem. 7. 13. & 11. 7 & 35. 14. Veniunt ad alteram propositi partem se se transferat oratio. Ponamus fideles in agone laborantes se se cōuertere ad arcanum Dei decretum

considerandum. Quid item in eo occurrer ex Caluini sententia quod perterre facere debeat? Cùm enim vis illa Spiritus per quam credimus ab electionis proposito descendat, qui sensu peccati tangitur, qui suspirat, qui ad Dei misericordiam & placibilitatem anhelat, iam incipit in se videre non obscura electionis suæ argumenta. Horum enim certè nihil quidquam habet à se: omnia illa ex aliqua spiritus efficacitate manarunt. Vnde facile est sic apud se rem putare atque ratiocinari. Amauit me Deus præcipuo quodam amore, quando me dignatus est communione sui Spiritus, quam tot mortalibus denegauit. Quod si me peccatis meis obrutum atque sepultum, & nihil prorsus de se animo cogitantem ita præuenit, quidni sperem fore ut precibus meis lacescit ac prouocatus, vberiore gratia me liberaliter impertiat, & magis ac magis sensu dilectionis suæ perfundat, Quæ res precandi affectum mirum in modum incendit. Quod si aduersarius obijciat fidelem oculis in propriam fragilitatem coniectis vehementer territum iri eo quod defectionis periculum ab ista parte imminet, primò id ad rem nostram non pertinebit. Nam doctrina de electione ac reprobatione neque facit ut fragilitas humana sit defectioni obnoxia, neque formidines inde ortas reddit per se aciores aut minus tolerabiles. Hac accedit quod ex Caluini doctrina confugium ad Dei misericordiam semper pater, in quo tunc conquietat quisquis feridè à peccato resipuerit, qualecunque aut quantumcunque tandem illud sit. Habet enim illa conditio cuius præstationem Deus in Euangelio exigit, istud in primis memorabile & singularis cuiusdam benignitatis ac misericordie plenum, quod non modò non est natura suâ impossibilis, vti supra disputator sine causa quiritabatur, sed etiam quod per totum vitæ curriculum est indefecta. Quando homo viuit, quocunque loco ac tempore, etiam in mediò mortis agone & in ipsis veluti inferorum faucibus, illi licet ad Dei misericordiam confugere, & Christi crucem ad salutem amplecti. Nec illi ipsi de quibus Apostolus tremenda ista verba pronunciauit, *ad ista non obli-*

Heb. 6. *ut perueniant ad salutem*, à salute repellerentur, si possent à se impetrare ut in Christum crederent. Est enim quidem impossibile ut eos Deus ipse ad pœnitentiam renouet, prohibente illo decreto quo apud se iustissimè sapientissimeque constituit sic vlcisci non sacrificij Christi contemptum modò, sed etiam *882* Spiritui sancto factam, cuius gustum aliquem ipsis præbuerat. Est item impossibile, hoc est, omnino contingere nequit ut ipsi per se resipiscant, verantè præter naturam corruptionem tartarea illa malitia atque superbia qua Christum haud

penitus

penitus ignotum proculcarunt & sibi habuerunt pro ludibrio. Ad quam accesserunt conscientia ipsius furia, quæ ad motis desperationis facibus eorum animos rabie & odio aduersus Deum inexpiabili inflammant. At quod non resipiscunt, eius rei propria causa in eorum malitia est: quod veniam non consequuntur, in induratione atque impenitentia. Si resipiscerent, Dei misericordiam & sacrificij Christi vim inexhaustam experirentur. Denique ubi mentem subit illa cogitatio quæ pacem ac tranquillitatem conscientia sollicitat, quid validius esse potest ad animum consolatione recreandum & corroborandum, quam doctrina Caluini, iuxta quam electionis propositum non modo pertinet ad fidem semel ingenerandam, sed etiam ad augendam, fouendam, confirmandam, conseruandam, & ad salutis ipsius fruitionem certissimè perducendam? Obsecro, illi ne docent magis accommodatè ad consolationem, qui volunt & fidei conseruationem & spem salutis pendere ex arbitrij humani libertate, re leui ac mutabili in dies, & cuius inconstantiam ac mutabilitatem Adamus ipse expertus est, cùm multo minoribus & paucioribus tentationibus expolitus esset, multoque plus haberet virium ad resistendum?

Posterior quod ait disputator, inductos in tentationem à Caluini doctrina, ab eadem in tentatione deserui, æquè falsum est. Pertendit duos duntaxat esse fontes ex quibus in agone tali consolatior hauriri queat. Vnum in doctrina de Christi morte, si eam statuamus pro omnibus satisfactionem præstitisse modo credant. Alterum in signis & argumentis quibus quisque dignoscere potest se esse à Deo electum. Posteriorem turbidum esse dicit & incertum: priorem limpidissimum, tutissimum, certissima consolatione scatentem. In utrumque ergo paulo attentius inspiciamus. Ac de priore quidem duo nobis dicenda sunt. Vnum, quod nusquam quemquam Caluinus esse dixit cui non pateat aditus ad Dei misericordiam in Christi cruce patefactam, modo credat. Nemo vnquam qui Scripturæ quantum satis, ingenio suo non plus quam satis est tribuerit, vel gratiæ promissionem latius diffudit, vel Christi satisfactionem ad plures extendit, vel denique omnibus apertam & expositam Dei misericordiam sæpius & magnificentiùs deprædicaui. Multa sunt à nobis supra in eam rem producta testimonia, nec opus est vt hic quidquam repetamus. Verba sunt huius loco conuenientissima Conueniunt, in Ioan. 1. 16. Ex plenitudine eius nos omnes accepimus. Nunc de Christi officio, concio, incipit, quod bonorum omnium affluentiam in se contineat, ita,

„ non aliunde vlla pars salutis petenda sit. Apud Deum quidem est
 „ fons vitæ, iustitiæ, virtutis, sapientiæ: sed fons nobis occultus & inae-
 „ cessus: sed horum omnium copiam nobis in Christo exposita fuit, ut
 „ inde petere liceat. Vltro enim ad nos fluere paratus est, si modo tran-
 „ situm illi fide demus. Et admonet minimè timendam esse ne quic-
 „ quam nobis desit, si modo hauriamus ex Christi plenitudine: quæ sic
 „ numeris omnibus perfecta est, ut sensuri simus verè inexhaustum esse
 „ fontem. Ita in illa verba, *Ecce agnus Dei qui tollit peccata mundi.*
 „ *Quum dicit Mundi peccatum,* hanc gratiam ad totum genus huma-
 „ num promiscuè extendit. Nunc verò quod omnibus offertur benefi-
 „ cium, amplecti nostrum est; ut statuunt singuli nihil sibi ob stare quo-
 „ minus reconciliationem in Christo inueniant, si modò duce fide ad
 „ ipsum accedant. Siquid igitur ad afflictas conscientias erigendas id
 „ valere potest, ut sanè permultum valet, ex Caluini doctrina manare
 „ constat eatenus consolationis materiam longe vberriam. Alterum
 „ illud est, quod non modo Caluinus hunc fontem consolationis non
 „ obturauit, non aperuit modò, ac veluti intento digito omnibus in-
 „ dicauit, sed cunctos alta voce ad puros illos lætitiæ haustus vocauit,
 „ seuerèque interdixit, si quis solido gaudio perfrui veller, ut ne arca-
 „ nam de se Dei voluntatem anxie vel sollicitè scrutaretur. Sic enim ait
 „ Comment. in illa Apostoli verba; *In hoc apparuit Dei dilectio in no-*
 „ *bis, quod filium suum unigenitum misit in mundum.* Ex mera Dei bo-
 „ nitate tanquam ex fonte fluxit nobis Christus cum suis omnibus bo-
 „ nis. Quemadmodum autem hoc cognitu necessarium est, nos ideo
 „ salutem habere in Christo, quia sponte nos dilexit cælestis pater; ita
 „ ubi querenda est solida & plena diuini in nos amoris certitudo, non
 „ aliud quam in Christum respicere conuenit. Quare in suum exitium
 „ insaniunt quicumque omisso Christo, quidnam de se in arcano Dei
 „ consilio constitutum sit, inquirunt. Et Comment. in Ioan. 3. 17.
 „ Quod se Christus venisse negat ad damnandum mundum, in eo pro-
 „ prium aduentus sui finem notat. Quid enim opus fuit ad nos perden-
 „ das venire, qui ter quaterque perieramus? Nihil ergo aliud in Chri-
 „ sto considerandum quam quod Deus pro immensa sua bonitate opi-
 „ tulari nobis voluit, ut perditos seruariet; & quoties nos peccata no-
 „ stra vrgerent, quoties Satan ad desperationem sollicitat, obijciendus
 „ est hic clypeus, Deum nos æterno exitio nolle opprimi, quia filium
 „ suum salutem mundi ordinauit. Id tamen paulo clariùs alibi explica-
 „ uit: noluit enim nemini electionem suam cognitam ex fide esse posse.
 „ Hoc unum voluit, omnibus quibus contingit cum peccati sensu con-

fictari, & induci atque impelli in eam tristitiam quam Apostolus/
cundum mundum appellat, quæque peccatorem mergit & absorbet,
 paratum esse certissimum refugium in Christi cruce. Nam de noti-
 tia electionis quæ ex fidei intuitu nasci potest, sic egregiè loquitur
 in Ioan. 6. 40. Hæc est voluntas eius qui me misit, inquit Christus, ut
 quisquis videt filium & credit in eum, habeat vitam æternam Dixe-
 rat tuendæ salutis nostræ partes sibi à Patre mandatas esse: nunc mo-
 dum quoque definit. Hæc itaque obtinendæ salutis est ratio, si obe-
 diamus Evangelio Christi. Hoc quidem iam nuper attigerat, sed
 nunc melius exprimit quod subobscurè fuerat dictum. Quod si Deus
 fide servare vult quos elegit, & æternum suum decretum hoc modo
 sancit & exequitur, quisquis non contentus Christo de æterna præ-
 destinatione curiosè inquirat, quantum in se est præter Dei consilium
 salus esse appetit. Electio Dei per se occulta est & arcana: eam Do-
 minus vocatione qua nos dignatur parefacit. Quare insaniunt qui
 suam vel aliorum salutem in labyrintho prædestinationis quærent
 propositam sibi fidei viam non tenentes; imo præpostera hac specu-
 latione vim prædestinationis & effectum euertere conantur. Nam
 si nos in hunc finem elegit Deus ut credamus, tolle fidem, & mutila
 erit electio. Atqui in Dei consilio continuam & ordinatam princi-
 pij & finis seriem abrumperè nefas est. Porro ut individuo nexu e-
 lectio Dei vocationem tecum trahit, ita cum efficaciter nos Deus ad
 fidem Christi vocavit, hoc perinde apud nos valeat, ac si insculpto
 sigillo suo de salute nostra decretum comprobaret. Nam Spiritus
 testimonium nihil aliud est, quàm adoptionis nostræ obsignatio. Ergo
 sua cuique fides æternæ Dei prædestinationis locuples est testis ut al-
 tius inquirere, sacrilegium sit. Est ergo ut iam supra diximus, fidei du-
 plex actus. Vnus quo mens directè fertur in Christum tanquam in
 eum in quo Deus testificatur se fore omnibus credentibus misericor-
 dem atque propitium: alter quo mens in semetipsam veluti reflecti-
 tur, & ex attenta sui consideratione perspicit, sibi non esse à natura
 insitam ullam vim quæ actum istum priorem producere potuerit.
 Atque una venit in mentem quod Scriptura docet, & neminem ad
 Christum venire quem Deus ipse non traxerit, & neminem trahi qui
 non sit ad eam rem electus ab æterno. Vnde notitia electionis & in-
 credibilis consolatio nascitur. Ut verissimum quidem sit quod Ano-
 nymus ait, priorem illam consolationis Christianæ fontem largâ ve-
 luvienâ materiam lætitiæ profundere; at falsissimum tamen quod
 in altero nihil esse autumat vnde animas peccati sensu delectus certo

solamine subleuetur. Verum enimvero id ex eo constare putat quod Calvinus ipse dixit nonnullos esse qui fallaci fidei simulatione non hominum modo oculis imponant, sed suis etiam ipsorum animis. Inde enim colligit nemini ita perspectam esse suam fidem ut in ea certum & indubitatum electionis suæ argumentum habeat. Verba describenda sunt in quibus agit de ijs quos Scriptura *εὐσεβεῖς* appellat. Hæc fidei, inquit, seu umbra seu imago, ut nullius est momenti, ita indigna est fidei appellatione: à cuius solida veritate quàm procul absit, tamen si mox fufius videbitur, nihil tamen impedit nunc obiter indicari. Credidisse dicitur Simon Magus, qui tamen suam incredulitatem paulo post prodit. Quod fides illi tribuitur, non intelligimus cum quibusdam simulasse verbis quam in corde nullam haberet: sed potius arbitramur, Euangelij maiestate victum qualemcunque fidem adhibuisse, atque ita Christum vitæ & salutis auctorem agnovisse, ut libenter illi nomen daret. Eodem modo credere ad tempus dicuntur in Euangelio Lucæ, in quibus verbi semen, antequam fructificet, præfocatur: aut etiam nullis dum actis radicibus arcescit mox & deperit. Tales non dubitamus quodam verbi gustu affectos ipsam audè &c. Calvinum non existimasse illud quidquid est, esse veram fidem, res ipsa indicat. Quod si vera fides non est, utique veræ fidei notas non habet. Perperam igitur Aponymus ex eo quod tales non possunt in se argumenta electionis suæ deprehendere, de verè fidelibus rem eodem pacto se habere concludit. Quid autem? Putatne ille ementitæ fidei notas à notis veræ fidei non discrepare; an verò etiam si discrepent, veræ characteres in nullo esse adeo evidentes existimat, ut certam de veritate fidei suæ persuasionem inde concipere possit? At utrumque, ut est mea quidem sententia, vehementer absurdum est. & indignum viro docto atque prudenti. Prius, quia ut differunt verum & adulterinum, sic omnino differre proprietatibus necesse est. Hoc quidem illius speciem forsitan aliquatenus imitabitur. At si paulo penitiùs consideres, fucus confestim evanescet, neque fallere poterit nisi sensus admodum inexercitatos. Quis paulo perpicacior medicus bonam valetudinem non distinguet ab eorum statu, quos quia nondum morbus in apertum erupit, vana sanitatis lætat atque deludit opinio? Hydrops tumor videtur interdum imperitis paria facere cum *ευερίαι* corporum paulo habitiorum. Faciei rubor in ijs in quibus pulmo vitiatum est non multum videtur ab similibus vero coloribus qui ex succo viuido & copioso creatur ac efflorescit. At non imponit

imponit diu tamen uterque, & quod in corpore later vitium vel leui de causa sui dat significationem aliquam indubitatam. Posterius verò haud minus. Quia quæ natura & proprietatibus non sunt eadem, ea etiam consentaneum est gignere sui sensum differentem. Docet Aristoteles nonnullos quos non vera scientia, sed falsa quædam opinio tenet duntaxat, sæpe esse æquè sententiæ tenaces, ac si certissimam scientiam haberent, & in euidentissimis compertissimisque demonstrationibus fundatam. Cuius rei exemplum profert in Heraclito. Idem *ἡ δὲ δόξα καὶ τὸ αἴσθησις* à plerisque perperam confundi obseruauit. Nec vetat quidquam quin qui *δοκῶν* est tantum, aut etiam qui propendet ad *τὴν πρᾶξιν*, quæ in vitio vel maximè ponitur, semetipsum arbitretur esse verè prudentem. Sunt tamen illi habitus haud dubiè natura dissimiles, & dissimilibus inter se atque sibi cuique proprijs veluti characteribus designati. Nec si *ἡ δόξα* pertinax est, nec si callidè perspicit *ἡ δόξα* quid in hoc vel in illo negotio vtile sit & ad finem assequendum conducibile, sequitur verè scientem non esse suæ scientiæ sibi certissimè conscium, verè prudentem suæ prudentiæ noticiam exploratam non habere. Qui opinatur, ille quidem quod semel visum est, mordicus retinere potest. At non habet mentem persusam cognitione veri, quod luce ipsum sua sibi fidem conciliat, & certum sui sensum generat in intellectu. Qui scit, & veritatem clarè peruidet, & vim demonstrationum persentiscit, & certissimè tenet se non errare. Ut enim in vnoquoque sensu est intelligentia quædam propriorum sensilium, quæ vix ac ne vix quidem fallit, vique adeo sunt inter se aptè cõstituta à natura *ἡ δὲ δόξα καὶ τὸ αἴσθησις*. Sic inter intellectum & veritatem intercedit naturalis quædam seu proportio, seu, ut loquitur Aristoteles, *ἡ ἀνάγκη*, quæ non modo scientiam necessariò parit, sed etiam progignit sui sensum aliquem qui non patitur scientem de scientia sua dubitare. Vnde fit ut qui opinatur, sicunde veritas conuenienter se se offerat, & appareat euidentibus rationibus illustrata & communita, vel statim ab opinione depellatur, vel sic in ea permaneat ut ipsi pertinaciæ suæ ratio non cõstet. Persistit obstinatione animi atque adeo etiam perturbatione aliqua adductus: fert enim, ægrè se vinci, & putat de sua dignitate & existimatione multum ita detractum, si falli & errare potuisse videatur. Contrà, qui verè scit, non patitur sibi extorqueri ex animo sententiam certis demonstrationibus tanquàm firmis radicibus penitus in hærentem. Nam verum non est verò contrarium, falsum autem verò non præterit si paulo altius in mentem hominis penetravit. At quod non vincitur,

Ethic.
lib. 7.
cap. 5.

quod non nutat aut vacillat veri persuasio, id non est à mente bruto quodam stupore destinata, vel perturbata passionibus, sed à veri ipsius perspicientia, quod se se adeo penitus in intellectum induit, ut inde nulla possit ratione reuelli. De prudentia res non aliter se habet. Deludit se *iuris*, quia quæ pertinent ad finem consequendum & acutè cernit, & subtiliter iudicat, & commodè disponit, & nisi aliunde disturbatio rationum accadat, callidè simul ac feliciter perducit ad exitum. Quæ ita prudentiæ propria esse putat ut nihil videat ulterius. At verè prudens, & de fine rectè iudicat, & cum semper sibi constituit honestum, imbutus scilicet atque institutus à virtute morali, veræ prudentiæ perpetua & indiuisa comite. Nemo dubitauerit, opinor, Apostolum Paulum & verè credidisse, & fidem suam habuisse apud se compertissimam. Neque huius rei argumenta hausit ex aliqua reuelatione extraordinaria, ut nonnulli arbitrantur, sed ex suæ ipsius fidei ingenio ac natura, quæ & per se & in effectibus suis se se noscendam præbebat. Ait enim & se credidisse, & se scire cuiusnam crediderit, & ubique commemorat virtutes admirabiles quas traxerat ex Christi cõmunionē. Cur non ergo quisque fidelis; postquam se se sedulo explorauerit, idem de semetipso iudicabit? Nam nostra à Pauli fide specie non distat, ideoque sunt illis communes quædam inter se notæ, iidem penè ductus, eadem, ut ita loquar, oris veluti lineamenta, Quod si aliquanto fuit in tanto & tam eximio Dei seruo fides plenior & vehementior (fuisse autem proculdubio cõfirmemur ultro) notas illas præ se quidem tulerit illustriores etiam, nostra obscuriores aliquanto, tales tamen ut si vera sit vera itidem esse certo deprehendatur. Eumne quæso fidei suæ sensus fugit, qui agnoscit in se pristini peccati odiũ & sincerũ amorẽ veræ sanctitatis: qui magna de salute fiducia conceptã, vnã coniunctam habet piam quandam, sedulam ac propemodum anxiam sollicitudinem quã sibi cauere à periculis? qui ingenti læritia ac consolatione peresus summa animi demissione comitata, gerit pectus apertum, candidum, alienum à furo & fallacijs? qui totus in Christum ruit, in cruce pendenti circumfundit se anidẽ, qui studio gloriæ redemptoris flagrat & proximi caritate? Qui denique, si non vndeunque sibi satisfacit, peccati reliquias in se odit ac detestatur, & gemitu, questu, precibus, fremitibus, ardore quodam penitentis ad metam perfectionis & beatæ immortalitatis anhelat, quæso quid prohibere potest quominus se in Christo, Christum in se habitare prædicet? Pulsus arteriarum est paulo languidior, vitam indicat: actiones cum ratione ut plurimum

consentientes, tametsi nonnunquam aberres, mentem compositam arguunt: *et aliter agit* non infrequentes, etsi quædam interdum ingens animi perturbatio te transuersum abripiat, habitum virtuti congruentem ostendunt. Quidni ergo superiora fidei signa veram & genuinam eius indolem præbeant etiam certo ac indubitatè noscendam? Ex istis patet non vlllo Caluiniani dogmatis vitio, sed vel furore quodam animi, vel diaboli tentatione factum esse, vt Petrus ille Iloianus, cuius disputator meminit, consilium caperet sui suspendendi abominabile atque nefandum. Nec exempla ista vel ad inuidiâ conficta, vel odiosè commemorata nos magis mouere debent, vt de doctrinâ electionis ac reprobationis, qualis a Caluino tradita fuit, sinistrè iudicemus, quàm Francisci Spieræ horrèdus interitus nos abducit ab ea persuasionē, quosdam esse quos impossibile est *argueret* *in partem* Hunc, vt narrat Ioannes Sleidanus, apostasiæ conscientia diris formidinibus agitarum, præcipitem impulit in desperationis voraginem: illum, si quid tale accidit, propria incredulitas & impotentia induxit vt existimaret sibi ad Dei misericordiam aditum esse denegatum: vtroque Apostolorum doctrinæ sua sanctitas indelibata mansit. Sic refutatis aduersarij argumentis ad doctrinæ Caluini demonstrationem accedamus.

Sleid.
Com.
lib. .21

CAPVT XII.

*Caluini doctrinam de dispensatione prædicationis
Euangelicæ, nisi verbo diuino.*

DI X I M V S initio huius disputationis duo præcipuè in questione versari. Ynum, an & quomodo Deus verbi sui prædicationem voluerit esse omnibus hominibus communem. Alterum, vrutrum vim illam Spiritus, quæ sola fidem cordibus ingenerat, quibusdam ex hominum numero voluerit esse denegatam. De priore autem hoc statuimus. Deum dedisse quidem Apostolis & reliquis Euangelij ministris in mandatis, vt, quantum id fieri posset, omnibus & singulis hominibus Euangelium annuntiarent. Fieri tamen illius arcana prouidentia vt nondum Euan-

gelij cognitio ad omnes nationes peruenerit. Cuius rei rationem ex Caluini sententia dupliciter reddi posse declarauimus. Nempe si populos quibus beneficium istud vsque adhuc indultum non est, in se absolute consideremus, digni fuerunt qui eo priuarentur. Ideoque id factum est à Deo iuste. At si spectentur instituta comparatione cum ijs gentibus quibus Deus eam gratiam largitus est, quia eo omnes indigni sunt ex æquo, discriminis causam ad vnum Dei beneplacitum, qui de suo facit quod vult, referendam esse constituimus. Huius ergo propositionis probationem nunc aggredimur: quod ut perficiatur commodius & dilucidius, rem existimamus esse paulo altius repetendam.

Cum admissio peccato Deus celeberrimum istud oraculum, *semen mulieris conteret caput Serpentis*, Adami fidei commisisset, ut spem de redemptione paucis illis verbis conceptam, propagaret ad omnem posteritatem, accidit, non Adami forte vitio, sed liberorum ipsius socordia atque negligentia, ut illius memoria propemodum interiret. Certè numinis contemptum latè manasse per vniuersum genus humanum eo tempore, clarè demonstrat historia patientiæ Dei ante diluuium, donec ob incredibilem hominū malitiam & cor pœnitentiæ nescium terram aquarum eluione vastaret, vnamque Noë familiam residuam faceret, in qua semē pietatis ac religionis conseruauit. Fœdere cum Noa renouato, renouata fuit eadem opera misericordiæ spes, atque huic alteri generis humani parēti consignata, qui eam per manus ad posteritatem transmitteret. Hoc vidit Caluinus qui & promissionem isti Patriarchæ factam ad eius posteros vsque ad mundi finem pertinere censuit, & arcum illum in nubibus admirabilem Sacramentum ad fidem confirmandam destinatum esse putauit. Sic ille Comment. ad Genes. 9. vers. 7. Minimè dubium est quin Dei consilium fuerit (cum nempe Noë fidem eo signo corroborauit) omnibus eius posteris consulere. Non ergo priuatum fœdus cum vna tantum domo sancitum fuit: sed omnibus populis commune, & quod sæculis omnibus vsque ad finem mundi vigeat. Item, ad vers. 9. Inter etiam colligimus hoc fuisse proprium Sacramentis ab initio, ut ad fidei confirmationem valerent. Nam certe in fœdere inclusa est promissio, cui fides respondere debet. &c. Dubium autem non est quin tantus Patriarcha cuius fidem ac pietatem Apostolus cum insigni elogio commemorauit, fideliter officio suo sit pro virili defunctus, & posteritatem suam ad verum Dei cultum erudire tentarit. Duo tamen sunt in ea æconomia obseruanda. Vnum, quod quid

quid

quid illud erat quod in fœdere cum Noa renouato spectabat ad Christum redemptorem, quæ tum erat ratio temporum & Ecclesiæ conditio, traditum est verbis vsque adeo obscuris, vt vbi Paulus disputat de Euangelij antiquitate supra legem, nusquam aliùs ascendat quàm ad Abrahamum: de Noa, deque fœdere cum eo inito in Epistolis Apostoli perpetuum silentium. Quamquam Petrus sanè in aquarum diluuiò, Baptismi, in Arca typum aliquem Ecclesiæ animaduertit, & Christum ipsum per Spiritum suum homines tum temporis ad pœnitentiam inuitasse obseruauit. Alterum, quod quantacunque fuerit illa reuelationis, cuius Deus Noam cõporem fecit, claritas vel obscuritas, non mansit incorrupta diu; constat enim plerosque homines à diuino culu statim ad idololatriam defecissè. Adeo vt ne in familia quidem ex qua Abrahamus ortus est, religio permanerit incemerata. Testis est Iosua qui id inter beneficia singularia Israelitico populo concessa cum primis memorat, quod Abrahamus summa Dei misericordia segregatus est atque eductus è medio idololatrarũ. Abraham igitur vnus exciratus est, quicum Deus fœdera cum Adamo contracta primũ, deinde cum Noacho renouata, singulari quadam ratione redintegraret. Atque in ea redintegratione duo itidem videntur diligenter expendenda. Prius, quod contra quam actum est cum Noacho, promissio de futuro Messia multo plenius atque luculentius Abrahamo tradita fuit. Vnde est vt non modo, quod iam à me dictum est, Paulus Apostolus Euangelij originem inde arcessere soleat, sed etiam vt Dominus noster pronunciauerit, Abraham vidisse diem suum, eoque vehementer esse gauisum. Quod omaino non dixisset nisi magnus ille fidelium omnium parens, magnam, præ reliquis omnibus qui temporibus vixerant anteaactis, de salute humani generis notitiam habuisset. Enimuerò neque legendum oscitanter est, neque leuiter prætereundum, cum illud, *In semine tuo benedicentur omnes familie terre*, tum istud etiam, *Abraham Deo credidit, & illi id imputatum est ad iustitiam*: quæ soleat ab Apostolo diligentissimè & præcipuo quodam studio ponderari. Posterius, quod cum Deus & Adamo & Noacho verbum suum eum in finè consignasset, vt id cum posteris suis omnibus indifferenter communicarent, nec vllam in eo significationem dedisset cuiusquam à se discriminis inter homines eatenus constituti, cum Abrahamo secus egit. Nam apertè declarauit sereliquis terræ familijs neglectis, atque adeò cæteris ipsius Abrahami liberis præteritis, in vno Isaaco propensam suam voluntatem veluti defixisse; vt ille solus hæres esset, non bonorum patrum duntaxat.

taxat, sed etiā prærogatiuæ religionis incorruptæ atque illibatæ. Non quod vetuerit alios homines ad verum sui numinis cultum sollicitari: absit ut id de eo cogitemus: sed quod significare voluit quænam futura esset in posterum benignitatis & misericordiæ suæ erga homines dispensatio. Scilicet palantes, & quemque peruersa sua studia secutos nullo verbi sui vel præconio vel oraculo renocare decreuerat. Neque id tantum. Sed cum Isaacus ex eadem vxore duos liberos vno concubitu suscepisset, gratiam illam ad vnum Iacobum restituit, spreto Esauo primogenito, in quem familiæ ius pene vniuersum, etiam ipso vtriusque parente iudice, spectare videbatur. Sic veranotitia numinis hæsit in Iacobi familia, ex qua Moses demum exortus est, cuius ministerio Deus religionem in populo Israelitico sanxit. Reliquæ nationes nulla verbi prædicatione dignatæ, nulla voce, quæ auribus insonuerit, ab errore in veritatis viam reductæ, sua quæque figmenta pro vero numine coluerunt. Atque id est quod Psaltes cum alibi tum vero Psal. 147. tantopere deprædicat. *Deus, inquit, remanuit statuta sua Iacobo, & præcepta sua Israel, non sic fecit omni nationi.* Perdurauit autem ista dispensatio vsque ad Euangelij tempora. Etsi enim neque Deus prohibuit quominus profelyti ad eandem spes cum Iudæis admitterentur, neque verò Gentes Palæstinæ finitimas ita deseruit quin subinde eas varijs Prophetarum sollicitationibus ex alto peccati veterno excitare tentauerit, ista tamen & ad paucos pertinuerunt, & suscepta sunt atque administrata sæpenumero eatenus quoad res Iudæorum cum rebus vicinorum colligatione aliqua conjunctæ erant, ac denique fuerunt veluti præludia vocationis populorum, quam Deus vsque ad Christi tempora distulerat. Vnde est ut Apostolus, nulla rerum istarum habita ratione, vniuersè dixerit sæculis quæ prædicationem Euangelij antecesserunt, omnes gentes præter vnā Iudaicā, sibi fuisse permissas, ut in vijs suis ambularent. Cui consentaneum est quod eas appellat federum diuinorum extorres, spei expertes, à promissionibus, à cognitione Dei & à vera vita prorsus abalienatas. Christo manifestato, & in cælum post gloriosam resurrectionem recepto, duo in primis memorabilia contigerunt. Vnum est quod gens illa quam Deus tot priuilegijs decorauerat, reiecta fuit atque abdicata. Alterum quod isti populi quos Deus tot sæcula prorsus neglexisse videbatur, ad Christi cognitionem vocati sunt atque pertracti. Idque forte fortuna non accidisse constat ex Prophetarum testimonijs, qui rem futuram prædixerunt, & ex Apostolorum disputationibus, qui quod antea prædictū fuerat, impletum

Act. 14.
16.

Ephē.
2. 12.

impletum esse demonstrarunt. Prædictum autem fuit quia sic erat ab ipso Deo consilio constitutum ita sapiente, firmo constante, & diuturno, ut etiamnum illa Iudæorum à cultu veri numinis discessio permaneat, illa Gentilium vocatio sub auspicijs Domini nostri Iesu Christi continuetur. Quæ res sanè si paulo consideretur attentius, magnam quandam mirabilitatem haber. Restant duo tamen quæ minus admirabilia neutiquam videri debent. Prius est, quod in dispensatione prædicationis Euangelicæ fuit semper varietas quædam admodum memorabilis, Nam Euangelium Hierosolyma profectum, vterant Prophetæ tanto ante vaticinati, in Asiam, Africam & Europam latè quidem dimanavit: at non ita tamen quin multa loca præterita sint ab Apostolis & Euangelistis, in quibus vel omnino lux illa accensa non fuit, vel si fuit aliquândo tandem, diu tamen fuerunt densissimis tenebris occupata, interim dum primi illi nominis Christi præcones, & qui in eorum munus successerunt, Ecclesias alibi colligebant. Quod factum esse diuino consilio nemo dubitare potest qui saltem sciat res omnes providentia regi, inprimis verò ad res tantas quanta est Euangelij prædicari, opeculiarem quandam diuinæ mentis procuracionem adhiberi. Cum præsertim ex Apostolorum historia constet, eos nonnunquam a Spiritu Dei fuisse prohibitos ne vel hic vel illie Christi crucem annuntiarent. Ad Orientem igitur peruenit Christi nomen non modo Babyloniam vsque, quod ex ipsius Petri Epistola clarum est, sed etiam, si fides historicis nonnullis, vsque ad Indos, Thoma prædicante. Meridiem versus diffudit se in Egyptum & omnem oram Cyrenaicam occupauit. Ac denique per Occidentem penetrauit in Græciam, inde Romam venit, & paulatim ad Septentriones progressum, per Galliam, Britanniam & Germaniam latè se dissipauit. At tantum abest ut per vniuersum orbem terrarum se se sparserit, ut qui paulo diligentius in eam rem incubuerunt, subdacta ratione diligenter, affirmare ausi sint, mundos si in rigoris partes diuidatur, quinque tantum ex illis à Christianis teneri, sex ab ijs qui Muhammedis impietatem amplectuntur, reliquas novemdecim ab illis occupati qui vel Christum olim fortasse cognitum è finibus suis eiecerunt, vel ad quos nulla de Christo audire hæc gens permanuit. Quorum sanè numerus permagnus est. Ut si in tabulis illis in quibus orbis terrarum depingi solet, regiones à Christianis habitatas insigni colore distinguas, exiguae sanè sint illæ, & angustis admodum limitibus definitæ, præ earum amplitudine quas Muhammedismus & Paganismus maculabant. Posterius est quod

Rom.

11. 24.

25. &c.

Rom.

1. 19.

Act. 14.

17.

Act. 17.

Rom. 2.

Apostolus Paulus verbis apertis affirmavit fore ut antequam mundus diem ultimum claudat, repudiata illa Iudæorum natio ad Messie cognitionē reuocetur, ut Gentiles & Iudæi in vnum corpus reconciliati coalescant, donec ab eodem redemptore pari misericordia glorificentur. Verum ab eodem tempore quo Paulus id prædixit, vsque ad hanc nostram ætatem, iam effluerunt sæcula sexdecim, nec tamen videmus quidquam istiusmodi hæctenus euenisse. Quo temporis spatio, Deus bone, quot Iudæorum myriades, quot Gentilium myriades myriadum vitam cum morte commutarunt? Res autem illa quantimomenti sit, neminem latere potest. Nam testatur quidem Apostolus Deum vsque ab origine mundi suam virtutem æternam, suamque diuinitatem ita mortalibus omnibus ostendisse, ut ignorantiam excusare nequeant. Non negat Deum omnibus sæculis terræ fecunditate, fertilitate tempestatum & omni genere beneficentiæ sibi metipsum testimonium perhibuisse, ut nemo de eius bonitate &, ut ita dicam, placibilitate dubitaret. Addit, rerum omnium conseruatione & adiutorio ratione quotidiana, præsertim verò societatis humanæ cura, & vniuscuiusque hominis sustentatione, nutritione, motione atque viuificatione effecisse, ut nisi obstitisset stupor mentis incredibilis, & callus quem peccandi consuetudo animi sensibus obduxit, palpando, contrectando, sedulo inquirendo ad aliquam eius cognitionem peruenire potuerint. Ait denique Dei benignitate, longanimitate, patientia, omnes non tam inuitari quam deduci ad pœnitentiam, nisi mentem à recta via sponte animi auerterent, & ut quemque libido fert, inconsideratè vagarentur. At quidquid illud est quod extrinsecus oculis, & mentibus hominum obijciatur, destititum est illa vi spiritus quæ sola potest homines abducere à peccato, & ad vitæ spem efficaciter reuocare. Verbum enim vnum est ministerium Spiritus, vnum instrumentum efficax ad depellendam ex corde malitiam, vna denique veluti machina ab ipso Deo comparata ad expugnandam duritiem, & animos ad fidem & pœnitentiam perpellendos. Quocirca omnes eos quibus illa lux Evangelica nondum affulsit, vel iam perijt, vel nisi ante mortem eo unico remedio succurratur, si verbo Dei credimus, in æternum petire necesse est. Ad hæc igitur præcipua capita ea de re controuersia redit. Primum, quid causæ fuerit cur Deus populum Israeliticum in paciscendo fœdere suo reliquis omnibus populis anteferebat. Secundo, cur Christo manifestato eundem populum repudiauerit. Genes autem a se olim desertas Iudæis præposuerit. Tercio cur inter gentes Evangelium nonnullis obtulerit, reliquis

reliquis in superhabitis in hunc usque diem. Denique cur Iudæis illis quos Apostolus ad extremū prædixit esse vocandos, Deus hoc beneficium potius tribuerit, quàm ijs qui superioribus temporibus perierunt. Ista breviter expendere constituimus, atque ad ea reuocare rationculas quibus in eo negotio Arminij discipuli vti solent; non ut sparsa sunt atque diuulsa in eorum disputationibus, sed prout quæque commodius se se offeret & ad superiorem istam nostram partitionem congruentius pertinebit.

Et ad primum quod attinet, si nihil aliud esset præter verba Davidis à me supra ex Psalmo 147. producta, ad id sufficerent ut discriminis causam ad vnam Dei voluntatem reuocaremus. *Nunciat verbum suum Iacobo, & decreta sua, & iudicia sua Israeli. Non sic fecit omnibus gentibus: neque manifestauit ijs iudicia sua.* Id enim Prophetæ commemorat tanquam prærogatiuam indultam singulari beneficio, quam obrem Dei laudes Israeliticus populus supra reliquos omnes celebrare debeat. Nam illis quidē admiranda sua opera suspicienda obicitur vnicum illud ad cæcitatem qua laborabant, depellendam, remedium denegauit. Quod ergo ait, *non sic fecit*, emphaticum est, & habet peculiarem benignitatis diuinæ commendationem erga Iudæos. Quod si fuisset aliqua inter eos & reliquos homines inæqualitas, ut illorum benè promeritis captus, horum vero peccatis irritatus, se totum ad Israelē transtulerit, habuerunt certe causam cur Dei iustitiam agnoscerent quæ cuique reddidit secundum opera sua, at non habuerunt cur peculiarem benignitatem erga se in cælum ferrent solennibus istis laudibus. Quid enim est in eo vsque adeo mirificum si sit ab illo cuique pro suo merito retributum? At Deus ipse apud Molem prædixit omnem ansam dubitationi. Sic enim loquitur Deut. 7. vers. 5. & 7. & sequentibus. *Populus est tu sanctus Domino Deo tuo, te elegit Dominus Deus tuus, ut sis ei populus peculiaris præ omnibus populis qui sunt super faciem terræ. Neque ob id vos tam ardens dilexit ac elegit Dominus, quod plures essetis alijs populis. Nam pauciores eratis omnibus populis. Sed quia dilexit vos & seruare voluit iram mentum quod inrauerat patribus vestris, &c.* Et aliquanto discretius ac magis emphaticè cap. 9. vers. 6. 7. *Ne in corde tuo sic cogites. Propter iustitiam meam introduxit me Dominus ut possiderem terram hanc. Nam propter impietatem gentium istarum Dominus expellet eas ante te. Non propter iustitiam tuam & propter rectitudinem cordis tui tu venis ut possideas terram earum: sed propter impietatem gentium istarum, ut scilicet verbum quod inrauerat patribus tuis inconcussum seruaret.* Ad ista

quid responderet Arminij schola? Multa sanè congerir, nec sibi satisfacit tamen. Quidam locum è Psalmo 147. isto cauillo eludere conatus est, quod Psalter dicat, *Non sic* quidem actum esse cum reliquis populis, sed aliter, nempe in opere Naturæ fuisse illis statuta Dei reuelata. Vt discrimen sit non in re sed in modo rei tantum. At si uolum istud esse doctissimi viri iam pridem ostenderunt. Phrasis enim illa, *Non sic*, rem absolutè negat, non rei modum. Vt Lucæ. 22. 26. Psal. 1. 4. 1. Sam. 30. 23. atque alibi. Tum quid clarius est, ut supra diximus, quam celebrari hoc loco beneficium Iudæis singulare, non verò commune cæteris hominibus? Nam si reuelatio illa quæ per opus naturæ facta est, tantundem præstitit quantum reuelatio uerbi, quid attinebat prærogatiuam istam laudibus extollere tanquam excellentem? Istud autem, & *non nouerunt ea*, quod egregiè uertitur à nonnullis *propterea non nouerunt ea*, non-ne manifestò indicat in effectus discriminem causæ disparitatem? Nempe alterum instrumentum, Verbi diuini præconium, fuisse inter Iudæos efficax, alterum, quid quid est, quo Deus erga Gentes usus est, nihil quidquam effecisse? Alij igitur aliò confugiunt, & aiunt, primò Deum peccatis parentum & aorum reliquorum populorum offensum liberos sic puniuisse. Deinde Deum ipsum testari se eijcere Cananæos & reliquas gentes, propter impietates ipsarum. Vt non sit aliunde arcessenda causa punitionis quam ex ipsis populorum quos deseruit, peccatis. Tum, non fuisse usque adeò desertas gentes, quin semper habuerint in Mundi opificio, & gubernatione prouidentia, unde, si uellent, haurirent aliquam Dei cognitionem, quæ possit esse vel per se salutaris, vel certissimus gradus ad salutarem. Item, esse occultissima hominum merita quædam, quæ, etsi nos latent, Deus tamen penitus abdita perspicit, & suo tempore remuneratur. Denique, præpositos esse Iudæos, quia erant ex Abrahamo oriundi, quicum Deus fœdus suum pepigerat, ut ipse testatur locis supra citatis. Ista igitur sigillatim expendamus. Et primum quidem illud vanum est. Nam ut taceamus haud satis decere eos qui aduersus doctrinam de imputatione Adam tam acriter inuehuntur, responsionem illam quæ peccatorum parentum pœnas in liberos deriuat, nonne & Iudæorum proau ac maiores, si supra Abrahami ætatem ascendas, æquè cùm reliquorum populorum maioribus Deum peccatis suis ad iram incitarunt? Nonne ut memoratū est à me superius, Iosua eos omnes idolatriæ accusauit? In pari ergo parentum iniquitate, quid est quod tantam disparitatem in liberorum conditione peperit? Nam si, ut illi ipsi dicunt, peccata

cata parentum plectuntur in liberis vsque ad tertiam aut quartam generationem, Abraham autem parentes se se polluerunt idololatria, æquabilis illa Dei iustitia postulauit, vt Abrahamus defereretur à Deo, & vt Abrahami posteritas patris sui vestigia sequeretur. Fuit ergo aliquod Dei beneplacitum, cuius ratio nulla reddi potest, quæ in gratiam populi Iudaici dispensationem illam immutauit. Alterum haud est ad rem. Nam non negamus certè Cananæos & reliquos quos Deus expulit populos peccatorum suorum pœnas in eo luisse. Caluinus vt supra vidimus, agnouit nemini verbi prædicationem denegari, qui non sit ea denegatione dignissimus. Hoc tantum quaerimus, quid factum fuerit vt ea prærogatiua potirentur qui nullatenus erant cæteris digniores. Deus autem eodem ipso loco vbi se Cananæos exterminare profitebatur propter ipsorum impietatem, Iudæis vehementer exprobrat cum duram & præfractam ceruicem, tum omnis iustitiæ pudendam inopiam, & assidua peccata in deserto commissa, iustitiæ sui Numinis acria irritamenta, & eiusmodi alia quæ omnem prærogatiuæ dignitatem procul ab ijs semouent & amouuntur. Sunt ergo vtrique eadem planè commeriti, vt dubium non sit quin omnia inter se habeant paria, præterquam quod Deus alios odio habuit, alios vero amore prosequi dignatus est. Tertium est pariter à Deo diuersum. Nemo enim iuerit inficias nullam tantam esse cuiusquam derelictionem, quin illi semper quandiu viuit, ob oculos obuersionem argumenta diuinæ bonitatis quæ eum & ad pœnitentiam inuitare, & in spem aliquam excitare possint, nisi sponte ad ea cæcutiret. Neque id ignorauit Caluinus aut celatum esse voluit quum sic in Præfatione ad sacra Biblia loquutus est. Tum (nempe post primum peccatum admissum) Deus cœpit hominem odio habere, & vt i commertus erat, abdicare vt ne pro ipsius opere censeretur, deleta enim erat in eo creatoris imago, & gratiæ quibus eum ornauerat, ex illius animo excesserant. Vt autem eum constituerat in quo se suauiter, quemadmodum pater in carissimo filio, oblectaret, sic etiam tum despexit atque abominatus est, adeò vt quicquid antea in eo placebat, displicerit, quod delectare solebat, irritauerit, quod benigno ac paterno adspectu intueri consueuerat, derideri & inuitis oculis adspicere inceperit, &c. Attamen misericordiæ Dominus, (qui non modò amat, sed est ipsissimus amor atque charitas) voluit adhuc amare id quod indignum erat quod diligeretur, neque omnino dissipauit, perdidit aut pessundedit homines, vt eorum postulabat iniquitas, sed benignitate sua atque patientia sustentauit ac

„ toleravit, spatium ultro concedens quo se se ad eum converterent, &
 „ ad obsequium ipsi se redigerent à quo defecerant initio. Et quamvis
 „ dissimularet atque taceret (haud secus ac si ipsis conspectum suum
 „ adimere voluisset) neque eos retineret quominus animi libidinem &
 „ concupiscentiæ appetitum sequerentur, absque vlla lege, absque vlla
 „ quæ verbo fieret correptione ac castigatione, satis tamen documen-
 „ torum dedit, quibus incitari debuerunt ad eum quærendum, palpan-
 „ dum ac repertiendum, ut eum cognoscerent & pro debito colerent
 „ ac venerarentur. Nam vbique rerum atque locorum imperij infi-
 „ gnia veluti sua in altum ita extulit, ita in aperto collocavit, ita om-
 „ nium denique intellectui exposuit, ut nemo ignorantiam causari qui-
 „ uerit quin talem tantumque Dominum agnosceret, qui magnificen-
 „ tiam suam tam splendide curauerat exaltandam: cum nempe in om-
 „ nibus mundi partibus in cælo & in terra, non inscripsit modò, sed
 „ propemodum insculpsit, gloriam potentia, bonitatis, sapientia, &
 „ æternitatis suæ. Verissimè igitur dixit Paulus Dominum se se nun-
 „ quam fuisse *αὐτογνωστόν*, ne quidem inter eos ad quos nullam verbi sui
 „ notitiam peruenire voluit; quandoquidem omnes creaturæ, ab ip-
 „ so firmamento vsque ad terræ centrum, testimonium de ipsius glo-
 „ ria apud omnes homines dicere potuerunt, quo ad ipsum quæren-
 „ dum adducerentur &c. Atque ad eam rem citat illustria loca ex 1.
 „ Ioan. 4. 16. Genes. 6. 3. Act. 17. 30. Act. 14. 16. Act. 17. 27. Rom. 1. 10.
 „ Act. 14. 17. Psalm. 19. 1. Multo certè breuiora sunt quæ ad Rom. 1.
 „ 21. commentatus est: at aliquanto significantiùs demonstrant quid
 „ homines ex illa quæ natura rerum facta est reuelatione haurire de-
 „ buerint. *Non ut Deum glorificauerunt.* Concipi Deus non potest si-
 „ ne sua æternitate, potentia, sapientia, bonitate, veritate, iustitia, mi-
 „ sericordia. Æternitas ex eo liquet quod auctor est omnium. Poten-
 „ tia, quod omnia tenet in sua manu, facitque ut in se consistent. Sa-
 „ pientia ex ordinatissima dispositione. Bonitas quia nihil *causæ* erat
 „ cur conderet omnia, neque alia ratione moueri potest ut conseruet
 „ quàm ob illā ipsam. Iustitia in administratione: quia fontes punit, in-
 „ nocentes vendicat. Misericordia, quod tanta patientia tolerat ho-
 „ minum perversitatem. Veritas, ex eo quod immutabilis est. Ex qui-
 „ bus nisi sponte homines cæcutissent, mentiorabilem quandam Dei no-
 „ titiam Caluino iudice, consequi potuerunt. At de eo non quæritur,
 „ & inanem laborem suscipiunt Arminiani in ea re demonstranda quam
 „ nemo negauerit. Quæritur tantum cum verbum vnicum sit, ut iam
 „ diximus, instrumentum efficax quod cecitatem depellere, & mentes

humanas ad penitentiam conuertere queat, quæ causa fuerit cur Deus illius opem Iudæis indulerit, Ethnicis verò denegauerit, quandoquidem utrique æque digni erant apud quos contentus esset eam reuelationem adhibere quæ nihil planè in salutis negotio perficit. Cum enim omnino æquales inter se & sint & statuatur, cur illis tributa fuerunt vsque adeò inæqualia, ut inter se collata alterum pœnæ veluti, alterum summi cuiusdam beneficij rationem habeat? Nam pœna quidem cererè non fuit quod Deus se reliquis nationibus tam luculenter in operibus suis cognoscendum exhibuit; at illud horrendi cuiusdam supplicij vicem obtinet, quod vbi sui numinis exhibitio in mentibus hominum, tanta fuit earum peruersitas, nihil præstare potuit, nihil præterea addidit quod peruersitatem illam efficacitate sua corrigeret & emendaret. Quod quarto loco ab ijs dictum est, non iam amplius est extra rem, sed à religione abhorret ut quod maximè. Primum enim cum Deus ipse tam exerte negauerit Iudæos à se esse electos propter ipsorum iustitiam, quænam esse possunt occulta illa merita quæ vel Deus ignorauit, vel si non ignorauit, à se tam callidè dissimulauit esse considerata, ut eorum nullam affirmauerit in eo negotio habitam esse rationem? Siccine illud mortalibus ut eorum merita remuneretur quidem, at quia occulta sunt, & illis ipsis à quibus profecta sunt penitus ignota, ea astutè obtegar, ut quæ reddit ex debito, ea ex mera misericordia dedisse beneficia putetur? Non ergo valet apud Deum quod apud probum quemque valere dicit Comœdia, *ut nemquam officina liberi esse hominis putes, Cum nihil promereat, postulare id gratia apponi sibi?* Deinde vndenam tandem ista merita profecta sunt? An ex viribus naturalibus liberi arbitrij? An verò ex gratia Spiritus Dei quæ liberum arbitrium præuenient? Nam ex naturalibus liberi arbitrij viribus ea prouenisse si dicant, quid aliud dicere potest Pelagius, si Pelagianismum suum data opera excocerit, ut eum reddat magis purum putum quàm vquam fuit? Si sunt à Spiritu Dei profecta, eodem reuoluimur, quærimus vnde factum sit ut illi consecuti sint gratiam Spiritus quam alij non acceperunt. Sunt enim natura pares. Et quando Deus Spiritum non indulget ex quo quidquam prodire queat quod sit verè bonum, nisi interuentu verbi, ut est à nobis constitutum & postmodum clarius demonstrabitur, quò pote ut Deus verbi sui peculiarem gratiam indulerit ea de causa, quia sic voluit remunerari merita quæ gratiam illam iam indultam indicant? Quod autem ultimo loco ab ijs responderetur, adèd nodum istius difficultatis non expedit, ut magis

inuoluat & adstringat, & reddat inexplicabilem, Primum enim; quæ subinde in hoc argumento recurrit interrogatio, quæremus unde factum sit ut Abrahamus ille ex quo Iudæi orti sunt, selectus fuerit à Deo è numero reliquorum hominum, ut fœdus cum eo singulariter pacisceretur. Nam si ideo electi Iudæi fuerunt quia sunt ex Abrahamo procreati, Abrahamus autem idè electus est, quia sic Deo pro liberrima misericordia libuit, ut qui natura à perditissimis & desperatissimis non differet, utique Iudæi suam electionem liberrimæ Dei misericordiæ debent, non ulli suo merito quo cæteris hominibus præstiterint. Qui autem sunt in illa electione præteriti, iuste quidem præteriti fuerunt si spectentur absolute; si comparatè cum Iudæis, nulla fuit causa cur vel ipsi Iudæis, vel eorum maiores Abrahamo postponerentur. Deinde & illud interrogabimus, cur hos potius quàm illos ex Abrahamo nasci voluerit, quos faceret sui fœderis compotes. Nam sanè facere Deus potuit ut ille Manasse vel Ephraim, quem Abrahamus per Iacobum genuit, nasceretur ex eorum aliquo quos à consortio & participatione fœderum suorum repulerat, puta ex Argo vel Abimelecho. Contra vero ut qui ex Abimelecho natus est auctorem sui generis haberet Abrahamum. Quænam igitur ratio Deum impulit ut sic hominum generationes in salutem aut exitium dispensaret? Denique cùm Abrahamus multos liberos procreauerit, vnum ex Sara, alterum ex Agare, reliquos ex Keturæ, Isaacum verò duos, Esauum atque Iacobum, benedictionem autem illam Deus vnus Iacobi familiæ addixerit, qui factum ut eam Abrahami posteritatem potius eligeret quàm ab ipso defluxit per Isaacum & Iacobum, quàm quæ per Ismaelem aut Esauum deriuata est? Aut si Isaacum & Iacobum tantopere dilexit, ut eorum liberos cæteris præferre decreuerit, quid factum ut illi potius genuerint Iudam, & Leui, & Simeonem & reliquos Patriarchas, cum ijs qui ex Patriarchis ipsis producti sunt, quàm Eliphazum aut Rehuelem, aut reliquos quos Esauus generauit? Hic illis certè aquam haurere necesse est, & agnoscere vnum aliquod decretum eatenus absolutum quatenus nullam illius decernendi rationem reddere potes præter liberrimam & incomprehensam Dei voluntatem. Esto igitur primum istud ita conclusum; Electum quidem fuisse populum Israeliticum quicum Deus fœdera sua salutifera contraheret, quia eum præ cæteris omnibus populis dilexit. Cur autem præ cæteris dilexerit, vnam extitisse causam in eius liberrima voluntate. Iam ad secundum veniamus.

Quæritur

Quæritur ergo cur Christo manifestato Iudæi ab Evangelij participatione depulsi, Gentes ad eiusdem communionem admittantur. Hic sanè Arminij discipuli ad peccata parentum confugere non possunt. Nam si peccatorum paternorum in eo negotio ratio aliqua haberetur, Iudæorum qui Christum reiecerunt, maiores plerique pij fuerunt, Gentilium omnes ad vnum vsque contaminatissimi atque sceleratissimi. Itaque siquid in eo valet auorum & proauorum consideratio, debuit natio Iudaica isto gaudere beneficio in perpetuum, Gentes verò quæ & ipsæ pessimæ & ex pessimis parentibus prognatæ sibi maioribusque suis similes liberos educabant, ex quibus qui nascebantur nepotes parentibus vt plurimum erant deteriores, Evangelio carere debuerunt in æternum. Confugiunt igitur ad illustrem locum qui habetur Act. 13. 47. *Videntes autem turbæ Iudæi repleti sunt zelo, & contradicebant his quæ à Paulo dicebantur, reclamantes ac loquentes blasphemias. Tunc sumpta fiducia Paulus ac Barnabæ dixerunt, vobis oportebat primum loqui sermonem Dei: sed quoniam repellitis illum & indignos vos iudicatis æterna vita, ecce nos ad Gentes conuertimus.* &c. Ex quibus verbis manifestum esse putant Iudæorum incredulitatem & obstinationem aduersus Evangelium in causa fuisse, cur Apostoli ab illis abisterent, quæ reiectio vique ad hunc diem iusto Dei iudicio perdurauit. At quis id negat, Iudæos si absolutè & præcisè in se considerentur, meritos esse per incredulitatem vt horrendo illo iudicio plecterentur? Hocine Calvinus, cuius sententia, hoc est, ipsissima veritas hæc defenditur, in dubium reuocauit? Verba sunt illius dignissima quæ legantur in commentarijs ad hunc locum. Ostendit Lucas adeò fractos non fuisse seruos Christi hostium contumacia, vt liberius propterea in eos inuehi rursus cœperint: Nam etsi eos iam pupugerant acri stimulo, tamen adhuc illis aliquid parcebant. Nunc verò cum obstinatè Christum reiici ab illis vident, vicissim excommunicant eos & abdicant à regno Dei. Docemur autem hoc exemplo non esse extrema seueritate vtendum, nisi aduersus deploratos. Ex quibus verbis cuius perspicuum esse potest, Iudæos non modo eâ de causa fuisse reiectos, quia Evangelium prius ipsi reiecerant, sed ne futurum quidem fuisse vt reijcerentur, nisi ipsi obstinatissimè in contumacia persistissent. Verum quando Gentes natura sua haud minus quam Iudæi corruptæ erant, atque ideo haud minus contumaciter illas Evangelio obistere necesse fuit, & quando, vt experientia id docuit, sæuius adhuc quàm Iudæi Evangelium Christi persecutæ sunt, quæ fuit causa cur Apostoli ho-

Rom.
II. 20.

rum contumacia frangerentur, illarum autem lenitiam deterri non fuerint, quominus per saxa, per ignes, ut ille loquitur, pergerent in muneris sui functionibus inter eas constanter obeundis? Neque hic mihi reponat Arminij discipulus aliquis verba Pauli: Propter incredulitatem defraði sunt, *ut 3 xia. versu.* Nam id certe non vultur in controversiam, utrum quemadmodum Deus hominum contumacia edimpellitur ut eos Evangelicæ prædicationis beneficiis priuet, sic etiam fide adducatur & obsequio ut eam gratiam eorum propriam ac perpetuam esse velit, qui se se non præbent immorigeros, quique Evangelio ad superbiam & licentiam non abutuntur. Si illos qui de ipso ne cogitabant quidem tam benignè ad se vocat, quid futurum ijs putandum est qui Christo per fidem & penitentiam constanter adhærescunt? Aut ut Apostoli verbis utamur, si oleastrifuculos succi planè sylvestris & amarulentæ plenos, oleæ à se tam diligenter exultæ misericorditer inseruit, hocine à se impetrare posset ut infitos iam & coalitos, & iam fructus ferentes defringeret & amoliretur? Hoc tantum quæritur, quoniam infitio illa facta non est nisi per vocationem efficacem, vocatio autem illa efficax in duabus rebus consistit, verbi prædicatione & virtute Spiritus intrinsecus operante, quæ re Deus impulsus fuerit ut in Gentibus vim illam Spiritus exeruerit, quæ cessavit in Iudeorum animis, quæ scilicet inductus ut verbi prædicatione Gentes dignatus sit, quum eas oportuerit, si in natura sua considerentur, Evangelium obstinatè rejicere æquè atque Iudeos, à quibus ob incredulitatem Evangelium longissimè remouit. Nam in æquali omnium naturæ sorte, cur sortiti sunt vique adè inæqualia? Quæ fuit discriminis istius dispensationis ratio quæ ex hominibus ipsis peti possit? Sanè aliquam huius rei rationem reddidit Apostolus quam suprà vidimus ex capite II. Epistolæ ad Rom. *Dem omnia conclusit sub peccatum ut omnium miseretur.* At tantum abest ut causa illa quam Apostolus assignat, Gentibus aliquod tribuat supra Iudeos, quamobrem illis sint à Deo antepositæ, ut doceat potius omnium hominum tam Gentium quam Iudeorum vnam eandemque conditionem esse peccato obnoxiam, vitijs indiuulso nexu adhærescentem, & ad incredulitatem non propendentem tantum, sed vehementissimè & pertinacissimè determinatam. De omnibus scilicet ex æquo actum esset, ni eum omnium pariter commiseret. Quod igitur inter eos discrimen est, ab vno Deo esse palam est, qui æqualibus tribuit inæqualia pro arbitrari suo. Hac depulsæ ad aliam defensionem se se conuertunt. Aliunt ergo eorum nonnulli, & qui cum

tum ijs idem sentiunt Iesuitæ, præsumptum fuisse a Deo fore ut Gentes Christum amplecterentur, quem Iudæi respuerunt; ideoque vocatas fuisse Gentes, Iudæos vero desertos. At ne hac quidem via defensio succederet. Quæro enim quæ ratione id Deus præviderit: an quia efficeret ipse voluit ut prædicatio Euangelij esset in Gentibus efficax, id autem noluerit in Iudæis præstare? An verò in Iudæis atque Gentibus vnā, eandem, & vndique æquabilem virtutem exeruerit cum in prædicatione externa, tum in interna efficientia Spiritus, discrimen verò, quod tantum inter eos intercessit, ut hæc crederent, illi Christum aspernarentur, ex ipsis hominibus si exortum? Alterutrum enim verum esse oportet, neque datur tertio locus. Si prius dicitur, eadem quæstio recurrit, cur Deus voluerit in Gentibus vim efficacem exercere, quam Iudæis non itidem concessit, quandoquidem erant conditione pares. Et erit proculdubio vel in vna Dei voluntate consistendum, quod nos volumus, id autem Arminij causam iugulat: vel res abibit in infinitum, ut interrogandi & respondendi nullus sit terminus; quam disputandi rationem nemo sanus adhibuerit. Si posterius, quod Gentes crediderunt, id habent à se: id, inquam, quod differunt à Iudæis (illud autem, Deus bone, quantum est, in Christum credidisse) ex illis ipsis exitit, non ex Dei gratia. Itaque nihil causæ est, & idcirco Deo gratias agant. Quod nescio an cuiquam os sit tam durum, tamque ferreum pectus ut exerte pronunciare audeat. Neque hic mihi quisquam dicat, quod illi nobis oggerere solent, grauem Arminij discipulis fieri iniuriam, quasi laudem fidei suæ aliò quam in Deum transcriberent, quia docent, scilicet, homines nihil quidquam sine Dei gratia præstare potuisse. Nam esto, id doceant; quamquam id si faciunt, non videntur eorum placita satis aprè inter se coherere. Etenim si absque Dei gratia nihil boni facere possunt, absque Dei gratia foret, iniecta illis esset peccandi necessitas prorsus inuitabilis. Peccandi autem necessitas inuitabilis, ex eorum hypothesi, excusat, vt id supra vidimus à disputatore nostro penè ad rationem usque fuisse ingeminatura. Quippe peccandi necessitas, si ijs credimus, tollit libertatem: peccatum autem non liberè admissum, peccatum amplius non est. Itaque vel absque Dei gratia aliquid boni facere potuimus, quod ne Pelagius quidem asseruit, vel si nullam Deus gratiam indulsisset, omnino non peccauiſſemus. Porro qui non peccat, non debet damnari. Quamobrem vel imprudenter admodum, vel vt illi intrepidè in alio argumento pronunciare solent, tyrannicè & supra modum crudeliter nobiscum egit Deus, qui

gratiam nobis obtulit. Nam si nullam obtulisset, nullam impendisset à peccato periculum, quando aut nullum futurum peccatum erat, aut futurum erat excusatione dignum. Oblata autem gratia in periculum incidimus, tam graue primum illud, vt si gratia respuatur, causam condemnandi pariat iustam ac vehementem, & quam horribile sequitur exitium: & præterea tam anceps atque lubricum, vt ne à multisima quidem hominum parte deniteretur. Quanto ergo nobis melius fuisset si de indulgenda illa perniciosa gratia nunquam cogitasset! Verum, inquam, esto; istud ex animo dicant, nihil à se præstari potuisse absque Dei gratia. Attamen gratia illa, quæcunque tandem est, nihil quidquam in ijs ex se præstiterit quod non præstiterit etiam in Iudæis incredulis & contumacibus. Nam quod commune est & æquabile, paria efficacitatis momenta habet. Quod ergo discrimen est in euentu, omnino aliunde quàm à causa illa communi esse debet. Habuerunt igitur omnes, ex eorum sententia, posse credere si vellent, ipsum velle credere, quod ijs demum credere est, in ea comparatione habebunt à semetipsis & à voluntaria arbitrij sui determinatione. Iam autem in eo quod potes credere si vis, pene nulla laus est: sed credere in laude vnum ponitur. Tum salui futuri non sumus ideo quod credere potuimus, sed ideo quod credidimus actu. Laudem ergo & fidei præstitæ, & salutis per fidem impetratæ homines sibi debent. Quod dogma si vnum esset in Arminij schola reprehendendum, vsque adeò gloriæ Dei inimicū est, vsque adeò ab ipso conscientie sensu alienum atque abhorrens, vt animus vera pietate vel mediocriter tinctus id refugere debeat & non sine aliquo horrore auersari. Hic autem non repetam quod iam alibi obseruatū est, ne concipi quidem animo posse quomodo Deus præuidere potuerit futurum fuisse vt Gentes crederent, Evangelium verò à Iudæis recusaretur, quoniam id cum natura sua, ex hypothesebus Arminianis, incertum esset atque contingens, non potuit verò cognosci nisi incertè & contingenter. Illud vnum addam quod non est leuiter prætereundum, eo tempore quo Christus in terram venit, Gentes eas quæ ad ipsius communionem vocatæ & admissæ sunt, melius non fuisse comparatas ad verbi diuini susceptionem, quàm fuerant earum maiores qui vixerant multis ante sæculis. Quid enim vnquam fuit sœdus atque corruptius eo sæculo, quid ad omne genus vitiorum magis proiectum & effrænatum? Potuit ergo Deus etiam præuidere fore vt illi verbum suum admitterent & amplexarentur, id si curaret ijs annuntiandum. Quænam ergo causa fuit quamobrem

eos sic passus per tot sæcula à scopo abeire? Et quam est illa in Deo varietas, ut voluerit Christum tam sedulo tantaque diligentia atque instantia Iudæis offerri à quibus eum certò prospiciebat iri contemptum: Gentium verò mentes tam commodè constitutas voluerit ea vocatione destitui, cui prævidere potuit eas esse haud dubiè parituras. Quasi iussisset solem suum super cæcos exoriri, eos vero qui oculis aliquantulum à natura valent, consensescere in locis abditis atque subterraneis, in quibus nulla lux alia fulget quàm quæ per rimas exiguas malignè delapsa caliginem dispellere non potest. Quod si quis eorum hic dicat, quod Arminius nonnunquam, & post eum Arnoldus facere cogitur, non omnium rerum rationem reddi posse, multa laterè in arcanis divini consilij quæ nobis evolvere & introspicere non licet; Christum ipsum testari Tyri & Sidonis incolas, quos tamen Deus aliter quàm naturæ voce non compellavit, credituros fuisse si eius miracula vidissent, quæ tamen à Capernaitis, in quorum conspectu patrata sunt, pro nihilo ducebantur, pessimè sanè isti causæ patrocinabitur. Primum enim si multa sunt in divino consilio abstrusa atque recondita, de quibus ratio neque reddi potest neque verò inquiri debet, cur Calvinum reprehendunt quia causam istius varietatis in dispensatione divina ex vna Dei voluntate petendam esse docuit? Cùm nulla causa discriminis in hominibus appareat, cùm denique Scriptura Sacra tam apertè clamet nullam esse alibi quam in liberrima Dei misericordia quærendam? At illud postea latius. Deinde qui sic loquetur Christi mentem haud intellexerit, qui noluit quidquam Tyrijs & Sidonijs in eo negotio tribuere, sed usitata & familiari hyperbole plusquam saxeam illam Iudæorum duritiem exaggerare. Sic enim loqui solemus cùm animi rigorem placibilitatis nescium alicui exprobrare volumus; Tot precibus, tot lacrymis Scytharum truculentiam & immanitatem inflexissem; tu verò haud aliter manes immotus

Quam si dura silex aut stet Marpesia cantes.

Sic discipulorum indigentiam atque tarditatem castigare solent. Non equus, non vulsus, non asinus, non stipes, non denique paries ipse est æque indocilis & ineptus ad disciplinas percipiendas. Quibus verbis si quis aut equis aut stipitibus docilitatem aliquam tribui putat, næ iple stipes est & quovis caudice hebetior. Rem illam Calvinus in disputatione de libero arbitrio, sic eleganter expressit. Valeant, inquit, ineptæ illæ cavillationes: cùm evidenter constet non aliud voluisse Christum tali loquendi genere, quàm si quis hodie sic

„ loquatur : neminem esse Turcam tam durum rebellemque Deo, aut
 „ tam à pietate aversum, qui non iam olim fractus fuisset, si ea legisset,
 „ audiuisset, vidisset, quibus tamen non potuit corrigi Pighius. Et eo-
 „ dem modo Chrysostomus. Τα Σιδονα αὐτοῦ οὐχ' ἀπὸς σπουδῆς, ἀλλ'

Chry- αὐτοῦ τῆς κατὰ φύσιν. ὅτι γὰρ μεγίστη κακία ἀπὸ δόξης, ὅτι μὴ τοῦ ὅτι ὁμῶς, ἀλλὰ ὅ
 sost. In ἡ τοῦ πᾶσι γινώσκοντες τοῦ ὅτι φανερὰ καὶ οὐκ ἔκρυπτον. Atque ad eam rem af-
 Math. fert præter alia exempla, ista verba Ezechielis, *Iustificasti sorores tuas*
 11. 24. *peccatis tuis*. Verum quid opus est tot verbis ubi litem Apostolus tam

apertè decidit? Gentium omne genus appellat oleastrum: Ecclesiam
 Iudaicam quicum Deus fœdera pepigerat, oleam. Iudæos a commu-
 nione fœderis propter incredulitatem eiectos, ramis ex olea defra-
 ctis comparat; Gentiles ad cognitionem Christi vocatos confert cum
 surculis oleastri oleæ insitis. Illorum defractionem & excisionem
 severitati Dei tribuit: horum insitionem lenitati. Illos habere con-
 tendit quod sibi imputent; nempe commeriti sunt ut excinderen-
 tur: hos unde glorientur habere negat. Potuit ergo dicere dis-
 cri- tiis reiectos quidem fuisse Iudæos iusto consilio: Gentiles tamen
 vocationis suæ nullam aliam causam agnoscere debere præter unam
 Dei benignitatem? Nam id si vel ob arcana merita vel ob fidei ob-
 sequium præiustum, vel ob istiusmodi quidquam accidit, cur non il-
 lis gloriari liceret? Et cum gloriatio illa quam Apostolus tam seve-
 rè interdicat, nihil aliud sit quam opinio alicuius excellentiæ ob quam
 Gentes Deus Iudæis antetulit, cur eos Apostolus gloriari verat, si-
 quid boni in ijs fuit præiustum, quod supra Iudæos excelleret & emi-
 neret? Nonne illis licuit & sentire & dicere quod verum erat, scili-
 cet, successisse se in excisorum locum, quia vel sic promerita erant
 occultis quibusdam rationibus, vel Deus præcognovit fore, quæ e-
 rat in illis ad fidem dispositio, ut statim truncum comprehenderent
 & succum libenter ducerent ex olea vitalem? Alterum ergo illud
 pariter concludimus, causam discriminis quod eatenus fuit inter Iu-
 dæos atque Gentiles, in una Dei voluntate liberrima ponendam esse.
 Iam tertium expendamus.

Quæritur de Gentibus, cum eas Deus ad Christi communionem
 Evangelica prædicatione vocare decreverit, certumque sit & ab ini-
 tio multas esse præteritas, & etiamnum quamplurimas de Christo
 nihil unquam fando quidquam audivisse, quæ sit huius itidem ratio
 & unde petenda discriminis? Id autem accidisse divi- no consilio pro-
 batione non eget apud Christianos. Nam si ne passerulum quidem
 in terram inconsultò decidere pauper, tantamne rem permetteret ar-
 bitrio

arbitrio fortunæ? Si, ut inquit Psaltes, *flumina vertit in desertum & Pf. 107*
venas aquarum in loca siticulosa, & terram frugiferam in sterile solum,
 &c. non peculiari quadam cura ea quæ pertinent ad Evangelij præ-
 dicationem & illuminationem populorum administrabit? Neque
 sanè quod memorat Lucas Actorum 16, Paulum & Silam peragratam
 Phrygia & Galatica regione, prohibitos fuisse à Spiritu Dei ne in A-
 sia Evangelium prædicarent, ac rursus Bithyniam cogirantes Spiri-
 tus ductu atque imperio in Mysiam primum atque Troadem, deinde
 in Macedoniam descendisse, eò tantum pertinet ut ne quid omittere-
 tur quod esset in historia memorabile. Res illa aliò respexit, & si-
 gnificavit missos quidem esse Evangelij præcones, ut quantum in ip-
 sis situm est, omnes omnino mortales inuitent ad Christi participa-
 tionem. At negotium tamen geri diuino consilio, quo omnes ter-
 rorum suorum motus & conatus Deus sapientissimè gubernat & mo-
 deratur. Neque id Arminij assecle apertè negare audent, ratiunculas
 tantum obrendunt quibus efficere nituntur id nihil pertinere ad do-
 ctinam de absoluto decreto confirmandam. Atque hinc præter illas
 quæ iam à nobis supra refutatae sunt, duæ imprimis venditantur.
 Ajunt ergo primò quod nondum omnes populi Christi vocem audi-
 uerunt, non tam esse ad absolutam Dei voluntatem referendum,
 quàm ad hominum ac præcipue ministrorum Evangelij culpam, qui
 zelo gloriæ Christi arderent prout decet, non paterentur nationes
 ab eis alienas tamdiu in tenebris ignorantiae iacere sepultas atque
 neglectas. Deinde addunt, tamen hominum Christianorum so-
 cordia multi mortales intereant, quos verbi diuini salutari præco-
 nio excitare, & ab interitu, quoad eius id ab illis fieri potuit, libera-
 re debuerunt, tantam esse Dei benignitatem ut neminem absolute de-
 serat, quin illi explicet ob oculos admirabilem mundi librum, in-
 quo si non maiusculis, saltem non ita obscuris, perplexis & fugienti-
 bus characteribus summam suam benignitatem expressit, ut non pos-
 sit ipse se se, si velit, ab ignorantia vindicare. Atque hinc usque adeò
 magnificè se se iactant, ut penè triumphare videantur. Non est ta-
 men cur ideo tantopere gloriantur tanquam de re bene gesta. Nam
 ad prius illud quod attinet, non, opinor, Paulo & Silæ vitio daturi
 sunt quod Evangelium in Asia certo quodam tempore non prædi-
 cauere. Id enim non fecerunt vlla socordia. vlloue muneris & offi-
 cij sui neglectu, sed quia sic eis à Spiritu Dei, cui obtemperare oport-
 uit fuerat interdictum. Id ergo ad Dei voluntatem referen-
 dum fuit, non ad culpam hominum. Tum, ni fallor, etsi neque ora-

culo id Spiritus interdixisset, neque Apostolos arcano quodam motu vel retinuisset vel impulsisset, sed rem omnem eorum permisisset arbitrio, duodecim homines paucis quibusdam Euāgelistis comitati, orbem terrarum tanta celeritate peragrarē non potuerunt, quin illis necesse fuerit infinita prope loca atque adeo nationes integras, & regiones latissimè patentes omittere, ad quas momento temporis peruenire non potuerunt. Cum præsertim & essent in fundandis Ecclesijs occupati, & varijs difficultatibus impediti, & subinde vinculis detenti, persecutionibus coerciti, ac discidijs quibus Ecclesia in ipsis veluti cunabulis exercita fuit, auocati atque distracti, quominus Christi nomen tam latè per orbem terrarum disseminarent. Quæ impedimenta sanè quia ipsi non quesuere, sed obiecta illis fuere per Dei prouidentiam, aut inuitis ijs ab hominibus Christi hostibus extiterunt, viris sanctissimis citra grauem iniuriam vitio verti non possunt. Huc accedit (quod mihi videtur obseruatu dignissimum) immane quanta differentia quæ inter munus Apostolicum & reliquorum Pastorum interest. Nam illi certè nulli loco adstricti fuerunt, & quæ pater vniuersus orbis, eò munus Apostolorum pertinebat. Atque ad eam tantam legationem cum fructu obeundam donis extraordinarijs instructi erant, vt est vis patrandorum miraculorum, facultas loquendi quasuis linguas expedire, & si qua sunt alia istiusmodi, quorum admirabilitate viam ad omnes nationes sibi muniebant & aperiebant. Nos & ordo Ecclesiæ, cuius ipse Christus auctor est, glebæ cuidam affixit quæ pro viribus excolamus, & donorum præ illis exiguitas agello contentos esse iussit, quia latifundijs illis nomine Christi conferendis pares esse nequimus. Id autem sanè non existimo mihi laudi futurum esse si Spartam quam nactus sum, quamque exornare pro virili debeo, omittam, vt excurram in longinquas terrarum oras, functurus pro animi libidine Apostolorum illa vaga & indefinita vocatione. Cum præsertim hic apud meos aliquam operam Ecclesiæ nauare queam fortasse non inutilem, nihil autem neque facere neque dicere possim inter Indos & Garāmantas. Denique, etsi nolumus Christianos hac in parte penitus excusare, neque negamus & eos qui sese Theologiz peculiari studio addixerunt, debuisse aliquanto maiore zelo feruere, & Principes, penes quos est rerum humanarum potestas, in culpa ideo esse aliqua quod auctoritatem suam ad eam rem non adhibuerunt, vt Theologis ad nationes barbaras aditus aliquis pateret, non diffirebuntur tamen Arminij discipuli Dei prouidentiam hic interuenisse. Vnde enim ille zeli ardor nisi à Deo? Vnde ille Principibus

cipibus animus nisi ab eius instinctu? Reuerteretur ergo semper eadem interrogatio, qui factum sit vt hæcenus istam mentem hominibus non indiderit, cur isto denique potius quam illo tempore studio propagandæ veritatis & salutis hominum procurandæ Principum & Theologorum animos sit inflammaturus. Et cum hinc Lusitani, inde Batani commercij causa longas nauigationes ad vtrosque Indos posteris hisce sæculis susceperint, illi autem vel nullum omnino religionis christianæ semen inter istos populos sparserint, vel multo eo- que pestifero lollio permistum; hi puto Christianissimo hominum animos imbuere tentauerint; quid causæ fuit cur non multo ante nouus orbis innotesceret, aut cur potius ad hanc quam ad illam oram appellerent quibus sincerum aliquod studium fuit nominis Christi in illis regionibus notificandi? Quando igitur eius rei causâ in nationibus istis ab omni vera Dei notitia & cultu humanitatis alienis reperire non est, quid restat quam vt in eo summâ Dei libertatē agnoscamus? Alterum quod ab ipsis dicitur nolumus ipsi per nos refellere, Caluini ipsum qui respondeat, vt supra fecimus, introducamus. Sic enim præter ea quæ supra vidimus, loquitur in Act. 14. 17. 18. *Non tamen sine testimonio.* Tollunt hîc Paulus & Barnabas Gentibus ignorantiz prætextum. Quantumuis enim sibi in proprijs figmentis placeant homines, tandem erroris conuicti ad hoc asylum confugiunt, nullam sibi debere culpam imputari, sed Deum potius fuisse crudelem, qui ne sibilo quidem reuocare dignatus sit quos perire cernebat. Hanc friuolam obiectionem Paulus & Barnabas anticipant, cum admonent Deum ita latuisse vt testimonium interea sibi ac suę diuinitati redderet. Videndum tamen quomodo hæc duo inter se conueniant; nam si de se testatus est Deus, non passus est quantum in se erat, mundum errare. Respondeo genus hoc testimonij, cuius sit mentio, tale fuisse quod homines excusatione privaret, non autem sufficeret in salutem. Verum enim est istud Apostoli, Fide intelligi aptata fuisse verbo Dei sæcula. Atqui fides non ex pado & cæli & terræ intuitu concipitur, sed ex verbi auditu. Vnde sequitur non posse nisi verbi Dei directione ad saluificam Dei notitiam homines adduci. Neque tamen hoc obstat quominus etiam absque verbo reddantur inexcusabiles, qui tamen si naturaliter luce priuati, propria tamen malitia cæcutiant, quemadmodum docet Paulus primo ad Rom. capite. Et in Cōment. ad cap. 17. 27. *Vt quærent Deum, si forte palpent eum & inueniant* &c. Duo sunt huius sententiæ membra: nempe quod hominis officium sit Deum quærere: deinde quod Deus

„ ipse obuiam prodeat, & se tam manifestis signis conspicuum reddat,
 „ vt nulla sit nobis ignorantie excusatio. Meminerimus ergo vira hac
 „ perperam abuti, & terræ habitatione indignos esse quicumque ad
 „ Deum quærendum studia sua non applicant; ac si singulæ brutorum
 „ animalium species ab inclinatione sibi naturaliter indita desciscerent;
 „ quod merito monstruosum duceretur. Et certè nihil absurdius est
 „ quàm vt auctorem suum ignorent qui in hunc maximè vsum intelli-
 „ gentia donati sunt. Præcipuè verò notanda est Dei bonitas, quòd
 „ tam familiariter se insinuat, vt palpari à cæcis quoque possit. Quòd
 „ magis pudenda est & minus tolerabilis hominum cæcitas, qui in tam
 „ clara & perspicua manifestatione, nullo præsentia Dei sensu tan-
 „ guntur. Quocunque vertant oculos sursum ac deorsum necesse est
 „ vñ in viuas & quidem innumerabiles diuinæ potentia, sapientia, bo-
 „ nitatis imagines incurrant. Neque enim obscurè suam gloriam a-
 „ dumbravit Deus in Mundi opificio: sed tam illustres notas vbique
 „ insculpsit, vt à cæcis quoque palando agnosci possent. Vnde colli-
 „ gimus homines non cæcos modò esse, sed stupidos, quando tam præ-
 „ claris documentis adinti nihil proficiunt. Hic tamen suboritur quæ-
 „ stio, nunquid naturaliter ad veram & liquidam Dei notitiam perue-
 „ nire queant homines. Innuat enim Paulus nonnisi per eorum igna-
 „ uiam stare, quòminus sentiant Deum præsentem: quia vt oculos
 „ claudant, ipse tamen sit quasi palpabilis. Respondeo talem eorum
 „ ignorantia ac stupori prauitatem mixtam esse, vt recti iudicii expec-
 „ tes, sine vero sensu prætereant quæcunque in cælo & terra gloriæ
 „ Dei signa palam refulgent. Immo cum vera Dei cognitio singulare
 „ sit ipsius donum, & fides qua sola ritè cognoscitur, nonnisi ex Spiritu
 „ illuminatione procedat, sequitur sola natura ducere non posse il-
 „ luc penetrare mentes nostras. Nec sane Paulus de hominum facul-
 „ tate hîc differit: sed tantùm admonet esse inexcusabiles, dum in
 „ tam clara luce cecutiunt: sicuti loquitur primo ad Romanos capite.
 „ Quamuis ergo in Deo inuestigando deficiant hominum sensus, nul-
 „ lum tamen culpæ prætextum habent, quòd cum se atrectandum præ-
 „ beat, manent tamen attoniti. Ac denique in Commentario ad I. Cor.
 „ 1. 21 *Quoniam enim in Sapientia Dei &c.* sic loquitur. Sapientiam
 „ Dei appellat totius Mundi opificium, quod illustre specimen est ac
 „ luculenta demonstratio sapientia eius. Deus ergo in creatoris præ-
 „ clarum admirabilis suæ sapientia speculum nobis profert, vt quicum-
 „ que mundum & reliqua Dei opera intuetur, necesse habeat si vel
 „ scintillam vnâ sani iudicii habet, in eius admirationem prorumpere.

re. Si ab operum Dei intuitu homines ad veram eius notitiam diri-
gerentur, sapienter Deum agnoscerent, vel naturali & proprio sa-
piendi modo; sed quia toti mundo nihil ad eruditionem profuit,
quod Deus sapientiam suam exeruerat in creaturis, alia via deinde
aggressus est ad homines docendos. Sic vitio nostro impurandum
est quod saluificam Dei notitiam non ante consequimur, quam pro-
prio sensu exinaniti. Pulcherrimus locus vnde patet quanta sit huma-
næ mentis cæcitas, quæ in media luce nihil cernit. Verum est enim
hunc mundum theatri instar esse, in quo nobis Dominus conspicuam
gloriæ suæ figuram exhibet, nos tamen quum tale spectaculum nobis
ante oculos pateat, cæcutimus: non quia obscura sit reuelatio, sed
quia nos mente alienari sumus: nec voluntas tantum, sed facultas
etiam ad eam rem deficit. Nam vtrunque Deus palam appareat, non
alio tamē quā fidei oculo ipsum possumus adspicere: nisi quod tenuē
diuinitatis gustum concipimus, qui nos reddit inexcusabiles. Omni-
bus ergo locis omnibus hominibus, ex Caluini sententia, Deus illu-
strissima suæ bonitatis documenta dedit, atque aded illius bonita-
tis, & quæ homines in peccatum lapsos debuit ad Deum reuocare,
quæque ideo misericordia appellatur, vt supra vidimus ex Præfatio-
ne ad Biblia, & Commentario ad caput primum Epistolæ ad Roma-
nos: & quæ ad legitimum Dei cultum atque reuerentiam deducere
debuit, vt ex eodem loco clarum est: & quæ in fiduciam erigit expe-
ctandæ misericordiæ, vt supra vidimus ex Commentario ad Roma-
nos, 2. 4. At illa reuelatio tamen non potest esse saluifica, nisi præ-
terea quæ per verbum fit, doctrina accesserit: vt quæ sola inuictam
eam quæ à natura nobis insidet animi malitiam & pertinaciam vi
Spiritus vincere atque perrumpere valet. Quamvis sanè Caluinus
non existimauerit homines Naturæ magisterio ad salutem deduci
non posse: si eo vterentur, vt loquitur Clarissimus Molinaus alicu-
bi, *quo usque possunt*, hoc est, quo vsque penetraret recta ratio in istis
nequitia impedimentis euoluta. Cùm enim *hæc sit vita æterna* atque
ipsissima salus, *cognoscere patrem unum Deum, & eum quem misit,*
Jesus Christum, quod notitiam istam post se necessariò trahit, du-
bium non est quin saluificum dici possit. Quamobrem si minus est
in ea reuelatione lucis quā vt si quis illa optime vteretur, eum ad salu-
tem rectā & sine circuitione perducere queat, citius, vt loquitur Cal-
uinus alicubi de Eunuchò reginæ Candaces, Angelus è cælo descen-
deret, qui eum impertiret luce copiosiore, quàm vt clementissimus &
indulgentissimus Pater eum vel in condemnatione mortis, vel etiam

Mol.
Anat.
cap. 36.
§. 2.
Ioan.
17. 3.

Com-
ment.
in Act.
8. 31.


in æternæ vitæ vestibulo hæere pateretur. Cupidum vberioris cognitionis, & ad meliora sedulo annitentem, benignè subleuaret, & quo quo modo pro ineffabili sua misericordia in certissimam veritatis & immortalitatis viam introduceret. Vt enim iam aliquoties dictum est, qui refractarius & tam patienter tolerat, & tam assidue sollicitat atque impellit, isne vel frustraret animum lucis cælestis auidum, vel ad salutem sponse sua currentem non adiuuaret & incitaret? Exiterunt ergo semper in operibus diuinis & in eâ patientia ac lenitate qua genus humanum ab initio vique adhuc pertulit, admodum illustria diuinæ bonitatis argumenta, quæ homines ad pœnitentiam prouocare, & in spem aliquam erigere debuerunt. Quibus argumentis si Gentes olim permotæ essent, atque ad eodẽ etiamnum si permouerentur, vti par est, ij quos nondũ dignatus est verbi sui praconio, vt est eius sapientia ^{in omnibus} & bonitas planè inenarrabilis, illis ita consuleret vt non haberent cur suam pietatem frustra fuisse iure merito conquererentur. At de eo inter nos & Arminij discipulos non disputatur. Istud tantum quæritur, quomodo mortalium nemo ijs vnquam rebus eo adductus sit vt verum Deum vero ac sincero cultu coleret, veræque sanctimonix ex animo daret operam, quomodo nemo vnquam aut ipsa re conuersus fuerit, aut vero, quæ est mortalium cecitas atque pertinacia, conuerti potuerit, quem Deus verbo suo, quocunque tandem illud modo factum sit, non sit alloquutus, quæ causa fuit quamobrem ex hominibus præ alijs alios in eo beneficio conferendo postputarit? Nam salus est ex fide, fides autem ex verbo Dei, quod vnum Spiritus sanctificationis virtus & efficacia comitatur. Maneat ergo tertium illud ita conclusum, huius rei rationem in hominibus inter se comparatis haudquaquam esse quærendam.

Restat quartum. Quando quidem igitur futurũ est vt Israel Euangelij prædicatione ad Christi cognitionem tandem aliquando conuertatur, res autem illa nondum contigit, postquam ab eo tempore quo Israel reiectus est, sexdecim sæcula iam effluerunt, quæ causa fuit cur eam gratiam huc vsque distulerit, ijsque reseruauerit qui illam sunt olim consecuturi? Nam si hic peccatorum parentum habeatur ratio, quotidie moles illa intolerabilis augefcit, nec vnquam Iudæi fuerunt Domino nostro Iesu quàm hoc sæculo inensiores. Si homines propter peccata propria puniri debent, nihil est prorsus quamobrem horum qui nunc viuunt, liberos, nepotes, pronepotes, quàm aliorum meliores fore speremus. Eadem est omnibus natura; idem in omnibus animi rigor, eadem in malo contumacia, quæ odio
atque

atque contemptu quo natio illa premitur per vniuersum orbem terrarum, intenditur atque exaggeratur: nullus denique eorum à gentis vniuersæ ingenio declinavit. Respondent Arminij discipuli duo. Vnum, quod mirum videri non debet si Deus Iudæorum pertinaciam ea ratione vlciscitur. Quando enim Christum non modo reijciunt, sed etiam omni genere calumniarum onerant, & quantum possunt horrendis blasphemijs insectantur, quid iustius esse potest quam vt in eos Deus Spiritum vertiginis effundat? Alterum est quod neque hæc postrema ratio, neque omnes illæ quæ supra productæ atque refutæ sunt, ab ijs afferuntur quasi ijs sese putarent vel suo vel aliorum ingenio prorsus satisfacere posse. Partiales illæ sunt, inquit, causæ duntaxat, non negamus esse posse alias reconditas in Dei consilio, quæ & nos latent & perpetuo latebunt. Hoc tantum volumus, neminem vnquam absoluto decreto ita desertum à Deo fuisse, quin ei semper ea suppedita sint ad salutis spem media, quibus si benè vsus esset, Deus illos pietatis conatus nunquam auxilio suo destituisset. Vigitur à priori illa ordiamur, semper ad eundem lapidem eorum offendit oratio. Iussit sic Iudæos puniri quis negat? At quænam est illa causa cur Iudæorum nepotes aut pronepotes pariter non puniuntur? Etenim si Deus eos naturæ cordis duritiei permittit, quis dubitare potest quin lucem Evangelicam refugiât, & pari ouo in Christum incitentur? At Deus frangeret eorum contumaciam, alioqui vaticinium Pauli vanum esset, & rebelles animos domitos atque subactos trahet in Christi obsequium: nullum erit impedimentum, nulla repugnantia, quanta quanta sit, quam benignitate sua non superet, & quam prædicationis Evangelicæ efficacitate non pertrahat. Aut igitur illi causam aliquam istius tanti discriminis plausibilem saltem atque verisimilem edant, aut præter eam quæ in liberrima Dei voluntate sita est, nullam esse fateantur. Posterius quod ab illis responderetur nequeo satis mirari. Si fatentur semper aliquid esse in eo negotio quod omnem ingenij humani comprehensionem excedit, quid se se fatigant inutiliter in conquirendis & comminiscendis illis rationculis, quæ neque eorum animis neque nostris satisfacere, neque vero cuiquam vnquam mortalium, cui pietas cordi sit, animum explere poterunt? Cur non iudicia Dei nobiscum adorare malunt, quam inuestigare ea quæ sunt imperuestigabilia, & attingere atque atrectare quæ Deus vult esse abscondita & ab hominum oculis longissimè remota? Nam si illud vnum querunt, neminem perire nisi sua culpa, omnibus obiecta fuisse ea diuinæ bonitatis argumenta

quæ eos in viam reuocare debuerunt, quæque omnem excusationis prætextum tollunt, id sanè habeant, vltro largiente Caluiuo, nobis verò lubenter consentientibus. Quod vltra petunt, nullum esse decretum absolutum, concedi certè nequit, neque vt sibi concedatur, postulare debeat. Absolutum enim nobis consilium est, quod cum nulla nitatur conditione, nulla re quæ ab hominibus aut præstari sit, aut præstari possit, sed ab vna Dei voluntate pendeat, tale est vt neque vllam eius rationem reddere queas, & planè sit fixum atque immotum, donec euentum infallibiliter consecutum sit. Tale autem illud esse consilium de quo nunc agitur, partim experientia, partim ipsius Apostoli Pauli verba disertissima docent. Experientia primum. Etenim quia Deus populum suum abdicauit, neque ad pœnitentiam reuocare decreuit, nisi postquam Gentium plenitudo erit ingressa, Iudæorum animos nulla res hætenus emollire potuit. Semper rigidi, semper præfracti, semper saxei, post tot elapsa sæcula magis ac magis in dies obdurescunt. Nec vlla gens est vsque adeò barbara atque inculta aut impietate efferata, in qua prædicatio Euangelij, si obtingat alicunde, non plus obtineat obsequij atque reuerentiæ, quàm inter homines illos, tot Dei eloquijs, tot prophetarum vaticinijs, tot incomparabilibus prærogatis olim ornatos & etiam num insolescentes. Vt nemini iam ignotum esse queat, quid sit esse à Deo derelictum & induratum. Apostoli verba etiam. Sic enim ille ad eam rem exclamat. *O profunditatem diuitiarum & sapientiæ, & cognitionis Dei! quàm inscrutabilia sunt iudicia eius, & imperuestigabiles viæ eius! quis enim cognouit mentem Domini?* Frustra, si tanta futura erat vel in Arminio vel in alio quouis homine sapientia, vt huius dispensationis rationem ex arcano eruere, & in oculis mortalium explicare valeret. Nunc ad alia se se conferat disputatio nostra.

Rom.
11. 33.



CAPVT XIII.

*Caluini doctrinam de dispensatione Spiritus, niti verbo di-
uino. Ac primum Spiritus sancti gratiam non fuisse
ijs indulgam quibus verbum reuelatum non
fuit, ideoque non esse vniuersalem.*

AD alterum iam deuenimus, quod diximus præcipuè in
quæstione versari, ætrum vim illam Spiritus quæ sola fidem
cordibus ingenerat, Deus voluerit vel omnibus aliquare-
nus indulgam vel nonnullis esse absolurè denegatam. Po-
test autem illa quæstio in duas partes iterum diuerti. Cum enim
ex populis quos Deus per vniuersum orbem terrarum disseminauit,
alios verbi sui præconio dignatus sit, alios vero, vt supra demonstra-
uimus, pro liberrimo suo beneplacito, vno Naturæ rerum magiste-
rio voluerit esse contentos, de vtriusque disceptatur inter nos & Ar-
minij discipulos, an & quatenus Gratia Spiritus sit illis vel concessa
vel denegata. Et de reliquis quidem alius erit disputandi locus:
nunc explicandum est quid sit de Ethnicis existimandum, quos Deus
verbi sui reuelatione priuauit. Nam Arminij tanè opinio, quamuis
in eo negotio sit paulo perplexior & obscurior, sic tamen solet ab e-
ius discipulis explicari. Primum aiunt etsi forte Deus Gratiam illam
Spiritus Ethnicis non indulgeat, quæ per se & immediatè ad fidem
in Christum aut deducat, aut deducere queat, non denegare tamen
aliquem gratiæ illius vel gradum vel mensuram, qua si rectè vteren-
tur, fieri non posset quin vberiore eam copiam acciperent, iuxta
illud, *Habenti dabitur*. Deinde nequis eos putet esse de alieno libe-
raliores æquo, gratiæ distributioni moderantur, nec audent affirma-
re illud, quid quid est, esse in hominum animis habituale; volunt tan-
tùm Deum Spiritus sui efficacia adesse omnibus mortalibus eo mo-
mento quo aliquid agunt, aut agendum suscipiunt, vt eorum volun-
tates liberet ab inuicta necessitate peccandi. Non quidem vt credere
possint si velint, sed saltem vt si velint possint ea gratia ita vti, vt ni-

Arnold
adu.
Molin.
cap. 32.

si ea abuterentur, prouherentur vltcrius, & copiofore gratia locupletarentur. Atque hic modestiam suam non retinent, scribunt enim Deum TENERI saltem eo pacto voluntates hominum efficere, si velit incurrere in crimen aut diræ cuiusdam immanitatis, aut saltem fucatæ & simulatæ misericordiæ. Sic volunt gratiam illam quæ non modo extrinsecus inuitat, sed etiam intrinsecus illuminat & impellit ad salutem, esse vniuersalem. Calvinus autem eiusmodi gratiam vniuersalem nullam agnoscit; Cuius sententia si vera est, quin sit aliquid Dei decretum reprobationis absolutum, ambigere nemo potest.

Antequam autem ad rei ipsius accuratiorem explicationem accedamus, si nihil aliud est cur gratiam vniuersalem internam in religionem inuehant, quam quod verentur ne vel alioqui Deus accusari possit alicuius truculentia, vel minus seria sit illa bonitatis reuelatio per quam Apostolus fieri ait vt ne Deus dici possit inter barbaras nationes ἀμαρτυρος, inutilem laborem suscipiunt, & quod illis nimis solenne est, se & alios frustra fatigant. Quid enim? Non licuit Deo non redimere genus humanum si crudelitatis crimen effugere vellet? Grandem illi dicam homines scripserunt, scilicet, & seræ cuiusdam diritatis conuicissent, ni dedisset operam vt illis liceret vel salutis esse compotes, vel in exitio suo manere pro arbitrij sui liberrate. Cur ergo Christus Patris sui in eo φιλανθρωπίας tantopere deprædicat? Cur Paulus in eo summam quandam atque incomparabilem charitatem, agnoscit? Solemusne id postulare, vt in ijs clementiæ & misericordiæ laus nobis tribuatur, quæ nequiuertunt à nobis omitti citra barbariem? Quod si Deo licuit genus humanum non redimere, potuit etiam haud dubiè, vt superius argumentati sumus, & redemptionem illam, & redemptionis manifestationem, & vim spiritus quæ redemptionem sola applicat, quibuscumque pro arbitrio denegare. Dei sinceritatem, supra ni fallor, ab illis criminationibus sufficienter absoluiimus. Quæcunque tandem illa sit inuitatio quæ in oculos hominum incurrit, æque seria esse potest atque sincera cum ea quæ ferit aures hominum in verbi prædicatione, tametsi Deus nihil quidquam præterea concedat. Eadem enim est illa mens humana quæ in verbis auribus corporeis insonantibus obiecta intelligibilia apprehendere ac diiudicare debet, & quæ potest, si eo se se conuenienter appelleret, τὰ μὲν βλέπειν in aspectabilibus contemplari, eadem est illa voluntas quam ductum intellectus sequi libenter oportet in persecutione boni, quæcunque sint obiecta in quibus repræsentatur. Quandiu

diu autem manent ex facultates in homine, quidni seriò illis Deus
 vel amplectenda proponeret, vel credenda aut facienda imperaret?
 Si truncos aut stipites alloqueretur, aut si pecudibus opus Naturæ
 ac Prouidentia: conspiciendum exhiberet, ex quo documenta hauri-
 rent ad virtutem & pietatem, rem non ageret seriò, nisi, quod Chri-
 stus olim fecit eum maledixit arbori. vellent in brutis animantibus
 creaturas ratione præditas erudire. Nam & id nonnunquam ipsi fa-
 ciunt. Veluti cum Tarquinius summa papauerum capita decutiens,
 Periander spicas eminentiores vellens, admonuit hic Thrasybulum, Arist.
 ille filium quid facto opus existimaret vt summa rerum, inter ciues
 potirentur. Nempe sic Christus discipulos edocere voluit, eos maledi-
 dictum iri qui fructus non ferrent Euangelio conuenientes. At cum
 illi quibus admirabilis mundi machina tanta sapientia, bonitate, pa-
 tientia ac benignitate gubernata contemplanda proponitur, ijs fa-
 cultatibus præditi sint à natura quibus in ea disciplina proficere & de-
 beat & reuera possint, nisi mala mens & malus animus prohiberet,
 quidni dici queant ad eius considerationem atque admirationem
 seriò inuitari? Nam certè vti lapides eò non possunt seriò inuitari,
 sic etiam inuitationibus non parentes non peccant. At homi-
 nes etsi omni virtute Spiritus Dei destituantur, Naturæ ac Pro-
 uidentia: voci non auscultantes grauissimè peccant, & iniustissimam
 maledictionem incurrunt. Quamobrem afferri nulla ratio potest,
 cur id quod illis obijcitur, quodeunque est, eis vel maxime seriò of-
 ferri non dicatur. Verum rem propius intueamur, ac videamus pri-
 mum quænam foret corruptionis humanæ vis & quàm latè pægens,
 nisi eam Dei prouidentia regeret ac moderaretur. Deinde quibus
 modis Dei prouidentia eam vel cohibeat, vel minuat, vel impedi-
 at quominus aut latius serpat, aut effrenatius efferatur. Denique vtrum
 efficacia illa prouidentia: Dei quæ citra vllam verbi reuelationem
 corruptioni hominum modum aliquem statuit, pertineat ad eam (pi-
 ritus gratiam quæ per Euangelium indulgetur, quæque vel fidem ge-
 nerat, vel aliquid quod sit eiusdem cum fide speciei, vel, vt volunt
 Arminij discipuli, vindicat ab ineuitabili peccandi necessitate.

Erat primum illud quod attinet, labem eam originalem quam
 à primo nostro parente hausimus & expressimus, in omnes omnino
 homines peruagatam esse, & supra ostendimus, & ij quibus cum no-
 biles est non audent apertè diffiteri. Quænam autem foret illius vis,
 si Deus habenas prouidentia: suæ remitteret, satis patet cum ex Scrip-
 tura sacra tum ex rei ipsius experientia. Testatur enim ipse Deus ini-

Genes. tio Geneſeos *malitiam hominum eſſe valde magnam, & omne ſigmen-*
 6. 5. & *tum cogitationis cordis humani duntaxat malum eſſe, idque ab ipſa ado-*
 8. 21. *leſcentia, atque adeò omni tempore.* In libro lobi homo deſcribitur
 Jerem. vſque adeò corruptus & contaminatus, vt ab eo nihil quidquam pro-
 17. 9. *ficilci queat quod non ſit pariter ſordidum & inquinatum.* Ieremias
 Rom. 8. cor dicit Iudæorum & quorumvis hominum *eſſe peruerſum ac fran-*
 Gal. 5. *dulentum ſupra omnia,* Paulus non modò docet *carnem ſe ſelegi Dei*
ſubmittere non poſſe, ſed etiam opera carnis eſſe manifeſta, adulterium,
ſcortationem, immunditiam, laſciniam, idololatriam, veneficia, inimi-
tias, lites, emulationes, iras, concertationes, ſeditiones, hæreſes, cades,
ebrietates, comeſſationes & ſimilia Vt nemo dubitare poſſit quin om-
 nes animi facultates infecerit. Nam idololatria atque hæreſis eſt & τὸ
 λογικὸν τῆς ψυχῆς μίαν. Inimicitie lites, cōcertationes & ſimilia, & τὸ θυμικόν
 Adulteriū, ſcortatio, heluatio, & cætera iſtiuſmodi in τῷ θυμικῷ, ad
 quæ duo affectus vniuerſi reuocantur. Detrahe ergo carni laiciuen-
 ti Prouidentie frænum, & ſtatim videbis in omnibus illis virijs inſo-
 lenter ferocientem & exultantem. Nec vlla penè res eſt quam Apo-
 ſtolas docuerit diſertiùs. Nam capite primo Epistolæ ad Romanos,
 ex eo quod Deus Gentiliū idololatria offenſus eos cupiditatibus tra-
 didit, eueniſſe affirmat vt effræni quadam atque incredibili licentia
 ruerent in omne genus ſclerum vſque adeò turpium atque horribi-
 lium, vt vix ac ne vix quidem eorum deſcriptio & enumeratio legi
 queat, quin penitus animus commoueat & cohorreſcat. Nec igno-
 tum eſt qua ratione Dauid ſcleroſos ſui temporis homines depin-
 xerit. Certe memorabilia ſunt illa loca quæ Apoſtolus collegit & in
 vnum composuit ſcribens ad Romanos capite tertio. *Non eſt iuſtus,*
ne vnus quidem: non eſt qui intelligat, non eſt qui exquirat Deum. Sepul-
crum apertum guttur eorum, linguis ſuis ad dolum uſi ſunt, & venenum
aſpidum ſub labijs eorum: Quorum os excreatione & amarulentia ple-
num eſt. Veloces pedes illorum ad effundendum ſanguinem. Contritio &
calamitas in vijs eorum, & viam pacis non cognouerunt. Non eſt timor
Dei coram oculis eorum. Quæ ſi in Pſalmis ipſis leguntur, videbuntur
 adhuc aliquanto magis atrocia. Quid autem verbis opus eſt? Hic
 præteribo barbaras illas gentes quas omnis pietatis atque humanita-
 tis neglectus ita efferauit, vt cyclopibus atque adeò feris ipſis truci-
 liores, quæ in ſyluis & cauernis horrentibus luſtra ſua conſiderunt,
 inuicem ſe ſe lanient, ora ſua humano ſanguine ſordè cruentent, &
 hominum artubus penè ſpirantibus ſaginentur. Non Scythas, non
 Maſſageras, non denique Canibalos ipſos commemorabo. In me-
 dia

dia Græcia, humanitatis domicilio, in Italia, quæ Iustitiæ sacrarium
 videri voluit, in ipsa Iudæa denique, in qua sola verus Dei cultus ve-
 raque pietas florebat, prout Dei atque hominum fidem! quæ porten-
 ta scelerum extiterunt? Ut non minus verè quàm ingeniosi ac elegan-
 ter poëta nescio quis dixerit, si quis daret intueri *Ab ista cæci penetrare*
mentis, Cernetes miris variata formis Monstra, non magno stabulare in
antro Plura quàm terris ferat in remotis Nilus & Ganges. Libyaque sa-
nis Fata portentis, latebrisque nigris Caucasus horrens. Nam iniurius
 certe fuit in sexum muliebrem Simonides, qui fœminas alias è coe-
 no, alias è vulpe, alias è cane, alias è procelloso mari fictas, formatas
 & educas cecinit. At iniuria in eo posita fuit, quod mulieribus pe-
 culiarem esse voluerit rem omnibus mortalibus communem. Ut
 nihil sit in rerum natura tam tætrum quod moribus non referant.
 Neque hic quisquam sibi blandiatur quasi monstra illa tam numero
 rara forent quam aspectu horrenda, in reliquis verò mortalibus cor-
 ruptio illa multo mitior esset, & emendatu faciliior, si quis paulo dili-
 gentius animum ad meliorem partem applicet. Nam scimus quidem
 multorum vitam etiam inter Ethnicos excusabiliorem fuisse quàm ut
 istiusmodi portentis accenseri debeant. At quod in eorum moribus
 visum est melius atque tolerabilius, id ab efficacitate aliqua Proui-
 dentiz diuinæ fuit, vitium quod à natura nobis insidet, æquabiliter
 futurum erat in omnibus malorum ferax, si Deus naturam humanam
 sibi ab omni parte permisisset. Quod etsi alibi à me euidenter de-
 monstratum est, causa est idonea cur hîc iterum confirmetur. Ac
 primum quidem pondus proculdubio magnum habet, quod nulla
 ratio reddi potest quamobrem vlla sit inter homines eâ in re ab ipsa
 natura disparitas. Nam si peccatum originale ideo in quemque in-
 suit quia primum peccatum actuale primi hominis debet omnibus
 eius posteris imputari, imputatur autem quia in eius lumbis eramus
 cum peccauit, cum omnes ex æquo in eius lumbis fuerimus, necesse
 fuit ut pariter in omnes ex æquo peccatum originale propagaretur.
 Ex æquo, inquam, non tantum quia nemo ab eo immunis est, sed
 etiam quia non est in hoc maius in illo verò minus à natura. Si au-
 tem nulla alia est propagandi peccati ratio quàm quæ supra à nobis
 ex Caluino commemorata est, nimirum quod ex radice putrida non-
 nisi putridi surculi enasci ac succrescere potuerunt, se pone Prouiden-
 tiz Dei efficacitatem. Adamus liberos gignere non potuit seipso me-
 liores, nec minus corrupti ab illis progeniti fuerint, neque ex illis
 nepotibus pronepotes incontaminatiores procreari potuerunt. Quod

Buchan
Baptist.

Simoni
des a.
pud
Stob.

si quis dicat consentaneum esse ut qui à fidelibus generati sunt, ceteris sint aliquanto puriores, ut non repetam quod supra Calvinus ex Augustino docuit aduersus Pelagium, non gigni liberos à fidelibus ab ea parte quàm fideles sunt, sed quàm ex Adami sanguine sunt creati, id erit extra rem. Disputamus enim de eo quod natura fieret, si nulla Dei actio in eo negotio interueniret. Iam autè sanctificatio fidelium opus est prouidentiae Dei eximium & singulare. At Paulum Apostolum audiamus. Ille igitur eo loco in quo Gentilium effusam atque profligatam ad omne genus horrendorum scelerum nequitiam describit, ait id ita euenisse ut ad malum effrenatissimè ruerent, quia Deus eos tradidit cupiditatibus cordis sui & in mentem reprobam dedit. Quod eorum vita antequam ita desererentur aliquanto tolerabilior fuit, efficientiae alicui prouidentiae tribuendum est, quia simul atque seremissit, haud secus ac rupto aggere aqua sese dat præcipitem in decliuiam, sic obice remoto natia malitia ad omnem nequitiam soluta est. Seiunge ergo animi cogitationem ab ea prouidentia quæ vitium illud naturale cohibet, & nullam planè videbis inter hominès hac in parte differentiam. Idem Apostolus ubi loquitur de Iudæis, postquam loca illa Davidis contexit quæ supra à me allata sunt, hæc verba pronuntiat. *Scimus autem quod quacunque lex dicit, his dicit qui in lege sunt, ut omne os obturetur.* Certè multi fuerunt pij inter Israelitas, multi item qui si verè pij non fuerunt vitam tamen agere videbantur in quam illa descriptio non vsquequaque competeat. Aut igitur Apostolus videtur esse non admodum consideratè locutus, qui tremenda ista fulmina in vniuersam nationem Iudaicam iaculatus est, aut id voluit à lectoribus intelligi, cunctos esse natura sua proclives ad omne nefas, cunctos futuros fuisse tales quales ijs locis depinguntur, nisi vis aliqua prouidentiae Dei naturæ impetum vel repressisset vel etiam sanctificasset. Et quia Paulus vniuersum genus humanum solet in duas veluti classes dispescere, Iudæos atque Gentiles, postquam vtrosque sic ornauit ex suis virtutibus, nemini dubium reliquit quin idem de omnibus hominibus earetenus existimaret. At ut ne vmbra quidem iustæ dubitationis residuā faceret, initio capitis secundi eiusdem Epistolæ ita loquutus est. *Quapropter inexcusabilis es ô homo, quisquis es qui indicas. Num hoc ipso quod indicas alterum, teipsum condemnas: eadem enim facisti qui indicas.* Quæ verba diuersè quidem accipiuntur; at quomodocunque accipiantur, ad argumentationis nostræ vim nihil interest. Nam si per illud, *πᾶς ὁ ἄνθρωπος* intelligas eos penes quos est summa rerum potestas, ut Occumenius fecit, & Chrysostomus & alij, non impera-

Rom.
3. 19.

tores tantum, qui Apostoli tempore sanè hominum fuerunt perditissimi, sed & grauissimus & amplissimus ille Senatus vrbs Romæ, & Catones atque Africani, & Metelli & Nasica, qui flos ipse virtutis atque nobilitatis putabatur, in eodem censu cum profligatissimis nebulonibus hic ponuntur ab Apostolo. Non enim hic Romam considerat solum postquam Respublica in vnus potestatem concesserat, sed etiam qualis erat cum publico consilio gerebatur. Si vero intelligas Philosophos, & viros virtutis existimatione præstantes, tam Græcos quam Romanos, quæ fuit Beza & aliorum interpretatio, neque Plato neque Cicero, neque alij qui Curios simulabant, vitare poterunt quin vixisse Bacchanalia cum cæteris ab Apostolo iudicentur. Sin potius cum Luthero, Toletio & alijs existimes in his verbis Apostolus orationem suam ab Ethnicis ad Iudæos convertere, atque ostendere quidquid sit discriminis à Deo inter eos per verbi sui reuelationem constituti, parem tamen omnium esse propensionem ad flagitia quæ ab ipso capite præcedente commemorata sunt, obtineo quod volo; Iudæorum omnium natura per se ac seorsim considerata exæquatur cum natura Gentilium, quam peccato funditus occupatam ac penitus contaminatam esse euicimus. Si denique, vt Caluini opinio fert, in vtroque genere tam Gentiliū quam Iudæorum *καὶ ἰσχυροὶ* appellantur ij qui virtutis opinione præstant, vt inter Ethnicos Philosophi & qui Philosophis dabant operam; inter Iudæos Pharisæi, & qui iustificationem ex lege per opera sectabantur, potestne Apostolus clarius dixisse nullam esse inter homines à natura differentiam, quidquid illud est quo inter se discrepant, vel esse inanem hypocrisios laruam, vel ab vna Dei seu gratia seu prouidentia promanasse? Nec sane mediocre emphasim ad eam rem habent illa verba quibus vniuersam de Iustificatione disputationem auspicatus est. *Reuelatur ira Dei à celo in omnem impietatem & iniustitiam hominum venturam in iniustitia detinentium.* Nam in eo esse hypallagen, vt *ἐν τῇ ἀδικίᾳ ἀδικῶντες*, positum sit pro *ἐν ἀδικίᾳ πάντων ἀδικῶντων*, & viridiori obseruauerunt, & res manifestò indicat. Vt erat Apostolo consilium vniuersalem hanc disputationis suæ conclusionem efficere, omnibus hominibus, nemine excepto, incumbere maledictionem ineuitabilem, nisi confugiant ad salutem quam Christus morte sua peperit, atque idcirco vnā obtinendæ iustificationis viam apertam esse in Christi fide; sic necesse habuit constituere pro disputationis fundamento, neminem esse mortalium qui maledictionem illam non sit commertus. Quando igitur cunctos esse maledictionem com-

ritos eo argumento demonstrat, quod ubi Deus naturę humanę imperum non cohibuit, effudit se ad omne genus obcenitatis, furoris, atque petulantię, nonne dicit apertę omnibus idem esse à natura vitium, eandem libidinem, audaciam, cupiditatem eque indomitam atque effrenatam? Rem paucissimis sed significantissimis verbis conclusit Ieremias, quę supra sunt à me relata. *קבץ הלב מכל ואנוש דור* *Cor fraudulentum est supra omnia, atque insanabile & distortum &c.* Vel enim Propheta de Iudeis loquitur, vel quę sit cõmunis omnium hominum natura, tradit. Posterius autem illud id ipsum quod intendo, confirmat: Et prius aliquanto luculentius. Nam si de Iudeis inter quos vnus Deus veram pietatem veramque virtutem incomparabilibus institutis sanxit, ea prophetę sententia est, quodnam eius de reliquis hominibus iudicium fuisse putandum est? His ita constitutis videndum est quibus potissimum rationibus Deus ebullientem illam & exundantem *iniquitatem* rexit atque continuerit, ne licentiùs euagaretur. Nam si providentię suę aggerem opposuisset, haud secus atque eluio aliqua orbem terrarum ita prorùs inundasset, vt ne inferorum quidem facies tærior futura fuerit atque horribilior. Illius igitur efficacia pependit ex rerum duplici genere, externarum scilicet & internarum. Et internę quidem possunt ad duo capita reuocari. Vel enim consistunt in ijs rebus quibus ipsa hominum in vtero conformatio & corporis temperatio gubernatur: vel in ijs quę geruntur in eorum animis ubi adolescunt, & vim intelligentię, quę nobis à natura insidet, explicare incipiunt. Et prius illud quidem quantum momentum habeat ad mores hominum instituendos, nemo est qui ignoret. Nam iij in quibus succus sanguineus abundat, solent ad libidinem esse procliuiores; bilis iracundos efficit, pituita lentos atque somnolentos & patientiores iniuriarum; at melancholicus humor si subito non inardescit, flammam conceptam retinet diutiùs, & ubi paulo vehementiùs efferbuit, reddit homines in inimicitijs pertinaces ac truculentos. Quę Galenus suo more fusiùs ac diligentius libro ad eam rem peculiariter destinato executus est. Duo sunt igitur in eo negotio in quibus Providentię diuinę efficacia præcipuę se se exerit. Prius est quod in humorum mixtura atque temperamento eam procurationem adhibet, vt in hoc sanguis, in isto bilis, in illo verò tertio vel phlegma vel melancholia ceteris præualeat; quo fit vt quę cum temperamento suo consentiunt libentiùs amplectatur ijsque firmitus adhærescat. Et virtutū quidem ea est natura vt sibi mutuas veluti tradant operas ad nascendum, & augescendum, &

agendum

agendum conuenienter, prout cuique suum est ingenium. At vitia contra inter se pugnant, nec se se inuicem possunt in eodem subiecto saepenumero tolerare. Vix enim est vt vnus idemque sit prodigus & parcus nimium, nec solent ingenia plus æquo austera atque tristia mollescere delicijs & corporeis voluptatibus diffluere. Quod si duo vitia haud satis inter se natura congruentia vnum enundemque hominem occupent atque in eo dominantur, quasi dæmones inter se colluderent, & cedunt & redeunt per vices, vt seruiant suis quodque temporibus imperturbata. Quod veteres obseruauerunt in Demetrio illo qui Poliorcetes nominatus est, quo in bellis gerendis nemo acrior, in rebus aduersis nemo excitatior ac vigilantior, vt eum ambitio stimulabat: qui tamen in rebus secundis luxu perditus omnes alios insolentia, petulantia, & fædis libidinibus superauit. Nec sanè vel vitæ nostræ conditio vel rerum humanarum natura patitur vt vnus idemque homo sit ad omnia vitia pariter & ex æquo deditus ac intentus. Deus igitur cui societatis humanæ conseruandæ cura est, horrendam illam malorum lernam ita moderatur, ut quisque ijs rebus se se præcipuè dedat ad quas naturæ sponte, & temperamenti quadam inclinatione vergit. Alterum illud est, quod non modò Deus, vt prudens & peritus aquilex, luis illius fontem in varios riuos pro sapientia sua diduxit, sed inditis quibusdam virtutum moralium feminibus miscuit ita atque temperauit, vt in nonnullis & repressus sit cupiditatis impetus, & animus ipse ad præclara facinora erectus atque excitatus. Inde illa *inquit* *coris tui à peritui* de qua mentio est apud Aristotelem, & quam Solon in Pisistrato egregiam agnouit, auctore Plutarcho; inde igniculi virtutum ab ipsa natura insiti, vt est apud Ciceronem: inde illa incredibilis ad grauitatem & constantiam animi propensio quam Catoni à natura tributâ esse idè Cicero dixit; inde lutum illud melius ex quo præcordia quibusdam esse à Tirane ficta poeta prædicauit; inde denique omnes illi generosi motus & ardor quidam ad pulcherrima quæque in eo genere capeffenda, qui in pluribus Ethnicis ab ipso ortu emicuit, & penè ad mirabilitatem vsque inclaruit augescendo. Et quæ fuit in hominibus sic diuersimodè formandis, eadem in ijs adolescentibus regendis, flectendis, ac moderandis Prouidentia diuinæ cura exiitit. Vis enim ea diuinæ mentis cuius arbitrio omnia subiecta sunt, se se præcipuè exeruit in mentibus humanis occultis quidem & quæ captum nostrum superant, sed certissimis rationibus afficiendis, vt non aliò se se ad mouerent quàm quo eius morione impellerentur. Tristi sunt atque trinitiales illi Ho-

meri versus,

Τὸν γὰρ νὸς οὐκ ἐκχθονίαν ἀντιφέρει

Οὐκ ἐκ θυμῶς ἀγῶνι παρρησιάζεται τὸ θυμῷ.

Nec dici quidquam commodius potuit quam quod legitur alicubi apud Plurarchum, subitas & inopinatas vel Minerarum vel aliorum Deorum apparitiones, quibus hinc Achilles illic Agamemnon ira inclatati, & scivius atque atrocius aliquid meditates, ad saniora consilia rediguntur, esse veluti Providentiæ emblemata, quæ meliores cogitationes hominum animis iniicit, quam quæ ab insito vitio suggeruntur. Ut patiat quidem nonnunquam illa mentes humanas violentis perturbationibus effrenari at retineat semper tamē imperiū quod in homines obtenet, cuius efficientia vel languentes incitat, vel mitigat arduos, vel exultantes comprimit, vel refrænare ferocientes, vel horum sponte sua propendentes aliorum inflectit, vel denique lascivientes & huc illuc temerè abreptos in gyrum rationis cogit atque compellit. Atque ad id accessit rerum externarum sapientissima dispensatio. Sic enim sumus à natura comparati, ut non bruto & insensio imperiū impellamur ad agendū, quomodo gravia, ut supra diximus, motu naturali ad centrum rapiuntur, aut veluti pecora quibus motuum & appetituum suorum nulla ratio constat. Facultas intelligendi, quo præstantissimo munere à Providentiā tributo, cæteris omnibus naturis antecellimus, & movetur ab utili, vel iucundo, vel honesto, & rebus illis commota reliquas facultates & appetitus animi proinde ciet, ut ipsa cepit agendi imperium ab obiectorum impulsione. Deus igitur, quæ est ipsius infinita potentia pariter ac sapientia, res ita semper administravit, ut in his argumenta ducta ab utili, in illis obiecta quæ incunda videbantur, in alijs denique res quæ speciem aliquam honesti præ se ferebant, & retuderint atque coercuerint peccandi libidinem, & igniculos magis ac magis exuscitarent quibus ad aliquod virtutis studium à natura incendebantur. Nam verum quidem est quod à pluribus existimatur, eorum plerosque qui inter Ethnicos virtuti operam dare videri voluerunt, reliqua sua vitia compressisse ac præfocasse, ut vni cuiquam liberius indulgerent. Nec quidquam aut fuit olim aut etiam nunc est frequentius, quam ut sub specie vel pietatis vel virtutis homines inani gloriæ inserviant, & auram popularis approbationis aucupentur. Quibus si detraheretur persona, res ipsa oculis exhiberetur, videres animi cupiditates non à virtute vel pietate domiras, sed vni cuiquam præpotenti vitio parentes tantum, donec aliqua data porta ruant, & remoto vel excusso

cusso iugo in patentem ac liberum peccandi campum effundantur. Verum est itidem quod alicubi Augustinus tradidit, Gentilium præclaras illas virtutes, quæ in scriptis veterum tam magnificè deprecantur, fuisse peccata honesti quadam externa specie veluti incrustata, quæ si paulo penitiùs excutias, vitium pro virtute facile dilucebit. Nam nulla sane vera virtus est quam vera Dei cognitio non peperit, quæque non tota tendit ad eius gloriam illustrandam: quarum rerum in vita Gentilium nulla vestigia. Vix tamè in animum induxerim omnes Ethnicos in virtutis studio nullam planè recti ac honesti rationem habuisse, sed soli gloriæ sui nominis esse velificatos. Quæcumque fuerit illa, quæ sanè longe maxima fuit, vitæ & opinionum corruptio quæ Gentes verbi Dei notitia destitutas peruagata est, manifestum est tamen lucem aliquam effulxisse in densissimis earum tenebris, in ijs rebus præsertim quæ ad morum institutionem atque informationem pertinebant. Vt si vnicum è tot illustribus veterum monumentis volumen Ethicorum Aristotelis ad Nicomachum, vni cum tribus Ciceronis de Officijs libris superesset, ambigere nemo debeat quin Deus nonnullorum Philosophorum mentes ad ipsius Naturæ fontes veluti manu duxerit, vnde haurirent egregia documenta quæ ad virtutis etiam per se spectatæ amorem incitare debuerunt. Quum igitur Numinis providentia factum sit vt hinc tale obiectum, et si multa caligine circumfusum, hominum animis extrinsecus proponeretur, inde verò animos ipsos nonnulla sui efficacia intrinsecus afficeret, quid vetat quominus existimemus virtutis ideam in eos paulo alius admissam aliquem sui sensum ingenerasse? Certè cum Plato dixit virtutis speciem esse usqueadè admirabilem vt si nuda conspiceretur, miros sui amores in hominum animis excitaret, satis apertè significauit sibi partem saltem aliquam tantæ pulchritudinis affulxisse, quam si minus pro dignitate sua deperiret, amator tamen tantum quantum eam cognosse contigerat. Nec satis verbis exprimi potest quanta sit vis virtutis vbi species eius ipsius numinis operatione signata paulo constantius adherescit. Atque ad eam rem mirum quantum conferebat diligens educatio & assuefactio à teneris, quam tanti facit Aristoteles in eo negotio vt & τὸ

ἡμεῖς δὲ ἄλλοι οὐκ ἔχομεν ὁρᾶν τὴν οὐρανὴν, ἀλλὰ πάλαι, μάλα δὲ οὐκ ἔχοντες Ethic. lib. 2. cap. 1.

constituerit. Vt nihil dicam de exemplis, de consuetudine ac familiaritate cum viris præstantibus, de laude, de præmijs, deque alijs rebus istiusmodi, quæ virtutem non infelicitat insitam ac lætius adolescentem confirmare & corroborare valuerunt. Si quando igitur,

vim accertinam ad omnia perspicacem, & in eorum ac similium viro
 quoque animi ad singularia quædam instituta destinationem inui-
 etam & prorsus irreuocabilem, quin statim confiteatur nihil istorum
 esse factum nisi Deo rebus magnis atque inusitatis molienti magna
 & inusitata instrumenta apud ac congruenter accommodante. Vt
 mihi verissime dictum esse videatur ab auctore Dialogi *de i* *ἀρετή*, qui
 sub nomine Platonis circumfertur. *Ὅτι, inquit, ἔλαττο γὰρ εἰς αὐτὴν πύ-
 λην, ἔδωκεν ἀγαθὸς ἐπιμιθεύς. Ὅτι δὲ μάλιστα ἐπὶ αὐτῇ πύλιν, ἐξ ἧστος τὸν ἀνδρα
 τὸν ἀγαθὸν ἐκ πύλων τῆς πόλεως εἰσέρει.* Nec in Socrate *ἀνδρὸς* fuit, à qua
 describitur admodum alienus, sed vel admirabilis *μεγαλοφροσύνη*, vel in-
 distinctus quidam diuinæ mentis & heroici motus conscientia, quod
 se apud Platonem in Apologia à Deo Athenis suscitatum esse prædi-
 cat, qui singulos exsuscitaret, & moneret, & obiurgaret, ac veluti sub-
 ditis, aculeis dormitantes expergefaceret ad philosophandum, haud
 secus atque scissor aliquis adhibetur equo magno ac generoso, sed
 quæ corporis moles ac orium pigriorem reddidit & calcarium stimu-
 li indigentem. Certe ista verba mihi semper mira visa sunt. Facile
 animaduertere potestis metalem esse, nempe ciuitati vestræ veluti
 diuino munere tributum. Nam humanum certè non esse videtur
 quod ego meis omnibus neglectis, ac re familiari tam perseueranter
 per tot annos contempta, vestro bono sum perpetuo intentus, nec
 desisto, tanquam pater aut frater natu maior, singulos hortari, sua-
 dens ut virtutis curam suscipere velint. At ista multo mirabiliora cer-
 tè. Si mihi dicatis, Anyto non credimus, teque sententijs nostris ab-
 soluimus, ea lege tamen atque conditione vt in posterum tempus ni-
 hil istiusmodi philosopheris; quod si facias, mors tibi erit obeunda;
 utique respondebo vobis, Athenienses. *Ὅτι ἡγοῦμαι ἀσπάζεσθαι μὲν ἔφικα,
 ἀντιμὲν δὲ τοῦ μὲλλοντος ἔμειν.* Quæ qui ficta omnia & ab inani gloriolæ de-
 siderio profecta esse autumant, næ haud satis concipiunt quanta sit vis
 honesti in pectore generoso, vt ne Platonem quidem ista recitare
 potuisse existimem, quin flammis qualiscunque illius virtutis quæ in
 Socrate ardebat, ipse reminiscendo corriperetur. Quod si reputa-
 mus animo quanta sit ea lues peccati quam à primo nostro parente
 duximus, & quàm effrænis atque proiecta in multo maxima homi-
 num parte peccandi licentia, facile comprehendemus quanta futura
 fuerit rerum omnium inter Gentiles conturbatio, nisi ruentes atque-
 effusos in vitium animos obiectis talibus exemplis Deus ipse suffla-
 uisset. Verum illud quidquid est, hætenus nihil ad pietatem. Itaque
 de Religione Gentilium nobis est aliquid dicendum. Non fuit

Inft.
lib. de
cap. 3.
§. 2.

se inter eos extinctum omne studium religionis ex eorum templis, delubris, auspicijs, sacrificijs, supplicationibus, mysterijs & omnis generis sacris, ac cæremonijs clarum est. At quibus animi motibus impulsæ fuerint, ut religionem colerent, non est usqueadè clarum. Partarunt nonnulli quorundam vetricie religionem inter Ethnicos esse repertam, ut iniecta numinis reuerentia, plebe alioqui feroce & indomita obsequentiore vterentur. Quod commentum Calvinus hoc argumento egregie refutauit, quod id *nusquam obtinisset nisi iam prius imbuta fuissent hominum mentes ista persuasionem, Deum esse, ex quo velut semine emergit ad religionem propensio*. Enimvero quando mentes humane peccati sibi conscia & Dei cogitatione quantum possunt abhorrent, nec quidquam facerent lubentius quam si valerent omnem numinis reuerentiam ac timorem excutere, magnam quandam esse vim necesse est quæ inuitas ac renitentes adigit ad religionem. Statur propius ad verum accessit quum dixit *timorem in orbe primùm Deos* effecisse. Nam Deus ingentem quidem bonitatem erga genus humanum omni tempore exhibuit, quæ & ad pœnitentiam inuitare, & in spem aliquam erigere debuit. At duo sunt tamen quæ sensum illius bonitatis in omnibus obliterarant. Vnum est quod homo est natura ingratus, qui ne mullesimam quidem partem agnouit diuinæ beneficentiæ, & quod agnoscere coactus est, scædis opinionibus corripit, ut memorauit Apostolus cap. i. Epistolæ ad Romanos. Alterum est quod Deus bonitatis suæ dispensationem varijs iustitiæ suæ declarationibus ita temperauit, ut planè diuinitus ab eodem Apostolo dictum sit, iram Dei cælo in impietatem & iniustitiam hominum reuelari. Vnde illa profano sanè animo prolata, sed ex communi hominum sensu deprompta Lucretij verba.

Humana ante oculos scæd. cum vita iaceret;

In terris oppressa graui sub religione :

Quæ caput à cæli regionibus ostendebat,

Horribili super aspectu mortalibus instans.

Nam quoquò homines oculos conuerterent, apparebant argumenta quedam iræ Numinis, quod cum in cælo habitare putaretur, haud aliter perterrebat animos quam si diducto cælo truces oculos & vira flammæ spirantia retexisset. Accessit autem ad eam rem peccati conscientia, quæ solet omnia in deteriorem partem accipere, atque interpretari. Animus enim sibi malè conscius indices & carnifices perpetuo cogitat, & ad leuissimum quemque strepitum terretur ac trepidat, & vacuum sibi impingi arbitratur. Itaque mirum esset si horribiles

biles formidines, si quando paulo clariùs atque terribiliùs ira Dei se se reuelauerat, hominum animos excruciascent. Atque id Apostolus aliquatenus significasse videtur, quum dixit Gentes ostendisse τὸ ἔργον τῆς ἡμῶν γενεᾶς, ὅτι τὰς ἐντολὰς τοῦ θεοῦ. *Quum enim lex duo præcipue præster, vnũ vt officij notitiã ex hominũ animis propemodum deletam, singulari quadam ratione renouet; alterum, vt mentes hominum officij neglecti sibi conscias vindictæ denuntiatione perterreat, non potuerunt Gentes opus legis scriptum in cordibus suis ostendere, quin vtriusque illius rei altè impressa animis vestigia haberent. Vpde illa quæ sequuntur, ἀποκαταστήσει αὐτοὺς τὰς ἐντολὰς αὐτοῦ, ἡ μεταξὺ ἀλλήλων αὐτῶν ἀποκαταστήσει, ἡ καὶ ἀπ' αὐτῶν αὐτοῖς.* Nam accusatio illa conscientie non potuit esse sine metu aliquo iudicii, quandocunque & quomocunque excerci debet. Et sane non in alia re magis laborauit Epicurus, quam vt hanc curam hominibus vel minueret vel penitus adimeret.

Lucret
lib. 3.

*Cerberus & Furie iam verò, & lucis egenus
Tartarus horriferos eructans faucibus æstus,
Hæc neque sunt usquam, neque possunt esse profecto.
Sed metus ita poenarum pro malefactis
Est insignibus insignis, scelerisque luela,
Carcer & horribilis de saxo iactum, deorsum,
Verbera, carnifices, robur, pax, lamina tædæ:
Quæ tamen etsi absunt; at mens sibi conscia facti
Prametuens, adhibet stimulos, torretque flagellis.*

Inquit Lucretius. Verum id frustra ab eo tentatum est. Altiùs enim animis inlederat, & acriùs sub pectore versabat aculeos Iustitiæ diuinæ sensus, quàm vt insanientis illius sapientia οὐκ ἐφ' ἑαυταὶ cum vel penitus expellere, vel memorabilè in modũ sedare aut mitigare posset. Potuit fortasse ad breuẽ tempus stuporem aliquem in conscientiam inducere, qui morsus vermis illius hebetaret. At non potuit stupor esse diuturnus, neque prohibere quominus Dei prouidentia excitatus vermis subinde recurreret, & nouis modis animum foderet ac cruentaret. Hinc ille Caligulæ pauor vbi intonuerat, & alia eiusmodi exempla quorum pleni sunt veterum commentarij. Metus ergo homines, ad aliquam religionem vel retinendam vel constituendam propemodum inuitos pertraxisse videtur. At verat tamen aliquid quominus vnum metum rem tantam præstitisse putemus. Ea est enim malarum mentium indoles, vt à quo sibi vehementer metuunt, cum acerrimo odio prosequantur. *Quem metuit, perisse cupit,* inquit

ille. Itaque si nihil aliud Gentilium animos occupasset præter unum timorem, omnem de colendo numine cogitationem abiiecissent. Offendit te aliquis malo animo? Tolle ei omnem veniæ spem, & eadem opera omnem amorem aduersus te sustuleris. Colit te aliquis sui gratia? Præcide illi occasionem omnem sperandi remunerati-
nem, & statim eum tui colendi impetum & ardorem represseris om-
nino ac restinxis. Usque adeo vt Apostolus in vera religione, qua
in obiecto suo præstantius aliquid quam remunerandi propositum
intueri videtur, id tamen ad fidem ingenerandam tam necessarium
existimauerit, vt nullam sine spe præmij religionem existere posse pu-
tarit. Oportet, inquit, *eum qui ad Deum accedit*, (accessus autem ad

Heb.
11. 6.

Deum ex Hebræorum loquendi consuetudine, vt rectè obseruauit
doctissimus Grotius, religio est) *credere Deum esse, atque adeo is qui
ipsum querunt esse remuneratori*. Fuit igitur proculdubio aliquid quod
primum timorem illum imminuit, ne homines impelleret in despera-
tionem, quo nihil à religione magis absterret, deinde in spem aliquā
erigeret ferendi præmium ob pietatem. Et de metu quidem scio hoc
dici posse, innatam esse omnibus hominibus propensionē ad nomi-
nis contemptum, cui si quando prouidentia permittit ab hominibus
liberius indultum est, mirum quousque proruperit audacia. Neque
negauerim sapientissimæ Dei gubernationi tribuendum esse, quod
quemadmodum & e cœlo iram suam manifestauit, & intus terrorem
mentibus hominum incussit, ne religionis contemptus ad extremum
inualesceret, sic isti terrori moderatus est, ne dira conscientia for-
midines ac veluti Furia, ad motus carnificibus illis ignibus atque fla-
gellis quibus malefactorum conscientia torret, mundus vniuersus
horrendis desperationis voraginibus sommergeretur. At Caluinus
in eo existimauit esse aliquid amplius. Sic enim loquitur loco à me

„supra citato ex Comment. ad Ezech. 18. 23. Confirmat Propheta
„Deum nihil magis cupere quàm vt quicūque peribant & ruebant in
„mortem, redeant in viam salutis. Et hæc etiam de causa non modo
„hodie Euangelium promulgatur in mundo, sed omnibus sæculis vo-
„luit Deus testatum esse quàm propensus sit ad misericordiam. Nam
„prophani quamuis lege & Prophetis carerent, tamen semper gustu
„aliquo huius doctrinæ fuerunt præditi. Verum quidem est suffoca-
„tam esse multis erroribus, sed reperiemus semper arcano impulsa
„fuisse adductos ad perendam veniam, hic sensus quodammodo inge-
„nitus illis erat, Deum esse omnibus qui ipsam querunt, placibilem.
Egregia sanè mihi videntur illa vel eximij Iuuenis Nicolai Vignerij,
vel

vel Clarissimi viri Andreae Riuerti qui ea excudenda curauit, verba.
 Disputat. de satisfactione Christi Thesi IX. Hoc ipsum (nempe
 Deum esse natura sua iustum peccati vindicem) euincit manifestissi-
 me illa ~~conclusio~~, quam immutabilem hominum mentibus natura in-
 didit, iustum esse Deum, & pacem illius satisfactione exposcendam.
 Hinc tot Gentium sacrificia ~~innoxia & impia~~, tot horrendæ hominum
 & populorum februationes, tot ludicræ peccatorum expiationes.
 Videbant enim peccatis offendi numen, itaque quoquomodo con-
 ciliandum & offensas satisfactione redimendas. Vt satisfaciendi
 quidem affectus qui inter notiones illas accensendus est, quas mentiri
 nescius hominum animis impressit Deus, indicium sit agnitæ per ip-
 sos veritatis, admixta autem impietas, illius per iniustitiam detentæ
 aduersus eos præbeat testimonium. Certè non potuit illa ~~conclusio~~, Dei
 pacem satisfactione esse exposcendam, ed inducere homines vt sic
 Dei pacem exposcere instituerent, quin pariter hanc persuasione
 indiderit non frustra exposci si quis adeam rem afferat & animum
 satisfaciendi cupidum, & idoneam satisfactionem. Et si, vt loquitur
 Cæsar, ea fuit Druidum opinio, *pro vita hominis nisi vita hominis red-*
datur, non posse Deorum immortalium numen placari, quandoquidem
 pro victimis homines immolarunt, ea ratione numen Deorum placari
 posse credidisse necesse est. At in re clara & quæ tot sæculorum,
 tot nationum testimonio comprobata est, pluribus sanè non est opus
 argumentis. Quænam enim fuit vnquam inter gentes vel maximè
 barbaras constituta religio, quæ hoc veluti fundamento non nitere-
 retur, Deum quidem iratum esse hominum malefactis, iram tamen
 illam non esse implacabilem, sed pœnitentia & expiatione aliqua re-
 duci posse ad misericordiam? Porro communes illæ & naturales no-
 tiones quomodo mentibus hominum à natura inditæ sūt, disquiri
 potest. Vel enim nulla extrinsecus obiecta re ex quâ homines colli-
 gere potuerint apud Deum esse peccato veniam, vis quædam interna
 Prouidentia id hominum animis ab ipso vtero insculpsit. Vel ni-
 hil quidem intus egit numinis Prouidentia, at extrinsecus ea obtulit
 ex quibus mens humana per se notitiam illam hausit atque expressit.
 Vel denique & aliqua clementia ac placabilitatis suæ argumenta ex-
 trinsecus proposuit, & pariter aliquid operata est intrinsecus quo ar-
 gumenta illa ex obiectis incurrentia in facultatem admitterentur.
 Primum illud nescio an aliqui dixerint: ego quidem certè non dico.
 Aristoteli facile assentior qui arbitratus est asserri ab vtero animum
 similem puræ atque rasæ tabulæ, in qua nihil dum descriptum est; at

Com.
de Bel.
gal. lib.
6.

postquam infantia vinculis se se expediuit, & in rerum contemplatione versari cœpit, ex obiectis per se claris atque eidentibus eas propositiones colligere, quæ quia sunt apud omnes homines eadem, cômunes, & quia aliter concipi non potuerunt, naturales atque immutabiles sunt appellata. Vt ne quidem homines aliter à Natura didicisse putem, duo & duo facere quatuor, quam quod inito sæpe plurium singularum rerum numero, mens perpetuo animaduertit vnum & vnum efficere binarium, binarium autem repetitum ad quatuor euadere. Quam rem postquam attentius considerauit, non modo ita se habere vidit, sed etiam aliter se habere non posse certissimè perspexit. Secundum haud affirmauerim libentius. Nam in ijs rebus quæ neque ad virtutem moralem assequendam, neque ad numinis religionem admittendam pertinent, mens humana per se quidem valere & aliquid præstare potest, citra vllam diuinæ providentiæ vim præteream quæ ad rerum omnium conseruationem atque sustentationem communiter subministratur. In alijs quæ boni rationem habent, nihil planè posse verius esse ducio, nisi Deo efficacitatem aliquam ad eam rem adhibente. Cuius rei ratio est in promptu. Vbi versamur circa obiecta merè physica, quia operatio intellectus tum merè physica est, & consistit tantum in apprehensione atque dijudicatione rei, si sit etiam physicè rectè constitutus, & nullum est physicum vitium in organi temperamento, nihil prohibet quominus vim suam exerat naturæ congruenter. At cùm accedimus ad ea obiecta quæ rationem boni morales habent, impedimenta moralia, hoc est in impietate atque nequitia posita, quib⁹ sumus à natura deuincti, vsque adeò lasciuunt, & turbant, & tumultuantur, vt nisi vel purgentur, vel cohibeantur saltè & reprimantur aliquatenus, nihil planè mentem in eo præstare sinant. Nam quod Apostolus ait gentes *ὅτι τὰ τῷ νόμῳ μισῶν*, facile est. *Quis enim eo loco dispensationem vniuersalem denorat reuelatione verbi carentem, oppositam dispensationi qua Deus vsus erat inter Iudæos, quibus statuta sua reuelauerat, non verò naturam ipsam hominum, omni efficacitate Providentiæ diuinæ seclusa. Quod ex inspectione loci cuius manifestum esse potest. Itaque in tertio consistendum est. Vt in ijs rebus quæ hominum omnium oculis obuersantur, argumenta quædam sint diuinæ clementiæ, quæ prohibere debent quominus de venia malefactorum impetranda desperent: in ijs autem à quibus argumenta illa animaduertuntur, prouidentiam intrinsecus aliquid operari, absque quo foret, vt vel ea prorsus incognita prætermitterent,*

Rom.
2. 4.

vel

vel leuiter animaduersa aut vindictæ metu obrui, aut innata impietate omnino præfocari paterentur. De spe remunerationis vix quidquam dicendum habeo præterquam id quod omnibus ex ipsa experientia compertum est. Notum est quid de campis Elysijs Poëtæ fabulati sint, à quo placita philosophorum non videntur admodum abhorre. Socrates qui *ἡλλάων ἀνδρῶν δυνάστης* in eo genere sæper existimatus est, sic morti proximus loquitur apud Platonem, interprete Cicero-
ne. Magna me spes tenet, iudices, bene mihi euenire quod mittar ad mortem. Necesse est enim vt sit alterum de duobus, vt aut sensus omnino mors omnes auferat, aut in alium quemdam locum ex his locis morte migretur. Quamobrem siue sensus extinguitur, morsque ei somno similis est, qui nonnunquam etiam sine visis somniorum, placatissimam quietem affert, dii boni, quid lucris est emori? aut quàm multi dies reperiri possunt, qui tali nocti anteponantur, cui similis futura est perpetuitas omnis consequentis temporis? quis me beatior? Sin vera sunt quæ dicuntur, migrationem esse mortem, in eas oras quas qui è vita excefferunt, incolunt: id multo iam beatius est, te, cum ab ijs qui se iudicum numero haberi volunt, euaseris, ad eos venire, qui verè iudices appellentur, Minoem, Rhadamantum, Aëacum, Triptoleum; conuenireque eos qui iustè & cum fide vixerint. Hæc peregrinatio mediocri vobis videri potest? Vt vero colloqui cum Orpheo, Musæo, Homero, Hesiodo liceat, quanti tandem æstimatis? Equidem sæpe mori fieri posset, vellem, vt ea quæ dico mihi liceret inuenire. Quanta delectatione autem afficerer, cum Palamedem; cum Atacem, cum alios iudicio iniquorum circumuentos conuenirem! Tentarem etiam summi regis, qui maximas copias duxit ad Troiam, & Vlyssis Sisyphique prudentiam: nec ob eam rem, cum hæc exquirerem, sicut hic faciebam, capite damnarer. Ne vos quidem, iudices, ij qui me absoluiistis, mortem timueritis, nec enim cuiquam bono mali quidquam euenire potest, nec viuo, nec mortuo: nec vnquam eius res à dijs immortalibus negligentur. Nec mihi ipsi hoc accidit fortuito; nec vero ijs à quibus accusatus sum, aut à quibus condemnatus, habeo quod succenseam, nisi quod mihi nocere se crediderunt. Quod si quis dicat Socratem loqui dubitanter, neque de animæ suæ immortalitate quidquam certum & exploratum habere, respondebit ipse Cicero, retineri ab eo suum disputandi morem qui nihil firmiter asseuerare solebat. Cæterum dubium non esse quin vir ille quauis laude dignus in eam partem propenderet, quæ hominum animos cum corporibus extingui posse negat. Certè quæque

fuerit Socratis ea de re sententia, inter omnes populos omni tempore semper inualuit, vt anima humana immortalis ac sempiterna putaretur. Quæ ~~sententia~~ vna cum aliquo religionis sensu coniuncta, spem aliquam necessario conceptam habet fore vt in ijs locis in quæ morte migrandum est, melioribus ac sanctioribus animis remuneratio aliqua reposita sit. Id autem vnde illi hauserint, non est explicatu difficile, nec id quisquam Caluino melius facere posset. Ille enim Institutionis libro I. cap. V. vbi docet, *Dei notitiam in Mundi fabrica & continua eius gubernatione lucere*, hoc primum iacit pro fundamento, Apostolum rem paucis verbis luculenter enarrauissè, cum dixit, patefactum esse hominibus quod de Deo cognosci operæ præ-
 „ diuinitatem à creatione mundi intellecta, omnes ad vnum conspi-
 „ ciunt. Deinde vbi ad considerationem Prouidentię Dei propius ac-
 „ cessit hæc habet. In administranda hominum societate ita prouiden-
 „ tiam temperat, vt cum sit erga omnes inumeris modis benignus ac
 „ beneficus, apertis tamen ac quotidianis indicijs suam pijs clemen-
 „ tiam, improbis ac sceleratis seueritatem declaret. Non enim dubie
 „ sunt quas de flagitijs sumit ultiones: quemadmodum non obscurè tu-
 „ torem ac etiam vindicem se innocentię esse demonstrat, dum bono-
 „ rum vitam sua benedictione prosperat, necessitati opitulatur, dolo-
 „ res lenit ac solatur, calamitates subleuat, saluti per omnia consulit.
 „ Neque verò perpetuam iustitię eius regulam obscurare debet, quod
 „ improbos & fontes ad tempus impunitos sæpiusculè exultare sinit:
 „ probos autem & immerentes multis rebus aduersis iactari, impiorum
 „ etiam malitia & iniquitate premi sustinet. Quin potius longè diuer-
 „ sa cogitatio subire mentem debet: quando in flagitium vnum mani-
 „ festo irę indicio animaduertit, omnia ipsum odisse: quando multa
 „ inulta prætermittit, aliud fore iudicium quo punienda differuntur.
 „ Similiter misericordię suę considerandę quantam materiam nobis
 „ suppeditat, & dum sæpius miseros peccatores indefessa tamen beni-
 „ gnitate prosequitur, donec eorum prauitatem benefaciendo frigerit,
 „ plusquàm paterna indulgentia ad se reuocando? Ac demum eo vs-
 „ què prouehitur. Eiusmodi notitia, inquit, non modo ad Dei cultum
 „ excitare nos debet: sed ad spem quoque futurę vitę nos expergefacerè
 „ & erigere. Quum enim animaduertamus quæ Dominus tum ele-
 „ mentię, tum seueritatis suę specimina edit, inchoata dumtaxat & se-
 „ miplena esse; haud dubiè ad maiora sic ipsum præludere reputa-
 „ mus oportet, quorum manifestatio plenaque exhibitio in aliam vi-

vitam differetur. E conuerso, pios ab impijs quum videamus afflictio-
nibus grauari, iniurijs concuti, contumelijs probribusque lacerari, scele-
stos contra florere, prosperari, quietem cum dignitate obtinere, id-
que impune, protinus colligendum est alteram fore vitam, in qua &
sua iniquitati vindicta, & merces iustitiæ reposita sit. Fatendum est
igitur in singulis Dei operibus, præsertim autem in ipsorum vniuer-
sitate, non secus atque in tabulis, depictas esse Dei virtutes, quibus in
eius agnitionem, & ab ipsa in veram plenamque felicitatem inuitatur
atque illicitur vniuersum hominum genus. Ergo, Calvino iudice,
Deus omnibus hominibus ea posuit ante oculos ex quibus recta ratio
ac mens benè constituta certo colligere potuit, spem aliquam esse pe-
nes eum reconditam, qua remuneraturus est eos quibus veræ pietatis
veræque virtutis ardens aliquod atque sincerum studium est. Quum
igitur ita sit cordis hominum cæcitas atque peruersitas vt per se spei
indicia vel obseruare nequeant, vel obseruata non apprehendant,
vel leniter appensa & animo concepta non retineant, sed protinus
euelli sibi ex intellectu pariantur, experientia autem tot sæculorum
compertum sit non potuisse illa ita radicitus euelli quin semper mor-
tales ad aliquè numinis cultum impulerint, omnino necesse est vt vis
aliqua diuinæ providentiæ se se in eo exeruerit, cuius opera factum
est vt mens penè omnium hominum argumenta benè sperandi, quan-
tumuis imperfectè ac perturbatè, tenaciter tamen complecteretur.
In his rebus, tanquam in suis fundamentis collocata fuit vniuer-
sa Gentiliū pietas, si pietas appellari debet sensus religionis quo ple-
rique omnes semper imbuti fuerunt. Nunc, vt initio proposuimus,
videndum est an vis illa providentiæ Dei quæ hominum animos ea-
tenus affectit, vniuersalis Gratia, ut Arminius voluit, haberi & appel-
lari possit.

Ac primum quidem isti dispensationi quodcunque nomen indi-
deris, seu Gratiæ seu quoduis aliud (illud enim nondum agimus)
certè vniuersalis non est. Etenim etsi Providentia Dei omnium ho-
minum corruptioni gubernandæ vniuersè præsidet, pauci tamen sunt
in quibus eam efficacitatem exerat quæ studium virtutis aliquod ar-
dens in animis accendit, & vix totidem quot, inquit ille, *Thebarum
porci, aut diuini ostia Nili*. Multo plures sunt in quibus vel pænæ me-
tus peccandi licentiam coërcet, vel præpotens aliqua perturbatio re-
liquis dominatur. Ac denique magnus est eorum numerus quorum
vita indubitato argumento esse potest, nihil quidquam in eorum a-
nimis operatam esse Dei providentiam, quo fierent minus mali quam

naturę fert impetus, vsque adeo virijs scatet & flagitijs horrendis contaminata est. Itaque gratia illa ad paucos pertineret. At ne gratia quidem nominari debet. Quamvis enim id omne quod habet aliquam rationem boni, à Deo hominibus gratis indultum, gratia forsitan eatenus aliquo pacto dici possit, vis autem illa Providentię quę virtutis amorem paucorum animis indidit, si cum reliquorum vita sceddē, turpiter, ac flagitiosē acta comparetur, debeat inter bona censerī, ex usu tamen Scripturę Sacrę Gratię vocabulum rem significat maximē diuersam. Quod vt euadat manifestius, age, *crispus* illam Providentię cum Gratia Spiritus quę prædicationem Euangelij comitatur, paulo diligentius conferamus.

Comparatio autem illa præcipuē in quatuor institui debet. Videndum est enim I. qui sit Dei animus in vtraque subministranda. II. Quę natura rei ipsius subministrat. III. Quę ratio operandi.

IV. Quis effectus ex vtriusque operatione procedat. Et prius illud quidem per se manifestum est. Nam in ea gratia Spiritus indulgentia quę per Verbum suppeditatur, Dei finis est salus eorum qui illam accipiunt: causa vero impulsiva, est incomprehensa quædam atque inenarrabilis misericordia, quę intra eos fines non consistit vt velit homines saluos esse, modò salutem oblatam non aspernentur, sed vsque eò procedit vt nolit omnino quidquam in electis superesse, quo fiat vt salutem extrinsecus propositam spernant. Ideoque id appellatur gręcè *ελεος* & *δυσπικρία*, hebraicè *חַסֵּד* & *רַחֲמִים*. Quę verba non significant leuem aliquem affectū ex quo manet iridē munus aliquod leuidente, sed quidquid est in affectibus, tenerrimum simul atque vehementissimum, & cnius vehementia viscera ipsa incalescunt & commouentur. Eum autem in finem gratiam istam indulgeri vt ne inuirationes ad salutem quę extrinsecus adhibentur, irritę fiant, satis docet Apostolus in illis verbis, *Dei vobis Deus oculos mentis vestre illuminatos, vt possitis perspicere atque agnoscere quam sit spes illa vocationis eius, & qua diuitia gloria hereditatis ipsius in sanctis*. Nempe quamlibet ea spes quę in Euangelio proponitur, magnifica sit atque gloriosa, ignoratur tamen ab ijs quibus gratia oculos non aperuit. Aperiuntur ergo vi Spiritus vt agnoscatur: agnita autem sui admirationem & incredibile desiderium excitat. Iam verò quod Ethnicis verbi prædicatione destitutis concessum est, neque fluxit ab eodē principio, nec est in eundem finem à Providentiā tributum. Nam sanē si tantus esset in Deo ardor salutis Ethnicorum procurandę, vt illis ad eam rem vim Spiritus illuminantis & sanctificantis aliquam tribueret,

Exod.
31. 19.
Rom.
9. 15.

Ephes.
2. 18.

bueret, verbi prædicationem concederet itidem, cuius donum, si per se spectetur, non est cum altero isto dignitate & utilitate comparandum. Quod si in eum finem tributum esset, aliquid in negotio salutis inter Ethnicos memorabile præstiuisset. Nunc autem contra est, ut experientia testificatur. Absurdum autem est, ut iam sæpe diximus, ut Deus finem aliquem sibi proposuerit impulsus affectu vehementi & qui volendi facultatem vniuersam occupat, non potuerit autem ad eum peruenire. Hoc igitur sibi Deus in ea dispensatione voluit. Nisi ~~in illa voluntate~~ humana impetum aliquo pacto inhibuisset, societas humana funditus interijssset, quam tamen idoneis de causis conseruare decreuit. Ne, inquam, mundus plane syllescere, noluit omnes homines innati virij magnitudine prorsus ~~indignos~~. Cuius rei nescio an præcipua causa sit, quod cum statuisset Ecclesiam suam in plenitudine temporum colligere potissimum è Gentibus, propositum illud non esset assecutus, si homines in feras, vrbes verò in spelæa commutari fuisset. Sanè si rem accurato iudicio perpendamus, deprehendimus Gratiā esse veluti Naturæ inædificatam. Idcirco Apostolus Euangeliū apud Athenienses prædicare incipiens, exordium ducit ab ijs rebus quas Natura omnes homines edocuit, ut sic per gradus ad sublimiora fidei mysteria prouheretur. Fac ergo naturales illas ~~res~~, quibus Apostolus Euangelium superstruit, ex hominum animis funditus esse deleras (quod absque illa Prouidentia operatione foret, non potuit non euenire) non reperisset Euangelium in quo pedem poneret atque inniteretur. Scitè ergo à Tertulliano dictum, & à doctissimo Beza prudenter obseruatum est, *Premissum esse à Deo Naturam magistrā, cui Prophetia postea summitteretur: ut qui Prophetia crediturus est, eum Naturā discipulum esse oporteat.* Ad secundum ~~veniamus~~. Supra à nobis constitutum est, quod res ipsa indicat, vim Spiritus quam Gratia nomine solemus indigere, eò comparatam esse, ut facultatem reddat idoneam quæ obiectum extrinsecus oblatum amplectatur, ut ex obiecti ad facultatem ita constitutam appulso exoriatur fides, & quæ per fidem in animo virtutes Christianæ generantur. Est autè obiectum, ut loquitur Apostolus, *veritas quæ est secundū pietatē*: h. e. res quæ primò in intellectum influit, & per intellectum mouet affectus in quibus pietas, & quæ pietatē necessariò sequitur, vera sanctimonia sedem habent. Agit ergo Spiritus qui per verbū indulgetur in intellectu. Vnde illa Pauli verba *ὁφθαλμοῖς τῇ ἀλαλήτῃ* Eph. 1. *καὶ καρτεροῦν τῇ ἀκαυχώσῃ τῇ ἰδὲ ἰδέσθῃ* Rom. 12. 2. Et similia sexcenta. Intellectu autem illuminato, reliquæ facultates necessariò trahuntur in

Tit. 1. 1.

Eph. 1.

Rom.

12. 2.

obsequium. Vnde est vt in ea hortatione quam iam attigi, Paulus nihil aliud postulet quam vt tanta fiat in intellectu mutatio vt possimus *διουλόειν πρὸς τὴν ἀρετὴν*, ratur re satis perspectâ & explorata, nihil de fore nobis eorum in quibus Christianorum officium possumus esse. Est autem illa Spiritus in intellectum humanum actio talis, vt planè superet omnem Naturæ modum. Nam neque ad eam rem adhibentur causæ naturales atque ordinariæ, neque quomodo cauilla supernaturalis intellectum liberet à natiuis quibus occupatur tenebris, mens humana comprehendit. Effectum summo Dei beneficio persentiscimus, rationem operationis non tenemus. At in illa Providentiæ *ἐνέργεια* res aliter se habet. Scilicet pars eius memorabilis, vt supra diximus, posita est in efficientia quæ corpus hoc vel illo modo ab ipso ortu temperat, quo fit vt cupiditates habeant motus maxime varios, tardiores aut celeriores, vehementiores aut remissiores, pertinaciores aut faciliè mutabiles, in hanc potius quam in illam partem propensos & inclinatos. Id autem ad intellectus illuminationem haudquaquam pertinet; totum possumus esse in eis animæ partibus quas natura ipsa corpori inseruit, & ab intellectu ac rationis participatione seiunxit. Tum quodcunque est, vix magis ad Spiritus sancti efficaciam referendum est, quam quod leones iracundos & generosos, vulpeculas astutas atque callidas, ceruos metuculosos, & reliquas animantes vt temperamenti sui & aliqua humorum compositione suis quamque veluti studiis deditas esse videmus. Alteram quandam non contempendam partem istius rei positam esse diximus in educatione & consuetudine à teneris. Quæ res mirum quantum valeat ad id, vt mores hominum ad aliquam honesti speciem externam illam & in oculos incurtentem instituantur. Verum id nihil prorsus ad vim Spiritus quæ mentem ipsam mutat in melius: nam & feroces bestię tractatione atque exercitatione mansuescunt, & feræ ipsæ nonnunquam vsu atque consuetudine cicurantur. Quibus tantum abest vt intellectus aliqua veri luce perfundatur, vt ne intellectus quidem sit illis a natura concessus. Denique neque mirabiles illæ seu virtutes seu virtutum vmbre atque imagines ob quas Socrates, & Aristides, & Epanimondas & reliqui huiusmodi laudibus in cælum feruntur, ex vlla vera intellectus illuminatione manant. Illi enim in virtutis studio de Deo aut ferè nihil, aut nihil omnino cogitarunt. Vsq; adeo vt in libris illis quos tanti faciendos esse supra diximus, Aristotelis ad Nicomachum, & Marci Tullij de officijs, de religione deque pietate aduersus Deum, quod mirum

sanè videri debet, nihil plane traditum sit & constitutum. Quod si virtutis ipsius species, vt à pietate sciungi potest, mentis eorum oculis afflucit, (quod negandum non esse iam confessi sumus) id quidem *diuina* quadam diuina contigit, quæ vim intelligendi veri & honesti perspicendi tum indidit, & ab ea parte caliginem aliquatenus dissipat qua mentes nostræ naturaliter circumfusæ sunt & occupatæ. At tantum abest vt ista vera sit mentis illuminatio quæ natiuam corruptionem purget, & intellectum diuinâ Gratiæ luce collustrer, vt quanto clarius in vna realiqua honesti speciem peruiderunt, tanto fuerint cæciores vbi in alijs rebus noscenda atque dijudicanda sunt. Vt non sit discussa ac funditus expulsa illa nox quam peccatum mentibus nostris offudit, sed ab vna animæ parte leuiter depulsa in aliam, quæ iam suapte sponte obtenebrata eo tenebriosior euasit. Nolim equidem ijs temerè fidem adhibere quæ de Socrate dicuntur à nonnullis, placuisse illi adolescentum consuetudinem vitij potius quam virtutis & philosophiæ docendæ causâ. Quamquam dialogus de amore apud Platonem, haud satis decere videtur cultorem temperantiæ tam seuerum tamque constantem. At illa foeda *γυναικῶν νομιμία* quam in Rempublicam suam, introducere voluit, nonne perspicuè demonstrat, diuinam illam, vt habita est à Græcis, & virtutis admiratricem vnicam mentem, fuisse mirum in modum *σεβασμίου* & inquinatam? Tertium nunc suo loco considerandum venit. Tale est obiectum in rerum natura propositum, vt nihil quidquam ex eo mens humana, quoquo modo constituta, elicere potuerit nisi ratiocinando, commentando, progrediendo à notioribus ad ignotiora, qua via homines in inuestigatione ac perceptione disciplinarum procedere solent. Quamobrem prouidentia vis quæ se se in Ethnicis exēruit, siquando mentem ipsam affecit, in eo præcipuè operata est, vt facultatem veri disceptatricem in ijs corroboraret, vt obiectum qualecunque erat, & clariùs videret, & retineret arctius atque complecteretur. At vis ea Spiritus quæ Gratiæ nomen obtinet, etsi ita mentem afficit, vt Promissionis diuinæ veritatem perspiciat, ea tamen perspicat, recumbit in Promissionem tanquam in testimonium, atque in ea citra vllam vltiorem ratiocinationem summa certitudine acquiescit. Vnde fit vt nonnunquam qui cæteris antecellunt eâ facultate quæ quid sit in obiectis ad contemplantum propositis verum aut falsum disceperat & inquirat, Evangelio minus credant: Illi vero in quibus vis illa ratiocinandi minor est, fidem Evangelij Spiritus illuminatione suscepam, constantius retineant ac tueantur. Quæ causa

1. Cor. 13. forte fuit quamobrem Apostolus *non autem fidem* appellauerit, id quod mens humana consequi debuit ex contemplatione operum diuinorum *Postquam*, inquit, *in Sapientia Dei mundus non cognouit Deum per sapientiam*. Non potuit enim certe nisi per attentissimam contemplationem & assiduam animi meditationem cognitio Dei per eius opera comparari. At actum illum intellectus per quem Euangelium amplectimur, in Scriptura Sacra passim *credetur* est, quod ut plurimum nititur vna loquentis auctoritate. Scio equidem & fidem ab Apostolo Paulo *nonnunquam* appellari, & *notitiam quæ ab incorrupta mente ex operum diuinorum contemplatione acquiri debuit, à Caluino vocari fidem*. Sic enim loquitur Instit. lib. 1. cap. 2. § 2. vbi loquitur de *cognitione Dei Creatoris*, „ hoc est qualem se se in operibus suis patefecit. En quid sit pora ger- „ manaque religio, nempe fides cum serio Dei timore coniuncta: ut „ timor & voluntariam reuerentiam in se contineat, & secum trahat legitimum cultum qualis in lege præscribitur. Nempe & in fide est certissima perspicientia veritatis illius, Deum esse qui in Euangelio loquitur. Et in ista notitia, si qua talis per operum diuinorum contemplationem existeret, esset fiducia per quam pia mens in Deum recumberet. Tum fidei obiectum describitur *æpnumero* tanquam scribile quid atque intelligibile, ideoque nuncupatur *ipsa scientia, intelligentia, sapientia*. Notitiæ vero quæ ex mundi officio haberi debuit, obiectum proponitur tanquam testimonium aliquod. Ait Apostolus Deum nunquam se se reliquisse *ἀνέγνω*. Psaltes autem vocem aliquam cælo ipsi tribuit, cui omnes homines auscultare tenentur. Cui si auscultauissent, habita esset illa auscultatio, iudice Caluino, pro re aliqua fidei propemodum æquipollente. Sic enim scripsit in illa Apostoli verba. *Ergo fides ex auditu, auditus autem per verbum Dei. Sed dico, Nunquid non audierunt? Quinimo in omnem terram exiit, sonus eorum, & in fines orbis verba eorum*. Quandoquidem ex prædicatione imbuuntur hominum mentes Dei notitia, quæ eiusdem Dei inuocationem ex se generat, restabat hoc querendum, an Gentibus non esset annunciata Dei veritas. Nam quod repente se ad Gentes contulerat Paulus, in ea nouitate non levis erat offensio. Querit ergo an Deus nunquam ante ad Gentes vocem suā direxerit, & doctoris officio sanctus sit erga totum mundum. Porro ut communiter scholam omnibus apertam esse doceat, in quam vndique discipulos Deus sibi colligeret, Prophetæ testimonium adducit ex Psal. 19. §. „ Accipio igitur eius citationem in germano & proprio prophetæ sensu,

ut tale sit argumentum. Deus iam ab initio mundi suam Genti-
 bus diuinitatem manifestauit, etsi non hominum prædicatione, crea-
 turarum tamen suarum testimonio. Nam etsi Euangelium tunc inter
 ipsas filebat, totum nihilominus cæli & terræ opificium loquebatur,
 ac præconio suo auctorem celebrabat. Sic etiam in commentario ad
 Psalmum ex quo locus ille desumptus est, ait cælos apud omnes po-
 pulos sine discrimine promiscuè concionari, & vbique terrarum ad ce-
 lebrandam Dei gloriam præpositos esse testes. Item, longè lateque
 Dei gloriam prædicare. Et repetit scholæ similitudinem, quam Gen-
 tibus apertam fuisse dicit, in qua pietatem & Dei cultum discerent.
 Et addit Pauli verba Davidis citantis consilium non esse ambiguum;
 dicere enim voluit, inquit, iam antea ætis sæculis Deum patefecisse
 Gentibus suam gloriam, arque hoc amplioris doctrinæ fuisse prælu-
 dium. Nam etsi ad tempus separata fuit electi populi conditio à
 Gentibus, mirum tamen videri non debuit quod vtrisque tandem
 Deus promiscuè se patefecit, quos pridem communiter ad se inuita-
 uerat. Habuerunt ergo Gentes & suum præconium & suum testimo-
 nium quod admittere debuerunt. At *μετρηγία* creaturarum non nisi
 figuratè sic appellatur, quia menti præbet argumentum acquiescendi.
 Metaphoricè, inquit Caluinus eodem loco, cælestis machinæ
 splendorem David hic instar doctoris de gloria Dei concionantem
 inducit. Euangelium verò propriè *μετρηγία* est, cuius postquam au-
 ctor semel est agnitus, mens, ut iam dixi, sistitur in eius auctoritate.
 Hoc igitur propriè fidem generat, illud minimè. Hoc certà quandam
 mentis constitutionem requirit ab altero diuersam. Et quod consen-
 taneum est, hoc Spiritus operationem postulat à simplicis Prouiden-
 tiæ efficacitate longissimè seceram. Quartum per se ipsum se se ex-
 pedit. Nam sanè si eodem animo Deus eandem gratiam eadem effi-
 cacitate præditam omnibus indidisset, consentaneum proculdubio
 fuisset ut ferret fructus in omnibus consimiles. Id autem sic contigisse
 nemo dixerit, experientia ipsa tam apertè reclamante. Effectus
 gratiæ Spiritus duo præcipui sunt; pietas erga Deum & vera morum
 sanctimonia. Ac de posteriore quidem iam vidimus quid sit existi-
 mandum. Cum enim Ethnicorum genera tria videri possint, vnum
 quod eos complectitur quorum vita proiecta fuit ad omne scelus, al-
 terum eorum quorum vitium fuit aliquatenus cohibitum, ne in ne-
 faria actiones prumperet, qui tamen nullo vero virtutis studio
 rangebantur, tertium eos complectitur in quibus virtutis a-
 mor aliquis enituit; omnes illi quid esset vera sanctimonia penitus

ignorarunt. Et de reliquis quidem res per se clara est. In tertio autem genere nemo unquam fuit, cuius vitam labes aliqua non foedaverit ita ut etiam apud impertissimos laudem sanctitatis ei iure merito detrahat. Hunc horrenda *indignitas*, illum adulterij, vel stupri confusio, alium animi ferox quædam atrocitas quæ eum ad *voluptates* impulit, omnes gloriæ Dei neglectus tenuit & contemptio, una vera virtutis pestis atque perniciēs. De pietate autem, qui potuisset illa consistere cum horribili idolomania & turpibus erroribus quibus omnes Ethnorum religiones tam inter Græcos, quam inter Latinos funditus corruptæ sunt atque depravatæ? Certè quidquid sit illud de quo opera diuina inter homines testimonium perhibent, mirum quibus rebus ubique fuerit obrutum ac involutum. Neque hic loquor tantummodo de *portentis opinionum* quæ vulgo receptæ in publico cultu numinis inualuerunt. Philosophos ipsos quæ in eo genere lues inuasit? Quam impura ubique dogmata polluerunt? Legatur sanè liber primus de Natura Deorum. in quo Cicero colluuiem sententiarum philosophicarum de eo argumento studiosè collegit: legatur Plutarchi libellus de eorum placitis: legantur quæ Diogenes Laërtius & Eunapius de eorum vitis in commentaria retulerunt: legatur ipse Plato quem diuinum solent appellare, in ijs quæ Socrati, Philosophorum omnium parenti, tribuit, Deus bone quæ Lerna? quod stabulum Augiæ? quod monstrum ex omni exitium errorum genere conflatum? Qui ergo fieri potuit ut illa hæreseon & idololatrarum hydra comitem haberet vim spiritus, eamque ministerio suo mentibus hominum suppedicaret? Nam illi sanè vel ipsi prodigia ista in mundum inuexerunt, vel acceperunt iam ab alijs inuenta. Qui inuexerunt, quis Spiritu Dei præditos esse dixerit qui non insaniant? Qui acceperunt, quomodo potuerunt spiritum accipere eadè opera? Indulgetur ne ille ut tartareorum mendaciorum nos capaces efficiat, non autem cælestis ac diuinæ veritatis? Dedisset ne Deus mentis oculos illuminatos eum in finem, ut nihil nisi opinionum monstra cererent, ex quorum adspectu ipsi homines in monstra vitiorum transformarentur? Adde quod eam Deus semper in dispensatione Gratiæ rationem tenuit, ut quanto euidentius spei salutis obiectum hominibus propositum est, tanto etiam proportionè vberiore Spiritus copiam largiretur. Atque inde factum est ut quamuis vsque ab Ecclesiæ primordijs Deus electos suos ea Gratia donauerit quæ sola fidem & sanctimonium in ijs generare potuit, tum demum tamen Prophetæ spiritum indultum iri prædixerint, Apostoli reapse indultum esse prædicauerint,

prædicauerint, cum Euangelium post ascensum Christi in cælum in apertissima luce collocatum est. Vt enim externa reuelatio temporibus antecessis ad eò obscura fuit, præ euidèntia prædicationis Apostolorum, vt Euangelium *μυστήριον ἀπ' ἀιωτός* *ἀποκαλυφθέν* esse dicatur. Sic præ liberali copia spiritus quæ in Ecclesiâ Christianâ effusa est, Scriptura ita loquitur ac si superioribus tēporibus fuisset omnino denegatus. Quado ergo Arminij discipuli fatentur, lucem quæ in Pròuidèntia fulget, esse ad eò exiguam vt ad fidem per se atque immediatè deducere nequeat, experientia autem omnium sæculorum docet contaminatam eam fuisse atque obrutam fœda errorum caligine, quænam potuit esse vis internæ gratiæ quæ lucem illam comitaretur? Lux illa sanè vitio hominum tantis tenebris circumfusa fuit, vt planè nihil fuerit nisi mera nox. Cur igitur Deus oculos mentis illuminatos dedisset qui nihil planè cernerent nisi meram noctem? Quod si illa via gratiam spiritus suppeditauit, vel eam ad mensus est admodum exigua mensura, & pro solita sua agendi ratione, obscuritati obiecti proportionè respondentem: vel tantam & tam efficacem vt caliginem illam dispellere, & verum à falso, purum ab impuro, secernere & segregare valeret. Si prius locum habet, quid in eo res tam exigua atque imbecillis præstare potuit? Citiùs sanè palatus obtusus atque hebes aquam fluuialem in mari perciperet & discerneret ab amara, postquam se in profundum immergit, quàm mens sic affecta veritatem deprehenderet in tanta mendaciorum multitudine latentem. Si posterius, vbinam illi sunt inter Ethnicos quos Deus tam admirabiliter affauit? Vbi illi Prophetæ qui gentes errantes reduxerunt in viam & inter eas verum Dei cultum instituerunt? Res enim tantæ molis fuit vt perfici nequiverit nisi ab eo qui non ordinaria illa qua nos Deus dignatur Spiritus gratia præditus esset, sed qui Prophetas ipsos ac propemodum Apostolos magnitudine & excellentia reuelationum exæquaret.

Verum id noluit Arminius. Voluit tantum gratiam aliquam adfuisse Gentilibus quæ eos in actionibus ipsis à peccandi necessitate liberaret. Id igitur paucis refellamus. Ac primum quidem iam sæpè à nobis demonstratum est, nihil necesse fuisse vt Deus homines liberaret à peccandi necessitate, quandoquidem necessitas illa cum ratione peccati non pugnat. Quod si pugnaret, & id etiam ostendimus, Deum inclementer admodum nobiscum egisse, cum gratiam istam nobis concessit. In eo enim statu eramus scilicet, vt peccare omnino nequiremus; nos autem in eam conditionem traduxit vt sublata eâ


De Nat.
Deor.
lib. 3.

necessitate possumus peccare & pœnam commereri. Aiebat olim aliquis apud Ciceronem, vt vinum ægrotis, quia prodest raro, nocet læpissime, melius est non adhibere omnino, sic etiam satius fuisse vt nemini ratio concederetur quæ hominibus plus affert malorū quàm bonorum. Quæ sanè querimonia iniusta est. Nam nisi ratio nobis donata fuisset, belluis eramus futuri prorsus similes. At si graria illa quā tam multi abutuntur, tam pauci ad fidem & salutem referunt, non fuisset oblata, de humanitate nostra nihil detractum esset, vna abfuisset peccandi libertas quæ genus humanum vniuersum pessumdedit. Tum & illud à nobis supra fuit animadoersum, peccandi necessitatem, ex Arminij sententia, non tolli nisi per voluntatis *irresistibiles*, *irresistibiles* autem natura sua malum esse atque peccatum. Pugnant igitur esse *irresistibiles*, & liberatum esse à necessitate peccandi. Nam qui *irresistibiles* est is necessario peccat. Ac denique rebus & rationibus necessarijs addiximus voluntatem ad *irresistibiles* deduci non posse, nisi primum expedita sit à peruersis habitibus quibus à natura tenetur irrita. Expeditio autem illa non fit citra sanctificationem. Quamobrem necesse esset omnes Ethnicos esse à Deo sanctificatos. Quod homini sano in mentem venire non potest. Hoc additum volumus. Voluntas non perducitur ad æquilibrium, nisi per intellectus illuminationem, Arminio fatente. Illuminatio autem intellectus quid est? Illuminare enim vox est metaphorica, ad propriam, nisi sponte errare volumus, reducenda. Scilicet vel illa illuminatio intellectus in Ethnicis similis est illustrationi oculorum, cum lux extrinsecus exortiens in eos incurrit & admittitur actu: vel est similis oculorum illustrationi cum liberantur ab insito vitio, & ita constituuntur vt idonei sint obiecta admittere sicunde offerantur & incurrant. Prius dici non potest. Vel enim nullum illis obuersatur obiectum aptum ad voluntatem à malo liberandam; vel si obuersatur aliquod, non admittitur, vel si admittitur, vnà admittuntur tot praua & corrupta obiecta quæ voluntatem peccati nodis arctius adhuc adstringunt, vt planè nullam exercere queat efficacitatem in intellectu. Nam si, vt vera Theologia veraque philosophia docent, voluntatis determinatio iudicium intellectus necessario sequitur, quodnam potest esse iudicium intellectus in quem nullum verum obiectum influit nisi sexcentis talis obiectis circumdatum, similitudine, vt quidem videtur, indiscreta? Potestne vnū bonum remedium prodesse dilutum atque confusum cum tam multis tamque acerbis ac præsentibus venenis? Si vero, vt volunt isti homines, nihil aliud in eo præstat intellectus nisi vt volun-

rati monstret quod sequatur, quænam est illa monstratio quæ verum tot mendacijs inuolutum ostendit, vt plane agnosci non possit? In tanta multitudine (specierum haud secus ac indiuidua Democriti corpuscula inter se temere concursantium, quâ forte fortuna eueniet vt voluntas in verum & bonum incidat? Posterius verò multo minus. Cum enim illuminatio illa nihil aliud sit quam præparatio facultatis ad obiectum admittendum, obiectum autem illud tale sit quale supra à nobis descriptum est, sic Deus Spiritus sui gratiam eum in finem indulsit, vt homo idoneus esset qui admitteret omne genus perniciosorum mendaciorum in reuigione. Quod vt falsissimum est & omnem absurditatem superat, sic voluntatem in æquilibrio inter bonum ac malum constituere nequit. At enim, inquit aliquis, conceditur illa gratia vt bona obiecta à sequioribus discernat, quomodo, vt tradunt viri præstantes, multi fideles patrum nostrorum memoriâ, in captiuitate Babylonica, antequam daretur libertas exeundi, secreuerunt doctrinas Euangelicas à corruptelis in Christianismum introductis, edocti ab eo spiritu cuius vnctio reddit oculos in obiectorum diiudicatione exercitatos. Quæ duo immane quantum discrepent. Habebant enim illi qui ante restitutam Ecclesiæ libertatem vixerunt in captiuitate Babylonica, Dei verbum præ manibus; rem certam atque definitam, & à corruptelis aut omnino intactam, aut admodum leuiter immutatam, ad cuius amussim reliqua exigenter quæ in publico vel fiebant vel prædicabantur. Itaque si quibus Dei Spiritus indultus est, vt sanè non negamus multis indultum esse, aut non fuit operosum, aut non omnino fuit impossibile, vt ex illa rerum diuersarum & pugnantium collatione inter se, earum discrepantiam animaduertent. Quamquam dubium non est quin multa eos fugerint, quæ sunt eis à Deo pro summa sua misericordia benignè condonata. At inter Ethnicos nihil quidquam tale fuit. Confusa fuerunt omnia & perturbata, & quæ veri speciem aliquam præ se ferebant, vsque adeo apparuerunt incerta, perplexa & implicata cum falsis, vt cum nullam sui indicij certam regulam haberent, facilius ijs fuerit falsedinem à mari, svt supra dixi, quam hominum figmenta à veris naturæ documentis separare. Vno verbo, si fuit aliqua gratia omnibus hominibus vniuersaliter indulta, quæ eorum voluntates vocat ad æquilibrio & à peccandi necessitate vindicaret, quæso quodnam fuit discrimen inter eos quibus Euangelium annunciatum est & ad quos nulla verbi diuini fama permanuit? Nam per Euangelij prædicationem nihil quidquam vltius effici statuunt quàm vt cuius-

Arnol-
dus.A. 1.
30.

libet voluntas possit credere vel non credere pro arbitrio. Quod ip-
 si iudicibus nihil aliud est quam *ισχυρισμός* esse. Sanè duo salutem no-
 bis conficiunt; argumenta sperandi extrinsecus oblata, & vis illa ar-
 gumenta apprehendendi, quæ sufficitur intrinsecus. De argumentis
 externis statuunt Arminij discipuli, *Licet multa nationes ordina-
 rio Evangelij præconio destituantur, tales tamen à gratia ipsa Evangelij
 non esse præcisè exclusas, sed semper bona quæ Evangelio offeruntur illis
 æquè manere exposita, atque cæteris qui prædicationis privilegio fruuntur,
 modo scilicet conditionis fœderis præsent.* Conditio autem fœderis pro-
 batione fides est. De vi interna docent eam omnes persentire
 talem quæ voluntatem constituat in potestate præstandi vel non præ-
 standi conditionem. Ut nullum planè sit inter Ethnicos & nos Chri-
 stianos memorabile discrimen, nisi quod nos Dei gratia benè utimur
 scilicet, illi minus. Quid ergo sibi voluit Apostolus in illis verbis,
ἵνα οὐκ ᾔδεικεν τὰ ἔθνη τοὺς ἁγίους &c. ? Quænam est illa derelictio populorum?
 Quid item in illis, *τὸ μὴ αὐτὸν Χριστὸν τῆς ἀγνίας ὑπακούειν ὁ θεὸς πατὴρ* &c.
ἡμεῖς οὖν ἀπολαύομεν τῆς χάριτος καὶ τῆς δωρεᾶς αὐτοῦ ? Quænam est illa despicientia,
 qui neglectus miserè palantium, si nihil interest inter eos & verbi
 prædicatione dignatos? Iure equidem meritissimo Clarissimus Moli-
 næus ad hæc portenta novæ sapientiæ exclamavit & imploravit Dei
 atque hominum fidem. Ut enim taceam Evangelij præconium præ
 luce quæ Gentilibus affulsit, esse veluti solem ætherium cum nocte
 caliginosa comparatum, in illa nocte, in qua siquid lucis erat, tam ob-
 scura fuit ut vel oculatis negotium facessere potuerit, nihil planè
 fuit, quod naturæ cæcitati subveniret. Cùm in tanta Luce Evangelij
 quæ vel mortuos ipsos recreare debuerit, spiritus vim suam exeret
 quæ naturam cæcitatem depellit ab oculis, & ut loquitur Apostolus
ἀνέστη ἐκ τῆς καρδίας ἡμετέρας. Quando igitur nulla causa est cur Deus nobis
 potius quàm Gētilibus inæstimabile istam prærogatiavam concederet,
 nullam esse talem gratiam vniuersalem concludimus, & gentes eate-
 nus absoluto decreto reprobatas fuisse, sufficienter demonstratum
 esse putamus. Quod ut est in Scriptura sacra perspicuè traditum, &
 ab Ecclesiæ Dei hoc nostro sæculo clarè definitum, sic etiam animo
 nostro Christi beneficio penitus insedit. Reliqua quæ hoc præcipuè
 capite continentur, etsi cum vero existimamus esse consentanea, non
 ita præfractè tamen affirmamus quin vel Ecclesiæ aliter constituen-
 ti, vel cuius bono meliora docenti lubenti animo pareamus.



CAPVT XIII.

Caluinum rectè docuisse gratiam Spiritus non indulgeri omnibus ijs quibus Euangelium annuntiatur.



PIRITVS gratiam quæ homines efficaciter conuertit, non modò ijs esse denegatam qui de Euangelio nihil audierunt, sed ne communem quidem esse omnibus ijs quibus annuntiatur, Caluini fuit constantissima sententia. Arminius, & qui Arminium secuti sunt aliter existimauere. Verba sunt Arboldi aduersus Clarissimum Molinæum. *Vtramque vocationem, (internam, scilicet, & externam) dicimus coniunctam ex prima Dei intentione, de eadem intentione alteram ab altera esse separatam, negamus. Ideoque dicimus neminem vocari externa Dei voce quem Spiritus intus non afficiat, ac quem nisi ipsius malitia obstet, conuersum non velit. Ad quam primam intentionem Arminius respiciens dixit, Verbum semper sibi coniunctum habere spiritus operationem. Quando verò ibidem dixit, ista duo penè semper esse coniuncta, non est inde quod eam re hesitaret, sed quod statueret internum spiritus auxilium communiter & ordinariè ijs contingere qui primò vocantur, donec sua rebellione & contumacia isto auxilio se non reddunt indignos, aut non merentur vt spiritus in illis operari desinat.* Ergo, ex eorum hypothesi, nemò primò vocatur externa prædicatione, quem spiritus eadem opera non afficiat. Si qui sint qui internæ spiritus vocationi resistent, in ijs operationem istam non negant tandem aliquando cessare, tamen si verbi externa prædicatione non cesset. In ea re posita est lis, in cuius diiudicatione quia versati sumus ante aliquot annos non omnino indiligenter in libro vernaculo sermone conscripto aduersus D. Milletonium, nihil nobis fere nunc faciendum est, quàm vt quæ sunt eo loco dicta, hic in latinum sermonem conuertamus, sepositis ijs tamen quæ pertinent ad refutationem eorum in quibus ille ab Arminianis dissidet. Docuit enim multa à se pro animi libidine excogitata, quæ, fat scio, Arminij schola nunquam probabit. Sic igitur disputationem instituiamus vt argumenta quibus præstantissimus Molinæus in primis, Caluini, hoc est, Ecclesiarum nostrarum doctrinam in eo argumento

turatus est, ab Arnoldi caullationibus vindicaremus. Ea autem duplicis sunt generis: alia enim experientia ipsa suppeditat, alia sunt è verbo diuino desumpta. Ab ipsa experientia suppeditata tria præcipua sunt. Vnum, quòd multi sunt qui Euangelium audiunt quidem & intelligunt, at nihilo magis eo tanguntur quàm si surdorum aures ferirer. Alterum quod non modo eo non tanguntur nonnulli, sed illud irident & sannis excipiunt tanquam rem absurdam & ab usu rationis abhorrentem. Tertium quod tantus est in nonnullis stupor vt auditum non intelligant, & profiteantur seriò audito concionatore se discernere non potuisse vtrum gallicè an verò latinè locutus sit. Istis Arnoldus quid opponit? Ait ad primum, si qui sint quos verbi prædicatio nullo modo afficiat, id euenire eorum culpa, non verbi vitio aut inefficacia. Quæ sanè mira responsio est. Nam quis id negat? Aut id quid pertinet ad argumenti vim debilitandam? Certè Spiritus sancti in electis operationes duæ sunt inprimis distinctæ. Vna quæ primò nos conuertit atque introducit in Christi communionem. De ea autem loquitur ipse Christus cum dicit, *Nemo venit ad me, nisi quem Pater ipse meus traxerit*. Altera quæ credentes consolatur, sanctificat & magis ac magis promouet atque provehit ad perfectionis metam, quamque persentiscimus ex Christi communionem. Et de ea loquitur idem Christus in illis verbis. *Qui credit in me, ex eius ventre flumina aquæ viuientis fluent*. Nam venire ad Christum, credere est: flumina autem illa de spiritu quem credentes accipere debuerunt, Ioannes ipse interpretatur. Et de posteriore quidem operatione certum est, hominum culpa euenisse si minus eius efficacitatem senserunt. Nam si credidissent, reapse præstitisset Christus quod spondet eo loco. Per eos autem stetit, vt supra vidimus, quominus crederent. Priorem si non senserunt, non æquè quidem eorum culpa factum est; eam enim gratiam Deus largitur solis electis pro liberrimo suo arbitrio: at non ideo minus alij sunt in culpa si verbi prædicatione non afficiuntur. Tale enim est obiectum, tam verum, tam pulchrum, tam natura sua necessarium atque incundum vt homines intellectu ac voluntate præditos non leuiter mouere tantum sed efficacissimè permouere debuerit. Cæterum, quod neque permouit efficaciter, neque verò leuiter mouit etiam, magno argumento est non fuisse tum apud eos spiritus gratia comitatum. Nam ea si comitatum fuisset, illi sane intacti atque immoti non mansissent. Quod autem Arnoldus adijcit, verbum quidem tum spiritum comitem habere, at eius vim ab hominibus non

Ioan. 6.

Ioan. 7.
33.

Græc. ἰσχυρά

sentiri propter stuporem & attentionis defectum, ridiculum est atque ioculare. Sic aliquis affirmabat solem eadē via quā tendit in Occidentem interdiu, noctu vestigia sua relegendem in Orientem regredi: at non videri tamen ab hominibus, quia nox est. Vti sol, si sic regrederetur, noctis obscuritatem pelleret, & diem efficeret, ita spiritus si adesset stuporem illum diuiceret, & redderet animos attentissimos. Haud multo minus indignum est viro docto, quod addidit, negari non posse multos esse, qui affecti verbi sensu eo usque ut id recte percipiant atque intelligant, tamen ei non consentiunt. *Intelligere* autem non potuisse nisi interuentu alicuius efficacitatis spiritus de quo loquimur. Etenim in fidei negotio intellectus humani duplex est actus. Vnus merè naturalis, qui non progreditur ulterius quàm ut cōprehendamus *πὸ λογισμῶν*, ut loquuntur. Et respectu actus illius dicimur non fideles vel infideles, boni vel mali, sed vel acutius atque ingeniosi, vel tardi atque hebetes. Alter est omnino supra eam naturā quā nunc corrupta utimur, qui eo usque procedit ut *ἐκ τοῦ λόγου* videamus *ὁ ἀληθὺς ἐπαγγελίᾳ*, idque accuratè perspectum animis *συνήθη* summa cum voluptate penitus imbibamus. Cui actui contraria est atque opposita auersio & assensus cohibitio ex eo orta, quod species illa *τῶν ἐν τῷ ἀληθὲι* intellectui non affulsit. Hic actus per quem Evangelium pro vero & bono apprehendimus atque in eo acquiescimus ex animo, à Spiritu Dei est, ab vlla alia causa, quæ est ingenij humani peruersitas neuiquam esse potest. Is enim est solus qui *ἐκ τῆς ἐνέργειας τοῦ πνεύματος* mentis oculos *φωτίζει*, & voluntatem trahit in obsequium mentis ita *παρασμέναι*. Alter non producitur quidem citra concursum communem virtutis diuinæ qua omnia sustentantur: neque aded citra vim aliquam providentiæ quæ intenta per omnia nihil non administrat atque gubernat. At nihil est in eo præterea. Apostolo Athenis prædicante, Athenienses haud minus vi quadam intellectus naturali comprehenderūt quid sibi vellet cū dixit Christum reuixisse, quam intellexissent aliquem Iudæum eum reuixisse pertinaciter negantem. Mens humana ad vtramlibet duarum istarum contradicentium apprehendendam pariter appellere se se potuit. Et ut propositio quæ negat Christum resurrexisse, dum assensus sustinetur, percipitur citra vim vllam spiritus qui regenerat; sic propositio quæ idem affirmat, donec credatur esse vera, percipitur ab vq̃a vi intelligendi quæ nobis omnibus ingenita est. At rem ita se habere vti Paulus prædicabat, neque Damaris, neque Dionysius firmiter credere ac penitus in animum recondere potuit, nisi adiutus, &

impulsus, & funditus à gratia Spiritus innoùatus. Ad alterum argumentum Arnoldus duo responderet. Repetit enim primò nihil à quoquam irrideri quod non sit priùs ab eo intellectum. Intelligi autem non posse Euangelium nisi ope Spiritus. Deinde responsum eo argumento confirmat, quod qui Euangelio resistunt, Spiritui sancto resistere dicuntur. Act. 7. 51. Prius istud iam refutatum est. Qui Euangelium irrident habent illud pro fabula. Auditur ergo atque intelligitur ab ijs eodem modo quo nánias anicularum & poëtarum ^{ut 2. 2. 1. 1. 1. 1.} audimus atque intelligimus. Estne igitur nobis opus Spiritus Dei gratia ut intelligamus quid dicat Euripides ubi narrat Herculis virtute Alcestin fuisse ab inferis reuocatam? De loco ex Actis citato mirum est homines qui sibi videntur acuti, in re clara tam turpiter cespitare. Cùm enim Euangelij reuelario sit ab vno Spiritu Dei, quid procluius fuit quàm ut illi intelligerentur resistere Spiritui qui Euangelio resistunt? Et cum operatio Spiritus conspicua sit vel in intellectu illuminatione, vel in emollitione cordis, vel in vtroque (nam de eo nunc diligētius non inquirimus) cur illi à Stephano ^{καὶ τὸ πρῶτον, ὃ ἀνέλεγκται τῇ κατὰ τὴν ἐκείνου} eodem loco nominantur, si quid in ijs Spiritus efficacia præstitit? At rem constituit extra omnem disputationis aleam idem Spiritus de quo nunc queritur, ubi negat superiore capite Iudæos resistere potuisse Sapiencie & Spiritui per quem Stephanus loquebatur. Nempe id non potest accipi de vocatione interna. Nam ut taceamus Arminium existimasse nullam esse internam vim spiritus tantam cui arbitrium humanum resistere nequeat, ita ut eius conatum reddat irritum, (quod dogma mirum quantum infinitæ Dei potentie sit iniuriosum) res ipsa clamat agi de veritatis euidencia quæ in prædicatione Stephani tanquam in obiecto externo fulgebat. Resisterunt ergo Spiritui quia verbum ex eius reuelatione à Stephano prædicatum respuerunt & assensionem fidei ad id non accommodarunt suam. Resistere tamen nequibant, quia tanta erat Sapientie cælestis ac veritatis in ea prædicatione ^{ἐν λόγῳ}, ut tametsi deliberata contumacia resistere decreuissent, inuisit tamen atque frendentibus sese offerret & inuiso fulgore eorum oculos perfringeret. Atque id confirmant sequentia. *Resistitis ut patres vestri fecerunt. Nam quæ Prophetarum non sunt persecuti?* Nempe in Prophetis erat Spiritus Dei, inquit Petrus, & Apostoli atque Euangelistæ in Spiritu Dei misso è cælo euangelizauerunt, eodem auctore. 1. Petr. 1. 11. 12. Ad tertium argumentum respondent adhibita duplici distinctione. Primum enim distinguunt prædicationem & verbum, & aiunt accidere sæpenu-

merò

mero vt concionatores vel acuminis atque subtilitatis, vel eloquentiæ gloriam aucupantes, conciones suas in ijs rebus consumant quas ipsi non intelligunt, tantum abest vt ad vulgi captum accommodentur; aut si intelligunt, sunt illæ tamen ab Euangelij natura tam alienæ atque abhorrentes, vt nihil plane trahant de salutari doctrina. Deinde adiungitur illæ ab Euangelio non omnino discrepant, multum interesse inter verbum quale ab Apostolis prædicatum fuit, & concionatorum declamationes quales hodie à plerisque institui consueverunt. Et ad prius illud quod attinet, non est insolens inter Pontificios vt habeantur conciones ad populum in quibus vix obtinet ipse Christus vt semel nominetur. In Ecclesijs reformatis nescio an Arminij discipuli aliquem viderint cui tanta inesset vecordia vt tale quidpiam designaret. Ego quidem non commemini vidisse. Quod si aliquis vsque adeò delipiat, argumentum ex eiusmodi concionibus desumptum non est: contendimus tantum ne sapientissimè quidem & ad naturam Euangelij maximè congruenter institutas conciones semper apud omnes eâ spiritus efficacitate de qua loquimur esse comitatas. In posteriore distinctione nihil dicunt. Fatemur enim in Apostolorum prædicatione virtutem crucis Christi fuisse viuidiorem, siue illa salutis representationem euidentiore habuerit, siue Deus sic voluerit eorum ministerium extra ordinem magnificare. Verum quid tum postea? Saltem si Arminij sententia vera est, pro eo ac hodierna prædicatio Christum euidenter exhibet, adiunctam habebit aliquam Spiritus sancti copiam. Cùm igitur experientia doceat in vna eademque prædicatione hunc vehementissimè commoueri, illum manere haud minus quam stipitem aliquem immotum atque rigentem, quid superest quam vt spiritum illic vim memorabilem, hic plane nullâ exeruisse iudicemus? Iuxta illa Christi verba, *πνεῦμα τοῦ θεοῦ πρὸς ὑμᾶς*, vt neque motum neque rationem spirationis illius liberrimè intelligamus. Argumenta è Scriptura desumpta & vehementius vrgent, & magis decet homines Theologos. Sic igitur Christus loquitur Ioan. 6. 45. *Quicumque audiuit ex Patre, atque didicit, ad me venit.* Venite ad Christum, credere est. Quid ergo est discere ex Patre? Nam id ipsum quod credere esse non potest. Multa hic turbat Arnoldus, vt serè dicas butubata Nauij. Eius responsiones huc redire videntur. Audire atque discere ex Patre, &, quod idem est eo loco, trahi, significare posse qualemcunque Dei communem inuitationem, cui omnes obtemperare debent. Vt illud *venis ad me*, nihil aliud sit quàm ad me venire debet. Deinde tractionem denotari posse quæ fit per legis

ministerium. Tertio & attractionem illam intelligi posse quæ dispositionem aliquam ingenerat in attracto. Vt attractum esse nihil aliud sit quam intelligentem & obediētem fieri. Denique quocunque modo accipiat, ex eo quidem loco confici, neminē venire qui non trahatur, at non inde sequi non omnes trahi, aut, quod eodem redit, omnes qui trahuntur venire. Nihil est sophistis magis solenne quam vt multa dicant inter se non cohærentia, quibus animos disputantium impediunt, nihil certi aut habeant aut definiant in quo consistere possit is qui paulo acrius instat atque incumbit ad veritatem inuestigandam. Cur non dicit apertè quid sentiat? Cur istis circuitionibus nos circumducit? Cur adhibet responsiones tam varias, tãque inter se dissidentes, cum alterum fieri profectò queat vt earum nulla, alterum certe non possit vt plus vna vera sit? Age tamen, eas omnes expendamus. Et prima quidem satis ostendit Arnoldum pensi nihil habere quid dicat. Tantamne esse in hominibus eludendæ Scripturæ licentiam! *Nemo*, inquit Christus, *potest venire ad me*, hoc est, in me credere, nisi Deus eum communi quadam inuitatione allexerit. *Scriptum est in Prophetis, erunt omnes edocti à Deo*: hoc est, omnes indiscriminatim communi inuitatione vocabuntur. *Ergo omnis qui audiuit à Patre atque didicit*, hoc est, qui communiter vocatus atque inuitatus est, *venit ad me*, hoc est, ad me venire debet. Quid frigidius? Quid sapientia Christi indignius? Quid ad eius scopum minus accommodatum? Nam quid illud est, Ne murmurate inter vos, nemo enim potest in me credere nisi Deus eum inuitauerit? Et illa, *πάντες ἑστέ ταις διδαχῇς τοῦ θεοῦ*, nihil ne spondent quod non sit commune futurum? Altera non est minus absurda. Nam primò tractio, significat adtionem efficacem, hoc est, cum effectu coniunctam. Nam qui trahi dicuntur, dicuntur etiam *doceri*, & *audire*, & *discere*, vt nemo dubitet quin res posita non sit in conatu atque inuitatione tantum. Scilicet qui nihil discit, ne doceri quidem dici debet, quemcunque sumas in eo docendo laborem. Quoniam pacto igitur ille discere diceretur in quo docendo labor insumitur incassum? Disciplina autem legis per se ac stricte considerata nihil necessariò reddit effectum. Tum hic agitur de disciplina quæ est ad salutem. At lex per se ad salutem non erudit: quin à salute potius absterret, vt quæ nullam spem faciat nisi in perfecta sui impletione fundatam, & peccatoribus mortem denunciet irrenocabiliter atque præfraçtè. Quocirca Paulus eam appellat ministerium damnationis. Denique verba illa *πάντες οὗτοι ἐς ἀνοίαν* vim vniuersalem habere nemo ambigit. Ergo vniuersè verum est omnes eos quicquid edocti sunt, *venire*, h. e. credere.

At quot Iudæi sub legis magisterio nati atque educti aduersus Christum obdurerunt? Nam esto sanè, legis prædicatio famem & sitim aliquam consolationis excitauerit, iuxta illud Christi dictum, *si quis sitit veniat ad me & bibat*. Et item iuxta illud, *venite ad me omnes qui uultis*, sensu aliquo peccati animum anxerit & opprefferit. Vel omnes Iudæi sub seuro illo pædagogo ac veluti Orbilio plagoso angustique laborare didicerunt, vel non. Si non, tractio illa non fuit omnibus communis, ut volunt Arminij discipuli, nonnulli sunt eatenus absolutè reprobati. Si didicerunt omnes, quando non omnes uenire, Christus tanquam uniuersè verum enunciauerit quod uniuersè verum non fuit tamen, atque adeò etiam quod rarissimè verum esse contigit. Obsecro autem te, lector, verba illa Prophetæ, in quibus Deum Ecclesiam suam consolari facit, *Istud erit mihi sicut aqua Noe*. Ut enim iuraueram ne porrò aqua Noe terram pertransirent, sic iuravi ne irascar tibi aut te obiurgem. Citius enim & montes locum deserent, & colles nutabunt, quàm vel bonitas mea te deserat, vel seduspacis mea nutet, ait Dominus, qui tui miseretur. En ò paupercula, tempestatibus acta, consolatione destituta, ego sternam ordine lapides tuos, in carbunculis & sapphiris fundabo. Fenestras tuas è crystallo faciam, & portas tuas è carbunculis, & septa tua lapidibus pretiosis construam. Porro uniuersi filij tui docti erunt à Domino: verba inquam tam splendida, tam magnifica, tantæ consolationis plena, qua fronte referuntur ad legis magisterium, horridum illud atque triste & quod nihil nisi minas, nihil nisi meros terrores incuriebat? In tertia responsione nos ludit. Nam quid illud est, *intelligentem esse atque obedientem*? Estne credere? Ergo Christus sic loquutus fuerit, quicumque in me credit, ille venit ad me: hoc est, ut supra diximus, in me credit. Quæ mera est ἀδολαγία & ἀπλογία. Si nō est credere, quid est? Potestne aliquis esse Christo obediens quin obsequatur? Potestne obsequi quin credat? Tum si audire atque discere significat obedientem esse atque intelligentem, disciplina autem illa atque tractio communis est omnibus, omnes, quæ est istorum hominum sapientia, omnes, inquam, quibus Euangelium annuntiatur redduntur intelligentes atque obedientes: nos toto cælo aberramus qui hætenus cum Apostolo credidimus his Christi crucem esse scandalum, illis stultitiam, in alijs mentem occalluisse, in alijs Deum huius mundi oculos excacasse, vno verbo multo maximam partem hominum in Christum impingere. Quod denique ait, non inde sequi, omnes qui sic à Deo instituuntur credere, si nihil grauius certè summam inco-

gitantiam arguit. Vt enim phrasis ista, *πᾶς ὁ πιστεύων σωθήσεται*, non relinquit in dubio quin omnes in vniuersum qui in Christū creditori sunt, salutis sint futuri compotes: Sic *πᾶς ὁ ἀνομώτης ἐρχεται*, nos non finit dubitare quin omnes qui sic docentur credant. Quando igitur non omnes credunt, liquido constat non omnes sic edoceri. Edocentur autem omnes, sic volentibus Arminianis, inuitatione & vocatione externa. Quocirca hic agitur de interna eaque minimè communi spiritus institutione. Et certè res ipsa nos eò manu ducit. Quum enim iam multa de se Christus dixisset, quæ neque capiebantur, neque credebantur à Capernaitis, multique ea de causa murmurarent quia absurda locutus esse videbatur, vt rei admirationem minueret, ait nihil quicquam in eo mirum esse, & eos demum ad salutem intellecturos esse quæ dicebat, quos non modo vox externæ prædicationis feriret, sed quos etiam Spiritus intus condoceretur; sic enim esse absolute necesse, sic prophetas tanto ante esse vaticinatos. Quo nihil clarius, nihil euidentius, nihil rectius, nihil facilius ad intelligendum.

Verba sunt Apostoli 1. Cor. 1. 23. 24. *Nos autem prædicamus Christum crucifixum, Iudæis quidem scandalum, Græcis verò stultitiam. Iis autem qui vocantur, tum Iudæis, tum Græcis, Christum Dei potentiam ac sapientiam annunciamus. Quinam igitur sunt illi qui vocantur, & qua vocatione vocantur? Nam si vocatio interna haud minus quam externa communis est, cur præter id quod se prædicare vniuersis proficitur, nonnullos *κακῶς* appellat *ἡμετέροις* & veluti *ἀνθρώποις*? Et cum eos opponat quibus Christus Dei sapientia Deique potentia est, ijs quibus stultitia est & offendiculum, cur manifesto rationem discriminationis assignat in eo quod alij *κακοί* sunt, alij minimè, si respectu vocationis nulla inter eos differentia fuit? Est ergo duplex vocatione, altera externa, cuius etiam illi participes sunt quibus Christus offendiculum est, altera interna qua fit vt qui sunt illius compotes Dei potentiam & sapientiam in Christo agnoscunt & admirantur. Idem Apostolus fatetur quidem se Dei Ecclesiam persecutum esse, at factum excusat, si excusari posset, eo quod *ἄγνοοντες ἐποίησα*. Quod Petrus de Iudæis qui Christum crucifixerunt pariter prædicauit. Paulus autem Stephanum audiuerat prædicantem, Iudæi verò Christum ipsum. Si igitur prædicationem externam vis interna spiritus perpetuò comitatur, vel id ipsis per ignorantiam non accidit, quod Christum & Ecclesiam persecuti sunt, vel vis interna spiritus ignorantiam non sustulit. Ignorantiam autem si non sustulit qua in re sita fuit eius efficacia? Quid in eorum animis præstitit? Quæ neque voluntatem inflexit,*

2. Tim.

1. 13.

nec ignorantiam ex intellectu pepulit, potest ne dici in hominibus quidquam operata esse Dei gratia? Neque verò hic respondeat Arminij discipulus, gratiam, quæ mentem illuminabat, quia repulsam in voluntate passa est, abscessisse ab intellectu, quem idcirco ignorantia denuò occupauit. Nam si Arminio credimus, quibus id accidit, ij iusto Dei iudicio indurantur. Indurati autem vix ac ne vix quidem amplius vocantur ab illa vocatione quæ interna est. Qui ergo factum est vt ex ijs qui Christum crucifixe multi postea conuersi sint, Paulus verò non conuersus modo, sed & Apostolus constitutus sit, & incomparabilibus Spiritus Dei virtutibus præditus ac ornatus? Idem Apost. sic loquitur 2. Cor. 3. 4. *Si opertum est Euangelij nostrum, ij qui pereunt opertum est. In quibus Deus huius sæculi excæcauit mentis oculos, nempe in infidelibus, ne irradiet eos illustratio Euangelij gloriæ Christi qui est imago Dei.* Quid est illa illustratio Euangelij gloriæ Christi? Estne splendor veritatis doctrinæ Christianæ, quatenus extrinsecus hominibus offertur tantummodò, an vero quatenus etiam vim aliquam Spiritus illuminantis comitem habet? Prius illud si dicitur, vicit causa nostra. Prædicatum illis fuit Euangelium extrinsecus tantum. Quocirca veritas eius agnosci non potuit ob eam cecitatem quam Deus huius mundi induxerat. Si posterius, vel particula *ut & illud*, significat rei euentum, quod infrequens non est, neque insolens, vel finem atque scopum. Rei euentum si denotat, vt omnino denotare videtur, pugnancia ista sunt, prædicationem externam vim spiritus illuminantis habuisse comitem apud eos de quibus loquitur Apostolus, & tamen illustrationem Euangelij ipsorum mentes non irradiasse. Illuminatio enim illa non est sine splendoris Euangelij irradiatione. Si finis significatur, res eodem recidit, manifestum est enim ex verbis Apostoli, Deum huius mundi finem suum esse consecutum. Impediuit scilicet quominus illi splendore Euangelij irradiarentur. Quinam igitur ista consistere possunt, vt intus à Dei Spiritu illuminati doctrinæ Christianæ veritatem agnoscere nequiverint, ideo quia Diabolus eos excæcauerat? Nonne illuminatio excæcationis curatio est? Aut quænam est illa vis Spiritus Dei illuminans quæ vel oculos Diaboli operatione clausos non aperit, vel prohibere nequit quominus Dei virtute semel aperti à superueniente Diaboli efficacitate occæcentur? Magnopere velim magnifica hæc Apostoli verba ab Arminij discipulis diligenter expendi. *Pater ille gloria det Ephes. vobis spiritum sapientia & reuelationis per agnitionem ipsius: illuminatis oculis mentis vestrae, ad sciendum quæ sit spes vocationis ipsius & quæ opes*

gloria hereditatis ipsius in sanctis. Et qua sit supereminens illa magnitudo potentia ipsius in nobis qui credimus secundum efficacitatem roboris virtutis ipsius. Nam illa certè ad vocationem internam referenda sunt. Est autem, ex Arminij sententia, hæc operatio communis. Euentus disparitas aliunde quàm à vocationis efficacia provenit. Ad eò ut verè dici possit in omnibus quibus Euangelium extrinsecus annunciatum Deum ὁ ὑποβάλλει μίσητος τῆς δυνάμεως τοῦ κράτους τῆς ἰσχύος αὐτοῦ exueruisse. Duæ igitur operationes in hominum intellectu certant. Una quæ à Deo huius mundi proficitur, & qua mentes hominum nititur excæcare. Altera quæ Deus immensus & immortalis mentes illuminare contendit. Atque in eo certamine posterior hæc operatio, etsi dicitur esse κτὰ τὴν δειγματοῦ τῷ κράτει τῆς ἰσχύος τῷ θεῷ, cedere cogitur, prior superior euadit. Obsecro hocce decet homines Christianos, ut Deum summa sua virtute quanta quanta est nitentem, cum Diabolo committant, putent tamè non aliquando tantum, sed & sæpenumero, atque ad eò ut plurimum, repulsum eum & refutatum cogi pedem ignominiosè referre? Scio equidem Arminij discipulum aliquem cuius extat dissertatio in principium Epistolæ Pauli ad Ephesios, excusa Amsterdami anno superiore, hæc Apostoli verba aliò sedulo detorsisse. Vult enim ista ἢ τὸ ὑποβάλλει μίσητος τῆς δυνάμεως αὐτοῦ εἰς ἡμᾶς τῆς πρῆβου, dici non de virtute quæ nos conuertit, sed de potentia Dei quæ credentes suscitabit à mortuis, & cælestibus corporibus indutos in immortali & immutabili gloria collocabit. Illa verò, κτὰ τὴν δειγματοῦ τῷ κράτει τῆς ἰσχύος αὐτοῦ ἡμᾶς ἐκγενοῦν &c. eodem pertinere contendit. At ista sunt effugia hominum qui potius quàm ut veritati cedant quidlibet comminiscuntur. Nam ut de superioribus verbis nihil dicam, posteriora hæc si non significant credentes credidisse vi potentissima Dei ipsius, quomodo ista inter se cohærebunt, ἢ τὸ ὑποβάλλει μίσητος τῆς δυνάμεως αὐτοῦ κτὰ τὴν δειγματοῦ τῷ κράτει τῆς ἰσχύος αὐτοῦ? Illud κτὰ quomodo hic insultum? Quam vim hic habet, ut semper habere debet, convenientiæ alicuius inter duas res significandæ, si effectum, nempe fidem, cum causa, hoc est, Dei potentia infinita non conueniat? At nihil est Apostoli mente euidentius. Cum vis illa potētia Dei per quam salus nostra conficitur, in duabus potissimum rebus conspicua sit, nimirum in nostri liberatione à morte quæ in peccato consistit, & in resurrectione atque glorificatione corporis. salus autem ipsa duobus hisce veluti terminis tanquam principio & fine seu complemēto contineatur, vtrumque pariter Apostolus constituit ob oculos, in vitroque Dei virtutem infinitam vult à nobis credentibus suspici & adorari.

Quod

Quod ex initio capitis sequentis manifestum est. Eiusdem Apostoli est illud vel præcipue memorabile. *Quod reliquum est, orate, fratres, pro nobis, ut sermo Domini currat, & glorificetur sicut & apud vos: & ut eripiamur à protervis ac sceleratis hominibus, non enim omnium est fides?* Quid illud est, non omnium est fides? Non omnes credunt? At id nihil necesse fuit ut admoneret, quod experientia nimis notum fuit omnibus. Tum frigidum istud est ac propemodum insulsum, *orate ut Evangelium Dei currat & glorificetur, & ut eripiamur à protervis & sceleratis hominibus, non enim omnes credunt.* Verborum istorum sententia expedita est. Est quidem Evangelij prædicatio omnibus indifferenter destinata: at quæ fidem generat efficacia spiritus nonnullis tantum. Vitari ergo nequit, quæ est hominum nativa proteruitas, quin prædicationis cursus variè distineatur. Hinc enim Satanæ artes, inde hominum iniquitas multa ponit impedimenta quæ non possunt aliter quàm singulari quadam Dei procuratore superari. Itaque nulla mora, nulla intermissio precibus interponenda est quibus diuinum auxilium inuitetur. Nec admonitio illa videri potuit esse præter rem. Omnibus enim temporibus & in omni loco extiterunt aliqui qui pro insita ingenio humano superbia causam fidei communem esse statuerent, ut discriminis quod inter homines intercedit, rationem & gloriam humano arbitrio vindicarent. Huc accedit, ut est à nobis alibi commemoratum, quod tanta hominum peruersitas atque pertinacia, tantusque disturbantæ Evangelicæ prædicationis ardor, scrupulum aliquem iniicere potuit, quasi id Evangelij ipsius ingenio, non hominum malitiæ esset adscribendum. Occurrendum igitur fuit animorum offensioni opportuna illa admonitio, nihil in eo esse quod perturbare debeat, quandoquidem fidei obiectum quidem commune est, causa verò interna atque efficiens quibusdam peculiaris. Quod nihil aliud est quàm vocationem internam ut plurimum esse ab externa prædicatione separatam. Id ipsum euincit aperte locus illustris qui habetur Rom. II. 7. 8. *Quod requirit Israel, hoc non est adeptus? at electio id obtinuit, reliqui verò indurati sunt. Sicut scriptum est, Dedit eis Deus spiritum soporis, oculos ut non videant, & aures ut non audiant, usque ad hodiernum diem.* In quibus verbis hoc in primis obseruandum est, quod manifesta oppositio sit inter electos & non electos. Illi vocantur electi, quemadmodum alibi circumciso Iudæos denotat, non electi veniunt nomine reliquorum. Reliqui igitur illi indurati sunt, electi emolliiti. Et quemadmodum induratio à non electione proficiscitur, quæ re-

2. Thess
3. 2.

probatio est, sic emollitio ab electione manat. Hoc tantum inter due ista interest, quod emollitio sit electionis efficacitate positiva, induratio non est aliter à reprobatione quam quia Deus qui non eligit non exeric in reprobatis eandem efficacitatem. Quamobrem emollitionis Deus propriè causa est, indurationis nequaquam. Considera igitur reprobos absolutè in se, habent indurationis causam propriam à natura insitam. Compara eos cum emollitis & quære cur hi vim spiritus corda emollientem adepti sint, illi minimè, appositè respondetur alios electos fuisse à Deo, alios verò reprobatos. Iam autem quid est induratio? Apostolus id illis verbis explicat. *Dedit eis Deus Spiritum soporis, oculos ut non videant, & aures ut non audiant.* Vbi nam igitur est illa illuminatio quam Arminij discipuli volunt esse communem? Clariùsne dici potuit, quandoquidem externam prædicationem omnes Iudæi audierunt, ut ex capite præcedente palam est, discreuisse Deum Iudæos à Iudæis, ut alijs oculos apertos & videndi facultate pollentes, hoc est, mentem illustratam interna vocatione concederet; alijs verò mentem quidem non eriperet, quæ pro oculis esse debuit, sed eam à natiua cæcitate non liberaret neque verò defenderet à Diaboli præstigijs magis ac magis excæcantis? At, inquit Arminius, indurationem istam illuminatio aliqua antecesserat. Vnde id probat? An ex eo quod alioqui inuitatio quæ per prædicationem externam facta est, minus seria fuerit & minus Deo digna? At istud est *ὁ ἀρχὴ ἀπελθόντων*, & afferre probationis ergo id de quo vel maximè disputatur. An ex ipsius loci contextu? Quin Apostoliratiocinatio & institutum cauillationem illam perspicuè refellit. Postquam enim testimonijs ex Elia & Davide productis demonstrauit Iudæorum magnam partem fuisse induratam, sic interrogat. *Num igitur, inquam, impegerunt ut exciderent?* Et respondet, *Abst.* Sed per eorum offensam salus obtigit gentibus ut eos ad emulationem pronocaret. In quibus verbis rationem diuinæ dispensationis in eo negotio aperit; permisisse Deum, scilicet, & sapienter ordinasse multorum Iudæorū incredulitatem, ut sic viam ad Gentilium vocationem sibi sterneret, vti rem esse futuram prophetæ multo antè prædixerant. Gentilibus verò vocatis, tum demum Iudæos iri conuersum, aliorum fide & vocatione ad communionem federum diuinorum tanquam acrimulationis aculeo stimulos. Fac ergo, quod Arminius voluit, & Iudæos & Gentiles vocatos pariter & illuminatos fuisse intrinsecus eodem modo eodemque animo, & discrimen quod inter eos intercessit ab vno eorum libero arbitrio extitisse, quod constare potest illa Pau-

li disputatio? aut ubi in ea Dei dispensatio locum habet?

At Christi parabola in eam rem clara est ut quod maxime. *Ecce Math.*
inquit, sator quidam exiit ad ferendum. Et cum is seminaret, alia qui- 13. 3. 4.
dē ceciderunt secundum viam, & venerunt volucres, & exederunt ea.
Quæ sic ipse interpretatur, Omnis qui audit verbum Dei & non intelli-
git, malus venit, & rapit quod seminatum est in corde eius. Is est qui se-
cundum viam semen exceperit. Nam facile quidem illud est ex hypothe-
 si nostra: Nempe audiunt multi verbi prædicationem, & ut supra di-
 xi, capiunt *πὶ τῷ λόγῳ*. At quia spiritus eos non affecit intrinsecus, ver-
 bum non intelligunt, hoc est, non perspiciunt quàm verum sit atque
 celeste. At illuminatos fuisse à Spiritu Dei, verbum autem non in-
 tellexisse quis credat? aut cui fiet verisimile? Nonne spiritus indul-
 getur ut verbum intelligatur? Quæ solent à nostris ex Actorum 16.
 produci planè memorabilia sunt. *Lydia*, inquit diuinus scriptor, *cor*
domi adaperuit, ut attenderet ijs quæ dicebantur à Paulo, *προσέχων τῷ λό-*
γῳ αὐτοῦ *ὡς τὸ πάλαι.* Nempe vel *προσέχων* significat attentionem quæ
 solet etiam sine assensione præberi ab ingenio excitato, vel denotat fi-
 dei assensum veritatem & præstantiam obiecti firmiter apprehenden-
 tis. Prius si locum habet, vel apertio cordis *Lydiæ* fuit operatio quæ-
 dam communis omnibus qui Paulum prædicantem audiebant, vel pec-
 cularis *Lydiæ* & paucis alijs. Communis autem certè esse non potuit.
 Cur enim de *Lydia* peculiariter memoraretur? Et cur in *Lydia* sola
 fecisset ut actu ijs attenderet quæ dicebantur à Paulo? Quod si pecu-
 liaris *Lydiæ* fuit ea operatio Dei quæ cor aperit, frustra est Arminius
 quicquid quicquam à Deo vi spiritus præstari vult in vno, quod non
 pariter præstetur in alio. At certè non nuda attentio, sed assensus e-
 tiam denotatur. Quod manifestum est ex historia. Credidit enim, &
 baptizata fuit, vna cum eius familia, & Paulum cum ipsius comitatu
 precibus compulsi ut domo sua pro hospitio vteretur, & Ecclesiam
 apud se colligi neque verita est neque dedignata. Quod in loco
 infesto magnum argumentum fuit animi Christo penitus addicti at-
 que consecrati. *Προσέχων* ergo, ut sæpe apud bonos auctores, assentiri
 est, obtemperare & fidem exhibere atque obsequium. Porro, vel fuit
 ille in *Lydia* primus actus fidei, vel cum iam esset *συνεχόμενος τῷ θεῷ*, increm-
 tum fuit fidei iam natæ & distincta Messiae notitia adolescentis quod-
 cunque autem dixeris, quamquam posterius longè verius est, A. mi-
 nimum iugulaueris. Cor enim mens est, fatentibus ipsis Arminij disci-
 pulis. Sic enim loquitur is cuius supra citavi dissertationiculum in
 cap. 1. Epist. ad Ephesios. *In illis verbis, προσπορεύς τὸς ἐφεταμένους τῷ*

est mens denique quæ quid naturæ modum excedat, non omnino absurdè & imperitè dijudicare valet. Quæ omnia citra ullam Gratiæ efficacitatē in Lycaonib⁹ tum exstiterunt. At est pariter mentis cæcitas quam ea gratia non dispulit; est ad idolatriam propensio vehementis & inolita quam non correxit; est denique iudiciū in pieratis negotio peruersissimū quod nulla vis supernaturalis in ijs emendauit. Non possum hīc præterire locum ad rem nostram vel maximè pertinentem. Conatus erat Apostolus prædicatione & cohortatione sua Iudæos Romæ degentes ad fidē in Christum percellere: Et id à nonnullis impetrauit, ab alijs minimè. Quum itaque discordarent inter se, Paulus discriminis causa altius indagata, sic locutus est. *Recte Spiritus sanctus per Esaiam Prophetam dixit, Vade ad populum istum & dic, Auditum audietis, & non intelligetis; & videntes videbitis & non cernetis. Pinguefactum enim est cor populi huius & auribus grauerunt, &c. Notum ergo sit vobis missam esse Gentibus hanc Dei salutem, & ipsos audituros. Quæso si gratia quæ mentes intus illuminat communis fuit, quomodo illi dicuntur audire quidem, sed non intelligere, videre & nihil discernere tamen? Et cum, vt supra diximus, cormentem denotet, quī pinguefactum illis cor esse dicitur quibus mens tanta luce à Spiritu Dei fuit illustrata? Atenim lucem illā à peruersis affectibus & ab obstinata voluntatis contumacia præfocari siuerunt. Quo factum vt iusto Dei iudicio animus illis occalesceret. Nunc non vrgeo neque verum neque vero simile esse vt intellectu tanta luce quantam Arminius omnibus communiter indulgeri vult, persuso, voluntatem & affectus tantum posse vt ea cogatur abscedere. Hoc vnum quæro, cum id Apostolus in promptu haberet quod Iudæis contumacibus exprobraret, non oblatam eis extrinsecus fuisse salutem tantum, sed & in intimis animi recessibus à Spiritu efficacissimè reuelatam, cur id illis non obijcit? Cur non eorum conscientiam appellat? Cur non eā re contumaciam exaggerat? Cur non inuehitur in animum salutis & oblatæ & agnitæ deliberatā malitiam contemptorem? Certè si Paulus idem cum Arminio sensit debuit vehementem illam obiurgationem sic instituere, non vt diceret *audientes non intelligitis, videntes non cernitis*, quæ mentem proculdubio cæcam arguunt, sed *auditis & intelligitis, videtis & discernitis*, nec rei quam prædico veritatem aut præstantiam ignoratis: at vim ipsi adhibetis intellectui vestro, & data opera lucem in animis vestris accensam extinguitis & præfocatis. Quanto enim hoc quàm illud maius & atrocius peccatum est, tanto maiorem & vehementiorem*

causam præbebat ad obiurgandum. Nec parum vim auget argumēti quod ubi Paulus eos alloquitur quos Dei Spiritus aliquatenus illuminauit, hortationes suas eo potissimum telo armat, quod interna illuminatio non modò non spernitur impunè, sed & violata atque extincta ab omni spe renouationis excludit in æternum, vt clarum est ex cap. 6. & 10. Epistolæ ad Hebræos: *Quis factum igitur vt à Iudæis quibus Christum annunciauit tot modis reiectus, tot contumelijs affectus, non modò id illis nunquam exprobraret quod Spiritum sanctum extinguerent, sed & eis vt dixi Dei zelum attribuerit? Ad extremum in ea cōparatione quam sæpe inter Iudæos & Gentiles instituit, ubi causas inuestigat cur illi reiecti hi verò vocati sint, nusquam dicit, nusquam vel leuissimum suspicionem iniicit, vtriusque communem spiritus gratiam esse concessam, quam alij admiserint alij vero dispulerint ex intellectu.* Vbiq̃ue recurrit ad electionem, Rom. 11. 2. & ad *ἀπορρητοὺς τοὺς θεοῦ*, ad imperuestigabilia Dei iudicia, ad causas denique vsque adeò distitas atque remotas ab ijs quas Arminius commentus est, vt luce meridiana clarius sit, alterum scripsisse diuini Spiritus instinctu, alterum intemperie quadam ingenij humani atreptum & agitarum, vt sibi compararet subtilitatis laudem veritati tenebras offudisse.

Quæ ab Arminij discipulis afferuntur vt vocationem internam communem esse adstruant, commemorare piget, vsque adeo infirma sunt & indigna quæ accuratè refellantur. Aiunt Christum voluisse congregare liberos Ierusalem. Matt. 23. 37. Et *Deum tota die manus suas ad populum rebellem expandisse.* Esa. 65. 2. Et quod noluerit populus iste mandatis ipsius obsequi *grauiter indoluisse.* Psal. 81. 14. Et Christum salutem omnium quæsiuisse, Ioan. 5. 34. Et *Deum omnes homines velle saluos fieri,* 1. Tim. 2. 4. Et *nolle vllum perire,* 2. Petr. 3. 9. Et multa alia huiusmodi congerunt. Quæ ostendunt quidem omnes externa prædicatione inuitari atque adeò seriò inuitari, vti veniant, salutis sint compotes, vt supra fusiùs explicauimus. De vocatione interna in illis neque vola neque vestigium. Addunt illi nescio quas rationes quas vehementer virgent quasi foret in illis inuictum causæ præsidium collocatum. Aiunt ergo primò, nisi gratia quædam interna prædicationem externam perpetuò comitetur, haud benè Euangelium vocari Euangelium Spiritus. Deinde Deum promississe per Ieremiam fore vt fœdere Euangelico leges suas hominum cordibus inscriberet. Tertio nisi causa fidei sit omnibus communis frustra Christum pro omnibus communiter esse mortuum sub fidei condi

conditione. Quarto nisi causa fidei sit omnibus cōmunis, gratiam quæ extrinsecus offertur non posse dici sufficientem. Absurdum autem esse statuere Deum miseris mortalibus illudere oblata gratia quæ nihil præstare potest. Quibus adiungunt ea Scripturæ loca in quibus nonnulli spiritum accepisse dicuntur quos tamen fatemur non esse in electorum censu numerandos. Et ad primam illam rationem quod attinet, Euangelium ab Apostolo ministerium spiritus appellatur per oppositionem ad Legem, quam nulla vis spiritus verè conuertentis verèque sanctificantis comitata est. Quod ex inspectione loci cuius manifestum esse potest. 2. Cor. 3. ver. 3. 4. 5. Appellatio autem illa quidni in Euangelium competet, tamen si Spiritus non omnibus indulgeatur? Nam indulgetur multis sanè: at per Legem omnino nulli. Tum & istud memoratu dignum quod etsi Euangelium non est efficax apud omnes, nusquam tamen est omnino inefficax, nec vsquam prædicatur quin aliquem conuertat. Quod sine virtute spiritus non fit. Sunt illa non in eodem contextu sed in loco planè simili ad rem quam agimus accommodatissima. *Non est sermo meus & præconium meum in persuasorijs humana sapientia verbis, sed in demonstratione spiritus & potentia.* Ideo enim quod præconium Evangelij est *in demonstratione spiritus & potentia*, ministerium spiritus appellatur. Est ne igitur illa *demonstratio* omnibus communis? Et si communis est quæ fit vt Euangelium à tam multis reiiciatur? *Demonstrationibus* enim intellectus neque resistit, neque resistere potest. Ad secundam rationem iam supra respondimus. Instituitur apud Ieremiam comparatio inter fedus nouum & fedus antiquum respectu euentus vtriusque. Hoc irritum fuit quia nemo Dei mandata impleuit: illud ratum fore prædicitur, quia facturus est Deus vt nonnulli credant. Quid hoc ad gratiam internam omnibus hominibus communem? Et tanè illud si ad omnes homines pertinet indiscriminatim, *inscribam leges meas eorum cordibus*, & istud itidem pertinebit: *omnes me agnoscant*, & *propitius ero eorum iniquitati*, & *peccati eorum unquam meminero*. Non enim modo eodem contextu continentur, sed & alterum ex altero necessariò pender. Omnesne ergo Deum cognoscunt? Omnes ne iustificantur? Quemadmodum igitur non omnes iustificentur, quia Deum non cognouerunt omnes: sic non omnes Deum cognouerunt quia non omnium cordibus leges suas insculpsit. *Textus rationis refutatio* ex ijs quæ iam antea à nobis disputata sunt cūis obuia est. Nam si frustra significat non omnes acti per Christum seruari, ex eius morte nullam ad incredulos redire vtilitatem, eorum respectu frustra Christum esse

mortuum facile concedimus. At si frustra significat Deum rem ita fieri procurasse nullo consilio, nec ullam in eo misericordiam, nullam ad salutem hominum propensionem ostendisse, id vero pernegamus & contendimus esse longè falsissimum. Potuerunt seruari si voluissent, quod seruati non sunt id debet eorum inuictæ pertinaciæ & obstinatæ malitiæ imputari. Quarta rationis nodum sic dissoluimus. Duplici morbo laboramus. Vnum in eo positum est quod maledictioni sumus obnoxij propter peccatum. Alterum in eo quod ad ea cæci sumus quæ nos à maledictione liberare possunt. Et ad prius illud malum quod attinet, satisfactio à Christo præstita, sufficiens, opinor, gratia est, quæ quemuis ab eo liberet modo credat. Finge ergo animo aliquem maledictioni obnoxium propter antecedentia peccata, at facultatibus intellectus & voluntatis rectè vrentem Christi satisfactionem apprehendere, liberationem à maledicto consequetur. Nam ad salutem obtinendam fides vnde sit, dummodo vera sit & sincera atque vehemens, planè nihil interest. Hactenus ergo gratia Christi sufficit, vnum hominis vitium prohibet quominus euentum sortiatur. De posteriore res ita se habet. Duo sunt ad fidem habendam necessaria: obiectum verum propositum ad credendum; & facultas aptè constituta ad obiectum apprehendendum. Obiectum autem illud clarè proponitur in Euangelio. Fac ergo hominem non esse nequam, nihil illi deerit eorum quæ ad fidem habendam necessaria sunt. Sufficit ergo adhuc catenus Christi gratia extrinsecus oblata, quemadmodum solis lux sufficit ad actionem visus eliciendam si oculis vales. Sufficeret ergo abundè vnde quaque Christi gratia nisi homines nequam essent. Nam quod aliquis obijcit non sufficere eam gratiam quæ amorem Dei cordibus ingenerare non potest, non posse autem ingenerari nisi à Spiritu Dei, vanum est. Vnamquamque rem amamus prout eam cognoscimus præditam qualitatibus dignis quæ à nobis diligantur. Quando igitur Christus in Euangelio reuelatus est longè dignissimus qui vehementissimè diligatur, si facultatibus nostris naturalibus rectè vteremur, & Christum cognosceremus amabilem, & quod omnino consequens est, summoperè diligere. Dicam aliquid amplius. Duplex est actus spiritus Dei in nobis, alter qui fidem creat, alter qui fidem creatam & præstitam subsequitur, quique præcipuè pertinet ad sanctimoniam ingenerandam. In illo posita est conditionis federis Evangelici præstatio: in hoc Ioh. 7. pars promissionis federis consistit. Pollicetur enim Christus se datu-
37. 33. rum Spiritum suum omnibus credentibus. Fac ergo aliquem conueniente

nien
duru
Dei
vniu
offer
gene
anim
aliqu
rari
quic
man
ij po
tion
tur i
desp
tern
verte
cum
ci. Q
rem
dere
Hæc
viri



Ron
lige
nob

nienter adhibere facultatem intellectus ad Christum apprehendendum, fide præstita spiritum sanctificationis acciperet, qui Christi & Dei amore animos incendit. Quocunque igitur te conuertas, per vnus hominis malitiam stat quominus gratia Christi, quæ extrinsecus offertur, sit sufficiens & ad maledictionem obliterandam, & ad fidem generandam, & ad veram sanctimoniam verumque Dei amorem in animis omnium procreandum. De ijs quibus Scriptura dicit partem aliquam spiritus indulgam esse, qui tamen in electorum censu numerari non debent, res est expedita. Nempe illi pauci sunt, ideoque nil quicquid id pertinet ad doctrinam de gratia interna vniuersali confirmandam. Pauci sunt illi, inquam. Idque ex eo manifestum est quod & ^{Heb. 6.} ij post defectionē à Christo ab omni spe instaurationis atque renouationis ad præsentiam dei cipiuntur, & torquentur atque cruciantur iusto Dei iudicio acerrimis animi formidinibus, quæ tandem in desperationis voraginem impellunt. Eorum autem qui Christum externa prædicatione oblatum reiecerunt nonnulli postmodum conuertuntur; ex illis vero qui non conuertuntur & manent obstinati, cum horrendis illis animi ægitudinibus conflantur oppidè pauci. Quin ideo quia dum Christi seruos acriter persequuntur se se Deo rem gratam facere autumant, ijsque veluti gradibus in cælum ascendere se posse sperant, in eo sibi blandiuntur & suauiter acquiescunt. Hæc quia leuia sunt, sunt etiam à nobis refutatione leuiter perstricta vtin instituta doctrinæ Caluini demonstratione pergamus.



CAPVT XV.

Caluini doctrinam in capite nono Epistolæ ad Romanos esse fundatam.



VONIAM igitur decretum absolutum cuius vi alij vocantur efficaciter, alij vero prætereuntur, ex quo ijs incumbit pereundi necessitas, nusquam alibi Spiritus sanctus clariùs reuelauit quam in capite nono Epistolæ ad Romanos, nec vsquæ etiam ingenij humani præpostera sedulitas diligentius elaborauit quàm in eius capitis interpretatione deprauanda, nobis est hic aliquid præstandum vt eam ab Arminianorum corrup-

relis vindicemus. Non quod sit animus quæcunque ab ijs in eam rem dicta sunt vel studiosè confectari vel scrupulosè ponderare: nullus est enim in ea schola vitiligandi finis, nullus modus argutiarum. Hoc tantùm breuiter demonstrare constituimus, neque rem ab Apostolo eo capite tractatam, neque verba quibus eam explicat, cum instituto quod illi Arminius affinxit, cohærere & consentire posse. Quare confecta facilis erit ad conclusionem istam transitus, in nostra huius capitis interpretatione acquiescendum esse. Sic igitur Arminij discipuli sententiam suam ea de re explicant. *Thesim*, inquit, *hanc*

Expl.

Cap. 9.

ad Ro.

pag. 98.

*contra omnes Iudaorum exceptiones defendit Apostolus: Dei scilicet propositum inde ab antiquis temporibus fuisse, non eos qui ex lege iustitiam querunt, sed qui Dei in Evangelio reuelatis promissionibus credunt, iustificare, & consequenter adoptare & beatere, pro eo quod ad hoc faciendum instructus est, in re ac potestate. Hoc illud est quod hoc in loco Apostolus sibi habet propositum, hic scopus est huius capitis. Adeo ut questio hic non sit de datione fidei, sed iustitia, non quomodo & quibus Deus velit dare fidem, sed quomodo & quos velit iustificare & adoptare. Quæ ex scriptis aduersus Synodum Dordracenam ab ijs editis descriplimus, quia & Arnoldi & Arminij ipsius verba in constituendo illo Apostoli fine vel prolixiora sunt vel impeditiora. Nituntur autem duobus potissimum argumentis. Prius est quod cum initio huius capitis Apostolus duos typos ad argumenti sui tractationem adhibeat, vnum de Isaac & Ismaele, alterum de Esauo & Iacobo, rationi videtur esse consentaneum ut eodem pertineant. Nam quæ causa typos istos ad rectoro penè genere diuersas referendi? Typum autem Isaaci & Ismaelis ad doctrinam de Iustificatione referendum esse, putant extra omnem dubitationem esse positum: tum quia hoc ipso loco Isaacus & parens est & typus eorum qui vocantur *τῆς χάριτος*, ij autem fideles sunt: tum quia Paulus ipse cap. 4. Epistolæ ad Galatas eandem allegoriam ad doctrinam de Iustificatione confirmandam & illustrandam applicauit. Neque autem conuenit ut vna res duas adeo diuersas doctrinas de Iustificatione, & de electione, qualis à Caluino traditur, adumbrauerit, neque verisimile est Apostolum priore typo de iustificatione proposito, subito transuolare ad alterum in quo doctrina de electione & reprobatione designetur. Posterius argumentum est quod versu 30. huius capitis Apostolus sic loquitur, *Quid ergo dicemus? Nempe gentes quæ non sectabantur iustitiam, apprehendisse iustitiam, iustitiam autem eam quæ est ex fide.* In quibus verbis agi de iustificatione quis ambigat? Alienum autem videtur ab omni veritatis*

& rationis specie, vt Apostolus de electione ac reprobatione, qualis docetur à Caluino, disputet, de iustificatione autem tam aperte concludat. Nos certe hic nolimus argumentorum istorum vim expendere: id postmodum fieri poterit commodius. Nunc demus Arminio quod postulat, & hic in capitis conclusione, & illic in propositione prioris typi agi de iustificatione; videamus tantummodo an reliqua congruant. Nam si pugnent & ad doctrinam de iustificatione circa vim manifestam reuocari nequeant, quid restat quàm vt vel duo illa argumenta falsum supponant, vel vt quę intra prioris typi propositionem, & conclusionem capitis versu 30. inchoatam continentur, includenda sint: parenthesi vt reliqua inter se apte & commodè connecti possint? Sunt ergo illi viginti versus diligenter considerandi, atque ordinis causa reuocandi ad quatuor præcipua capita. In primo, quod habet versus 10, 11, 12, 13, alter typus proponitur. In secundo quod complectitur vers. 14, 15, 16, 17, & 18, obuiam huius suspicioni, quasi doctrina primo capite comprehensa Deo aspergeret labem aliquam iniustitię. In tertio quod versibus 19, 20, 21, 22, 23, continetur, occurrit Apostolus alteri cuiuspiam seu suspicioni, seu obiectioni, quasi eadem illa doctrina in eo negotio de quo agitur, Deo voluntatem aliquam attribueret quę non modo in se sit insuperabilis, sed etiam hominibus excusationis legitimę occasionem præbeat. A versu 23, caput quartum deinceps excurret, in quo superiorem doctrinam Osę testimonio Apostolus confirmat. Et quia eorum paucitas ad quos pertinet ea dispensatio, quęcunque est, hominum animos admodum offendere potuit, vt offensionem minuat & scandalum amoliat, rem sic multo ante prædictam esse declarat, prælatis Esaię testimonijs quę hanc disputationem claudunt in versu vigesimo nono. Hęc ita distribuere placuit ne rerum indistincta multitudo, veritati tenebras offunderet. Et ad primum quod attinet, si duo illi typi rem vnā & eandem adumbrarunt, omnino necesse est vt vel omnia vel saltem penè omnia inter se habuerint similia atque communia. Nam qui pote vt duę tabulę inter se admodum diuersę ac discrepantes vnā faciem repręsentent? Certę quę ab Apostolo proponuntur allegorię sunt ei ab instinctu Spiritus sancti suppeditatę. At eiusmodi tamen & fuerunt & esse debuerunt vt illustrię ex quibus desumebantur magnam quandam similitudinem & conuenientiam cum ijs rebus haberent ad quas ab Apostolo sunt accommodatę. Alioqui se se mentibus hominum nunquam probassent, apud quos in illis Euangelij primordijs non tam auctoritas

Apostolica valebat ad persuadendū, quā evidentia veritatis. Quod si non aliter assensum impetrare potuerunt, quam quia mens hominum latentem quidem antea, sed postquam in lucem prolata est, admirabilem convenientiam inter typos & res typis significatas intercedentem animaduertit, necesse est ut ubi duo typi ad eandem rem denotandam conspirarunt, conspiratio illa obseruata sit in vtriusque inter se & cum tertio quodam similitudine. Conueniunt autem certè hi duo typi in eo quod ut prioris liberorum paris Abrahamus pater fuit, sic Isaacus posterioris. In cæteris tanta est discrepantia ut nusquam alibi congruant. Isaacus & Ismaël nati sunt ex duabus matribus: Esauus & Iacobus ex vna tantum. Ismaël ex ancilla prodiit, ideoque fuit conditione seruus, nam fructus ventrem sequitur; Isaacus ex libera liber fuit: inter Esauum & Iacobum eatenus nullum fuit discrimen. Ismaël natus est absque miraculo, Abrahamo per ætatem adhuc viribus non defecto; Isaacus procreatus est à parentibus effectis & præter naturæ ordinem: Esauus & Iacobus vno cōcubitu suscepti sunt citra vim vllam supernaturalē præter eam quæ necessaria fuit ut Rebecca, cæteroqui sterilis, concipere posset. Isaacus genitus est vi promissionis cuiusdam antecedentis, Ismaëlis generationem nulla promissio antecessit. Quæ Esauus & Iacobi generationem antecesserunt vel non antecesserunt, pariter spectarunt ad vtrumque. Quid est inter illa duo paria quod non apertè dissentiat? Quo pacto igitur sunt ad idem significandum vel à Spiritu Dei destinata primum, vel ab Apostolo traducta demum atque accommodata? Atque id erit aliquanto evidentius si viderimus quibus in rebus Apostolus consensionem inter priorem typum & doctrinam de iustificatione constituit, ut alter alterius generet imaginem. Nam ad Galatas 4. primum obseruat ex duobus Abrahami liberis vnum natum esse ex ancilla, alterum ex libera. Deinde cum qui natus ex ancilla est, procreatum esse *κατὰ σαρκα*, hoc est vi naturæ. Nihil enim frequentius est quàm ut *κατὰ* naturæ ordinem denotet citra vim vllam supernaturalem. Eum vero quem libera peperit natum esse per promissionem. Deinde ait duas matres duo fœdera designasse & duplicem obtinendæ iustificationis rationem. In Sara Evangelij, in Agare Legis imaginem fuisse figuratam. Legem gignere quidem, sed seruos, nempe iustitarios; Evangeliam liberos procreare qui iustitiam ex fide consequuntur. Per legem non subministrari spiritus gratiam, rem totam permitti viribus naturæ & arbitrio humano, aut si vis aliqua legem comitatur, eam nihil aliud esse præter spiritum qui ideo

seruitutis

seruitutis appellatur, quia eius efficacia non alij motus excitantur in animo quam qui seruos decent, quos vnus flagrorum & pistrini merus impellit ad obsequium, quique nulla honesti specie, nulla officij reuerentia ducuntur. Per Euangelium suppeditari gratiam cælestem admirabilem, omnem naturæ vim infinito intervallo supereminentem, quæ omnes hominum cogitationes ἀχαρακτήρα. Age quæso, Lector, posteriorem typum excute, reperiesne aliquid quod eo duci vel trahi possit? Vbinam illa duo fœdera? vbinam duæ nascendi conditiones? vbinam reliqua in quibus ratio typi consistit? Multa hîc Arminij schola indagat & suspicatur de ijs rebus quas Iudæi vel poterant vel non poterant aduersus doctrinam Apostolicam asserere: multa viro diuino affingunt quæ respondeat: scrinia omnia subtilitatis excutiant, & ea dicunt quæ si Apostolus reuiuisceret, forsitan intelligere nequiret. Omnia frustra, nisi primum ostenderint decuisse scriptorem tam sapientem res natura tam diuersas ac repugnantes in vnâ redigere atque componere. Verum Apostoli verba propius intueamur. Obseruat igitur Rebeccam ex vno concubitu duos liberos concepisse. Quod non est proculdubio temerè positum. Non potest autem sanè ad doctrinam de Iustificatione pertinere. Nam vna mater duo fœdera representare nequit, quorum alterum in fide, alterum in operibus Iustificationis obtinendæ rationem ostendat. Quod si Iacobus & Esauus typi fuerunt eorum quos vnum idemque fœdus Deo peperit, hand dicit Apostolus instituto suo consentanea. Ait enim Deum inter Esauum & Iacobum discrimen constituisse tantum, vt alterum odio habuerit, alterum sit amore profecutus. Iam autem Deus nullum discrimen statuit inter eos qui eodem fœdere continentur. Omnes procreatos ex fœdere legali, repudiat, omnes ex Euangelio progenitos, admittit ex æquo & pro suis agnoscit. Et cum hîc instituat comparatio inter conditionem quam vterque à parentibus habuit, & fortè quæ ex Dei voluntate vtrique extitit, generauerit eos Rebecca, hoc est, fœdus Euangelicum, liberos ambos, Deus tamen alterum abdicauerit, alterum ad hæreditatem cernendam admiserit. Quæ sunt clarè pugnantia & ἀνόμα. At fac Apostoli doctrinam esse vnâ cum doctrina Calviniana, vt sanè est, quàm appositè res quadrabit? Nimirum vult ostendere Deum pro libero suo beneplacito natura æqualibus tribuere inæqualia. Ad eam rem adhibet eorum typum quos ijdem parentes, eodem concubitu, eadem planè conditione generarunt, inter quos tamen tantum discrimen Deus intercedere voluerit. Quid potuit esse magis congruens & appositum? Obseruat secun-

y. 10.

y. 11.

dò Paulus antequam pueri nati forent, & quicquam fecissent boni vel mali editum esse oraculum quod eos discriminauit. Quod Apostolus summopere considerandum esse duxit. Non enim existimauit esse de nihilo quod in earum rerum dispensatione quas ad allegoriam traduxit, prouidentia Spiritus ea fuit ratio, vt & oraculum ederetur, dum adhuc erant in utero pueri, & Moses ita narrationem suam institueret vt insignis illa circumstantia non omitteretur. Solent enim ab Apostolo verba Moysis tanti fieri vt nihil ab eo temerè scriptum, nihil fortuitò vel incogitanter aut memoratum aut tacitum esse putet, nihil denique vel narratum vel omisum in quo non lateat aliquid *uon me adis*. Id autem quid faciat ad doctrinam de Iustificatione, equidem non video. Nam si Esauus, vel ij quos Esauus similitudine expressit, reiecti sunt ideo quia non crediderunt, Iacobus verò aut quos ille figurauit, in ius filiorum adoptati sunt quia fidem adhibuerunt Euangelio, obsecro nonne potius conueniebat vt differretur oraculi pronuntiatio in id tempus quo uterque factis prodidisset quomodo se se haberet eius animus ad credendum? Certè quando causa discriminis est in eorum fide & incredulitate, pœnitentia & impœnitentia posita, absurdum est vt quod maxime ad eius rei cõfirmationem asferre id quod clarissimè innuit nullam in discrimine statuendo rationem esse habitam ab ijsne profectum esset aliquid annon, quod Dei voluntatem mouere & impellere posset. Arpone Caluini hyporhesim, nihil dici potest conuenientius. Nimirum quia in dispensatione gratia quæ fidem creat, & in comparatione eorum quibus vel datur vel denegatur, Deus non opera, non merita, non quidquam istiusmodi aliud intuitus est, sequutus est vnam suam liberrimam voluntatem, nihil potuit fieri sapientius quam vt eiusmodi oraculum cum tali circumstantia memoratetur. Nam quod Arminij discipuli hic obseruant non agi de fide donanda, sed de iustificatione, quia Apostolus ait *und i opazai tai ti 2 yadai i exod*, quibus verbis innuitur iustificationem non esse per opera, leue est. Nempe cum Iudæi se se virtutibus & meritis operum reliquos homines antecellere crederent, procliuè fuit vt Deum accusarent alicuius iniustitiae, vt pote qui vocasset efficaciter ad salutis participationem gentes, omni genere proborum obrutas, reiecisset autem Iudæos quorum plerique bonis operibus studere videbantur. Rem igitur illam Apostolus anticipat, & ostendit inde ab Ecclesiæ primo ortu, cum vnus Isaci familiae septis contineretur, summam in eo negotio Dei libertatem fuisse præsignificatam, vt qui nihil quidquam operibus in electione tribue-

rit. Pergit Apostolus & ait, ἵνα ἡ ἐκλογὴ τοῦ θεοῦ ἀποδείξῃ μὴν. Quod Arminius sic interpretatur vt dicat, Deum isto oraculo nihil aliud significare voluisse quàm se propositum de iustitia & salute communicanda apud se ab æterno statuisse, non quod omnes in vniuersum Abrahami posteros complecteretur, sed quod esset secundum electionem, qua inter hos & illos discerneret, & non simpliciter in sua natura integra aut corrupta consideratos, sed respectu conditionis per quam iustitia & salus esset applicanda. Quæ sanè mentem Apostoli corrumpunt. Primo enim absurdum est illud, nondum natis pueris, cum nihil fecissent boni vel mali, nihil aliud significare quam decretum de salute per fidem communicanda esse ab æterno constitutum. Quis vnquam talem phrasim audiuit? Quom Scriptura vult æternitatem denotare, dicit, ἀπ' αἰώνος, ἀπὸ τῆς καταβολῆς κόσμου, & similia. Tum si istud nondum natis, æternitatem denotat, quid attinebat addere, cum nihil fecissent boni vel mali, quæ manifesto adiecta sunt ἐπερχόμενα? Hæc enim certe nihil ad æternitatem. Neque Apostolum verisimile est hoc voluisse obseruari, oraculum editum esse μὴ αὐτοῖς γινώσκουσιν &c. vt sciremus propositum illud Dei esse æternum; quis enim id neget? Hoc voluit tantum, benè vel secus actorum in cōstitutione propositi nullam esse habitam rationem. Atqui in iustificatione fides consideratur, in damnatione incredulitas. Idque perspicuum est ex illis verbis, ἵνα μὴν, &c. Scilicet quid egregiè facit ad id vt propositum de salute communicanda per fidem maneat, si sciamus editum fuisse oraculum antequam pueri quidquam boni vel mali fecissent? Nonne potius id pertinet ad propositum illud euertendum, quandoquidem eius executio eo solo nititur quod alij aliquid boni, alij vero aliquid mali præstiterunt? Crediderunt illi scilicet, hi minimè. Adde quod ista ἡ ἐκλογὴ τοῦ θεοῦ ἀποδείξῃ, emphatica sunt, vt est à viris doctis obseruatum. Nam si Apostolus scripsisset ἵνα ἡ ἀποδείξῃ τοῦ θεοῦ μὴν καὶ τὴν ἐκλογὴν, aliquod in eo forsitan Arminius causæ suæ præsidium reperisset. Vult enim propositum de salute per fidem communicanda executioni mandari per electionem aliquam memorabilem: siquidem credentes ab incredulis in adoptionem secernuntur. At si quis Apostoli verba legat attentè, faciliè perspiciet, oraculum illud, maior seruiet minori, pronunciatum esse μὴ αὐτοῖς γινώσκουσιν &c. vt maneret, hoc est firma atque rata esse, ἡ κατ' ἐκλογὴν ἀποδείξῃ, propositum quo Deus alterum ab altero secernit. Quid quod propositum de seruandis fidelibus propriè ἡ κατ' ἐκλογὴν ἀποδείξῃ dici non potest? Nempe ἡ ἐκλογὴν ἀποδείξῃ est propositum cuius ἔτι ἡ ἐκλογὴ in electione situm est, vel propositum quod electionem facit at-

Diog.
Lact.in
Præm.

que separationem. Idem enim est ac si Apostolus id appellasset *ἐκ τῆς*
φύσεως Vt *ἐκ τῆς φύσεως*, pud Diogenem Lærtium, est ea Philo-
 sophiæ secta quæ seligit τὰ ἀπὸ φύσεως ἢ ἐκ φύσεως. At propo-
 situm de seruandis fidelibus, ipso sic docente Arminio, nihil propriè
 seligit aut separat, & si omnes crederent, omnes ad vitam admitteren-
 tur. Quod si in executione illius propositi fit separatio quædam, non
 fit ea propriè vi propositi, sed per accidens. Accidit enim vt non om-
 nes sed pauci tantummodò crederent: quod proposito ipsi non est
 vlllo pacto tribuendum. Quæ sequuntur apud Apostolum, *non ex o-*
peribus, sed ex vocante, Arminio sic explicare libuit, *non ex operibus,*
sed ex fide quâ vocanti Deo paretur. Quæ mira est licentia. Fides est
 ex vocatione; vocatio ex vocante; ergo illud, *ex vocante*, significat
ex fide. Quid ergo? Ferret-ne Arminius Pontificium aliquem sic
 disputantem? Opera sunt ex fide. Apostolus nos dicit fide
 iustificari. Ergo iustificamur operibus? Quamquam sanè fides & o-
 pera immediatè cohærent, non cohæret fides cum vocante nisi vo-
 cationis interuentu. Vt si Pontificius aliquis id audeat, effecto tri-
 buat quod causæ proximæ est, Arminius vero ascendat vsque ad re-
 motam. Pari subtilitate, qua hebetudinem quamlibet atque tardi-
 tatem infinitis partibus optabiliorem esse certo scio, Impuratus
 Socinus iustificationem nostram morti Christi in Scriptura tribui
 dicit, quia mors Christi resurrectionem eius antecessit, resurrectio
 spem præmij facit recte viuentibus, spes talis ad pœnitentiam excitat,
 pœnitentia inuitat ad condonandum, condonatio autem iustificatio
 est. Quas ambages Arminius ipse in eo argumento non probauit,
 doctissimu. Grotius egregijs rationibus edocuit minimè omnium esse
 probandas. Quid si aliquis dicat Apostolum nugari quia illud *ἐκ τῆς*
καλῆς significare potest *per opera*, opera enim ex fide sunt, fides ex
 vocante? Quid respondebit Arminius? Fatebitur ne phrasim istam
 eam interpretationem admittere posse? Ita ergo locutus fuerit Apo-
 stolus, *ὅτι ἐκ ἔργων, ἀλλ' ἐκ ἰσχύος*, quæ mera nugatio est. Repugna-
 bitne? Omnino necesse est. At quam repugnantia suæ causam as-
 ferre potest quæ non eadem opera alterum illud interpretamen-
 tum reiiciat atque refellat? Adde quod si dixisset Apostolus. *ἀλλ' ἐκ*
τῆς καλῆς, si nihil aliud fecisset, saltem opposuisset rem rei, non au-
 tem rem personæ: opera inquam vocationi, non vero ipsi Deo. At
 quænam est ista oppositio, vt Apostolus dicat iustificationem non esse
ex operibus, sed ex Deo. cum eam esse *ex fide* significare vult? Quis
 vnquam sic locutus est? Vt interim taceamus vix vnum & alterum
 esse

esse locū in disputationibus Apostoli de iustificatione, in quo monuerit fidem esse ex vocationis diuinæ efficacitate. Nam id certè facit alibi passim. At in ijs disputationibus aut nunquam aut rarissimè. Cuius rei ea proculdubio ratio est, quod id nihil ad institutum pertinebat. Nam vt iustificationem obtineas, vnde fides nata sit, si modo vera est, planè nihil interest. Deus te non interrogabit in iudicio vtrum vi spiritus sui credideris, nec ne; hoc petet, vtrum reuera credideris. Quod nemo credit, nemo credere potest nisi spiritus efficientia, id ad prædestinationis negotium spectat, à negotio iustificationis longo intervallo disjunctum. Vt planè sit importunum atque inusitatum hic mentionē rē reprobationis infuisse. Quod si hic statuatur Caluini hypothesis, nihil potest Apostoli verbis dici diuinius. Cum enim quæretur causa quamobrem Deus æqualibus tam inæqualia tribuerit, vt hos vocauerit ad Christi communionem efficaciter, illos minimè, Iudæorum autem ea superbia sit vt se propter operum suorum merita in distributione donorum diuinorū cogeris mortalibus præferendos esse ducant, Apostolus verò contra neget in eo rei cuiusquam quæ ex hominibus profecta sit habitam esse rationem, non modò faciliè patiebatur sed etiam flagitabat illius institutum vt negaret causam discriminis esse ab operibus, & affirmaret esse duntaxat ab *uno vocante*. Nihil enim hic intercessit nisi quod sic *Deo vocanti* libuit. Sequuntur apud Apostolum illa verba, *maior seruiet minori, sicut scriptum est, Iacobum dilexi, Esauum autem odio habui*: ad quæ Arminij schola tria præcipuè commentatur. Ait enim primò, Esauum & Iacobum hic non considerari personaliter, nec vllam esse idoneam rationem cur ex ijs alterum electum, alterum verò reprobatum existimemus. Manifestum esse Malachiæ dictum, quod priori oraculo vice commentarij est, respicere duos populos. Iudæorum, scilicet, & Idumæorum. Secundò, seruitutem eam quā Idumæos Iudæis subiectum iri prædicitur, res temporales respicere, non autem æternas, vix vt possint cum aliquo colore ad doctrinam de electione & reprobatione referri. Denique, Esauum considerari tanquam typum iustitiariorum, Iacobum vero tanquam eorum typum qui per fidem iustificantur. Et ad primum quod attinet, Esauus electusne fuerit an verò reprobatus ab ea reprobatione de qua nunc disputamus, nostra nihil interest. Nihil enim necesse est vt ratio typi, & ratio rei typo significatæ vna in eodem concurrent. Quamquam Esauus describitur vt is qui futura sperneret, præsentia verò, quantumuis leuia & nullius planè momenti, magni faceret & præoptaret. Tum ei videtur fuisse ingenium &

in fratrem atrox & aduersus parentes refractarium. Ac denique Spiritus sanctus *profanum* eum nominat, qui *διεξίω παλαιότητος* memoriam non solet talibus appellationibus infamem tradere posteritati. At id non virgemus. Hoc verò probare non possumus, neque eum neque Iacobum vlllo pacto hîc personaliter considerari. Nam esto. Verba ista, *maior seruiet minori*, de populis intelligantur quos oraculum in vtero Rebeccæ inter se conflagere memorat, nemo tamen negauerit in eo Iacobo singularem aliquam prærogatiuam indultam esse, quod Esau posteritatem Deus voluerit habitare montes solitarios, vt est apud Malachiam, ac regionem horridam & draconibus ferisque beluis infestam, alterius vero liberos in amœno & rerum omnium feracissimo solo collocauit. Sortem enim liberorum ad parentes aliquatenus pertinere, præter verbum Dei docet ipse naturæ sensus. Tum, quis inficiabitur ex eo oraculo tanquam effectum ex causa promanasse, quod ius primogenituræ Esauo debiturum, si nascendi ordinem spectes, Deus transtulit in Iacobum natu minorem? Non igitur etiam illud ad eorum personas pertinebat? At Malachiæ verba diligenter obseruanda sunt. *Dilexi vos, dicit Dominus, & dicitis, Quia in re dilexisti nos? Annon Esau Iacobi frater erat? Et tamen Iacobum dilexi, Esauum verò odio habui, & posui montes eius in solitudinem, &c.* Quis non videt Deum ipsum testari se duos illos si atres amore atque odio discreuisse, cuius rei argumentum est quod eorum sortem habitandi multis partibus reddiderit inæqualem? Quum igitur non solum pares essent nascendi conditione, sed & nascendi ordine ita impares vt Esauus in eo potior esset, quæ causa esse potuit vt Deus in animum induceret Iacobum tanto præferre? Nam id Deus sanè suo imputauit vel amoris vel odio; cur amaret vel odisset nullam causam eo loco declarauit. Quid nullam causam declarauit? Certè, quæ in alterutro esset, vel in vtroque. At satis apertè innuit se in eo omnia libertati arbitrij sui tribuisse. Ista enim admodum emphatica sunt. *Nonne Esau frater Iacobi fuit? Quasi diceret, in eorum neutro quidquam fuit cur alter alteri præcipuo quodam amore anteferreretur. Nulla re innitatus studia mea inter eos tam inæqualiter partitus sum. Hoc dedi Iacobo liberaliter vt eum amare vellem, cum tamen eius fratrem eodem fauore prosequi noluerim. Quibus consentaneum est istud ab Apostolo tam sapienter animaduersum, *μῖσα γὰρ ἀνδρίων*, &c. Alterum quod dicit Arminij schola æquè est præter rem. Nam esto: quidquid illud est quo Iudæi Idumæis antecelluerunt, quodque memoratur à Malachia, spectauerit ad hanc vitam, non autem ad futuram, attamen am-*

biguum

biguum non est quin illa dispensatio mystica fuerit, multoque longius prospexerit in futurum. Præterquam enim quod Apostolus hoc generatim tradit, *omnia veteribus in typo contigisse*, clarum est spiritus alia in corporeis, in temporalibus sempiterna fuisse olim adumbrata. Nec id negat Arminij familia. Restat ergo quærendum cuius rei in ea posteritatis Esau postpositione typus sit institutus. Nam Canaan quidem cæli gessit imaginem, cui consentaneum est ut horrens ille Scir, quem præter nativam sterilitatem, ingentes clades ad vastitatem redegerant, sortem eorum figurauerit qui à beatis cæli sedibus in locis tenebrosos & Draconis rui habitationi destinatis exulabunt. Et in eo ratio typi constare potest, quod quemadmodum antequam Israël in Canaan introduceretur, fœdus cum eo contractum in detero fuit, cuius pactis atque conuentis se se promisit statutum in æternum: Sic cum vero Israël, qui est secundum Spiritum, Deus fœdus Evangelicum in mundo contraxit, cuius obseruationem & promittat & reuera præstet antequam sit compos cœlestis beatitatis. Et hætenus sanè Israël qui ex Iacobo ortus est, typus esse potest iustificandorum. At cum actum illum actus alius antecedit diuine voluntatis, quo Iacobi posteritatem ad fœderis sui communionem vocauit & admisit, quam fœderis communionem terræ Canaan possessio secuta est, Esau vero posteritatem ab utraque repulit, quæritur cuius rei typus in eo positus esse possit. Etenim neutiquam referri potest ad iustificationem denotandam, quandoquidem iustificatio fœderis contractionem & conditionis eius præstationem sequitur, separatio vero illa præcedit. Quamobrem ad electionem & reprobationem, ut à Caluino traditur, est necessario deueniendum. Agi autem apud Malachiam de eo actu voluntatis diuine perspicuum est. Quum enim Deus vel commemorasset vel exprobrasset Israël (nam isthæc commemoratio quasi exprobratio est immemoris beneficii) se eum præ cæteris populis omnibus dilexisse, responsasset autem Israël ignorare se qua in re tantopere dilectus esset, recurrit Deus vsque ad primam istius populi originem, atque ostendit discretionem duorum fratrum in ipso Rebeccæ vtero factam indubitato signo esse iam tum Israël sibi fuisse cordi, Idumæos verò odio. Quod omnem & fœderis contractionem, & conditionis præstationem longo intervallo antecessit. Tertium iam supra à nobis refutatum est. Non potuit Iacobus iustificandorum per fidem, Esauus iustitiariorum in eo oraculo esse typus. Cuius rei ad superiores hæc causa accedit, quod amore suum Deus in eo tantopere deprædicat. Nam amoris istius

causa, si iustificationis negotium hic agitur, proculdubio fuit Iacobi obsequium atque pietas, odij contrā ingenium Esau contumax atque rebelle. Alioqui typus à re typo significata dissideret. Amor enim Dei erga nos qui in iustificatione regnat, qui que idē à Caluino alicubi consequens appellatur, nritur obsequio quod per fidem Euangelio præbemus; odium quod ex aduerso respondet, incredulitate. Iam autem amor ille quidem per se consideratus magnus est; at si causæ utriusque affectus inter se comparentur, non videtur vsquedē mirificus. Quid enim tantopere mirum est si Deus fideles diligit incredulos auerferet? At is demum amor magnus & magnifica prædicatione dignus est, qui creaturam corruptam omnino præuenit, & omnem eius obsequij præuisionem antecedit. Quam admirabilis enim bonitatis atque clementiæ est, eam creaturam tanto fauore completi, tantis prosequi beneficijs, quæ nulla re præterquam odio & maledictione digna est? Vnde est illud Christi dictum, *ὅτι οὗτος ὁ υἱός μου ὁ ἀγαπῶν*, &c. in quo, vt supra vidimus, Calvinus mirum quendam Dei erga genus humanū amorē meritō agnoscit. Et illud Pauli itidem *οὐκ ἔμελλεν ὁ θεὸς ἵνα τοὺς ἀγαπῶν τοὺς ἁμαρτωλοὺς*, &c. eo quod cū de Deo nihil cogitaremus, cū essemus ab eo infestis animis auersi, salutem nostram morte vnigeniti filij sui procurauit. Crescit autem istius amoris ex comparatione commendatio, contra quā in amore consequente se habet. Nam si vtrumque Deus, Iacobum scilicet, & Esauum, contempsisset, iustē id fecisset quidem, nec haberet illa res admirationem vllam. Si fauisset utrique, rem fecisset in qua summa quædam clementia eluxisset & indulgentia maximopere prædicanda; at cuius æquabilitas non admodum magnam præbuisset occasionem admirandi. At cū vterque æque indignus esset quem Deus amaret, æquē dignus quem animo auerferetur, alterum dilexisse, alterum odio habuisse, res est quæ videri debet omni modo stupenda. Cogitatio enim illa certē, amauit me odio dignum, ferit animum. Ea autem, amauit me, cum odio haberet eos qui mihi vel omnino æquales erant vel etiam præferendi videbantur, & nullo meo merito antetulit, non ferit iam mentem amplius, sed vehementissimē concurrit, & funditus percellit admiratione. Cū igitur grauis illa Dei apud Malachiam expostulatio edspectet vt populi Israelitici ingratitude exagget, quo melius & efficacius ad pœnitentiam reducat, istine conuenit instituto ut eum amorem commemoret ex cuius commemoratione populi istius culpa mirum in modum extenuatur? Nempe si Arminius verum dicit, Israel sic se defendere potuit. Dilexisti quidem parentem

Rom.
5. 8.

parentem nostrum Iacobum. At quæ tanta in eo tua virtus est? Nonne se se, antequam eum sic diligeres, tibi præbuerat obsequentem? Prætulisti eum Esaui. At ni id fecisses qui potuisses laudem æquitatis & iustitiæ tueri? Tam diuersa vitæ studia secutos, potuisses ne committere vt eodem loco haberes, nullo discrimine? Aut quod multo peius futurum erat, esses-ne pium odio, profanum atque rebellem amore tuo remuneratus? Quia autem ille amor quo se Deus Iacobum complexum esse proficitur, eiusdem naturæ fuit cum eo quo populum ipsum profecutus est, vel enim vterque fuit consequens, vel vterque antecedens, & de se populus sic potuerit aduersus Dei expostulationem prædicare. Vel omnino nos non dilexisti, vel si dilexisti, causam diligendi nascus eras idoneam, & quam omnino nequiuisti repudiare; præstiteramus id quod fœdere tuo nobis imperasti. Ab eo nonnihil declinauimus? Statim abiiecisti illum animum, & ira atque odium in locum beneuolentiæ successit. Quæ ab instituto prophetæ & mente ipsius Dei adeò abhorrent, vt mirum sit homines qui se putant Doctores Theologiæ eximios, ab ijs non æque abhorreere. Sic primum illud caput breuiter absolutum esto.

Secundum haud minus euidentia argumenta nobis suppeditabit.

Ait igitur Apostolus. *Quid igitur dicemus? Num iniustitia est apud Deum? Absit.* In quorum verborum interpretatione Arminius fateatur, si Isaacus & Iacobus in se spectentur personaliter, nasci sanè obiectionem istam ex eo quod species quædam iniustitiæ videtur esse imparia paribus attribuire. Quæ Caluini sententia est. At contendit considerari tanquam typos tantum, atque adeo typos iustificandorum. Nos supra ostendimus, & personas Esaui & Iacobi hic spectari, & typo iustificandorum hîc nullum esse locum. Quamobrem res ita confecta videri debet. Videamus tamen quomodo Arminius statuat nasci obiectionem istam ex doctrina de Iustificatione. *Ratio, inquit, iniustitie Deum arguendi hac videtur sufficiens, quod propositum quod decreuit filios carnis odisse, filios vero promissionis amare, ex mero voluntatis beneplacito absque vlla meriti ratione apud se constituit.* Quibusnam videtur sufficiens ista ratio? Iudæis an Christianis? Iudæis, inquit Arminius, Paulus respondet. Rectè: vix enim sani illi Christiani futuri sunt quibus quoquomodo iniustum videri poterit Deum decreuisse incredulos abdicare, fideles verò adoptare in filios, citra vllam bonorum meritorum rationem. Quid enim? Non poterimus esse salute contenti, nisi non gratis data sed meritis operum nostrorum reddita esse putetur? At nec Iudæis quidem videbitur illa suffi-

ciens. Etenim filij carnis, & filij promissionis vel considerantur seorsim & absolute in se, vel inter se comparati. Si seorsim & absolute, subibitne cuiusquam animum eiusmodi cogitatio, iniustum esse repellere à salute incredulos, & nullam meritorum eorum habere rationem? Quænam sunt incredulorum merita? Aut si vlla putantur esse, debueruntne præponderare isti tantæ pertinaciæ tantæque audaciæ quâ Deum ipsum de filio suo testimonium perhibentem mendacij accusate non verentur? Aut iniustusne ideo Deus erit si malit fidei quam operibus salutem indulgere? Iniustitiæ Deum accusare, si nouo federe semel constituto, neque ob fidem præstitam neque ob opera salutem concederet, procliuè esset cùm Iudæis, tum etiam Christianis. At cùm Deo liberum fuerit nouam fedus pacisci, vel non pacisci, proteruum admodum esse oporteret Iudæum illum qui secum iniquè actum esse iudicaret, si salutem potius ob fidem quàm ob opera nanciscatur. Si conferantur inter se, vel institueretur ea comparatio inter Iudæam iustitiæ legali studentem, at incredulum tamen, & fidelem nullis operibus ornatum; vel inter fidelem ipsdem cum Iudæis operibus præditum, & Iudæum iustitiarium. Posterior comparandi ratio nullam talem iniustitiæ speciem in eo negotio detegit. Quando enim operibus pares sunt, fide impares, iustum fuit salutem ei concedere qui fide superabat. Prior haud magis. Quantumuis enim iustitiarum operum suorum opinione tumeat, non inducet tamen in animum vt putet iniustum esse ei salutem indulgere qui oblatam accipit atque excolatur, ei vero denegare qui aspernatur & respuit. Salutem ei denegare qui eam expetit & auidè amplectitur, si minus iniustum, attamen vtrunque durum esset. At ei dare salutem qui pertinaciter & obstinate eam reiecit, tantum abest vt iustitiæ laudem mereatur, vt ne stultitiæ quidem reprehensionem euitare possit. Istud verò mihi videtur in primis obseruandum quod cùm Apostolus in hac Epistola ad Romanos tam diligenter de Iustificatione disputauerit vsque ad finem capitis quinti, neque ferè minus accuratè eam quæstionem tractauerit in Epistolis ad Galatas & ad Ephesios, nusquam tamen significauit metuendum esse ne quis Iudæus ex ea doctrina occasionem arriperet iustitiæ diuinæ criminandæ. Multas alias obiectiones diluit, multas suspiciones anticipat, multas blasphemias refutat atque repellit. Nihil istiusmodi vsquam alibi necessarium esse potauit. Nam quæ habetur initio capitis tertij ad Romanos iustitiæ diuinæ defensio, aliò pertinet. Cur igitur id huc vsque distulit, postquam doctrinam non de Iustificatione modo, sed etiam de sanctificatione executus est? Cur in locum reiecit alienum? Quanto melius & accommodatius ad

mentem Spiritus sancti Caluinus, qui sensit Apostolum, quæ erat eius incomparabilis sapientia, præuidisse fore ut non Iudæorum modò, sed quorumvis hominum mentem aliquo pacto offenderet, quod natura æqualibus Deus largitus est inæqualia, quod inani meritorum suorum opinione gloriantibus eos prætulit qui nullam se se habere in operibus suis commendationem arbitrabantur? Est enim *ὁ τῷ Θεῷ ἀντιπαραστήτης* iniustitiæ species, & videtur esse in illa dispensatione *Θεοπολιτικῆς* aliqua similitudo. Ius enim æqualibus æquabiliter distribuendum est, inæqualibus verò pro portione. Atque adeò verum est esse in eo aliquid quod ingenium humanum, quamvis immerito, malè habet, ut neque scrupulum illum Dordracena Synodus Arminij discipulis hæcenus *καίμιν*, neque Caluinus hostibus suis hac in parte satisfacere, neque Augustinus doctrinam istam Pelagianis probare potuerit. Quod mirum sane non est, quandoquidem ipse Paulus, ad cuius vel auctoritatem vel sapientiam post memoriam Apostolorum nemo accessit, eam cum Deo litigandi libidinem & audaciam non compefecit. Videamus iam quomodo id facere tentauerit. *Μὴ γινώσκεις, τὸ γὰρ ὕψος τοῦ ἰσχύος τοῦ Θεοῦ, ἵνα λέγῃς, ὅτι ἀνίσταμαι, ὅτι ἀνίσταμαι.* Quæ verba Arminius sic interpretatur. *In voluntatis meæ arbitrio & libertate positum est miseri cuius volo: ut conclusio indicat,* itaque miseretur cuius vult. Hæcenus bene. Addit porro, vnicam sufficientem causam Deo iniustitiam ob istud propositum imputandi eam esse, quod cum initio fœdus vitæ & mortis in operibus vel præstandis vel omittendis posuisset, non videbatur ei liberum atque solutum alterum propositum seu fœdus superinducere, quod constitutione nouæ conditionis, vim prioris infringeret. Cui criminationi responsum petit ex verbo *misericordia*, quod peccatum necessariò præsupponit. Supposito igitur peccato Deo liberum fuit, vel id punire ex rigore iustitiæ & prioris propositi vi, vel condonare misericorditer vi noui cuiusdam propositi ex præstatione si dei dependentis. Eo refert illud, *miserebor cuius miserebor*, &c. Nolle equidem Arminium, virum aliqui doctum, subtilitatem ingenij sui in corumpendo verbo diuino consumpsisse. At quando id accidit, & vehementer lætor, & Deo gratias ago ex animo id illi successisse tam infelicitè. Nam primò credibile non est tantà fuisse in Iudæis arrogantiā ut existimauerint Deo non licuisse vel peccatores punire, vel ijs peccata condonare misericorditer si veller, citra iniustitiam. Nec vbi tam sæpe disputat de causis aboliti fœderis legalis, ut in eius locum Euangelicum succederet, vsquam Dei iustitiam sibi defendendam existimauit. Deinde id si Arminio daremus, Apostolum

Rom.
3. 21.

Rom.
5. 18.

hanc sibi proposuisse obiectionem quam refelleret, responsio quam illi attribuit, non est ad rem accommodata. Satius fuit accusationem iniustitiæ repellere disertâ commemoratione peccati cuius omnes homines in primis huius Epistolæ capitibus tam luculenter conuicerat. Et si misericordiæ meminisse voluit, debuit eius magnitudinem imensam deprædicare, non obseruare libertatem quæ in eius adhibetur dispensatione, vt alter eius sit compos, alter verò expers pro arbitrio. Nam sane in constituendo federe Euangelico & impunitate fidelibus offerenda, nulla tali libertate Deus vltus est: vnâ eandemque misericordiam omnibus promiscuè & indiscriminatim obtulit, modo credant. *Nunc*, inquit, *iustitia Dei*, hoc est, quam Deus solam approbat & ipse misericorditer indulget, *manifestata est sine lege, ius* *multis & tibi multis tibi iniquitas*. Et alibi. *Sicut per vnius delictum, in omnes homines in condemnationem, ita per vnius dignitas, in omnes homines ad iustificationem vitæ*. Itaque misericordia quæ fidem exigit, quæ que in iustificatione regnat, non discernit inter homines, sed omnibus communiter offertur sub fidei conditione. At hic Apostolus manifestè loquitur de misericordia quæ discriminat, & vnâ ab altero seponit. Tertiò etsi daremus misericordiam quæ versatur in iustificatione in eo discernere quod credentes adoptat & habet pro filijs promissionis, incredulos verò reijcit, (quamquam sane reijcere & abdicare misericordiæ actus non est, sed iustitiæ) ne sic quidem Apostoli responsio quadrabit. Nam discretionis illius causa est in re aperta atque manifesta & in hominibus ipsis inhærente, fide & incredulitate, scilicet. At hic Apostolus loquitur de misericordia aliqua quæ homines ita secernit vt nullam separationis causam habeat nisi in Dei voluntate abditam atque latentem. Nam vt est egregiè à Caluino obseruatum, præcisa hæc locutio extraneas omnes causas excludit; sicuti cum liberam agendi potestatem nobis vendicantes, dicimus, *faciam quod facturum sum*. Nec si Paulum interrogas cur hic iustificatus sit, ille verò minime, ad absolutam Dei voluntatem confugerit. Denique locus ipse ex quo Paulus oraculum istud ad institutum suum adduxit, Caluini interpretationem egregiè confirmat. Cum enim Moses à Deo postulasset vt ipsi liceret *gloriam* eius adspicere, hoc responsum tulit, neminem id posse quin moreretur; posteriora quidem ipsius intueri licere, faciè haudquaquam. Quibus verbis significatum est in Deo maiestatem esse quandam & rerum ac rationum sublimitatem ad cuius altitudinem viam affectare nefas est. Quod si illud oraculum in eo responso editum, *miserebor cuius miserebor* &c. interpretamur

terpretatur cum Arminio de Iustificatione, non congruet. Non est enim intellectui difficile admodum, aut omnino positum supra captum creaturarum, cur porius fideles quàm infideles iustificauerit. At omnis intelligentiæ vim superat, quæ ratio Deum impulerit, vt in tanta paritate conditionis omnium hominum hunc potius quàm illum potentissima sui Spiritus efficacitate ad se vocare vellet.

Sequitur apud Paulum istud consecrarium. *Non est igitur neque volentis neque currentis, sed miserantis Dei.* In quod Arminius Commentarium istum concinnauit. *Quum misericordia Dei voluntas & cursus hominis opponitur, certum est istum significari conatum & cursum quo homo absque misericordia Dei iustitiam & salutem consecuturum se sperat. Talis est autem conatus & cursus eorum qui per Legis opera iustitiam & salutem sectantur. Quumque misericordia vicissim voluntati & cursui opponitur, constat id iustitia & vite consequenda medium isto misericordia proposito ordinatum, quod misericordia est maxime affine, nempe fides in Christum mediatorem.* Itaque si Arminio credimus, τὴν πίστιν, significat hominis in Christum mediatorem credentis. Tantam-ne esse cuiquam sui fiduciam vt vel ista comminisci audeat, vel alijs se posse persuadere arbitretur! Quamquam reperit qui ista admitterent nimis multos, & ipsos multo plus quàm satis est ingenio suo fidentes. Hic sanè quàm in interpretatione istorum, ἀλλ' ἢ τὴν χάριτάς, licentia intolerabilior est. Fides est à vocatione, vocatio à vocante, vocans ad vocandum impellitur misericordia. Ergo fides misericordia Dei vocari potest. Quid, quæso, absurdius? Aut si res ita non procedit, & misericordiz nomen traducitur ad denotandam fidem, quia fides amplectitur misericordiam & est salutis obrinendæ medium à misericordia ordinatum, quod genus metonymiæ illud est, vt hominum fides dicatur misericordia Dei, quia homines Dei misericordiam fide apprehendunt? Pariter sanè Dei misericordia fides hominis appellari potest. Nam vt illa misericordiam amplectitur, nec aliter salutem obtinere potest, hæc fidem necessariò respicit, nec aliter quam per fidem salutem potest reapse communicare. Sic pater appellabitur filius, & filius pater, quia ita inuicem referuntur inter se, vt alter sine altero non sit. Non pudet istius importunitatis? Rem tamen paulo accuratius expendamus. Principiò, quis Arminio dixit Iudæos in salutis & iustitiæ persecutione omnem de misericordia Dei cogitationem exclusisse? Non ergo se peccatores agnoscebant? Non se tales quotidie sacrificijs, precationibus cùm publicis tum priuatis, & omni religionis cultu confitebantur? Nam voluerunt quidem iustificari per opera,

& stare pacto quod dicit, *hoc fac & vives*. At & id nunc volunt Pontificij, qui tamen Dei misericordiam à salute non omnino secludunt. Voluerunt ergo illi miscere quæ Apostolus ubique docet esse *deum*, iustificationem per opera, & gratiam positam in remissione. Deinde non est de nihilo quod Apostolus *volentem & currentem*, opponit non *Dei misericordie*, sed *Deo miseranti*. Est enim id mirum in modum emphaticum. Indicat enim manifeste Apostolum significare voluisse discriminis, quodcunque est illud de quo loquitur, causam non esse petendam ex hominibus, sed ex Deo : non hic intercedere conatum & impetum hominum, sed voluntatem vnius Dei miserantis. Quod quanto melius in doctrinam de electione & reprobatione quam de Iustificatione competat, nemo non videt. Est enim certè in negotio Iustificationis causa discriminis in hominibus ipsis, non in Deo. Etsi Deus est qui nobis vim Spiritus sui suppeditat ad credendum, Deus tamen ipse non credit; nos sumus qui fidei assensum Evangelio adhibemus. Denique cum illud *ex ois*, aperte denotet conclusionem ex antecedentibus elicitam, voluerit autem Apostolus ex Arminij hypothesi, concludere incredulos iustitiosos esse reiiciendos, fideles vero admittendos, plusquam mirum est hic nullam incredulitatis esse factam mentionem, cuius causa *ὁ θεὸς ὁ ἰσχυρὸς* repelluntur, nullam fidei, quæ sola in ius adoptionis introducit. Veniamus nunc ad exemplum Pharaonis. Dicit enim Scriptura Pharaoni, ad hoc ipsum excitavi te, ut ostendam in te potentiam meam, & ut annuncietur nomen meum in tota terra. Itaque cuius vult miseretur, quem autem vult indurat. In quo Arminius Apostolum sic ratiocinati putat. Si liberum Deo est ad iustam suæ potentie declarationem, nomini/que sui illustrationem Pharaonem excitare, indurare, punire; tum Deo non potest iniustitia attribui, quod proposito secundum electionem decernat in filiorum carnis iusta induratione & pœna potentiam suam illustrare. At illud Deo liberum est, ut apparet ex hoc loco. Ergo & posterius: & propterea ob id non potest iniustitia accusari. In quo hoc primum Arminius peccat, quod exemplum istud proximè connectit cum interrogatione, quid ergo dicemus? Num iniustitia est apud Deum? quæ inter se non coherent. Nam obiectionem istam quidem sibi proponit refellendam versu 14. et propositum exequitur versu 15. At versu 16. ex antecedente refutatione conclusionem generalem elicit, cuius hæc sententia est, discriminis à Deo inter homines constituti causam non esse querendam in hominibus ipsis, sed ab ipso Deo prout libet miserante, vnicè arcessendam. Sententiam autem illam confirmat prolato eo exemplo. Quod præ-

v. 17.

ter

ter alia indicat particula *✱*, quæ exemplum cum conclusione coniungit. Huc accedit, quod ista ratiocinatio videtur admodum longè petita ac propemodum inepta. Si Deo licuit Pharaonem excitare quem induraret & puniret, licuit ei nouum quoddã sœdus instituire per quod fideles iustificaret, puniret verò incredulos ac refractarios. Non habuit Paulus in ipsa re quam agebat locum magis propinquum ex quo argumenta sua hauriret? Non potuit Deo licere rebelles iustitiosos punire ideo quia cùm iustæ maledictioni essent obnoxij, noluerunt amplecti Christum liberatorem? Cum præsertim in capitibus antecedentibus Apostolus rationibus inuictis & rebus necessarijs addixisset omnes tam Iudæos quam Gentiles, tam Iustitiosos quàm alios mortis & maledictionis æternæ reos esse? Rem tam claram, tam obuiam cuique, quid opus erat argumento illo impedito & alieno ire confirmatum? Adde quod non potest melius intelligi quæ sit Apostoli ex eo exemplo ratiocinatio, quam ex eius conclusione. Concludit autem sic, *itaque cuius vult miseretur, quem vult indurat*. Quamobrem de induratione ratiocinatio est. Est-ne igitur Apostoli sapientia dignum vt cùm vellet probare licere Deo iustitiosos ob inuictam in Christum contumaciam punire, adhiberet argumentum ex quo patet quidem Deum indurasse Pharaonem, at in quo punitionis eius nulla mentio est? Nec sanè quisquam vsque ad eò officitanter Apostoli verba ponderare potest, qui non animaduertat quanta sit in ea oppositione vis, *cuius vult miseretur, quem vult indurat*. Nam *induratio*, ipso fatente Arminio, derelictio est, per quam Deus retinet illam actionem quæ sola hominum corda valet emollire. Misericordia igitur quæ indurationi opponitur ea est, cuius efficaciter corda hominum emolliuntur, non quæ peccata remittit. Alioqui ex aduerso constituenda erat in oppositione punitio peccatorum, non induratio. Tum & illud *cuius vult, quem vult*, habet suam emphasim. Nempe vnã Dei voluntatem hic considerari debere innuit, quæ rem dispensat prout libet: cui volûtatis diuinæ arbitrio libero in negotio iustificationis nullus locus est. At quid opus est tot argumentis? Vna Caluini interpretatio proferatur in medium, & omnis alia continuò facesset. Quæritur vt est ab initio propositum, quæ causa sit cur Deus huic fidem indulgeat, illi minimè. Apostolus ait id esse in arbitrio Dei libero positum, vt neque currentis neque volentis, neque cuiusquam aliûs, qui quacunque de re vel prærogatiua gloriatur, potior in eo negotio causa sit. Vna Dei misericordia hic viger, cuius vsus est apud eum longè liberrimus. Ad eam rem confirmandam

exemplum Pharaonis adducit, quem tantum abest ut Deus emolli-
uerit, ut magnopere indurauerit etiam, hoc est, singulari quadam ra-
tione deseruerit, ut admonitionibus, hortationibus, mandatis obni-
tendo contumacissimè, Deo præberet in se memorabile & extraor-
dinatum argumentum gloriæ suæ magnificandæ. Ex quo demum
concludit, Deum comiserari, hoc est, emollire quem vult, eum ve-
rò quem vult, deserere atque indurare. Ea interpretatione quid re-
ctius? quid magis obutum? quid magis cohærens denique atque aper-
tum? Altera illa Arminiana quid distortius & magis violentum atque
coactum? Sic secundum caput conclusimus. Ad tertium nunc expli-
candum aggrediamur.

Sic igitur se habent quæ sequuntur. *Dices ergo mihi, quid adhuc
succenset? nam voluntati illius quis obstitit? Imo verò ô homo, tu qui es
qui ex aduerso responsus Deo? Num dicet figmentum fictori, cur me tale
fecisti? Annon habet ius figulus in lutum ex eadem massa faciendi aliud
quidem vas ad decus, aliud verò ad dedecus? Quid verò si volens osten-
dere iram, & notam facere potentiam suam perculit magnapatientia vasa
ira compacta ad interitum? Et ut notam faceret diuitias gloriæ suæ erga
vasa misericordiæ, quæ præparauit ad gloriam? In quæ verba mirum
quanta seu anxietate seu *Exegesi* commentatus sit Arminius, ita fru-
stratim omnia concidit, ut præ nimia subtilitate penè fugiant aciem
oculorum. Quod si vellemus pariter in examine *λογισμῶν*, disputatio
cresceret in molem infinitam. Rem ipsam quam dicit Apostolus con-
stituam lectori ob oculos; deinde ex ea deducam argumenta, si qua
sunt quæ doctrinam Calvinī confirmare possunt. Paulus ostendere
volens indurationem & emollitionem cordium pendere ex vna li-
berrima Dei voluntate, Pharaonis exemplum produxerat, de quo
dictum est excitatum fuisse ut in eo Deus magnitudinem potentia
suæ ostenderet, atque ea de causa fuisse induratum, hoc est naturæ
malitiæ permissū, quæ non modo se se ipsa non immutat aut emollit,
sed magis ac magis in dies indurescit. Ea res etiā apud pios, quæ est
nostra naturalis imbecillitas, habet aliquid quod prima fronte terret
animos. Quamquam ubi Dei maiestatem infinitam suspexerunt, tacti
reuerentia conticescunt. Apud impios autem tantæ diritatis speciem
præ se ferre videtur, ut statim fremant atque indignentur, quasi Deus
reprobis faceret iniuriā minimè ferendam, ut qui eos crearet &
ederet in lucem pro arbitrio indurandos, ac proinde postmodum in
exitū detrudendos, propriæ gloriæ causa. Aut igitur, inquirunt, tales
in lucem editos emolliret & flecteret in obsequium; aut, si vult pro
arbitrio*

arbitrio indurare, ne succenseret. Quis enim tali peccandi necessitate adstrictus Dei consilium irritum reddere posset? Quæ est ipsissima Arminianorum hodierno die querela. Ad eam Apostolus quid responderet? Primò sic respondentem vehementer obiurgat. Deinde rationem obiurgationis aliquam dilucidius explicat addito simili. Tertio denique simile ipsum extendit & amplificat, ne maneat vllus scrupulus in animo humano. Et obiurgatio quidem, quæ hisce verbis continetur, *Tu quis es homo, qui Deo responsas ex aduerso?* non aliter arrogantiam retundit quàm instituendo comparationem inter Deum atque hominem, quos naturæ disparitas tam immenso intervallo disjunct, ut plane ferenda non sit vilis & abiecta creatura, si quacunque de re litigare audeat cum infinita maiestate. Pateremur ne fornicam, si natura scintillam aliquam intelligentiæ ei indidisset, summum aliquem Magistratum in ius trahere & iniustitiæ insimulare? Non indignaremur tantillam rem tantos sibi sumere spiritus, ut cum suprema regum maiestate æquiparare se veller? Nam certè qui litem intendit aliquatenus par est; habet enim ius cõmune tanquam communem mensuram per quam omnes ad æqualitatem aliquam rediguntur. Ab illa naturæ inæqualitate, quæ Deum supra omnem *idoliarum* sortem extollit, paululum descendit atque inflectit se ad rationem ex æqualitate desumptam, quæ inter opus & operis factorem intercedit. Comparat ergo Deum figulo, massam corruptam generis humani luto, & rei vilissimæ ac fœdissimæ, homines vero singulos è communi massa eductos, vasis ex ea materia fictis: & addit, quale ius est figulo in lutum, talem saltem proculdubio esse debere Deo potestatem in massam generis humani. Quemadmodum igitur figulo licet uti sua materia pro arbitrio, ut valorum alia destinet vsibus honestis, alia verò inhonestis, eam auctoritatem Deo denegare non oportet, quin hominum conditionem queat efficere variam, alios ad gloriam præparando, alios vero excitando è massa corrupta ita corruptos, ut ex eorum induratione, tanquam lux è tenebris, laus virtutum diuinarum erumpat. Quod ex exemplo superiore Pharaoni contingisse constat. Et sanè mens modesta in ea Apostoli responsione acquiescere potuit. Quid enim? Cùm ea sit hominum natura ut alij ex alijs procreentur, ea verò corruptio ut nemo procreetur quem illa non inficiat, cùmque habeat ante oculos Deus, cui omnia sunt ab æterno præsentia, omnem hominum multitudinem qui futuri sunt usque ad sæculorum consummationem, fecitne cuiquam iniuriam si eum generari & nasci passus est, cuius insitã à natura malitia iuste & sapien-

ter vteretur ad insignia operam in quibus virtutes suas patefacere decreuit? Nonne Deo licebit quod nobis licere putamus, vt & pondere grauium, & leuium mobilitate quā sublimē feruntur, & beluarum impetu, & denique rerum omnium naturalibus propensionibus utamur ad ea conficienda quæ sunt à nobis animo designata? Paulo tamen ulterius adhuc progreditur, vt omnem vel leuissimam tollat offensionis occasionem, & atq; adhibere quidem Deum pro suo arbitrio reprobos ad ea opera ex quibus gloria ipsius enitescit & effulget, quam ad rem ab ipso iustissimè indurantur. Cæterum indurationem, hoc est, desertionem non esse talem, quin eos patientissimè ferat, spatium vltro concedens, vt *et tñ uax xg buia* qua tolerātur, argumenta misericordiæ ipsius agnoscant, ijsque excitentur ad pœnitentiam. Itaque & sunt à natura sua ad interitum *et tñ uax xg buia*, & ipsi se se magis ac magis peccandi consuetudine ad exitium comparant, & excitantur atque conseruantur à Deo in eum finem vt in ijs specimen aliquod edat virtutum suarum illustre ac luculentum. At non habent tamen vel cur cum Deo expostulent, vel cur excusari se posse arbitrentur, vt qui tantam Dei benignitatem atque patientiam tam contumaciter spreuerint. Quamquam sane immane quantum interest inter eos & sortem electorum, quos sancta uocatione ad gloriam sempiternam Deus ipse præparat. Iam ista quæ tam perspicuè cum Apostoli verbis & instituto coherent, quā longè absunt ab Arminiano dogmate? Nam obiurgatio primum quæ homines audacter respondentes obiecta infinita Dei potestate compescit, dum negat inter Deum & homines vllum esse commune ius in quod ille vocari possit, Arminianæ scholæ argumenta subuertit, quæ summi numinis potestatem tam angustis limitibus concludit, vt eam extra mensuram atque rationem beneficiorum collatorum in creaturam excedere non patiatur. Tum simile istud clarissimè demonstrat Deum, non esse illa sua infinita potestate vsum quidem, vt qui vasa ad dedecus nō formauerit nisi ex luto, re vili admodum atque corrupta: at illi licuisse tamen, quod Arminij schola licuisse tam præfractè negat, quosuis homines ex communi materia excitatos sibi pmittere, vt iam natura rigidi & contumaces magis ac magis indurarentur. Ac denique comparatio quam inter electos & reprobos instituit, vt alij tolerentur magna patientia tantum, alij verò ad gloriam reapse præparentur, facit luce meridiana clarius esse sanè vnam quandam gratiam communem externam, quæ omnes obiecti propositione inuitat: at esse aliquam aliam gratiam peculiarem electis, ex cuius efficacia præparatio pendet. Que

omnia

omnia doctrinam de Iustificatione ab istis Apostoli verbis tam longè
semovent, vt Oriens non magis distet ab Occidente. Nunc quartum
caput breuiter expediemus.

Primum igitur ait Apostolus eos quos vasa preparata ad gloriam
appellat, fuisse *vocatos* non modo ex Iudæis sed etiam ex Gentibus.
Prorsus congruenter cum antecedentibus. Supra enim quærebatur
quæ causa fuerit cur cum Iudæi in suâ & reliquorum forsitan hominū
opinionē, gloria meritorum antecellerent, vocati tamen non fue-
rint efficaciter, sed reiecti & indurati, ad se autem Deus Gentes po-
tenter adduxerit, antea omnino auersas & alienas. Ait ergo non-
nullos quidem fuisse vocatos è Iudæis, vt ne quis vniuersam natio-
nem reiectam esse putet, sed & vocandos fuisse è Gentibus plerosque,
iuxta vaticinia prophetarum. Quod à doctrina de Iustificatione toto
cælo abest. Deinde vaticinium ipsum profert ex capite 2. libri Osee;
cui addit test monium ex cap. primo. Prius sic se habet, *ex alio* *Verf.*
וְאֵלֶּיךָ יָשׁוּבִים וְאֵלֶּיךָ יָשׁוּבִים וְאֵלֶּיךָ יָשׁוּבִים. Quæso de qua vocatione hic agi-
tur? Vtrū de ea quæ conditionē fœderis iam præstitam subsequitur? An
vero quæ antecedit & facit ipsa vt præstetur conditio? Legatur locus
apud Oicā & cæcis ipsis manifestū erit promittere Deum fore vt quæ
gentes ab eo repudiata & à fœderum suorum communicatione re-
pulsæ erant, illas misericordia adductus ad se reuocaret. Quod om-
nino de vocatione intelligendum est quæ ad fœderis communionem
adducit, non autem de dispensatione quæ facit vt adducti & vocatio-
ni parentes, ob conditionem præstitam præmium ferant, à remunera-
tore. Posterius id aliquanto manifestus indicat. *Erit vt in eo loco*
in quo dictum eis est, vos non estis populus meus, ibi filij Dei viuētis voca-
buntur. Vbi tanē illud *vocabuntur*, si ita libet Arminianæ scholæ, pro
nominabuntur positum sit. Illud semper constat & apertum est, Deum
polliceri se se effecturum vt ab ijs cognoscatur qui ipsam antea pe-
nitus ignorabant. Quod ad doctrinam de vocatione non autem de
iustificatione pertinet. Deinde loca duo quæ ex Esaia revelationi-
bus proferuntur obuiam eunt scandalo quod ex paucitate creden-
tium nasci potest. Nempe omnibus ingenij humani obiectionibus ac
responsationibus vehementissimè solidissimèque refutatis, vnum re-
stabat, Id si pendet ex liberrima Dei voluntate, mirum esse Deum eo
genere misericordiæ tam paucos esse complexum. Nam sanè creden-
tium præ incredulorum numero paucitas offensionem semper habuit
haud leuem & contemnendam. Quia igitur Apostolo res est præci-
puè cum Iudæis, apud quos Scripturæ auctoritas suprema semper

fuit atque diuina, non aliter responderet, quim id ita fuisse multo ante à Spiritu Dei prædictum. Cum igitur Etaias de Israël vociferetur, fore ut si maris arenam multitudinem superet, paucis tamen veluti reliquijs tantam Dei gratiam esse reservatam, cum in horrendis iudicijs quibus populi sui peccata sobinde vindicauit, eam perpetuò rationem tenuerit, ut cōmunibus calamitatibus paucos quosdam voluerit exemptos, quatinus re fuit electionis & reprobationis imago quædam, in eius voluntate summa cum animi demissione acquiescendum esse concludit. Nam omnes extrema commeritos ex æquo præterire potuit. Quocirca quamlibet paucos efficaciter vocauerit, esse tamen cur eius misericordiam suspiciamus & admiremur. Quæ si non aduersis frontibus pugnant cum Arminianorum hypothesibus, illis sanè per nos liceat de subtilitate sua gloriari.

His ista constitutis & explicatis, lectori liberam potestatem esse non repugnamus ea de restatuendi, malit. ne priorem typum in Isaac & Ismaele representatum, ad doctrinam de vocatione an vero de iustificatione reuocare. Nam id sanè vel ad errores Arminij refutandos, vel ad veritatem confirmandam, aut parum, aut omnino nihil interest. Prius si facit, necesse habebit multo aliter ambos illos Abrahami liberos considerare, quàm quomodo ab Apostolo capite quarto Epistolæ ad Galatas considerati sunt. Nil enim fortasse prohibet vnum hominem duarum rerum imaginem gerere, dummodo spectetur aliter atque aliter. Alioqui ut duæ tabulæ rem vnam representare non possunt, nisi inter se consentiant, sic vna res duabus diversis significandis accommodata esse nequit, nisi ipsa à se variè dissideat. Et sanè video Calvinum qui priorem istum typum ad vtriusque fœderis, Legalis & Euangelici, naturam adumbrandam referre non dubitat in Commentario ad Galatas, hic anteponere eam sententiam quæ mysterium electionis & reprobationis, cui nihil cum natura fœderum commune erat, in Isaaci & Ismaelis comparatione deprehendit. Nimirum in Epistola ad Galatas sequitur institutum Apostoli, qui duos Abrahami liberos sibi spectandos esse proposuit, non propriè quatenus ex vno patre orti sunt, sed quatenus diuersæ matres eos pepererunt cum ratione tum conditione dispari, & studijs deditos admodum inter se discrepantibus. At in eo capite quod expendimus, nihil quicquam in ijs obseruandum esse putat, nisi quod cum essent ex vno parente procreati, quæ res aliquam æqualitatem inter eos inducere videtur, vsque adeò tamen inæqualiter accepti sunt, ut altero è vno paterna pulso, alter Dei iussu pro vno legitimo tum bonorum

rum paternorum, tum etiam, quod longè præstabilius est, diuinæ benedictionis hære de censeretur. Quam rationem si quis tenere velit, querenda illi erit aliqua via conciliandæ conclusionis huius capituli versu trigésimo inchoatæ, cum reliqua disputatione antecedente. Nam in ea agi de iustificatione quæ per fidem obtinetur, semotis operibus, clariùs est quam ut vel lectores oculos fugiat, vel ut ingenuos & candidos disputatores istud deceat inficiari. Neque id à quoquam nostrum video vsquam esse negatum. At posterius si magis adlubescit, vitari certè nequit quin viginti versus quos explicatione nostra percurramus, parenthesi includantur. Quod mirum nemini videri debet qui paulo sit in Apostoli scriptis exercitarius. Nihil enim in eius stilo frequentius est aut magis solenne, quàm ut longis parenthesibus disputationem interrumpat, donec eo quod instituit è re nata, confecto, ad propositum reuertatur, adeo ut nonnunquam maiores parentheses minoribus, si paulo sunt illæ prolixiores, non dubitet interfecare. Nos eam sententiam potius amplectimur, non tam ideo quod palam est eam viris acerrimi iudicii placuisse, quàm quod res id postulare videtur. Nempe cum Apostolus diuinam de iustificatione, deque sanctificatione tractationem superioribus capitibus mirabiliter absoluisse, neque leuiter in eo perstrinxisset Iudæorum errorem & pertinaciam, qui neutram istarum rerum ex lege Mosaicæ verè existere posse, ne Iudæus ipse genere, alieniore à Iudæis animo ista disputasse putaretur, inuidiam à se omnem amoliri tentat. Profitetur ergo primum initio huius capituli, tantum abesse ut odio incitatus in doctrinam popularium suorum inuehatur, ut ingens eorum commiseratio vna cum incredibili quodam animi dolore ipsum angat, quod gentem & sanguine sibi coniunctam, & olim incomparabilibus priuilegijs ornata à Deo atque decoratam, in æterni videret exitij inuitabili discrimine versari. Ad id ut si illibato Christi amore quod totus ardebat, contingere posset, non recusaret popularium suorum salutem perniciæ propria redemptum ire. Quo animi vera charitate flagrantis nullum documentum esse potuit illustrius. Verum ista beneuolentiæ suæ testificatione defunctus, dolorem lenit tandem atque mitigat ea cogitatione, quod neque mirum dictu, neque cogitatu acerbum videri debet id euenisse quod non prædictum obscure taxat, sed tanquam in accurata tabula fuerat tanto ante in varia nascendi conditione liberorum Abrahami delineatum. Quid enim aliud Spiritus significare voluit, cum tam diligenter perscripsit natos esse quidem Abrahamo duos liberos, at alterum vi promissionis genitum,

alterum verò vi naturæ solius, hunc pro seruo habitum, illum tanquam legitimum & ingenuum vocatum ad hæreditatem, nisi futurum esse discrimen longè maximum inter eos qui in negotio religionis originem suam ad istum Patriarcham essent olim relaturi? Nempe alij viribus arbitrij liberi freti ad iustificationem adspirant per opera: quos spe sua excidere necesse est; alij miraculosa quadam ratione vocati, quæ demum spiritualis generatio est, misericordiæ declarationem ad iustificationē & salutem indubitata amplectuntur. Nam sanè verbum Dei tale est vt excidere, h. e. irritum esse omnino nequeat. Quicquid prædictum, quicquid typis adumbratum, quicquid allegorij inuolutum est, ipsa re præstari & euentibus exhiberi ac confirmari oportet. Atque vt ne quis miretur Deum populum eum reieciisse qui in Christum impegit, admisisse contra ad cernendam cælestem hæreditatem eos qui crediderunt, (est enim certè causa tanti discriminis manifesta,) rem multo mirabiliorem inquit Apostolus, aperiā & explicabo. Queret enim fortasse aliquis, quandoquidem vna fides Israël secundum carnem ab Israele secundum spiritum fecerit, quid causæ fuerit cur Deus alijs vt crederent largitus sit liberaliter, alios vero permiserit naturæ suæ contumaciæ atque cæcitati. Cur alios homines alijs in eo negotio antetulit? Aut si aliquos anteferre libitum est, cur non eos cæteris præposuit qui tam ardenti studio legalem sanctimoniam sectabantur? Non ergo illis præuisio operum, qualiacunque futura fuerant, apud Deum prodessè potuit, vt eorum præ cæteris in dispensatione gratiæ quæ fidem creat, ratio haberetur? Habere ergo, inquit ille, quod istis seu quæstionibus, seu querelis satisfaciatur, quod infirmos in fide corroboret, quod denique incredulis obstruat, ne pergant audacter diuinam dispensationem accusare. Non modò eo typo quem Scriptura in Isaaco & Ismaele exhibuit, à Spiritu Dei significatum est in iustificatione alijs alios ob fidem anteponi, sed & in altero exemplo figuratum, fidem à Deo dari pro arbitrio, seposita omni vel operum, vel cuiuscunque rei quæ in ipsis hominibus hæreat, consideratione. Quid enim aliud id sibi vellent quod duos Isaaci liberos, vno concubitu susceptos, conditione omnino pares, adhuc in vtero clausos, tam diuersè habuit, vt antequam quidquam boni vel mali fecissent, se alterum odio prosequi, alterum verò amore singulari complecti profiteretur? Vt nemo non intelligat & in iustificatione donanda Deum cum hominibus agere prout fide & incredulitate se se dignum vel indignum quisque præbuit cui peccata condonarentur; & quod multo mirabilius videri possit, in tanta

paritate

paritate naturæ tam diuersum esse ad credendum vel non credendum hominibus animum ab vna Dei vocatione & electione liberrima. Est enim istud *in memis*, memorabile & cum emphasi minimè vulgari conjunctum. Sic vis duorum argumentorum quibus continetur vniuersa compages deprauationis ab Arminio & Arminij discipulis in hanc Apostoli disputationem institutæ, labefactatur atque concidit. Ea igitur subuersa, nostra verò, hoc est, Caluini interpretatione vindicata, opportunum esse videtur vt earum rerum quæ in doctrina præstantissimi Theologi parum inter se concordare putantur, explanatione diligenti & commoda conciliatione hanc nostram tractationem tandem aliquando concludamus.



CAPVT XVI.

Caluini doctrinam sibi non repugnare.



EMIRATVR alicubialter Anonymus, cuius à me iam Pag.
156. sæpe facta mentio est, quod cum nemo longius inter Caluini discipulos ab eius sententia in argumento de Prædestinatione discesserit, quàm à me factum esse contendit, sum tamen ausus eum ad confirmationem doctrinæ meæ fidenter euocare, atque ex illius scriptis multa proferre testimonia, quasi nulla esset inter nos ea de re dissensio. In quo sinceritatem & candorem animi mei disertis verbis accusauit. Certè nullius vnquam fides in citandis auctorum testimonijs accusata merito fuit, qui vel scriptoribus quos laudat non supposuerit aliquid, vel eorum verba non deprauauerit & detorserit in sensum alienum. A me autem quidquæ esse Caluini suppositum quod non reperiatur in eius scriptis, non puto vllum esse cui frons adeo perierit, vt id affirmare non erubescat, tametsi nomen suum taceat, quod illi facere solent qui tuto mentiri volunt & securè calumniari. Sunt Caluini opera in manibus hominum variis locis non suspectis, varijs temporibus, varijsque formis excusa, in quibus nihil vnquam tanquam subdititium aut villo modo dubitabile notatum est. Potuit accusator ille meus quamlibet editionem consulere, & cum scriptis meis quantum posset diligenter conferre, vt fraudis nullo negotio me conuinceret, si quid istiusmodi tentauissem.

De peruersa autem & in alienum sensum detorta interpretatione quā conqueri potest? Vtquamne Caluini verba sum interpretatus? Aut vllumne ex eius doctis lucubrationibus testimonium produxi quod per se non intelligatur sine cuiusquam cōmentario? Non vnum hinc, alterum inde verbum arripui ambiguum, non truncaui periodos, sententias non mutilaui, paginas integras vel descripsi vel recitavi ita vt quæ fuerit in ijs scriptoris mens facile sit intelligere, vel fatendum sit nullam fuisse auctori mentem. Quod postremum nemo qui sit satis pudens de eo dixerit in quo Pontificij ipsi facundiam quandam admirabilem agnouerunt. Verum, inquit ille, in scriptis Caluini multa occurrunt, quæ tam apertè dissident ab ea sententia quam illi Amyraldus affinxit, vt non potuerint ab eo nisi nimis callidè dissimulari. Omnis autem callida dissimulatio nonnihil ex fraude trahere videtur. Equidem neque supposui fraudulenter, neque peruersè sum interpretatus, neque callidè dissimulaui quidquam. Absit Dei beneficio a meis moribus omnis fucus, & si quis est qui mihi malè velit, culpabit fortasse aliquid aliud, candorem & pectus apertum ac alienum à vafritie non desiderabit. Loca quæ sunt ab Anonymo in Caluini scriptis obseruata, vel reuera pugnant cum ea sententia quæ testimonijs à me citatis continetur; vel quæcunque sit in ijs repugnantia species, possunt tamen cum ea facile conciliari. Si conciliari possunt, haud satis fortasse prudenter feci, qui litem illam apparentem non composui, vt doctrina mea, hoc est, Caluini sententia, ab omni parte tuta foret. At quæ cuiusquam causæ confirmandæ inferuire possunt, si omittantur, nemo dixerit ab eo veteratoriè & fraudulenter esse dissimulata. Si reuera pugnant, quid causæ fuit cur inuerecundè traducerem viri cæteroqui maximi vel in hac vna re à se ipso, qui non animaduertit se se duas tueri discrepantes opiniones, vel inconstantiam, qui in vna & eadem hypothesi non perseuerauit? Nonne Caluinus egregius Christi seruus, & cui dici non potest quantum Ecclesiæ reformatio debeat, aliud à nobis meritis est, quàm vt de industria fama eius & existimationem eamus obscuratum? Hoc mihi sufficere debuit, sententiam eam quam testimonia à me citata præ se ferunt, & in eius scriptis esse frequentiore, & traditam vt plurimum in ijs locis in quibus Scripturam sacram extra concertationem dedita opera explicat. Solet autem disputationis calor nonnihil iudicio officere, & nemo nescit à me plura in disceptationibus de religione quantum possit. At profecto nulla est vera pugna inter varia Caluini de Prædicatione scripta. Vel nimia breuitas, quæ obscuritatem parere conuenit,

Thuan.
hist. lib.
36.
Hist.
Dauila
lib. 1.

uit, vel liberiores & nonnunquam paulo fortasse duriores loquendi
 modi, qui sunt apud lævas mentes calumniæ obnoxij, vel denique
 lectorum negligentia, qui rem illam non satis diligenter egerunt, ef-
 fecerunt ut præstantissimus Theologus secum discordare videretur.
 Quod ut cuius manifestum fiat, loca ab Anonymo notata operæ præ-
 tium est conciliationis causa attentè considerare. Quod primum Cal-
 uino cum Clarissimo Monacho tribuimus, illud est, creatum fuisse
 vniuersum genus humanum in spem beatitudinis æternæ, si in inte-
 gritate persistisset. Lapso primo homine, qui secum omnes posteros
 eadem condemnatione inuoluit, massam generis humani electionis
 & reprobationis materiam extitisse, in qua discernenda Dei volun-
 tas pro libito vertaretur. Quamobrem etsi Dei decretum electum,
 utpote æternum, Adami peccatum antecessit, pependisse tamen ex
 certa atque indubitata peccati futuri præuisione. Aduersus eam hy-
 pothesim Anonymus hæc citat ex Inst. lib. 1. cap. 21. §. 5. Prædestina-
 tionem vocamus æternum Dei decretum, quo apud se constitutum
 habuit quid de vno quoque homine fieri vellet. Non enim pari con-
 ditione creantur omnes: sed alijs vita æterna, alijs damnatio æterna
 præordinatur. Itaque prout in alterutrum finem quisque conditus
 est, ita vel ad vitam vel ad mortem prædestinatum dicimus. Addit
 ex capite 24. eiusdem libri, §. 12. ista verba. Quos ergo in mortis
 exitium creauit, ut iræ suæ organa forent, & seueritatis exempla, eos
 ut in finem suum perueniant, nunc audiendi verbi sui facultate pri-
 uat, nunc eius prædicatione magis excæcat & obstupefacit. Quæ ma-
 nifestè pugnare cum superiore doctrina Anonymo videntur. At res-
 ponsio facilis est, si *creandi* primum, deinde *prædestinandi*, verbum
 commodè explices. Nam creandi vocabulum nonnunquam quidem
 ad primam illam rerum omnium originem refertur, quæ peccati con-
 siderationem antecessit. Hoc sensu supra vidimus omnes homines,
 ex Caluini sententia, fuisse *creatos* in spem beatæ immortalitatis. At
 interdum refertur ad eam *hominum procreationem* quæ per genera-
 tionem ordinariam fit, & in qua necessario providentia & potentia
 diuina interuenit, absque cuius efficacia genus humanum interi-
 ret. Illa autem *hominum seu creatio seu procreatio*, peccati considera-
 tionem includit. Eo sensu homines à Deo dicuntur *creati* in exitium,
 Atque id Anonymus animaduertere potuit in verbis proximè se-
 quentibus. Sic enim se habet contextus vniuersus, quem describere
 non pigebit. Quemadmodum suæ erga electos vocationis efficacia,
 salutem ad quam eos æternæ consilio destinarat, perficit Deus: ita

Pag 78.

Inst. l. 3.
cap. 24.
§. 12.

„ sua habet aduersus reprobos iudicia, quibus consilium de illis suum
 „ exequatur. Quos ergo in vitæ contumeliam & mortis exitium crea-
 „ uit, vt iræ suæ organa forent & seueritatis exēpla, eos vt ad finē suum
 „ perueniant, nunc audiendi verbi sui facultate priuat; nunc eius præ-
 „ dicatione magis excæcat, & obstupescit. Prioris membri cum innu-
 „ mera sint exempla, vnum tamen quod est præ alijs illustre ac notabile,
 „ eligamus. Quatuor circiter annorum millia ante Christi aduentum
 „ efflaxerunt quibus salutiferæ doctrinæ lucē in cunctis gentibus oc-
 „ cultauit. Si quis respondeat tanti beneficii compotes ideo non fecisse
 „ quia indignos iudicauit, nihilo erunt digniores posteris: cuius rei præ-
 „ ter experientiam testis locuples est Malachias, qui incredulitatem
 „ crassiss blasphemij permistam coarguens, venturum tamen redem-
 „ ptorem denunciat. Vides-ne, lector, Calvinum non negare innume-
 „ ram illam hominum multitudinem dignam fuisse quæ verbi prædi-
 „ catione priuaretur, etsi idem affirmat, reliquos haud eo fuisse iudicio
 „ minus dignos, ideoque in vtrorumque comparatione ad Dei li-
 „ berrimam voluntatē esse recurrendum? Quid autem illo iudicio di-
 „ gnos fecit nisi quod in peccato nati erant & educati? At sequentia
 „ adhuc clariora sunt. Nec est timendum ne quis Porphyrij discipulus
 „ Dei iustitiam impunē arrodat, nobis pro ea nihil respondentibus.
 „ Quam enim asserimus *nullos perire immerentes*, gratuita esse benefi-
 „ centiæ Dei quod nonnulli liberantur, abundē pro illustranda eius
 „ gloria dictum est; vt nostra tergiuersatione nequaquam indigeat.
 „ Prædestinationi igitur suæ viam facit summus ille arbiter, vbi quos
 „ semel reprobaui lucis suæ communicatione orbatos deserit in cæci-
 „ tate. Nulli ergo, iudice Caluino, pereunt immerentes. Quod si in ijs
 „ meritum cum exitio iunctum est, estne vlllo pacto dubitabile quin
 „ alterum alterius causa sit? Et si meritum, hoc est, peccatum exitij
 „ vera causa est, destinauit-ne Deus homines ad exitium ex absoluta
 „ voluntate & citra peccati considerationem? Supponit ergo præde-
 „ stinatio peccatum, & ita versatur in massa generis humani corrupta
 „ discernenda. Quod abundē sufficit ad iustitiam Dei ab omni crimina-
 „ tione vindicandam. Nam ad illam Bezzæ methodum quod attinet,
 „ qua sepositionis ad amorem & odium vnam Dei voluntatem causam
 „ esse statuit, quamquam odij & amoris actu existentis causam in pec-
 „ cato esse vult, Caluino non est vlllo pacto adscribenda. Primò quia
 „ nusquam eam exertē vel tradidit, vel sequutus est; deinde quia non
 „ potest cum ijs quæ exertē tradidit vlllo modo consentire. Pugnat e-
 „ nim cum ea & quod obiectum prædestinationis in *massa corrupta* tam
 „ sæpè

sæpè constituit, & quod Christum pro omnibus, modo credant, mortem perpeffum esse putauit. Id enim ex superiore disputatione palam est. Ad prædestinandi vocabulum quod attinet, certum est Scripturam sacram nusquam vri verbo *ἐκρίθη* in eo negotio, nisi vbi loquitur de decreto æternæ vitæ conferendæ. Decretum autem illud duo complectitur, nempe voluntatem fixam atque immotam fidei cùm dandæ tum conseruandæ vsque ad vitæ finem: & voluntatem pariter immutabilem communicandæ salutis. Quæ duo positiua sunt, vt loquuntur, & redduntur effecta interuentu efficacitatis alicuius longè potentissimæ. In negotio reprobatorum res aliter se habet. Nam reprobatio duo quidem complectitur, præteritionem videlicet in indulgenda fide, & damnationem quæ incredulitatem necessariò sequitur. At præteritio mera actionis seu negatio seu cessatio est, quæ nullam potentia diuinæ postulat efficacitatem. Itaque *ἀπολείπειν* ex vsu Scripturæ sacræ in eam propriè non competit. Attamen quia in electorum negotio euentus certissimè futurus est, reprobos verò exitium ex æquo indeclinabiliter manet, fecit non causarum similitudo quidem, nam infinito intervallo inter se discrepant, sed paritas certitudinis in euentu, vt Calvinus cùm multis alijs præstantibus Theologis vtramque illam rem prædestinationem appellauerit, Qua in re fanè non multum discedit à stilo Spiritus sancti. Quemadmodum enim electi dicuntur *περιγυνοῖς ἐς ζωὴν αἰώνιον*, quod, quidquid Arminij discipuli vitiligent, vim habet significandi propositi stabili ac definiti: sic increduli Evangelij hostes dicuntur *ἀπολειποῖς ἐς τὸ ὄχι*, quia res non potest vllò pacto euitari. Et quemadmodum electi, *ῥωτῶντες* nuncupantur, hoc est, ad fidem adducti, *ἐκ τῆς χάριτος*, vi cuiusdam consilij ab æterno immutabiliter constituti, sic Petrus alios *ῥωτῶντες* dicit *ἐκ τῆς χάριτος* *τῆς ἀπολείπειν*. Quamuis enim altera pars consilij sit affirmatiua, altera negatiua tantùm, vtrobiq; tamen euentus est pariter necessarius & indeclinabilis; hîc quia cessat Dei efficientia, illic quia potenter operatur, quamquam est vtrumque deliberata voluntate constitutū. Quod autem in illis verbis Calvinus de vtriusque cōsilij executione similiter loqui videret, quasi non aliter Deus ad reprobationis euentum quam ad electionis finem perueniret, prudenter intelligendum est. Nam electionis finem, quia res est in se bona & non indigna quam Dei voluntas sibi proponat pro obiecto. Deus per se intendit atque propriè. Quocirca quæ ad eum obtinendum necessaria sunt, adhibet per se itidem atque primariò. Reprobationis autem euentus proximus atque immediatus induratio est, & quod indurationem infallibiliter sequi-

Act. 13.

48

Iud. 4.

Rom.

8. 28.

1. Pet.

2. 8.

tur, exitium; res non per se appetenda, sed ~~nam~~ *π*. Ideoque & media ad eam deducenda, neque propriè media sunt, sed ~~nam~~ *π* ~~ut~~ *π* tantum, neque adhibentur in eum finem aliter quàm secundariò, vt est à nobis supra ex Caluini verbis explicatam. In alijs locis plus rep̃ire sperat præsidij Anonymus. Hunc igitur citauit ex libro de Prædestinatione.

„ Et cur facti sunt vasa irę reprobi? Respondet Paulus, vt iram & po-
 „ tentiam in illis suam Deus ostenderet. Dicit apparata in interitum:
 „ vnde & quomodo nisi à prima origine & natura? vt quidem viriata
 „ est in persona Adæ totius generis humani natura: non quod alius
 „ Dei consilium non præcesserit: sed quia ex hac scaturigine emergit
 „ Dei maledictio & generis humani interitus. Cui addidit alterum il-
 „ lum ex eodem libro. Tria hic sunt consideranda: primo æternam Dei
 „ prædestinationem, qua de toto genere humano & de singulis homi-
 „ nibus quid futurum esset statuit, antequam cecidisset Adam, fixam &
 „ decretam fuisse: deinde Adam ipsum pro defectionis suę merito esse
 „ morti addictum: postremò in eius iam perditæ & desperatę persona
 „ sic damnatam esse totam progeniem, vt Deus quos inde gratuito e-
 „ ligit, adoptionis honore dignetur. Equidem quid sibi voluerit Ano-
 „ nymus haud satis intelligo. Quid enim? Non satis clarè in vtroque
 „ illo loco Caluinus dicit peccatum esse causam maledictionis & con-
 „ demnationis generis humani? Non ex eo necessariò sequitur præde-
 „ stinationis ad exitium causam esse in vno peccato sitam? Nam vt su-
 „ pra disputauimus, non potuerunt esse Deo diuersę decernendi ab æ-
 „ terno cur damnare vellet, & actu in tempore damnandi causę. At in-
 „ quit ille, ridiculum est, illud *antequam cecidisset Adam*, temporis
 „ antecessorem denotare duntaxat. Quis enim dubitet id quod æter-
 „ num est peccatum Adami tempore antecessisse? Quocirca uecesse est
 „ vt in ijs verbis Caluinus ad retum ordinem quem Deus sequutus est
 „ in decretis constituendis, non autem ad temporum differentiam res-
 „ pexerit. De causis impulsivis decretorum diuinorum video multa es-
 „ se à Caluino disputata, de ordine nihil. Cur Deus hominem condi-
 „ derit in spem sempiternę beatitudinis, causam affert vnā eius bo-
 „ nitatem. Cur homine in peccatum & maledictionem lapsò Christum
 „ mittere decreuerit, qui mundum morte sua redimeret, causam statuit
 „ in miro quodam illius erga genus humanum amore. Cur alios ele-
 „ gerit alios vero præterierit in donanda fide, causam in misericordia &
 „ seueritate Dei assignat: cur alter alteri sit in eo negotio præpositus,
 „ nullam aliam causam agnoscit præter vnā Dei liberrimam volunta-
 „ tem. Cur credentes seruare, incredulos æternis cruciatibus damnare

volue;

voluerit, hinc ex Dei iustitia, inde ex eius misericordia rationē petendā esse duxit. Et sic de cæteris rebus quæ supra à nobis fusiùs explicate sunt. Quo ordine omnia ista in æterna sua mente collocauerit, quid prius, quid posterius sibi proposuerit ad cogitandum, Calvinus nunquam explicare conatus est. Cuius instituti Calviniani rationem difficile non est coniectura consequi. Nempe relatio quæ intercedit inter causas impulsivas decretorum diuinorum & decreta ipsa, fundata est in eis virtutibus & proprietatibus diuinis quæ etsi per se mirabiles sunt, nobis tamen sunt aliquatenus reuelatæ & mentibus nostris expositæ ad cognoscendum, iustitia, scilicet, misericordia, bonitate, cum quibus virtutes nostræ morales aliquam analogiam habere videntur. Adde ad eas virtutes libertatem vtendi rebus suis pro suis, quam nollemus, miseri homunciones, nobis esse ereptam à quoquam aut villo pacto derogatam. Atque in eo tecutus est Scripturæ sacræ ductum, quæ quid ad bonitatem, quid ad iustitiam, quid ad misericordiam referendum sit, non obscurè innuit, sed apertissimè significauit. Verùm ordinis dispositio opus est sapientiæ, quam dubium non est in Deo infinitam esse quidem, at cuius adyta sunt vsquē ad profundā & recessus imperuestigabiles, vt si quis eos lustrare tenter, necesse sit illum in labyrintho inexplicabili æternum oberrare. Nec in eo Spiritus sanctus faciem vllam nobis accendit, cuius ope Dei cogitationes vel penitus perspicere, vel apertè inter se componere, & ito quamque loco constituere valeamus. Tum naturæ diuinæ simplicitas non prohibet quominus secundum modum considerandi nostrum, sint in eo varię virtutes ad quas varię obiectorum qualitates conuenienter reducantur: peccatum ad iustitiam, vt puniatur: perfectissima sanctitas ad bonitatem, vt præmium ferat; fides & pœnitentia ad misericordiam, vt obineat impunitatem; duorum hominum peccatorum omnimoda æqualitas, ad voluntatis libertatem, vt inæqualia sortiantur pro illius arbitrio. At naturæ diuinæ immensitas & infinitudo non patitur, vt varia obiecta varijs temporibus æternam illam mentem subeant, quæ vno & indiuisibili actu omnia vidit, cognouit, decreuit, digessit, & ex omni æternitate eodem momento temporis ordinauit. Quod igitur decreta diuina alia alijs succedere volumus, id sit subleuandæ infirmitatis nostræ causa, & accommodatè ad nostram ratiocinandi methodum. Mens enim nostra angustioribus regionibus continetur, quàm vt multa simul complecti queat. Quamobrem pellit vna cogitatio alteram, vt clauus clauum è loco trudit, qui ambos eodem tempore capere non potest. At nulla tanta

est rerum multitudo, non si quidem mille mundos & plura adhuc intermundia cum Epicuro fingamus, quam mens diuina non vno momento accuratissimè, distinctissimè, & penitissimè perspiciat ac cōprehendat. Libet ne igitur Anonymo vt hic breuiter exponam quid Caluino contigerit si quādo paulo ascendit altius, & animi cogitationem in omnium istorum decretorum contemplatione defixit? Planè quod omnibus mortalibus accidere oportet, si animum instituunt ad mysterium prædestinationis attentè meditandum. Coniecit primùm oculos in genus humanū vniuersum, idque vidit horrenda maledictione ab omni parte implicitum, neque id admodum miratus est. Quid ita? Quia vidit pariter peccato contaminatum. Quid enim est in eo magnopere stupendum, si quod homines promeriti sunt, id etiam assecuti sunt à iustitia diuina? Aut quis negauerit immensam peccatorum cū multitudinem tum etiam magnitudinem atque atrocitatem horrendam istam maledictionem iustissimè promeritam esse? Non fuit igitur ab illa cogitatione turbatus, quamquam sanè subiuit forte animum mitem & generis humani amantem commiseratio aliqua. Tum igitur conuertit oculos in Christi crucem, ad quam omnibus mortalibus aditum patere intellexit, modo non renuant Deo parere inuitanti. Atque in eo miram quandam eius *φιλανθρωπίας* & agnouit, & suspexit, eo magis quod nulla re quæ ab hominibus proficisci potuerit, fuit inuitata. Quis enim ad tantæ clementiæ significationem non obstupefcat, Summum numen, infinita maiestate præditum, tam sæpe, tam diu, tam variè peruersissimis, & à quibus tota natura abhorret actionibus ad iram incitatum, & reperisse apud se ab æterno, & demum in plenitudine temporum reapse exhibuisse absolutissimum in filij vnigeniti perpeffione placamentum? Tantum abest igitur vt ista cogitatio Caluinum turbauerit, vt in admirationem rapuerit etiam cum incredibili voluptate. Ea re tamen contentus esse non potuit. Obseruabit enim, quod in ipsos penè sēsus incurrit, ex hominibus alios ad crucem istam cum fide & pœnitentia confugere, alios non spernere eam duntaxat atque negligere, sed & odio auersari; vnde fit vt illi salutis sint compotes, hi pereant in æternum. Nec in tanta causæ disparitate potuit esse vnus atque idem euentus. Illi enim acceptione doni donationem à Deo institutam ratam validamque reddiderunt: hi, repudiatione, irritam. Quo nihil dici potest iustius aut ad gustum rectæ rationis magis accommodatum. At motus animi qui rerum causas sequitur atque indagar, in eo sisti nequiuir; querendum fuit vltèrius cur alij credant, alij verò minimè. Id autem quia superat

superat omnem ingenij humani indaginem, præcipuo quodam studio in diuino verbo fuit inuestigandum. Et illic quidem diuini Spiritus efficacitatem suauissimam atque potentissimam continuo agnoscit, ad stipulante conscientia ipsa; hic natiuam malitiam ac excitationem quam externa propositio crucis emendare nequiuit. Nempe cum tanta sit ingenij humani natiua peruersitas, quantam supra demonstrauimus, obiectum extrinsecus propositum, si nihil aliud sit, non potest non repelli. Contra verò cum vsque adeò admirabilis sit mentis actus quo fideles obiectum extrinsecus oblatum apprehendunt, ab extraordinaria & supernaturali ac planè diuina vi profectum eum esse oportet. Arque id hæcenus non habet difficultatem magnopere memorabilem: hoc arduum & supra captum ingenij humani vium est, vnde factum vt ea vis hos potentissimè & efficacissimè afficeret, illos omnino præteriret intactos. Quo enim cunque veritas oculos, nusquam reperies in hominibus in quo mens hæsitabunda conuiescat. Non vlla naturæ disparitas, non virtutum semina, non opera, non dispositiones aut præparationes ad fidem, non bonus vius arbitrij liberi præuisus, non denique quidquam aliud quod hominem ab homine naturâ aut industria discriminet, Deo causam præbere potuit misericordiz: uix tam inæqualiter disperriendæ. Postquam igitur ex Apostolo clarè didicit hic vnam Dei voluntatem regnare, cuius nulla præterea ratio reddi potest, in eo acquieuit cum ea animi demissione quæ hominem Christianum decet. Quamquam hæsit adhuc in animo scrupulus. Quam enim credentium numerus admodum exiguus sit, incredulorum verò multitudo præ ea paucitate innumerabilis, querere subiit quæ causa Deum impulerit vt tot hominum myriades voluerit in natiua malitia & corruptione iacere, per quam factum est vt Christi crucem respuerent. Sequitur enim certò atque excipit incredulitatem æternus interitus, vt curari nequeat quin vnâ mentem occupet horror & commiseratio tot myriadam hominum, quos abyssus immensa maledictionis tristissimo exitio absorbet. Nec in eo facile est astum ingenij humani componere, aut commotum animum placare penitus & ad eam modestiam redigere quæ creaturæ conuenit. Tristitorem paulo tamen atque commotiorem cogitationem mitigarunt tria potissimum. Vnum, quod de Dei voluntate agitur, Dei, inquam, cuius natura ea est vt hominibus neque quidquam d. beat, neque verò debere possit. *Τῆς*, inquit Apostolus, *οὐσίας τοῦ θεοῦ, καὶ αὐτὴν ἀντιπροσώπων*, Quodam commune ius nobis est ex quo creaturæ liceat cum eo experiri? Alterum quod omnes homines

Rom.

11. 35

in spem beatæ immortalitatis condiderat, qua spe si illi peccato suo exciderunt, culpandus non est qui iustitiam exerit in puniendo. Ut potius bonitas in eo admiranda sit, quàm diritas insimulanda. Tertium denique, quod omnibus obtulit veniam peccatorum in Christo, quàm in re incredibilem quandam clementiam declarauit. Quod ergo perierunt non est ab vlla Dei nimia seueritate. Attamen, ut est animus humanus contemplandi atque cognoscendi audius, prospexit adhuc aliquid vltterius, cuius notitia magnam quandam vtilitatem secum ferre videbatur. Quod homines puniuntur ideo quia Christum spreuerunt, & salute priuantur quam noluerunt accipere, causa iusta est. Quod eorum malitiam & cæcitatem depellere Deus noluerit, ideo tantùm quia noluit, nec id præstare tenebatur, ratio est idonea quæque animum humanum eompescere debet, si insolecat. At quod ab illa vita in cuius spem creati fuerant, lapsi sunt in exitium, quia id vnus peccato accidisse videtur, magnam habet difficultatem. Tantamne fuisse in Deo immanitatem ut vnus ob culpam innumerabilem hominum multitudinem æternis cruciatibus deuoueret? Quis id in natura benignissima clementissimaque sine aliquo horrore concipiat? Quis non putet ab eius iustitia quam maximè alienum atque abhorrens? Verum enimvero duo præcipuè sunt quæ curam istam ex animo expectorare possunt. Vnum est, quod non admodum mirum videri debet si parentis & liberorum vna eademque conditio est. Eam enim seueritatem quam in liberos perduellium à principibus exerceri in aliqua iustitiæ parte deputamus, cur in Deo iniquam aut truculentam esse arbitrabimur? Non est primi hominis in Deum rebellio digna quæ proportionè æque seuerè vindicetur ac si aliquis maiestatem hominum violauit? Alterum illud est quod parens qui miseriam, idem peccatum in liberos propagauit. Ut non debeat æque quisquam respectare ad primi omnium parentis culpam, ac pectus excutere proprium in quo plusquam sufficiens æterni exitij causa latet. Nam vnde cumque vitium fluxerit, quem labe infecit sua eundem ex ordine iustitiæ pœnæ perpeffioni mancipauit. Vnum igitur superest. Primum omnium nostri parentem Deus creauit mutabilem, tentrationi Diaboli expositum esse voluit; mutationem eius certissimè futuram esse ab æterno præuidit; & ideo præuidit quia ex his & illis se creandis ac ordinandis hoc & illud existitutum esse decreuit. Sic ante oculos suos genus humanum vniuersum & in peccatum lapsi, & per peccatum in exitium ruere, & in exitio æternum manere & vidit & voluit. Etenim eum non latuit, cum filium in mundum

mit-

mittere constitueret, fore ut omnes eum auerfarentur, nisi vi potentissima sui (spiritus succurreret, eius opem destinavit paucissimis, reliquis prateritis iusta quadam severitate. Ad ea igitur quis non exhorreat? Quis non contremisecat totus & formidine consternetur? Quis est, inquam, qui si motu mentis in altum subuectus tantam generis humani ex illo felicitatis fastigio in quo primum collocatum est, miserrimè deturbati stragem attentis oculis despectet, Dei iustam quidem sed tamen tremendam ~~dominam~~ ex intimis animi sensibus non perhorrescat? Nam hîc sanè Arminius quicquid habet superuacaneæ subtilitatis expromat, non faciet tamen quin ista ruina horribili sua specie terreat mentis oculos. Theologiæ suæ arcana omnia scrutetur & euoluat, nunquam perficiet quin hic semper multa residua sint, quæ superant omnem captum non hominum modò sed Angelorum. Nam quid hic faciet imaginaria voluntatis humanæ libertas, ad quam veluti ad sacram ancoram confugit in omni dubitationum æstu atque procella? Nonne potuit Deus eius sistere mobilitatem in Adamo, ne & ipse caderet & vniuersam suam posteritatem cadendo secum traheret in ruinam ineuitabilem? Ea causa est cur Calvinus lectorum suorum mentes ad illa sæpenuerò reuocet quæ actualemente Adam lapsus antecesserunt, ut pote in quibus infinitam Dei maiestatem reuereri atque adorare necesse est. Inde illa verba Instit. lib. 3. cap. 23. §. 7. quorum pars supra à nobis considerata fuit. Disertis verbis hoc extare negant decretum fuisse à Deo ut sua defectione periret Adam. Quasi verò idem ille Deus quem scriptura prædicat facere quæcunque vult, ambiguo fine condiderit nobilissimam ex suis creaturis. Liberi arbitrij fuisse dicunt ut fortunam ipse sibi fingeret: Deum verò nihil destinasse nisi ut pro merito eum tractaret. Tam frigidum commentum si recipitur, ubi erit illa Dei omnipotentia, qua secundum arcanum consilium, quod aliunde non pender, omnia moderatur? Atqui prædestinatio, velint, nolint, in posteris se profert, neque enim factum est naturaliter ut à salute exciderint omnes vnius parentis culpa. Quid eos prohibet fateri de vno homine quod inuiti de toto humano genere concedunt? Quid enim tergiversando luderent operam? Cunctos mortales in vnius hominis persona morti æternæ mancipatos Scriptura sacra clamat. Hoc cum naturæ adscribi nequeat, ab admirabili Dei consilio profectum esse minimè obscurum est. Bonos istos iustitiæ Dei patronos perplexos hærete in festuca, altas verò trabes superare nimis absurdum est. Iterum quæro unde factum est ut tot gentes vnâ cum liberis eorum infantibus æternæ

„morti inuolueret lapsus Adæ abque remedio, nisi quia Deo ita visum
 „est? Hæc obmutescere oportet tam dicaces alioqui linguas. Decre-
 „tum quidem horribile, fateor. Infiari tamen nemo poterit quin
 „præsciuerit Deus quem exitum esset habiturus homo antequam ip-
 „sum conderet, & ideo præsciuerit quia decreto suo sic ordinaret. Et
 quæ eodem loco similia sequuntur. Cum igitur vnumquodque Dei
 decretum in mysterio prædestinationis Calvinus seorsim considerat,
 & id cum causa ea confert quæ Deum impulit ut sic vel sic apud se
 decerneret, nihil penè occurrit in quo vel Dei iustitiam non agnos-
 cat, vel bonitatem non suspiciat, vel misericordiam non admiretur, vel
 libertatem eam qua Deo solum est ut hominibus æque corruptis
 tribuat inæqualia, reuerendam esse non existimet. Ut pijs ac mode-
 stis ingenijs & se satisfacere posse putet, & reuera satisfaciat. At cum
 ista omnia inter se componenda sunt, venit autem vna in mentem rem
 tantam quanta est peccatum, rem tam horrendam quam horrendus
 est æternus interitus, ab infinita propè hominum multitudine solo
 Dei Opt. Max. nutu prohiberi potuisse atque propelli, fieri prof. &
 nequit quin mens humana obstupescat ac sub pondere admirationis
 fatiscat & collabatur.

Video à viris præstantissimis nonnihil dubitari, an Calvinus dici
 possit existimasse Deum velle omnium hominum salutem, dummodo
 ijs inuitationibus obtemperent quibus ad fidem & pœnitentiam ab
 ipso prouocantur. Quam dubitationem arbitror me nunc illis ex-
 misisse ex animo, vsque adeò multa & perspicua sunt quæ in eam rem
 ex illius scriptis testimonia produxi. Digni tamen sunt quibus ita ple-
 nè & abundè satisfiat, ut ne leuissinia quidem ambigendi occasio su-
 perfit. Si talis, inquit, fuit Calvinæ sententia, cur in libro de præde-
 „stinatione tam multa dixit in speciem contraria? Ut sunt illa. Mul-
 „tum abest quin Dei gratiam pro merito illustrent, qui eam prædi-
 „cant omnibus esse communem. Item Nunc iacet Pighius Deum om-
 „nes velle saluos fieri, cum ne externa quidem doctrinæ prædicatio,
 „quæ tamè Spiritus illuminatione longè inferior est, omnibus sit com-
 „munis. Rursus. Ergo aut Deum fateantur non esse votorum suo-
 „rum compotem, aut negent omnes sine exceptione velle saluos fieri.
 „Quibus ista coniungi possunt, in quibus negare videtur Christum pro
 ijs omnibus indifferenter esse mortuum qui ipsum fide amplectun-
 „tur. Quod tamen alibi, ut supra vidimus, centies affirmavit. Audio
 „quid garriat Pighius electum esse in Christo genus humanum, ut qui-
 „cunque eum fide amplexi fuerint, salutem consequantur. Quibus si-

milia

milia sunt ista. Pighius sensum suum ita explicat, Deum immutabili
 consilio omnes creasse ad salutem, sed cum Adæ præuideret defe-
 ctionem, ut firma nihilominus stabilisque fieret electio, remedium
 adhibuisse, quod omnibus perinde commune esset. Et si qua sunt al-
 ia istiusmodi. At nihil est quod facilius explicari possit. Nam ad gra-
 tiam communem quod attinet, Pighij & omnium ferè Semipelagia-
 norum opinio semper fuit, gratiam aliquam communem esse, non
 modò quæ per Euangelij prædicationem extrinsecus offertur, sed e-
 tiam quæ intrinsecus mentem illuminat & afficit, ita ut constituat in
 voluntatis potestate Christum amplecti vel reijcere prout ipsi libue-
 rit. Aded ut ratio discriminis quod inter fideles & incredulos inte-
 rest, petenda sit non ex electione diuina, sed ex arbitrio humano.
 Quam opinionem tanquam hæreticam Caluinus reijcit & oppugnat.
 Atque id ita se habere patet ex ipso loci contextu. Multum abest, in-
 quit ille, quin Dei gratiam pro merito illustrent qui eam prædicant
 omnibus esse communem, in se vero efficaciter residere quia fide eam
 amplexi sint: fidei vero causam interea sepultam cupiunt, quod scili-
 cet gratis in filios electi Spiritus adoptionis postea donati sunt. Quæ
 per se clariora sunt quam ut quæ sequuntur describere necesse sit.
 Non negat ergo cõmuni esse gratiam quæ se habet ut obiectum:
 negat tantum eam esse communem quæ mentes hominum intus affi-
 cit, quæque pendet ex electionis proposito, quod Semipelagiani vo-
 lunt esse sublatum. De voluntate Dei de qua agitur in locis loquen-
 tibus res clarescit. Alia est voluntas per quam, ut supra vidimus, Deus
 præcipit officium creaturæ, & salutem promittit officium facienti-
 bus: alia per quam statuit quid sit futurum in euentu. Illa reuelata
 dicitur, hæc arcana. Illa tantummodo extrinsecus inuitat obiecto
 proposito, & ostendit quæ sit obtemperantibus reposita apud Deum
 remuneratio. Hæc in electis potentissimè operatur, ut reuera pareant.
 De arcana voluntate negat eam ad salutem omnium hominum exten-
 di. De reuelata non modò petentibus concedit, sed affirmat vltro &
 proindubitata veritate docet, eam esse communem. Nec id melius
 patere potest quàm ex illius verbis. Reclamat Pighius, inquit, illam
 Pauli sententiam adducens, Deum omnes velle saluos fieri, & quod
 mortem peccatoris nolit, ipsi vel iurato credendum; ubi per Pro-
 phetam sic loquitur: Vivo ego nolo mortem peccatoris, sed magis
 ut conuertatur & viuat. Quum prophetica concio ad pœnitentiam
 hortetur, nihil mirum si Deum pronunciet velle omnes saluos fieri.
 Sed tales loquendi formas conditionales esse ostendit mutua inter

„ minas & promissiones relatio. Niniuitis Deus, quemadmodum re-
 „ gibus Gerar & Ægypti, facturum se denuntiat quod facturum non est.
 „ Quum resipiscencia pœnam quam illis minatus fuerat, anteuertunt,
 „ tunc nonnisi obstinatis constitutam fuisse apparet. Et tamen præcisa
 „ fuerat denuntiatio, ac si reuocabile non esset decretum: sed postquam
 „ ira suæ sensu terruit ac humiliauit, qui non prorsus sunt desperati,
 „ eos spe veniæ erigit, vt remedio sentiant locum esse. Ita rursus pro-
 „ missiones, quæ omnes ad salutem inuitant, non simpliciter nec præci-
 „ se quid in *arcano* consilio Deus statuerit, sed quid omnibus ad fidem
 „ & pœnitentiã adductis facere paratus sit, demonstrant. Est igitur, ex
 „ Caluini sententia, promissionum & minarum par ratio. Vtræque ve-
 „ ræ sunt, at utræque conditionales. Vtræque verè Dei voluntatem o-
 „ stendunt, non fictæ, non simulatæ, sed cuius executio ex præstatione
 „ conditionis pender. In minis, si pœnitentia anteuertas, prætereunt
 „ inoffensæ; pœnam enim non denuntiant nisi obstinatis. Nisi te peccati
 „ pœniteat, pœnam effugere non potes. In promissionibus, nisi credas
 „ & eas amplectaris, nihil quidquam actu conferunt, sunt enim solis
 „ credentibus constitutæ. At si credas, qui quis es, tem promissâ pro-
 „ culdubio laturus es, nec Deus expectatione tuâ vlllo modo frustrabit.
 „ Quod quid aliud est quam omnibus esse communes, modo credant.
 „ Id autem ad arcanâ Dei voluntatem nihil attinet. Vt enim denuntia-
 „ tio Niniuitis facta, *Intra quadraginta dies Ninina subuerteretur*, non
 „ prohibuit quominus Deus apud se statueret, efficere vt Niniuitas
 „ peccati pœniteret, quæ fuit vnica calamitatis depellendæ ratio. Sic
 „ promissio, *si credas saluus eris*, non prohibet quominus Deus decernat
 „ multos quibus facta est, indurare, quæ est ad exitium certissima via
 „ ac minimè dubitabilis. Et quemadmodum decretum istud arcanum
 „ de donanda Niniuitis qualicumque pœnitentia non effectit quin con-
 „ ditionalis illa denunciatio vera foret: Nisi resipiscatis, intra quadra-
 „ ginta dies Ninina ab ipsis fundamentis euertetur. Sic certissima vo-
 „ luntas de nonnullis indurandis non facit quominus vera sit etiam
 „ eorum respectu promissio, *si credatis salutem consequemini*. Atque
 „ eandem esse Caluini mentem in altero loco, Nunc iacet Pighius, &c.
 „ pater ex illis quæ proximè sequuntur. Hoc extorsit Pighio, ne quis nisi
 „ sensu & iudicio priuatus credat *arcano* Dei consilio statutam omni-
 „ bus æqualiter salutem esse. De Christi morte, res caret omni difficul-
 „ tate si quis loca integra apud Caluinum legat. Sententia Pighij fuit
 „ prorsus eadem cum Arminiana. Vniuersum genus humanum in vitæ
 „ spem conditum esse. Lapso eo procuratum esse ex æquo omnibus in
 „ Christo

Christo remedium. In gratiam vniuersi generis humani constitutum esse decretum, quod Pighius electionem vniuersalem appellabat, quo & potestas sit omnibus salutis obtinendæ si credant, & facultas indulgetur habendæ fidei, si ad eam rem libertate suæ voluntatis vri velint. Præuidisse autem Deum qui-nam credituri essent, qui non; atque tum demum decreuisse ex illa præuisione quos eligere vellent, quos reprobare, vt electio & reprobatio in præscientia fidei vel incredulitatis fundata sit. Ad ea quid Calvinus? Primum verbum *electionis vniuersalis* pro merito traducit. Deinde electionem ex præuisione fidei suggillat atque confutat, & ostendit electionem esse ad fidem, non ex fide. Reliqua præterit intacta, tanquam ad rem quam agebat neutiquam pertinentia, & in quibus controuersia non vertitur. Id autem ex eius verbis manifestum est. Audio inquit, quid garriat Pighius: „ Electum esse in Christo genus humanum, vt quicumque eum fide „ amplexi fuerint, salutem consequantur. Sed in hoc commento duæ „ sunt crassæ hallucinationes, quas Pauli verbis refellere promptum est. „ Nam primò certè inter electos & reprobos mutua est relatio: vt sta- „ re electio de qua loquitur, nequeat, nisi fateamur Deum certos ho- „ mines quos illi visum est, ab alijs segregasse. Quod ipsum prædesti- „ nandi verbo, quod bis postea repetit, exprimitur. Ad hæc eos dicit „ electos, qui fide in fidei sunt in Christi corpus: quod omnibus nequa- „ quam commune esse palam est. Solos itaque eos designat, quos voca- „ tione sua dignatur Christus, postquam illi à Patre dati sunt. Fidem „ vero facere electionis causam nimis absurdum est, atque à Pauli ver- „ bis dissensaneum. Neque enim, quod prudenter animaduertit Augu- „ stinus, electos esse pronunciat, quia credituri essent, sed vt crederent: „ non electos dicit quos Deus præuiderat fore sanctos & immaculatos, „ sed vt tales fierent. Item, non quia credidimus ipse nos elegit, sed vt „ credamus, ne priores videamur ipsum elegerisse. Quibus planè consen- „ tanea sunt quæ sequuntur. De Christi autem morte quid sentiat, per- „ spicuum est ex eo loco quem iam supra breuiter attigimus: nobis vero „ nunc fusiùs describendus est. Cum speciali electione congruere non „ videtur, quod Christus totius mundi Redemptor omnibus promif- „ eùe Euangelium prædicari iussit. Atqui Euangelium legatio est pacis, „ quæ reconciliatur mundus Deo, vt Paulus docet: & eodem teste an- „ nunciatur, vt qui audiunt, salui fiant. Respondeo breuiter Christum „ sic toti mundo ordinatum esse in salutem vt eos seruet qui à Patre illi „ dati sunt: eorum sit vita quorum est caput: eos in bonorum suorum „ societatem recipiat, quos sibi Deus gratuito beneplacito hæredes „

„adoptavit. Quid horum negari potest: Illud Isaïæ vaticinium Aposto-
 „lus in eo impletum pronunciat: Ecce ego & pueri mei, quos Domi-
 „nus mihi dedit. Clamat ipse Christus: omne quod mihi dedi Pater
 „custodiam nequid pereat. Quod vitam nonnisi in membris suis dis-
 „fundat passim legimus. Inferi porro in eius corpus speciale donum
 „qui non fatetur, epistolam ad Ephesios nunquam attente legit. Vnde
 „& tertium illud sequitur, Christi virtutem nonnisi ad Dei filios per-
 „tinere. Quamquam non melius quam ex Evangelij prædicatione æsti-
 „mandam esse *universalem* Christi *gratiam* ipsa quoque pars adversa
 „mihi concedet. Quare in eo sita est nodi solutio, si tenemus quomo-
 „do salutem omnibus offerat Evangelij doctrina. Equidem omnibus
 „natura sua saluificam esse non nego. Tantum hoc quaeritur an Do-
 „minus æterno suo consilio communem illic omnibus salutem desti-
 „nauerit. Paret omnes indifferenter ad fidem & poenitentiam vocari,
 „& proponi omnibus eundem Mediatorem, qui Patri ipsos reconci-
 „liavit, satis notum est, sed æquè notum est nihil nisi fide percipi: ut il-
 „lud Pauli impleatur: Evangelium esse Dei potentiam in salutem om-
 „ni credenti Alijs autem quid restat, nisi ut odor sit mortis in mortem
 „ut idem alibi loquitur. Non igitur negat Calvinus Christum esse toti
 „mundo ordinatum in salutem; omnium esse Redemptorem non dissi-
 „tetur. Fatetur omnibus eundem Mediatorem proponi qui natura
 „sua omnibus est saluificus, omnes ad fidem & poenitentiam & sic ad
 „salutem vocari agnoscit. Omnes, si crederent, saluos per eum redem-
 „ptorem futuros esse prædicat, quandoquidem Evangelium est Dei
 „potentia in salutem omni credenti. Gratiam quandam *universalem*
 „admittit quæ consistit in invitatione & propositione salutis exteriora.
 „Duo tantum negat. Prius, *æterno* Dei consilio, hoc est, arcana illa vo-
 „luntate quæ spectat in euentum, *destinatam* esse omnibus salutem
 „certè ac definitè. Electorum id vult esse proprium, quos Deus ante
 „omne tempus filio suo dare decreuit. Posterius, omnes reapse vim

Demor-
 „moris Christi perferant, ut quæ non aliter se se infundit in homi-
 „ne Chri-
 „nes quam per fidem, fides autem ex illo arcano proposito manat.
 „si art. 1 Planè ut est a veneranda Synodo Dordracena definitum. Promissio-
 „nem Evangelij eam esse, ut quisquis credit in Christum crucifixum,
 „non pereat sed habeat vitam eternam. Quæ promissio omnibus po-
 „pulis & hominibus, ad quos Deus pro suo beneplacito mittit Evan-
 „gelium, promiscuè & indiscriminatim annuntiari & proponi debet
 „cum resipiscentiæ & fidei mandato. Quotquot autem per Euange-
 „lium vocantur serè vocantur. Serè enim & verissimè ostendit Deus
 „verbo

De cor-
 „rup. &
 „sonant

verbo suo quid sibi gratum sit: nimirum ut vocati ad se veniant. Serio etiam omnibus ad se venientibus & credentibus requiem animarum & vitam æternam promittit. Quod igitur multi per Evangelium vocati non respiciunt, nec in Christum credunt, sed in infidelitate pereunt, non sit hostiæ Christi in cruce oblata defectus, vel insufficientia, vel eo quod Deus eos servari omnino noluerit, quandoquidem serio & verissime testatus est id sibi gratum esse. At verum est illud tamen quod eadem Synodus statuit. Fuisse Dei Patris liberrimum consilium & gratiosissimam voluntatem atque intentionem, ut mortis pretiosissimæ filij sui vivifica & salvifica efficacia se se exereret in omnibus electis, ad eos solos fide iustificante donandos, & per eam ad salutem infallibiliter perducendos. Quamobrem sunt illi soli à Christo efficaciter redempti. Restat vnum quod ex antecedentibus emergit. Etenim si Deus voluit omnes homines salvos fieri, quando tam pauci servantur, qui potest dici compos omnium votorum suorum? Si fateretur Calvinus Dei voluntatem hac in parte irritam esse, cur & Pighium, & Georgium Siculum, & alios eiusmodi Pelagij discipulos tam acriter increpat, tamque studiosè refellit, quod ex eorum sententia sequitur Deum non esse summam votorum suorum assecutum? Atque difficultatem auget quod, ut supra vidimus, Deus à Calvino dicitur non solum velle omnium hominum salutem, sed & eam cupere, neque modò cupere, sed etiam eius desiderio flagrare, adeò ut quod aliter accidit, & ægrè ferat admodum & ideo vehementer indoleat. Et si igitur capite 9. huius disputationis difficultatem istam sufficienter sustulisse putamus, est tamen hic aliquid addendum plenioris explicationis causa. Scriptura sacra duobus modis virtutes ac proprietates naturæ divinæ nobis considerandas proponit. Velenim ex versantur atque exercentur circa obiecta iam hoc aut illo modo constituta, cum respectu aliquo ad qualitates quibus obiecta ipsa prædita & affecta sunt: Vel solutæ sunt atque liberæ ab omni eiusmodi respectu & occupantur in obiectis ipsis aut constituendis atque vestiendis certis quibusdam qualitatibus, aut pro arbitrio negligendis ac prætereundis. Prioris generis est ea bonitas quæ hominem iam conditum ac præstantibus pietatis sanctimoniarumque qualitatibus imbutum, consideravit tanquam obiectum amoris ac remunerationis suæ. Fuit enim ita ad hominis pietatem atque sanctimoniam determinata ista bonitas, ut fieri non potuerit quin creaturam in eo statum perseverantem amaret, eique bene faceret, ideo quia bona erat: quomodo pariter omnino à se impetrare nequiiuit quin creaturâ mutata

in deterius, desisteret ab amando. Eiusdem generis est ea iustitia cuius munus est vindicare peccatum. Vt enim neminem punit vnquam qui non peccauerit, sic peccatum nullum impunitum prætermittere potest. Atque eiusdem denique indolis ea misericordia est, quæ peccatum condonat ob fidem & pœnitentiam antecedentem. Nam vt illa non condonat obstinatis & contumacibus, sic fidelibus & resipiscensibus non condonare nequit. Iuxta illud prophetæ. *Vino ego, inquit Dominus, nolo mortem peccatoris, sed vt conuertatur & viuat.* Porro et si postquam Deus virtutes illas suas nobis reuelauit, facile concipimus conuenire earum naturam cum natura numinis, vt vix ac ne vix quidem talibus proprietatibus carere possit: quæ est tamen vel naturæ diuinæ infinita excelsitas, vel aciei mentis nostræ naturalis hebetudo, eas nisi perspicuè reuelasset, nulla ratiocinatione deprehendere quiuissemus. Non Adamus certo sciuisset sibi à bonitate Dei remunerationem esse repositam in æterna beatitudine, nisi Deus ei præbuisset fructum edendum ex vitæ arbore, vel mortem vni peccato interminatus esset, vel denique aliquo alio pacto suam illam ad benefaciendum liberam quidem, sed necessariam tamen propensionem declarasset. Non habuissemus pro comperto & explorato itam Dei esse vsque adeo inexorabilem, nisi in morte Christi, in qua Apostolus iustitiæ diuinæ claram *ὁδοῦ* esse dixit, manifestum fecisset dari non potuisse hominibus impunitatem sine aliquo horrendo placamento. Non potuissemus vlllo pacto in animum inducere, apud Deum esse peccatoribus pœnitentibus veniam, nisi id tot testimonijs comprobasset, tot oraculis edixisset, tot promissionibus confirmasset, tot argumentis, quorum nullum tamen cum cruce Christi conferendum est, extra omnem dubitationis aleam constituisset. Itaque mirum non est, si cùm Angelis qui lapsi sunt ab origine sua, nullam iniurationis promissionem fecerit ab initio, dederitque redemptorem hominibus qui nihil cum natura angelica commune habet, putauerunt illi semper sibi esse vndiquaque ad misericordiam aditum interclusum. At redēptore humano generi concessa, reiecta est ea proprietas quæ vti nequit veniā indulgere pertinacibus in peccato, sic à se nunquam impetrat, tanta est in Deo clemētia atque placabilitas, quin gratiam ijs malefactorum faciat quos seria pœnitentia. *vnā cum misericordiz fiducia coniuncta, ad opem ipsius compulsi implorandam.* Atque eam reuelationem tria præcipue memorabilia consecuta sunt. *Vnum est quod Deus non dubitauit apertè profiteri se velle omnium hominum salutem.* Vnus enim est certe verbis humanis, qui si alia ad-

hibuisset,

hibuisset, tantum abest ut assensum obtinuisset, ut ne potuisset quidem à nobis intelligi. Sic autem loqui solemus ut ea nos velle dicamus, quæ, ut alibi dixi, nobis placent, quæ si fiant, adlubescunt, quæ denique grata sunt, & consentiunt cum naturalibus propensionibus animorum nostrorum. Alterum est, quod istiusmodi voluntas non aliter enunciatum quam phrasibus quæ conditionem aut exprimunt diserte, aut tacite includunt. Qua in re Deus se se pariter accommodat ad caput ingenij nostri, & loquendi morem qui inter homines usitatus est, facile mutuatur. Ut enim in pactis & conventis humanis quæ conditione nituntur, res quæ vocatur conditio talem respectum habet ad conuenti præstationem, ut hæc ex illa necessario dependeat. Vnde illa loquendi formula: Si tu hoc feceris, & ego hoc præstabo: Nisi tu id prius præstiteris, pactum à me & conuentum irritum erit. Sic inter eas virtutes atque proprietates diuinas quæ versantur circa obiecta hoc vel illo modo constituta, pro natura & ingenio qualitatatum, & qualitates ipsas, tam aucta veluti necessitudo intercedit, ut his sublati illarum exercitium & operatio necessariò cesset. Ex quo manant hæc propositiones hypotheticæ. Si Adamus salutem suam retinuisset, nihil fuisset in æternum eo beatus. Si genus humanum non peccasset, in mortem & maledictionem non incurrisset. Si credas non venies in iudicium, Iesus enim loco tuo Dei iustitiam sua morte placavit. Nisi credideris, ira Dei manet super te in æternum. Atque ex eo sequitur ut enunciationes istæ sint pariter vniuersales. Cum enim qualitas quæ conditionis locum obinet, sit eiusmodi, ut si facultates intellectus atque voluntatis quæ in omnibus hominibus insunt, per se spectes, seposito peccato quod ijs à natura insedit, in omnes indiscriminatim cadere possit, vitari certè non potuit quin pariter id quod eius præstationem sequitur, de omnibus prædicaretur. Vnde tales locutiones in Scriptura, *καὶ ἡ πρὸς τοὺς ἀνθρώπους*. Et, *ὁ νόμος ὅτι ἡς ὁ νόμος*. *ὅτι πρὸς τοὺς ἀνθρώπους*. Et, *ὡς πρὸς τοὺς ἀνθρώπους*. Et similia propemodum infinita. Nempe si fides quemadmodum in omnibus esse debet, siceriam in omnibus reperiretur, misericordia cuius exercitium fidem necessariò respicit, non posset quin in omnibus se se ex æquo exerceret. Quemadmodum si nemo crederet, nemo salutem consequeretur. Tertium denique illud est, quod ea voluntas seu propensio misericordix ad condonandum, ipsa si reueletur & proponatur extrinsecus, est obiectum aptum natum ad qualitatem illam excitandam, quantum quidem ab obiecto excitari valet. Nempe neque quiquam credere potest Deum sibi fore propitium nisi prius id ipse Deus osten-

derit, neque in animum inducere vt serid à peccato resipiscat, nisi sciat serid resipiscenti veniam apud Deum esse certissimè paratam. Iuxta illud, *Penes te est remissio atque misericordia, vt timearis*. Consentaneum igitur fuit vt omnibus annuntiaretur: aliter enim fides & pœnitentia non potuit conuenienter imperari. Et quia obiectum quanto illustrius atque vehementius est, tanto magis aptum est ad commouendum, quæ fuit Dei incomparabilis cum sapientia tum bonitas, non solum misericordiam istam proponi voluit, sed & id fecit cum representatione memorabilis cuiusdam affectus: Vnde anthropopathiæ natæ sunt, & dolentis & cupientis & exultantis Dei, quæ supra sunt à nobis ex Caluino commemoratæ. Nam omnis affectus qui paulo vehementior est, omnes eas commotiones in animo proinde ciet vt res ex eius sententia benè vel secus eueniunt. Iam autem etsi tales anthropopathiæ, vt supra obseruatum est, ita debent explicari, vt nihil quidquam de maiestate naturæ diuinæ delibetur, (nam ea certè non est obnoxia perturbationibus ingenij humani) non sunt tamen inanes aut simulatæ voluntatis diuinæ declarationes. Nihil enim verius est, nihil magis serium, quàm Deum esse summè misericordem, si quis ad eius clementiam confugiat, verâ fiducia, veraque animi pœnitundine ductus. Neque verò vehementia illa affectus quam figuratè locutiones præ se ferunt, caret omni fundamento. Cum enim iustitia inflexibilis, viam, vt ita loquamur, misericordiæ intercluderet, ne sui daret vllam generi humano significationem, nec aliud præterquam ira implacabilis se se è cœli regionibus ostenderet, summæ pietatis & mirifici cuiusdam amoris fuit, quod Deus filium vnigenitum dedit, qui satisfactione præstita, aditum ad misericordiam aliqui obstructum & imperuium admirabiliter referaret. Nam absque eo foret, qui est diuinæ iustitiæ rigor, immensa vorago nos ab ea perpetuò diremisset. Ex his ita explicatis iam manifestum est in ijs rebus quas Deus velle dicitur virtutibus illis conuenienter, quidquid accidat, dici propriè non posse eum non esse votorum suorum compotem. Quando enim voluntatis istius ea natura est vt intra fines consistat conditionis vel præstitæ vel non præstitæ, quomodocunque res ceciderit, Deus finem suum assecutus, vel saltem eo non frustratus esse dici debet. Credidisti? Salutem impetrabis, quam Deus omnibus credentibus destinauit. Non credidisti? Quia salus solis credentibus destinata est, nihil quidquam præter expectationem, nihil præter diuinam destinationem accidit, si salute excidisti.

In posteriore genere virtutum diuinarum ea bonitas collocanda est,

est, quæ Deum impulsit vt mundum & in mundo hominem infinita potentia condere vellet. Nam illius sanè exercitium neque pependit neque verò pendere potuit ex vlla qualitate quæ esset in obiecto. Obiectum siquidem nullum erat. Itaque Deo liberum omnino solumque fuit mundum vel condere vel non condere pro arbitrio. Tum & ea misericordia eodem censu continetur, quæ nonnullos homines è reliquorum numero segregauit, quos vocaret efficaciter & perduceret infallibiliter ad salutem. Cùm enim nihil quicquam in vllò homine esset quod misericordiam istam inuitaret, Deo liberum itidem fuit eam vel inhibere vel exerere, nec si vel omnes eo modo vocasset, vel omnes pariter in peccato iacere passus esset, vlla causa foretur ei vel leuissimè succenseretur. Vt autem virtutum istarum ingenium à superiorum indole diuersum est, sic etiam illa differunt quæ earum reuelationem consequuntur. Primum enim nusquam Deus testatus est *se velle omnium hominum eo modo misereri*. Contra apertè declarauit à se in eo negotio habitum esse delectum, cuius causam assignat in vno beneplacito liberrimo. Est enim, vt id supra defendimus, ea verborum istorum sententia, *misereror cuius misereror*, &c. quibus nihil dici potuit incommodius, si vel omnes homines ex quo spectaret ea misericordia, vel in obiecto qualitatem aliquam respiceret, cuius intuitu erumperet in actum, aut inhiberetur. Deinde *voluntas* isto modo mirandi nunquam enunciat in Scriptura sacra conditionaliter, sed absolutè. Quippe cùm non pendeat ex vlla obiecti qualitate, sed ex mero Dei beneplacito, nihil habet vel simile vel commune cum pactis & conuentis humanis, in quibus est faciendi vel non faciendi obligatio reciproca. Vbiunque Scriptura de eo genere misericordiæ loquitur, neque conditionem vllam exprimit, neque tacitam includit, pronunciat absolutè quid sit futurum. *Inscribam leges meas in eorum cordibus*, &c. Item. *Cor lapideum eximam, indam carneum* &c. Item, *Omnes erunt docti à Deo*. Et similia quæ sunt ab Apostolo cōmemorata, & à nobis superius expensa in cap. 9. Epist. ad Romanos. Et quemadmodum enunciationes illæ conditionales non sunt, sic nequeunt esse vniuersales. Nam istud, *omnes erunt docti à Deo*, infinito interuallo distat ab ea phrasi, *omnis credens sermabitur*. Nempe hæc non aliunde limitatur quàm ex conditione credendi. Illa tantum abest vt conditione credendi limitetur, vt conditionem illam præstitum iri spondeat. Nempe vi *didicimus* istius fides ingeneratur. At limitatur destinatione voluntatis Dei, qui in eo loco vnde desumptum est oraculum, omnes homines non

EG. 54.
11.

atloquitur indiscriminatim, sed vnā Ecclesiam suam compellat & consolatur. Denique voluntatis (seu misericordiæ istius reuelatio non potest esse obiectum aptum natum ad fidem excitandam. Reuelatur enim vel ipso euentu, vel promissione. Euentu reuelata fidem iam ingentiam indicat, nam euentus positus est in fidei præstatione. In promissione verò quisque videre potest quid Deus in nonnullis futurum esse polliceatur. At nemo in eo perspicit rem promissam ad se pertinere sigillatim, nemo in ea deprehendit argumenta quibus ad credendum incitetur. Quis enim apud se sic ratiocinabitur, Deus promittit fore vt efficacitate spiritus quam pro arbitratu indulgens est, nonnulli credant; ideoque mihi danda est opera vt in Christum credam? Hoc argumento impellimur ad credendum, quod ni id faciamus, exitium æternum, id si faciamus, salus æterna nos hand dubiè manet. Quæ res pertinet ad eam misericordiæ considerationem quam supra diximus habere necessarium respectum ad obiecti qualitatem. Atque ea causa est cur in ista voluntate declaranda Scriptura nusquam loquatur de Deo ἀποκαλύπτει. Nam prædicat quidem certè magnificè misericordiam quæ Deum ed impulit vt vellet quorundam sic misereri, nec potest satis vnquam pro dignitate prædicari. At eum tamen neque dolentis, neque lætantis, neque cupientis vsquam persona induit. Quippe affectuum istorum demonstratio pro obiecto est ad mentes hominum penitencia commouendas comparatio. Adde quod qui testatur se cupere aliquid, vel lætari facto, vel non facto indolescere, ille eadem opera profitetur se id, quidquid est, exegisse tantum, at non effecisse per se, sed eius à quo exigitur arbitrio permisisse. At in ea voluntate de qua nunc agimus, Deus rem non permittit arbitrio creaturæ, sed & efficere decernit, & quod decreuit adhibita infinita virtute perficit. Vt nihil sit opus voto, nihil affectuum istorum cupientis, vel dolentis, vel lætantis testificatione. Multo vero minus hic suo fine excidit quam vsquam alibi. Cum enim vt iam supra diximus, voluntatis istius duplex sit actus, alter negatiuus, quo vult nonnullos præterire, alter affirmatiuus, quo nonnullos alios efficaciter vocare constituit, in executione huius actus adhibet eam potentiæ efficacitatem quam nulla repugnantia reprimat. Iuxta illud, ὁ θεὸς ἀποκαλύπτει τοὺς θύμους αὐτοῦ ἐν ἡμῶς τοῖς πιστοῖς καὶ τὴν εὐχαρίστησιν τοῖς ἁγίοις αὐτοῦ. Itaque finem suum semper assequitur. At in altero, quia finem nullum habet præter suæ ipsius glorificatiōis vsum, nihil est quod eius affectuionem intercipere valeat. Scilicet quis Deum ed vi adigat vt inuitus faciat ea quæ pro suo beneplacito facere non vult? Ex his ita constitutis quid-

Eph. 1.

19.

Rom.

11. 25.

quidquid est in quaestione proposita difficultatis facile dissoluitur. Vult posterioris generis misericordia inductus electorum suorum salutem absolutè, & eam efficacissimè perficit. Vult reliquorum omnium salutem indiscriminatim, modò credant: id si non perficitur idèò quia non crediderunt, eius expectationem euentus non frustrauit. Non enim aliter eorum salutem pro fine sibi proposuit, quàm si Christum oblatum fide amplecterentur. Ad verum finem quem habuit ante oculos, quia in eo positus fuit vt admirabilem suam indulgentiam erga genus humanum testificaretur, certissimè peruenit, etiamsi eam indulgentiam homines inexpressibili crimine sint contumaciter aspernati. Voluntas ergo ea quæ conditione fidei limitatur, si consideretur per se, est memorabile aliquod diuinæ bonitatis ac *φιλανθρωπίας* effectum. Si comparetur cum voluntate quæ decretum de donanda fide includit, est multo minus memorabilis, præ immensa misericordiæ magnitudine quæ sese in electos effudit. Seposita vtriusque voluntatis comparatione, alteram quæ ex fidei præstatione pendet, Calvinus & agnoscit, & prædicat, & admiratur. Comparatione instituta, quia voluntatis absolutæ splendor alteram obliterat, eam nonnunquam penè non agnoscere videtur, tantum abest vt suspiciat aut extollat. In altera illa repræsentanda cuius exercitium ex præstatione fidei Deus voluit esse suspensum, Calvinus Scripturæ locutiones imitatur, & Deum salutis hominum non cupientem modo, sed eius desiderio incensum atque flagrantem inducit, quo melius & efficacius fidem in animis mortalium accendat. Ventum-ne est ad explicationem doctrinæ de electione & reprobatione? Tum Calvinus locutiones istas emollit, faciliè secernens id quod est à vehementia & hyperbole τῆς ἀνδροπαθείας, ab illâ pura & sincera *φιλανθρωπία* qua Deus noluit cuiquam denegatum esse aditum ad misericordiam, ad quam vnus Christi sacrificium viam antea obsessam admirabiliter reclusit. Sic, nisi nos vehementer fallit animus, Caluini doctrinam, hoc est, ipsissimam Apostoli Pauli de absoluto reprobationis decreto sententiam & perspicuè explicauimus, & ab Anonymi argumentis vindicauimus accuratè, & inuictis rationibus è Scriptura desumptis veram esse demonstrauius, & ab ea contradictionis atque repugnantiae secum suspicionem omnem sustulimus denique atque amouimus. Itaque si disputator noster pro cordato homine & veritatis amante haberi velit, non modo non putabit sibi licere de illius veritate dubitare, vt in conclusione libelli locutus est, sed & agnoscat pro verissima, & exosculabitur, & semel animo conceptam ad finem

visque retinebit. Quam ad rem, non illi cupio mentem Evangelij luce qualitercunque collustratam, aut voluntatem inter verum ac falsum, bonum ac malum pendentem indifferenter atque fluctuantem, sed animum efficacissimè à gratia Spiritus illuminatum, veri cognitione persusum, & potentissima Christi virtutè domitum atque subactum. Atque in eo voto finem facio disputandi. Regi æculorum, soli sapienti Deo, Patri, Filio & Spiritui sancto sit laus honos & gloria in omnem æternitatem, AMEN.

FINIS.



LECTORI.

QUVM hucusqueperuentum esset, inopinata quadam operarum interurbatio editionem dissertationis quam pagina 91. promiseram, in aliud tempus differre me coegit. Si hanc disputationem tibi gratam esse sensero. (CHRISTIANE LECTOR) non modo de Inve Dei in creaturas, sed & alijs consimilis argumenti paulo prolixioribus diatribis fidem obstructam, Deo fauente, liberabo.

ERRATA.

Pag. 14. lin. ultimâ, lege meraque. p. 25. l. 6 lege pœnitentiam. p. 31. l. 13 lege rogatur p. 35. l. antepenult. lege sit. p. 42. l. 13. lege ὁ τῆς p. 68. l. 24 lege admiserunt. p. 91. l. 24. lege exola p. 104. l. 20. lege aliter. p. 115. l. 25 lege ne vi quidem. p. 141. l. 25. lege ἀποδιδόναι. p. 151. l. 12. lege cultu. p. 124. l. 19 lege rebus p. 166. l. 16. lege excinderentur p. 169. l. 9. lege lotio p. 183. l. 15 lege suppeditata. p. 189. l. 23. lege velint. p. 165. l. 23. lege si fieri. ead. l. ult. lege quæquæ p. 212. l. 6. lege actus ille. p. 208. l. 33. lege Ecclesia p. 222. l. 8. lege non ad. eadem p. l. 16. lege veritatis. p. 233. l. 12. lege ἀπὸ ἀιδίου. p. 247. l. 21. lege inæqualitate. p. 310. l. 3. dele fore, & lege et si p. 251. l. 22. lege posse negabant. eadem p. l. 36. dele tæxat. p. 254. l. antepen. lege ἀποδοῦναι.

Leuia sunt alia quædam in permutatione, traiectione & collocatione tum literarum tum accentuum, quæ lector æquus & emendabit faciliè per se, & operis condonabit.

lu-
al-
m,
ni-
a-
oli
cia

8

s-
s,
m
s
is

ss
d-
ni
s
l.
l.
l.
o.
r

Gratia obtinens 210 226 267.8 270.1
Solutio specialis 228

Modus 1. Ten. 2. Pene 3. 105 110 115

Solutio 224 228

Gratia obtinens 210 226 267.8 270.1
Solutio specialis 228

Ultas revelata cum arcana specialis 205